


اخلاق تربیه سی

مترجمی :
عسین ماهار

محرری
امین دورفهاشم
(صورتیون مدرسه لیدن)



T. B. M. M.
KUTUPHANESI
TIB
DDC
YER 70-212
YIL
RSK
OST
LOP
P 700437

برنجی طبع

A.C.
131



استانبول - دولت مطبعه سی

۱۹۲۸




افغان تربیہ سی

افلاق تریه سی

•••••

K. I. M.	
Kutuphanesi	
Es. No.	1927 : 1158
Remiz	A. C. 131

مترجمی :
مسین ماهد



محرری :
امیل دورقرايم
صوریون مدرسلرندن

دولت مطبعه سی
استانبول
برنجی طبع



استانبول — دولت مطبعه سی

۱۹۲۷

سەھىيە نەشىرى

مەلۇمات ۋە ئالاقىلىرىنى ئۆز ئىچىگە ئالغان ۋەزىيەت ۋە ئۆزىنىڭ ۱-نومۇرى ۱۹۲۷-تارىخ
ۋ ۱۰-نومۇرىلىق ئاممىۋىيە بىرلەشمە ۋە ۲۰۲۵-نومۇرىلىق بىرلەشمە بىرلەشمە

اخطار

اخلاق تربیه سی حقنده کی بو درس لر ، دورقهایمک ۱۹۰۲-۱۹۰۳ سنه سنده صور بونده
تربیه علمنه دائر ویردیکی ایلک درس لر در . بوردوده کی تدریساتنده چوقدن بری بوغلری
طاسارلامش بولونیوردی . صوکره ، طرز تحریری هیچ دیکشدرمه دن ، مثلاً ، ۱۹۰۶-
۱۹۰۷ تاریخنده اونلری تکرارایندی . عموم تدریسات یکرمی درس دن ترکیب ایدیوردی .
بوراده اونلرک اون سکیزی کوستیریورز . ایلک ایکیسی پداغوزی اصولیاتنه طائد
درس لر در . برنجیسی باشلانغیچ درسیدرکه ۱۹۰۳ کانون تانیسنده « ره وو دومه تا فیزیک
أدومورال » ده طبع ایدیش ، صوکره طرفزدن ، ۱۹۲۲ تاریخنده ، « تربیه و سوسیو-
لوژی » نامیله کوچوک برجلده جمع اولونمشدر .

دورقهایم درس لر یی تماماً یازاردی . بوراده اونک یازیلرینک حرفیاً تکرارینه تصادف
اولوناچقدیر . بزم پدیدیمز تصحیحات صرف شکله طائد یاخود اهمیتسز شیلردر . بوفلردن
بحث ایتمکده هیچ بر لزوم حس ایتمیک . هر حالده بو تصحیحاتر هیچ بر وجهله فکره
تعلق ایتمزلر .

بو کتابک غیر قابل اجتناب بر قصورینه قارش قارئلرک مسامحه سی رجا ایلمه رز . هان
دائماً ، بر درسک باشلانغیچ ، اولکی درسک صوک محیفه لرینه آتلار . بو ، یا دورقهایمک
ایکی درس بر برینه ایجه ربط ایتمک ایچون بر خلاصه پاماسندن یاخود ، بر هفته اول
شفاهاً درمیان ایتمک وقت بولامادینی توسیعاتی ایکنجی دفعه یازماسندن نشئت ایدر . بو
قصوری تصحیح ایچون ، بالضروره کیفی اولاجق بر طاقم اوزون تمذیلات اجراسنه
فالقلمقلیمز لازم کلردی . متن اصلی یه قارئی ابرازی لازم کان حرمتی صرف ادبی برطاقم
ملاحظاتک اخلاص ایتمه سی ایجاب ایده چکی فکرنده بولوندق . ذاتاً ، چوق کره ، عینی
نقطه لرک بر برینی متعاقب ایکی دفعه یازیلان پارچه لری مهم تفرطات ایله یکدیگردن فرقی
کوردونیور .

درس لرک برنجی قسمی ، نظری اخلاق دئیلن موضوع حقنده دورقهایمک الک تام
اولارق بر اقدینی یازیلردرکه وظیفه ، خیر ، مختاریت نظریه سندن ترکب ایدر . بو درس لر دن

بر قسمی ، ۱۹۰۶ تاریخده « بولتهن دولا سوسیته فرانسهز دو فیلوزوفی » ده « اخلاق و قهنگ تولید و ایجابی » نه دائر تبلیغات شکلنده انتشار ایتش و صوکره ، فلسفه و سوسیولوژی نامنده کی اثرده تکرار طبع اولونمشدر . عینی مسئلهلر دورقهائیک صوکر زمان حیاتنده چالیشدینی « مقدمات اخلاق » ده تکرار تدقیق اولوناچقلدی . بو مقدماتک بر پارچهسنی موسیو موس ، ۱۹۲۰ تاریخده ، رهوو فیلوزوفیکک ۸۹ نجی جلدینک ۷۹ نجی صحیفهسنده نشر ایتمشدر . بعض نقطهلرده دورقهائیک فکرلرینک ، ۱۹۰۲ دن ۱۹۱۷ تاریخه قدر ، ایلریلهمش اولدیغنده شبهه یوقدر .

درسارک برنجی قسمه متناظر اولان ایکنجی قسمی اوچ فصلی احتوائتک لازم کلیدی : بری انضباط فکرینه ، ایکنجیلی فراغت نفس فکرینه ، اوچنجیلی مختاریت ادارهیه دائر اولاجقدی و بو دفعه صرف پداغوژی نقطه نظرندن تدقیق ایدیلهجکدی . بو اوچ فصلک صوکنجیلی بوراده نقصاندر . چونکه مختاریت ارادهک تربیهسی « ایلک مکتبلرده « اخلاق تدریساتی » نک وظیفهسیدر و بوکاده دورقهائیم دفعات ایله ، و بالخاصه ۱۹۰۷ - ۱۹۰۸ سنهسنده تام بر سلسله دروس تخصیص ایلهمشدر . بو درسارک مسودهلری ، طبعلرینه امکان تأمین ایدمچک شرائط داخلنده تثبیت ایدیلهمهمشدر .

کورولهجکدرکه درسارک باب تقسیماته تماماً توافق ایتمه یورلر ؛ بر موضوعدن دیگر موضوعه بر درس ائشاننده کچیلور . فهرسته اثرک پلاتتی کوستریوروز .

بول فرقره



بر تبحی درس

مرسل - بلیک املو

اخلاق تربیه سندن بر پداغوژی متخصصی صفتبله بحث ایده جکمز جهته ، پداغوژی تعبیرندن آکلاشلمق لازم کلن معنایی کوزلجه تعین ایتک بزجه الزم کوروندی . اول امرده ، بونک بر علم اولمادیغنی اثبات ایتدم . بر تربیه علمی غیر قابلدر دیمک ایسته میورم . فقط بو علم پداغوژی دکدر . منحصرأ علمی اولان تحریاته اویاجق پرنسیدیلره نظراً پداغوژی نظریه لری حقننده بر حکم ویرمه قیام ایدیلهمسی ایچون آراده بویه بر فرق کوزتمک الزمدر . علم ممکن اولدینی قدر جوق احتیاط دائره سنده تحریاتده بولونمغه مجبوردر ؛ معین بر زمان ظرفنده بر نتیجه ایرمک اضطرارنده دکدر . پداغوژی ایسه عینی درجهده صیرلی داورانمله مکلف اولاماز . چونکه بکله میه جک بر طاقم ایجابات ضروریه حیاتییه تقابل ایتکدهدر . محیطده بر تحول ، بزدن اوکا کوره بر فعل و عمله لزوم کوستردیکی وقت ، بو فعل و عمل تأخیر ایدیلهمز . بر پداغوژی متخصصنک یاپه بیله جکی و یاقمه مجبور اولدینی شی علمک کندیسنه تأمین ایتدیکی بوتون معطیاتی ، هر آن ، ممکن اولدینی قدر اعتنا پرورانه و موشکافانه ، طوبلایه رق فعل و عمله رهبرلک ایتکدر . کندیسندن بوندن دهافضله بر شی ایسته نه مز .

فقط ، پداغوژی بر علم دکسهده بر صنعت Art ده دکدر . فی الحقیقه ، صنعت ، اعتیاداتدن ، ممارسه دن ، بر تشکیلات آلتنه آلمش مهارندن وجوده کلشدر . تربیه صنعتی پداغوژی دیمک دکدر ، مربی نک طرز حرکتیدر ، معامک عملی تجربه سیدر .

بوراده بر بوندن صریح صورتده تماماً آیری ایکی شی واردر . بر انسان ، پداغوژی نظریات وملاحظاتنه پک آز الویریشلی اولمله برابر پک ایی بر معلم اولابیلیر . بونک عکسی اولقن اوزره ، بر پداغوژی متخصصی ده هر دورلو عملی مهارندن محروم بولونمق قابلدر . ته مونته یه نیه روسویه آرزو و نمونیتله بر صنف تودیع ایده مزدک . پستالوژی نک مکرر موفقیت سزلک لری ده تربیه صنعتنه آنجق ناقص بر صورتده صاحب اولدیغنی اثبات ایدرلر .

دېك كه ، پداغوژی صنعت ايله علم آراسنده بر شیدر. صنعت دكلدر . چونكه، بر تشكیلات آلتنده طوبلانمش عملی اصولردن مركب بر سیستم عد اولوناماز . بو عملی اصولر، عايد فكرلردن عبارتدر ؛ بر طاقم نظریاتك هیئت مجموعه سیدر . بو اعتبار ايله علمه یاقلا شیر . یالکز ، علمی نظریه ترك یكانه غایه سی ، حقیقی وارلنی (ساینیتی) افاده ایتمكدن عبارت اولدینی حالده، پداغوژی نظریه لرینك ایلک یاقین هدفی افعال و حرکاته رهبر اولمقدردر. بونلر، بالذات افعال و حرکاتدن عبارت دله لرده بوكاپك یاقیندرلر و انسانی اوکا حاضر لامقده درلر . اولنرك حكمت وجودی فعل و عملده در . ایشته پداغوژینك « عملی بر نظریه » اولدیفنی سوبله مكله بو مختلط ماهیته اشارت ایتمشدم . پداغوژیدن بكه نه بیله جك خدمت ترك ماهیتی ده بوضورتله تعین ایتمش اولور . فعلیاتدن عبارت دكلدر ، بناء علیه ، بوندن صرف نظر ایده مز . فقط فعلیاتی تنویر ایده بیلیر . اونك ایچون ، تأمل و ملاحظه نه صورتله مسلکی تجربه مفید ایسه بوده اونسبتده فائده بخش اولایبیلر .

پداغوژی کندی مشروع ساحه سنك حدودینی تجاوز ایده جك ، تجربه نك یرینه قائم اولوبده فعلیات ايله اشتغال ایدن ذواتك ساده جه میخیایی بر صورتده تطبیق ايله اكتفا ایده بیله جكلری حاضر ، باصمه قالب دستورلر وضع ونشر ایتمكه قالفاجق اولورسه عندی بر طاقم احكام حاله تردی ایدر . فقط ، دیگر طرفدن ، تجربه ده هر دورلو پداغوژی ملاحظاتندن صرف نظر ایدرسه اوده کور کورینه بر کورنك حاله تردی ایلر یاخود اصولسز ، اساسسز بر ملاحظه یی ترویج ایتدیرمكه چالیشمق موقعنه دوشر . چونكه ، پداغوژی ، نهایت الامر ، عملی تدریسات ایشنك خدمته آماده بولوندیریلان اك اصول دائره سنده اك وثائقه مستند بر تأمل و ملاحظه دن باشقه برشی دكلدر .

بومشله مسئله مستأخره حل ایدیلدكن صوكره ، ر سنه بزی مشغول ایده جك موضوعه یعنی اخلاق تربیه سی مسئله سنه كه بیلیرز. بونی منتظم بر اصول دائره سنده تدقیق ایده یلمك ایچون ، ظن ایده رمكه ، بوكون نه شكده موضوع اولدیفنی تعین اتمك مناسب اولور . چونكه بزه خصوصی بر طاقم شرائط آلتنده منظور اولور . فی الحقیقه صوك درسده بحث ایتدیكم بحران ، بزم عنصوی پداغوژی سیستمك بوقسمنده دركه اك حاد نقطه سنه حیقه مقده در . بونك سبیلرینی کوزلجه آكلامق حائز اهمیتدر .

درسره زمین اولارق اخلاق تربیه سی مسئله سنی انه آلقلم، یالکز پداغوژی متخصصلرینك دأما بو بحثك برنجی درجه ده اهمیتی تسلیم ایتمش اولمالرندن ایلری كلش برشی دكلدر .

بوگون بالخاصه مستعجل برطاقم شرائط داخلنده منظور اولماسندندر . فی الحقیقه، صوك درسده بحث ایتدیكم بحران، عنعنوی پداغوژی سیسته مزك بوقسمنده دركه اعظمی درجه ده حاد نقطه یه واصل اولیور . احتمال كه صارصینتی اونقطه ده دریندر و عینی زمانده وخیمدر . چونكه ، تربیه اخلاقیه نك مؤثریتنی تنقیص نتیجه سنی ویره یله حك ، اونك تأثیرینی مشكوك بر حاله كتیره یله حك هرشی اخلاق عمومی نی تا منبعندن تهیدید ایدیور دیمكدر . بناءً علیه بر پداغوژی متخصصنك دقتی بوندن دهامبرم برصورتده جلب ایده یله حك هیچ بر مسئله یوقدر .

حقیقته اوزون مدتدن بری مخفی ، حتی نیم میدانه جیقمش برحاله دوران بومسئله نی تولید دكل اورته یه دوكن شی ، مملكتتمزك یكرمی سنه دن بری تعقیب ایتدیکی بویوك پداغوژی انقلابیدر . چوجوقلمزده مکتبلرمزده صرف لاییک بر اخلاق تربیه سی ویرمکی قرارلاشدریق . بونكه قصد ایدیلن معنا ، وحیه متعلق دینلرك استناد ایتدکاری پرنسیپلردن قطعاً هیچ بر استعاره ایتهمكه عزم ایله ین ، منحصرأ عقلك دائرة حکم و نفوذنده کی فکرلر، حسله و عملی اصوللره استناد ایدن بر تربیه دن، حاصلی، قیصه جه ، صرف عقلی بر تربیه دن عبارتدر . حالوکه بوقدر مهم بر یکیلک یاپیلوبده اولدن آلمش اولدیغمز فکرلرك تشوشه اوغراماماسی ، مکتسب اعتیاداته خلل کلمه سی ، تربیه اصوللرمزك هیئت عمومی سنده بعضی تعدیلات ایجاب ایتهمسی و، بالنتیجه ، شایان تدقیق و اطلاع برطاقم یکی مسئله لر اورته یه حیقماماسی قابل دکلدی . بیلیورمكه ، بورالرده ، برطاقم متضاد احتراصاتی اویاندریمق کی شایان اسف بر امتیازه مالک برطاقم مسائله تماس ایدیورم . فقط بومسئله لری حله کول عزم ایله تثبیت ایتهممکلکمز غیر قابلدر . اخلاق تربیه سندن بحث ایدوبده بونك نه کی شرائط دائره سنده ویره یله جکنی مسکوت کچمک ، مهم و شمولسز برطاقم عمومی لافلر ایچندن جیقمماغه اولدن کندیمری محکوم ایتمک اولور . ینه بوراده ، صورت عمومی ده انسانلر ایچون اخلاق تربیه سنك نه اولماسی لازم کلدیکی آراشدیراجق دکاز . کندی زمانمرك و کندی مملکتتمزك آدملری ایچون ایجاب ایدن تربیه اخلاقیه نی تحری ایده جکنز . چوجوقلمزك اکثریتی ایسه رسمی مکتبلرمزده تربیه آلیورلر . بزم ملی نمونه مزك اک برنجی ، اک ای محافظلری بورسمی مکتبلردر و بونلر اولق لازمدر . نه یاپیلیرسه یاپیلین ، بورسمی مکتبلر عمومی تربیه نك ناظم جرخلریدر . بناءً علیه بوراده بالخاصه اونلرله وبالطبع او مکتبلرده آکلاشیله جق

و تطبیق ایدیه‌جك اخلاق تربیه‌سیله اشتغال ایده‌جكز . ذاتاً ، امینم كه ، بوم مسئله‌لرك
حین تدقیقنده برانز فكر علمی تعقیب اولونورسه ، هیچ بر احتیاط او یابدیرمادن ، هیچ
بر مشروع حساسیته دوقونمادن تدقیق‌لری قابل اولور .

اول امرده ، تماماً عقله مستند بر اخلاق تربیه‌سنگ امکانی علمك تملنی تشکیل ایدن
مصدرده مكنوزدر . عقلجیلوق مصدره‌سندن (postulat rationaliste) بحث ایتك
ایسته‌یورم كه بونی شو صورتده درمیان ایده‌بیلیرز : عالم حقیقیده هیچ برشی یوقدر كه اونی
عقل بشردن صورت قطعیده خارج کی تلقی ایتك بر حق بولونسون . دوعروسی ،
بو پرنسیپ بر مصدره دیمكله يك موافق بر تعبیر قوللاناماش اولدیغمی بیلورم . مفكره
بشر ایلک دفعه اولارق عالم حقیقی (شأنی) كشف و استكناهاه تشبث ایتدیكى وقت
بو پرنسیپده بر مصدره ماهیتی واردی . (طالك مفكره بشر طرفندن تسخیری کیفیتده
بر باشلانفیج تمینی قابل اولوب اولامایه‌جندی‌ده آیری بر مسئله‌در) . علم ، تشكیل ایتك
باشلادیكى وقت ، بالضروره كندیسنگ امکانی بر مصدره اولارق قبول مجبوریتنده
بولونمشدر . یعنی ، اشیاك ، علمی ، یاخود تعبیر دیگرله ، عقلی (بو ایکی كله یكدیكرینك
مرادفیدر) بر لسان ایله افاده‌لری قابل اولدیغی مصدره‌سندن حرکت ایتشدر . فقط
اوتاریخده ، علمك ، استقباله عائد بر شینی زمان حاله چیقارماسندن عبارت بر حرکت
اولان ، موقت بر تخمیندن عبارت بولونان بو قناعت ، صوكره علمك ویردیكى بوتون
نتیجه‌لره میدان ثبوتده چیقمشدر . علم اثبات ایتدی كه وقع‌لر ، عقلی بر طاقم مناسبت‌لر
كشف ایدیه‌لرك ، بو مناسبت‌لره كوره بربرلینه قابل ربط‌دلر . شبه‌سزكه بر جوق ،
همده حدسز حساب‌لر درجه‌ده جوق بر طاقم وقع‌لر الآن مجهول‌لر قانقدردلر . حتی
بونلرك كافه‌سنگ كشف ایدیه‌سیله‌جكنی ، علمك نام اولاجق و بوتون اشیاى تام و صحیح
بر صورتده افاده ایدمك بر زمان كله‌بیه‌جكنی بزى هیچ برشی تأمین ایده‌مز . بوتون
احوال ، علمی ترقینك هیچ بر زمان نهایتی كله‌یه‌جكى ظننى ویرمكه بیله میالدر . فقط
عقلجیلوق پرنسیپ علمك فعلیاتده بوتون شأنی آكلاوبو ایضاح ایدیه‌سیله‌جكى ادعاسی
ضمن ایتمز . اونك رد و انكار ایتدیكى شی ، عالم حقیقینك بر پارچه‌سنگ اقسام وقایعندن
برینك فكر علمی به مقاومتسوز بر صورتده مخالف قالاویه‌جكى یعنی اصلی ولې اعتباریه
غیر عقلی اولاجنى ادعاسندن عبارتدر . عقلجیلوق ، علمك هیچ بوجهه ، عالم حقیقینك
صوك حدودلرینه قدر كیده‌بیه‌جكنی فرض ایتمز . بالکز ، موجوداتده علمك هیچ بر

زمان آشوب کجه میه جکی بر حدهد بولوناییله جکینی قبول ایتمز . ایشته بو طرزده آکلاشیله حق اولورسه ، بو پرزده سیک تاریخ علم ایله ثابت اولدینی تأمین ایدیه ییلیر . علمک طرز ترقیدی کوستریورکه بر حدود جزوبده اورادن اوتده علمی ایضاحانک غیرقابل اولاجغنی ادعا ایتمکه امکان یوقدر . علم ، کندیسنی احاطه و تحدید ایچون بکیلن سدلی قولایجه ییقبوب کجه یلمشدر . نه زمان ، علمک ، نفوذ ایدیه ییله جکی ساحمنک صوک حدینه واصل اولدینی ظن ایدیشسه ، آرادن آرزوق اوزون بر وقت کچدکن صورکه ، تکرار ایلری حرکننه باشلادینی و کندیسنی ایچون قابل و ممنوع ظن ایدیلن ساحملره کیردیکی کورولمشدر . حکمت طبیعیه ایله کیمیا تأسس ایتدکن صورکه ، آراتق علم اوراده دوراجق ظن اولونیوردی . عالم حیات ، فکر علمینک دائرة تأثیر و نفوذدن خارجهه قالان اسرار آلود پرزسیدلره تابع کی کورونیوردی . حالبوکه ، صورکه بیولوژی علملریده تشکل ایتدیلر . صورکه ، بسیقوولوی ، تأسس ایدنجه ، فکری حادثلرک عقلیلکارینی اثبات ایتدی . بناء علیه ، اخلاقی حادثلرک باشقه دورلو اولاحقارینی تخمینه حق و یردیره جک هیچ بر دلیل یوقدر . بالکنز اخلاقی حادثلره انحصار ایدمه جک بویه بر استئنا بوتون محاکات و استدلالاته منافیدر . عقلک ترقیاته قارشق قونولق ایسته نیلن بو صوک سدکده دیکرلرندن دهه غیرقابل افتحام اولماسی ایچون هیچ بر سبب یوقدر . فعلیاتده ، بر علم تشکل ایتمشدرکه هنوز باشلانغیچلرندهدر ؛ فقط حیات اخلاقیه نك حادثلرینی حیات طبیعیه نك حادثلری طرزنده تدقیق و تتبعه تشبث ایله مشدر . اگر ، اخلاق عقلی برشی ایسه ، عقله تعلق ایدن بر طاقم فکرلری و حسیاتی فعالیتیه کتیریورسه او حالده نمدن دولایی اخلاقی ، مفکرکرلرده و سجه لرده تثبیت ایچون عقلدن خارج قالان بر طاقم اصولره مراجعت ایتملی ؟

بالکنز صرف عقلی بر تربیه منطقاً ممکن کی کورونمده قالمیور ، بزم تاریخی انکشافزده بویه بر تربیه یی آمر بولونیور . شبهه یوقکه ، تربیه بر قاج سه اول ، بردن بره بو وصفی اکتساب ایتسه ایدی یوقدر ناکهانی بر تحولک طبیعت اشیا ایجاباتندن اولمادینی سوبله نه ییلردی . فقط حقیقتهه بو ، تدریجی بر انکشافک نتیجه سندن باشقه برشی دکلدیر . منشاءلری عادتاً تاریخک منشاءلری قدر اسکیدر . عصرلردن بریدرکه تربیه لاییک له شیور . بمض کره ، ابتدائی قوملرده اخلاق اولمادینی سوبلنمشدر . بو ، تاریخی بر خطا ایدی . کندیسنه مخصوص بر اخلاقی اولمایان بر قوم یوقدر ؛ بالکنز آشاغی درجهده بولونان

هیئت اجتماعیه لک اخلاق بزم اخلاق دکلدر . آشانی هیئت اجتماعیه لک اخلاقی تمیز و توصیف ایدن کیفیت ، اساس اعتباریه دینی اولماسیدر . یعنی ، الک جوق و الک مهم اولان وظیفه لر ، انسانک سائر انسانلره قارشى مالک اولدینی وظیفه لر دکلدرلر ، الله ربینه قارشى مالک اولدینی وظیفه لرلدر . باشلیجه مجبوریتلر همجنسینه حرمت ایتمک ، اوکا معاونت و مظاهرت کوسترمک انحصار ایتملر . امر ایدیلش آیینلری دوغروجه ایفا ایتمکدن ، اللهلره حقلرینی ویرمکدن ، حتی ، ایجابنده ، اولنلرک شان و شرفی اوغورنده فدای نفس ایله مکدن عبارت بولونورلر . انسانى حقوقه کلنجه ، بو آرمقدارده بر طاقم پرنسیپلره انحصار ایلر . بونلره قارشى وقوع بولاجق تجاوز آتخیق خفیف برصورتده تجزئه ایدیلر . بو پرنسیپلر اخلاق ساحه سنک اشیکنده قالیرلر . یوانستانده سیله قتل ، جنایتلر سلسله سنده ، دینسزلک اعمال و خیمه سنه نسبتله جوق آشانی بر موقع اشغال ایدردی . بو شرائط داخلنده ، اخلاق تربیه سی ده ، بالذات اخلاق کی ، اساس اعتباریه دینی اولمقدن خالی قالامازدی . هر شیدن اول غایه سی انسانه دینی موجوداته قارشى نصورتله حرکت ایتمه ی اوکرمکدن عبارت اولان بر تربیه آتخیق دینی مفهوملر عمل خدمتنی ایفا ایده بیلرلردی . فقط ، یاواش یاواش ، ایش دیکشیدی . یاواش یاواش ، انسانى وظیفه لر چوغالدیلر ، صراحت کسب ایتدیلر ، برنجی صفه کچدیلر . دیکرلری ایسه ، بالعکس ، سیلینمکه میل ایله دیلر . بو نتیجه یی تمجیه الک جوق خرسیتیانلغک باعث اولدینی ادعا ایده بیلر . خرسیتیانلق ، اساس اعتباریه ، انسانى بر دیندر . چونکه اللهی انسانیتک سلامتی اوغورنده اولدیرر . خرسیتیانلق ، انسانک الله قارشى الک باشلی وظیفه سی همجنسلیرینه قارشى انسانلق وظیفه سی یاتمقدن عبارت اولدینی فکرینی نشر ایدر . اصل دینی وظیفه لرلدر یعنی منحصرأ الوهیته توجیه ایدیلن آیینلردن بعضیلری آلآن موجود اولقله برابر بونلرک اشغال ایتدکری موقع ، کندیلرینه عطف اولونان اهمیت کیتدکجه آزالمقدردر . آرتق الک برنجی قباح « کناه » دن عبارت دکلدر . اصل حقیق « کناه » ، اخلاق خصوصنده کی قباح ایله عینی شیدن عبارت قلغه میل ایله مشدر . شبهه بوق که اخلاقده آلآن « الله » بویوک بر رول ایفا ایتمکده بردوامدر . اخلاقه رعایتی تأمین ایدن ، اخلاقه تجاوزی تأدیب ایله ی « الله » در . اخلاقه قارشى وقوع بولان تجاوزات ، الله وقوع بولمش کی تلقی اولونمقدردر . فقط الله آرتق اخلاقک محافظلغندن چیمه مشدر . اخلاق انضباطی « الله ایچون ، دکل ، » انسانلر ایچون ، تأسیس ایدیلشدر . اللهک بوکا مداخله سی آتخیق او

انضباطی ده‌ا مؤثر قیلمغه انحصار ایدیور . بناءً علیه ، آرتق وظیفه‌لرمزك محتویاتی ، بویوك بر نسبتده ، دینی مفهوملردن مستقل بولونیورلر . بو دینی مفهوملر ، وظائفمزی تأمین ایدیورلر ، فقط اووظائفی وجوده کتیرلر کندیلری دکدرلر . پروتستانلق ایله مختاریت اخلاق ده‌ا بارز برشکل آلمشدر . چونکه اصل عبادت دنیلن قسم آرانمشدر . الوهیتك اخلاقی وظیفه‌لری اونك یكانه حکمت وجودینی تشکیل ایدیور . وارلغنی اثبات ایچون درمیان ایدیلن یكانه دلیل بودر . روحیه‌لک فلسفه‌سی Philosophie spiritualiste پروتستانلقك آجدیغنی یوله ایلریله‌یور . حتی ، بویكون ، مافوق ارضی قوه‌ تأییدیه لزومنه اینانان فیلسوفلر آراسنده ، اخلاقك هر دورلو الهیات مفهوملرملردن تماماً مستقل برحاله تشکیل ایدیلریله‌حکمی قبول ایتمه‌ن همان هیچ یوق کییدر . ایشته ، بدایتده ایکی سیستمی برلشدرن حتی بربرینه قاریشدران رابطه ، کیتدکجه کوشه‌مشدر . بناءً علیه بو ابطه‌ی تماماً قیردیغمز کون ، تاریخك تعقیب ایندیکی راستقامته دوعرو یورومش اولیوردق . اکر بر انقلاب پك اوزون زمانلردن بری حاضرلانش ایسه اوده تام بوانقلابدر .

بونشبت قابل والزم ایدی ؛ ارکچ بونی یامغه محبوریت کوروله‌جکدی ؛ حتی بونده نایوسم هیچ برشی بولونمادیغی‌ده قبول اولونابیلیر . بویله اولمقله برابر مسئله مشکلاتدن عاری دکدر . بونی تقدیر ایتمک ، ایجه آکلامق ایجاب ایدر . چونکه مشکلاتی اقتحام ایده‌یلمک ، آنحق اونلری کیزله‌مه‌مک شرطیله قابل اولاجقدر . پاییلان ایشی حیرت و تقدیر ایله یاد ایتمکله برابر ، بونی پك قولای وپك بسیط ظن ایتمه‌لردی احتمالکده اساسی و محکم برشی پاییلابیلردی ، احتمالکله ده‌ا ایلری کیدیلریلردی دییه دوشونمک جائزدر . فی‌الحقیقه ، بونشبت ، بالخاصه ، صرف منفی بر اجراآت شککنده تصورایدیلشدر . تربیه‌ی لاییکلشدیرمک ایچون اونده لاییکلکك خارجنده موجود اولان شیرك کافه‌سنی چکوب آلمق کافی کلیر کی کوروندی . بویله ساده‌جه برطرح عملیه‌سی عقلی اخلاقی ، کندینه اورتن و ماهیت اصلیه و حقیقه‌سنی اکتسابدن اونی منع ایدن عارضی و طفیلی عنصرلردن تخلیصی نتیجه‌سنی تولید ایده‌جکدی . ادعا اولوندیی وجهله ، بابالرمزك قدیم اخلاقی تدریس ایتمک ، فقط دینی هیچ بره‌فه‌ومه مراجعت ایتمه‌مک کافی کله‌جکدی . حالبوکه ، حقیقت حالده ، وظیفه جوق قاریشقدی . آرزو ایدیلن هدفه‌وارمق ایچون ، ساده‌جه بعض شیلری برطرف ایتمک صورتیله حرکت ایلمه‌مک کافی دکدی . درین برتحول الزم ایدی .

شبه‌یوقک ، دینی تمثاللر اخلاقی شأنیته خارجدن ساده‌جه انضمام ایتمش شیلردن عبارت

بولونسلردی ، کندی کندینسه که ایت ایدم بیلیمک قابلیتی حائز عقلی بر اخلاقی صاف و متجرد بر حالدله بولاق ایچون اونلری چکوب آلمقدن باشقه برشی یانمغه حاجت کورولمزدی . فقط ، فعلیاندله ، بوا یکی اعتقاد و اعمال سیسته می ، تاریخنده بربرلینه پک فضلله سبق بر صورتده برلشمش لردی . عصر لرجه مدت بربرلرینک ایچنه کیروب قاینانش لردی . اولک ایچون آرا لرنده کی مناسبات ، خارجی و سطحی بر حالدله قالا مازدی و بربرلرندن آریمالری اوقدر بسیط بر عملیه ایله اجرا و تامین ایدیله مازدی . اونو تاممالیدرکه ، ده دونه کلنجهیه قدر هرا یکسینکده وظیفه سی عینی ایدی . چونکه ، دینی حیاتک مرکزی اولان الله ، نظام اخلاقی نکه کافل قصواسی ایدی . دینک وظیفه لری ایله اخلاقک وظیفه لری ، هرا یکسی ده برر وظیفه اولمق یعنی اخلاقاً مجبوری برر عملدن عبارت بولونمق نقطه سنده مشترک اولدقلری دوشونوله چک اولورسه اصل و لب اعتباریله بو اشتراک قسمی ، بزى حیره ته دوشوره مز . بناءً علیه ، انسانلرک بوتون مجبوریتلرک منبعی تک بر وارلقده کورمه لری غایت طبیعی برشیدر . فقط بویه اولونجه ، پک قولایجه تخمین و تقدیر ایدیله بیلرکه بو قرابت و بوقسمی امتزاج سببیه ، هر ایکی سیسته مه عائد بعض عنصرلر عادتاً یکدیگری ایچنده غائب اولاجق و آرتق تک برشی حاله کله چک صورتده بربرلینه یا قلاشمش بولونا چقلردر ؛ بعض اخلاقی فکرلر بعض دینی فکرلرله اودرجه ده برلشمه چکلردرکه آرتق غیر قابل تفریق عدا اولونا چقلردر و بو اخلاقی فکرلر ، دینی فکرلرک خارجنده بر وارلقه و شائیته مالک اولامایه چقلر یا خود مالک دکلر کی کورونه چکلردر (که ایکسی ده عینی نتیجه یه واریر) . اونک ایچون ، اخلاقی و اخلاق تربیه سنی عقلیلشدیرمک اوزره ، انضباط اخلاقی دن دینی اولان شیلرک کافه سی قالدیر یلقله اکتفا ایدیلر و بربرلینه برشی اقامه اولونمازسه ، عینی زمانده صرف اخلاقی اولان بعض عنصرلر ده بر طرف اتمک ته لکسه دوشولمش اولور . اوزمان ، عقلی اخلاق نامی آلتنده فقیرلشمش ، رنکی اوچش بر اخلاق دن باشقه اورته ده برشی قالماساز . بو ته لکبه میدان ویرمه مک ایچون ، دیمک که خارجی بر تفریق ایله اکتفا ایتمه مک لازم کلور . تا دینی مفهوم لرک ایچلرینه قدر نفوذ ایدرک اوراده غائب اولمش ، صاقلانمش کی دوران اخلاقی شائیتلری آرمالیدر ؛ بونلری میدانیه چیقارمالی ، نهدن عبارت اولدقلرینی آکلامالی ، ماهیت حقیقه لری تعین ایتلی و بونی عقلی بر لسان ایله افاده ایله ملیدر . حاصلی ، اوقدر اوزون زماندن بری اک اساسی اخلاق فکرلرینه بر ظرف تشکیل ایدن بودینی مفهوم لرک برینه قائم اولاجق عقلی اساسلری کشف اتمک ایجاب ایلر .

بر مثال ، فکرمزی صریح صورتده آ کلانه جقدر .

تحصیلی پک ایلری به واردیرمه حاجت قلمادن ، هرکس قولایجه تقدیر ایدرکه پک انسی بر اعتبار ایله ، عالم اخلاقی دنیاده تماماً آیری بر ساحه عرض ایدر . اخلاق امرلرنده صانکه بزم جبراً خصوصی بر حرمت تلقین ایدن بر نشانه واردر . عالم مادی به ، کرک حیوانک کرک انسانک تشکلات بدنیه ویا ذهنیه لرینه تعلق ایدن بوتون فکرلر بو کون سربسته مناقشه ایدیه بیلدکلری حالده ، اخلاقی اعتقادلرک سربست بر تنقیده معروض بولونمالرینی قبول ایتیمورز . بر چوجوغلک ابویته قارشی بر طاقم وظیفه لری اولماسی ، انسانک حیاته حرمت کوسترلمه سی علیهنده کیم بزم قارشیمزده بر اعتراض درمیان ایدرسه ایچمزده ، علمی برعزتلاک تولید ایدیه بیلجکی تقبیحدن غایت فرقلی بر نفرت و تمییب حسی اوایندیرر . بو حسی ، هر خصوصده ، کفر ارتکاب ایدن بر آدمک بر مؤمن روحنده تحریک ایتدیکی حسه بکزر . اولویتله ، اخلاق قاعده لرینه تجاوزک حصوله کتیردیکی حسلرده ، حکمت عملیه یاخود مسلک ته قنیکلی احکامنه مغایر حرکتلرک بزده باعث اولدینی حسیات ایله هیچ قابل قیاس دکدرلر . ایسته ، اخلاق ساحه سی صانکه اسرار آلود بر دیوار ایله چه وریشدیرکه دینی ساحه ناصل بیگاهلرک تجاوزانندن آزاده بولوندیریلیورسه بوده اورایه تجاوز ایدیه جکلری اوایله اوزاقده طومغه خدمت ایدر . اوراسی « قدسی » [حرام ؟] بر ساحه در . احتوا ایتدیکی شیلرک کافه سی خصوصی بر شرف و اعتباره مالک کیدرلرکه بو سایه ده بزم عملی فردیتلریمزک فوقه یوکسه لیرلر و بر تنوع علوی بر شأنیت اکتساب ایدرلر . اکثریا ، شخص بشرینک مقدس اولدیغی ، اوکا حقیقی بر عبادت اظهاری الزم بولوندیغی سویله میورمی یز ؟ دین ایله اخلاق یکدیگرینه صمیمی صورتده مربوط بولوندیجه ، بو قدسی وصف قولایجه قابل ایضاحدر . چونکه ، اخلاق اوزمان ، دین کی ، بوتون مقدس شیلرک منبعی اولان الوهیه تابع و اوندن صادر اولان برشی کی تصور اولونور . اوندن کلن هرشی اونک علویته اشتراک ایدر . و محضاً بوندن دولای سائر اشیا ایله غیر قابل قیاس بر موقعده بولونور . فقط ، بومفهومه سراجعت ایتمه مک بر قاعده شکلنده قبول اولونورسه ویرینه ده باشقه برشی اقامه ایدیلرزه ، اخلاق هان همان دینی اولان بو وصفنک هر دورلو تملدن عاری کی کورونمه سی احتمالندن قور قولایلیر . چونکه ، عنعنوی تملی اولان فکردن واز کچیلور و کندیسنه باشقه هیچ بر تمل کوستریلمیور . بوندن دولای ، غیر قابل اجتناب بر صورتده ، اخلاقی انکار ایتمک بر تمایل

حاصل اولور . حتی ، اخلاقك حقیقه وارلغنی حس ایتك بیله محال بولونور . حالبوکه طبیعت اشیا اوزرینه استناد ایتكده اولماسی پك قابلدر . اخلاق قاعدهلرنده بونام ایله یاد ایدیلکه لایق بعض شیلر موجود اولماسی، بونلك كندیلرینی منطقاً بحق کوستره بیلملری و منطقاً قابل ایضاح بولونمالری فقط علوی بر موجودیته و صرف دینی مفهوملره احتیاج حس ایتدیرمهملری پك امکان دائره سنده در . اخلاق قاعدهلرینه عطف اولونان یوكسك شرف و اعتبار شیمدی به قدر همان همان منحصر آ دینی مفهوملر شكلی آلتنده افهام ایدیلش ایسه، بوندن ، باشقه دورلو قابل افاده اولمادینی نتیجه سی چیقماق لازم گلر . بناءً علیه ، اوزون بر اعتیاد نتیجه سنده غایت صبی بر صورتده آساند کسب ایتدیکی فکرلر اورتدن قالقارکن بوشرف و اعتباركده محو اولماسنه دقت ایتك مقتضیدر . انسانلك، بونی كندی كندیلرینه ایضاح ایچون الوهیتك بر تشعشی ، بر انعکاسی عد ایتملری ایله، باشقه برنایتیه، صرف عملی empirique بر شایته قابل عطف اولماسی و اوصورتله ایضاحنه امکان بولوناماسی ایجاب ایتمز . ذاتاً الله فکری ده احتمالک بوايضاحاتك تمثالی رافاده سندن باشقه رشی دکلدیر . اونك ایچون ، تربیه عقلیشدیریلدیکی صیراده بووصنی محافظه ایتك و چوقوقره عقلی بر شکل آلتنده اونی محسوس قیلمه اعتنا اولونمازسه چوقوقره طبیعی شرف و اعتبارندن دوشمش بر اخلاق ویریلش اولور . عینی زمانده ، معلمك نفوذ واهمیتی و قلبلری ایصیتماق، مفکرهملری حرکت کتیرمك ایچون لازم اولان حرارتك بر قسمی استعاره ایتدیکی منبعی قورومتق تهلكه سنده دوشولور . چونکه ، معلمك ، یوكسك بر شایته نامنه اداره کلام ایتكده اولدیغنه دائر ایچنده دویدینی حس ، اونی كندی كندیسنك فوقنه بوكسلتیردی و اوکا فضله بر قوت ویریدی . معلمك ایچنده بو عینی حسی، باشقه تمللره استناد ایتدیرمك صورتیه، محافظه به موفق اولامازسه قجانسز، نفوذ و اعتبارسز بر اخلاق تربیه سی قارشیسنده قالمق تهلكه سی وجود بولور .

ایشته غایت مثبت و کرفت بر طاقم مسائلدن مرکب ایلک بر هیئت مجموعه که اخلاق تربیه سی لاییکلشدیریلک ایسته نیلدیکی زمان انسانك نظر دقتنه معروض بولونور . کسوب آتمق دکل، یرینه برشی قویماق لازم . شیمدی به قدر انسانلك آنحق دینی رمزلر شكلی آلتنده تصور ایتیمی اوکرشم اولدقلری اخلاقی قوتلری کشف ایتلی؛ بونلری تمثاللرندن آیرمالی ، عادتا ، تعبیر جائز ایسه ، او عقلی حیپلاققلریله دوشونلی، هیچ برخرافه آلود منوسطه مراجعت ایتمه دن اونلك حقیقی وارلقلرینی چوجوغه حس ایتدیرمیلدر . تربیه

اخلاقیه‌نك، عقلی برحاله کیرمکه برابر، کندیسندن بکلمه‌سی ایجاب‌ایدن بوتون نتیجه‌لری حصوله کتیرمه‌سی ایسته‌نیلمورسه هرشیدن اول بوکا عطف اهمیت ایتمک اقتضا ایلر .

فقط ، بونکه ایش بیتمز . موضوع اولان مسئله‌لر یالکز بونلردن عبارت دکلدلرلر . اخلاقك ، عقلیه‌شیرکن عناصر مرکبه‌سندن بعضیلرینی غائب ایتمه‌مسنه اعتنا کوسترمک کافی کلز ؛ بولاییکلشمه دولاییسئله یکی بر طاقم عنصرلرله زنکینلشمه‌سی ده لازمدر . شیمدی بحث ایتدیکم ایلك تحول بزم آنجق اخلاقی فکرلرمزك شکلرینه تعلق ایدردی . فقط اصل اساس ده درین بر تعدیلاته معروض اولمادن قالاماز . چونکه ، بر اخلاقك ولاییک بر تربیه‌نك تأسیسی مرتبه و جوبه چیقاران اسباب ، بزم تشکیلات اجتماعیه‌مزدۀ الك اساسلی اولان شیرۀ پک یقیندن مربوط بولوندقلری ایچون اخلاقك اصل موضوع وماده‌سی ، وظیفه‌لرمزك محتویاتی ده بوندن متأثر اولورلر . فی الحقیقه ، تماماً عقلی بر تربیه اخلاقیه‌نك لزومنی بابالرمزه نسبتله دهاقوتلی صورتده حس ایتمک‌کمز، ده‌ا زیاده عقلجی rationaliste اولمقلغمزدن ایلری کلشدر . حالبوکه ، عقلجیلق ، فردجیلکک مختلف منظره‌لرندن بریدر ، فردجیلکک فکری منظره‌سیدر . بونلر ، بربرندن فرقلی ایکی حالت روحیه دکلدلرلر ، بری دیگرینک یوزندن ویا ترسندن عبارتدر . فردك تفکرینی قیوددن آزاده قیلمق احتیاجی حس اولوندینی زمان ، صورت عمومیه‌ده فردی قیوددن تخلیص ایتمک احتیاجی حس ایدیلور دیمکدر . اسارت فکریه ، فردجیلکک ییقمق ایچون مبارزه ایتدیکی اسارتلردن بریدر . فردجیلکک انکشافی ایسه وحدانی یکی فکرلره آجق واونی ده‌ا مطالبه‌کار قیلمق کی بر نتیجه ویریر . چونکه ، فردجیلکک ارانه ایتدیکی ترقیلردن هربری حیثیت بشریه حقنده ده‌ا یوکسک بر تلقی ، ده‌ا نازک بر حس وجوده کتیرمک کی بر نتیجه تولید ایتدیکی ایچون ، فردجیلکک ترقی وانکشاف ایدنجه ، بر آز اولنه قدر حققرلغنی هیچ حس ایتمه‌دیکمز بر طاقم مناسبات اجتماعیه‌نی حیثیت بشریه منافی یعنی عدالتله مغایر کی حس ایتمکه باشلارز . ذاتاً ، به نك مقابلی اولارق ، عقلجیلق ایمانی‌ده فردجیلکک حسی اوزرندۀ عکس‌العمل کوس‌تریر واونی تحریک وتنبیه ایدر . چونکه عدالتله زلك غیر معقول ومعناسز برشیدر ؛ بناء علیه ، عقلک حقوققه قارشى نه‌قدر متحسس ورعایتکار بولونورسه‌ق عدالتسزلکدن دولاییده اوقدر متأثر اولورز . اونک ایچون ، ده‌ا بویوک عقلی پرنسپیبلره دوغرو تربیه اخلاقیه‌ده هرهانکی بر ترقی وقوعه کلوبده عینی زمانده یکی تمایلات اخلاقیه وجود بولمامسی ، عدالت ایچون ده‌ا بویوک

بر صوسزلق حس ایدیلهمسی ، شعور عامهده مههم بر طاقم تمایلات اعتلا پیدا اولناماسی قابل دکلدر . بو یکی حسلرک زهری اولدن حساب قاتمادن ، اونی حاضرلامادن وترتیب و اداره ایتهدن تربیهنی عقلیشدیرمهک تشب ایدهلک بر مربی ، دهلککه ، وظیفه سنک بر قسمنده قصور ایتش اولاجقدر . ایشه بوندن دولاییدرکه ، دینلیدیکی کبی ، بالارمزک اسکی اخلاقنی شرح وتفسیر ایله اکتفا ایدهمز . بوندن فضله اولارق، یکی نسللره ، مههم صورنده تمایل کوستردکاری یکی مفکورهلری ادراک خصوصنده یارديم ایتهمسی ، اولری بواسطه قاتمه چه ورمهسی لازمدر . ماضینی محافظه ایتهمسی کافی دکلدر، استقبالی ده حاضرلامالیدر . ذاتاً ، تربیه اخلاقیه ، آنجق بو شرط ایله درکه وظیفه سنی ایفا ایتش صاییلایلیر . بشریتک عصرلردن بری یاشادینی وسطی اخلاق فکرلرینک هیئت مجموعه سی چو حوقلره تلقین ایدیلکه اکتفا اولونورسه ، بدرجه یه قدر، فردلرک خصوصی اخلاقیلری تأمین ایدیلایلیر . فقط بو، اخلاقی اولمانک اصغری برشرطیدر . بر قوم بوقدرله اکتفا ایدهمز . بزم کبی بویوک برملتک اخلاق اعتباریله حقیقه حال صحت وعافینده اولایلمه سی ایچون ، کندیسنی ترکیب ایدن فردلردن اکثریتنک الک قابا جرملردن، قتلاردن، سرقلردن، دورلو دورلو حیللردن کافی درجه ده اوزای بولونماسی کافی کلز . بر هیئت اجتماعیه که اونده مبادلات، صلحیورانه وقوعه کلیر، هیچ بردورلو اختلاف ظهور ایغز، بو هیئت اجتماعیه بوقدرله قالیرسه ، عادی درجه ده اخلاقی عدایدیلایلیر . فضله اولارق او هیئت اجتماعیه نک کوزی اوکنده برمفکوره بولونمالی و امفکوره یه دوغرو یورونملیدر . هیئت اجتماعیه نک یاپه جق برشینی ، ساحه فعله ایصال ایدیلهلک بر فکر خیری ، بشریتک میراث اخلاقیاته کندیلکنندن علاوه ایدیلهلک بر حصه سی بولونمق ایجاب ایدر . ایشسرلک ، فردلر ایچون اولدینی کبی ، جاعتلر ایچونده پک فنا برنامهدر . فعالیت فردیه نهجهته مصروف اولاجغنی بیلهمدیکی وقت ، کندی کندینک علینه دوز . بر هیئت اجتماعیه نک معنوی قوتلری غیر مستعمل قالیلرسه ، ایفا ایدیلهلک برایشی ساحه فعله ایصال ایچون قولالمازلرسه ، معنای اخلاقیلردن انحراف ایدرلر، مرضی ومضر بر صورتده استعمال اولونورلر . بر انسانه سی وعمل، درجه مدنیق ایله مبسوطاً متناسب صورتده لازم اولدینی کبی، هیئت اجتماعیه لرک فکری و اخلاقی تشکیلاتلری نه قدر یوکسک و کرفت اولورسه ، مزاید فعالیتلرینه یکی غدالر تأمین ایتهلری ده اوقدر لازمدر . اونک ایچون ، بزمکی کبی بر هیئت اجتماعیه آرتق مکتسب کبی تلقی اولوناییلهلک اخلاقی نتیجه لره راحتجه ، ساده جه صاحب اولقله اکتفا ایدهمز . یکی

نتیجه‌لرده الله ایتلیدر . بناء علیه ، معلم ، کندیسنه تودیع اولونان چوجوقلره بوالزم مکتسابی تأمین واستتحصال خصوصنده یاردیمده بولونمالیدر . معلم چوجوقلره ، بویوکلرینک بجه اخلاقی چوقدن بری بیتوب قابانش بر کتاب حالنده تقدیمدن اجتناب ایدمرك بالعکس چوجوقلرده اورایه بر قاج سطر علاوه ایتک آرزوسنی اوایلدیرمالی واونلری بومشروع حرص جاهی تطمین ایدمبیله‌جک بدرجه‌به کتیرمه‌یه جالیشمالیدر .

صوک درسمده ، پداغوزی مسئله‌سنگ بزم ایچون بالخاصه مبرم ومستعجل بر شکله موضوع اولدیفته نهدن دولای حکم ایتدیگمی شیمیدی دهایی آکلاویه‌یلیرسکزر . اوسوزلری سویلرکن اک چوق بزم تربیه اخلاقیه اصولزی دوشونیوردم . کوریورسکزرکه بو اصولک بویوک بر قسمی یکی باشند تکرار بنا ایدیلکه محتاجدر . آرتق عنعنوی اصولی قوللانه‌مایز . ذاتاً او اصول چوقدن بری آنجق بر معجزه موازنت قییلندن ، اعتیاد قوتی سایه‌سنده پایدار قالابیلور ، چوقدن بری صاغلام تملار اوزرینه استناد ایتمه‌یوردی . چوقدن بری ، کافی درجه‌ده قوتلی معتقداته استناد ایتمه‌دیگندن وظیفه‌لرینی مؤثر صورتده پایه‌مایوردی . فقط ، اونک یرینه فائده بخش صورتده برشی اقامه‌ایدمبیلکم ایچون اوستندن ساده مارقه‌سنی قالدیرمق کافی کلز . اساسه تعلق ایدن بعض حقیق وارقلری‌ده چکوب آلمق تهله‌کسی بهاسنه ، بر قاج یافته‌نی دیکشدرمکه ایش بیتمز . بزم تربیه ته‌فیکمزی یکی باشند وجوده کتیرمکه تشبث ایتلیدر . آرتق قله‌رده کیتدکجه کسب ضعف ایدم‌جک برعکس صدا وجوده کتیرمکدن باشقه برشی پایه‌مایه‌جق اولان ماضینک الهاملری یرینه یکی برشی اقامه‌ایتک لازمدر . اسکی سیستمک ایچنده ، کندیلرینک ماهیت حقیقه‌لرینی کوزلردن صاقلایان شکللر آلتنده ختنی اخلاقی قوتلری کشف ایتک ، بونلرک حقیق وارقلرینی میدان قویق ، شم‌دیکی شرائط داخلنده نه‌حال کسب ایتملری لازم کله‌جکئی بولمق اقتضا ایدر . چونکه بواخلاقی قوتلرده هیچ دیکشمز برحاله قالامازلر . بوندن فضله اولارق ، عقلی بر تربیه اخلاقیه‌نک موجودیتنک هم‌تضمن هم‌ده تولیدایتدیکی تحولاتی‌حسابه قاتمق ایجاب ایلر . بناء علیه ، یاپیلاجق ایش ، یکنظرده ظن اولونایله‌جکندن چوق گرفتدر . فقط بونده بزی حیرته دوشورم‌جک یاخود نومید ایدم‌جک هیچ برشی یوقدر . بالعکس ، بعض نتیجه‌لرک نسبى نقصانلری دهایی امیدلره حق ویره‌جک برطاقم سبیلرله‌قابل ایضاحدر . تأمین ایدیله‌سی لازم کلن ترقی‌فکری ، قبلری‌نومیدی‌یه دوشورمک

شویله دورسون ، اراده‌لری دها کرکین بر حاله کتیرمکدن باشقه بر نتیجه تولید ایدمه‌منر .
یالکیز، مشکلات ایله یوزیوزمه کلوب اونلره جسورانه باقه‌بیلیمک یولنی بیلیمی . بومشکلات،
بز اونلری کندی کندیمزدن صاقلامغه وعندی بر صورتده بر طرف ایتمک قالفارسهق آنجق
اوزمان ته‌لکلی بر حال کسب ایدرلر .



برنجی قسم

امہوقلیبفک عنصرری

ایکنجی درس

امه قلیبک برنجی عنصری

انضباط فکری

هانکی برپداغوزی مسئلهسی اولورسه اولسون ، اونی مفید بر صورتده تدقیق ایده بیلیمک ایچون ، مطلقاً معطیاتنی تصریح ایتیمک یعنی ، اشتغال ایدیلک ایسته نیلن چوجوقلرک زمانه و محله حائده نه کی شرائط داخلنده بولوندقلرنی ممکن اولدینی قدر صحتله تعیین ایلهمک لازمدر .
اصوله حائده بو قاعدهیه رعایت ایتیش اولق ایچون ، صوک درسه ، اخلاق تربیهسی مسئله-سنگ بزم ایچون نه صورتله موضوع اولدینغی کوزله تعیین ایتیمکه اوغراشدم .

چوجوقلقدده ایکی زمان ، ایکی دوره تفریق ایدیله بیلیر . برنجیسی همان هان تماماً حائله ایچنده یاخود ، اسمندده آکلاشلا جفی وجهله ، حائله مقامنه قائم اولان آنا مکتبده کچر ؛ ایکنجیسی ، ایلک مکتبده کچر . چوجوق بوراده حائله محیطندن چیقمغه ، محیطک حیاته قاریشمغه باشلار . بوکا ایکنجی چوجوقلق دورهسی دیرر . ایشه بالخاصه حیاتک بودوره سنده کی اخلاق تربیهسنی تدقیق ایده جکیز . ذاتاً اخلاقی سجه نیک تشکلی خصوصنده الکانازک زمان بودر . ده اول چوجوق هنوز پک کوچو کدر . فکری حیاتی هنوز ابتدائی حالده در . حیات حسیه سی ایسه فقیر و پک بسیطدر . بزم اخلاق حسمزک تملی تشکیل ایدن بالنسبه گرفت مفهوملرک و حسیاتک تشکله کافی کله جک ذهنی بر ماده واساس عرض ایده مز . افق فکریسنک پک دار صورتده صیقیشمش حدودلری اونک اخلاقی افقنی ده تحدید ایدرلر . او دوره ده ممکن اولان شی آنجق پک عمومی بر تربیه احضاریه دن ، بسیط و مقدارلری آز بر طاقم فکرلره و ابتدائی حسلره مقدمه طرزنده کنیدیسنی بر آلیش دیرمه دن عبارتدر . بونک عکسی اولارق ، ایکنجی چوجوقلق دورهسی یعنی مکتب چاغی کچدیکی زمان ، اخلاق تمللری تشکلی ایتیمش بولونورلرسه آرتق بر ده بونلری تشکیله امکان یوقدر . بو آندن اعتباراً ، بوتون پاپیلا بیله جک اولان شی ، حسیاتی ده اینجه لشدیره رک ، یعنی اینجیلرینه ممکن اولدینی قدر چوق ذکا صوقه رق ، اولدن باشلانمش اولان تربیه یی ا کمال ایتیمکه انحصار ایدر . فقط اساسلی اولان جهت اوچاغده پاپلش اولق مقتضیدر .
اخلاق تربیهسی — ۲

بناءً عليه كوزلرمزى بالخاصه بوجاغ اوزرينه ديكهلى يز . ذاتاً ، بومتوسط بردورد اولديغندن دولاييدركه بونك حقنده سويله يه جكمز شيلر ، لازم كن تعديلات ايله ، صوكده كي چاغلرده قابل تطبيقدر . بر طرفدن ، او دورده اخلاق تربيه سنك نهدن عبارت اولديغنى كوزلجه كوسترمك ايجون او تربيه نى ناصل اكمال ايتديكنى واوكا ناصل كسب ارتباط ايله ديكنى كوسترمك مجبوريتنده بولوناغىز ؛ ديكر طرفدن ، صوكره بوتربيه نك نه حال كسب ايله جكنى آكلامق ايجون ، ياش ومحيط فرقلرى حسابيه قاتمق شرطيله استقباليه دوغرو ذهنأ اونی تمديداتك كافيدر .

فقط بوايكل تعين وتحديد كافى كلز . بوراده هيچ دكسه پرنسيپ اعتباريله ، يالكنز ايكنجى چوجوقلنده كي اخلاق تربيه سندن بحث ايتمكله ده قالمايه جقم . موضوعى ممكن اولديغى قدر تحديده ده چاليشه جقم . تدقيقاتى ايكنجى چوجوقلغك رسمى مکتبلمزده كي تربيه اخلاقيه سنه حصر ايله جكم . بونك سبيل رنجى ده سزه سويله مشدم . چونكه ، حال طبعيده ، رسمى مکتبلمز ، ملي تربيه نك ناظم چرخلريدلر وبويله قالمالى اقتضا ايدر . ذاتاً اخلاق تربيه سنك هرشيدن اول عائله يه عائد اولديغى بولنده كي يك منتشر فكره مخالف اولارق ، بن بالعكس شوقاعتده يم كه چوجوغلک اخلاقى انكشافنده مکتبكم ياپه جنى ايش غايت مهم اولاييلير واولمايدلر . بو حرثك فوجه بر قسمى هم ده دها يوكسك بر قسمى واردركه او مکتبندن باشقه بر رده تامين ايديله مز . چونكه ، اخلاقه الزم اولان عائله حسلرى ، حتى دها عمومى صورتده ، اك بسيط مناسبات شخصيه وخصوصيه نك تلقى تشكيل ايدن حسلرى عائله توليد وتحكيم ايله ميلير سده وبونلرى يالكنز عائله يايابيلير سده عائله ، چوجوغلک حيات اجتماعيه نقطه نظرندن يتيشديره جك صورتده تشكىل ايتمه مشدر . عاداتاً ، آمريقى مقتضاسى اولارق ، عائله بويله بروظيفه يي ايفايه غير صالح برعضودر . بناءً عليه تدقيقاتكمز مركزى اولارق مکتبى قبول ايتمكله بحث ايتديكمز چاغده حرث اخلاقينك اك برنجى مركزى كى تلقى ايدليك لازم كلن بر نقطه يه ده كنديمىز قويمش اوليورز . بزايسه مکتبلمزده تماماً عقلى ، يعنى وحيه مستند دينلردن استعاره ايديش پرنسيپلردن قطعاً عارى براخلاق تربيه سى ويرمى كندى كنديمىز قارشى تعهد ايتمشدر . ايشته بصورتله ، واصل اولديغىز شوآن تاريخده تربيه اخلاقيه مسئله سنك بزه نه شكلده منظور اولديغى واضح وقطعى صورتده تعين ايتمشدر .

سزه كوستردم كه تشبث ايديله جك بوايش يالكنز دائرة امكانده بولونمقله قالماز . بو ،

عینی زمانده الزم بر شیدی . بوتون تاریخك انكشافی بزه بونی آس ایدی . فقط ، عینی زمانده ، ایشك تکمیل کرفنلکینی ده سزه آکلاتمه اهمیت ویردم . بو کرفنلک بزی ذره قدر نومید ایده یله حک رشی ظن ایدیلملی در . بو قدر مهم بر آشبک زور اولماسی پک طبیعی بر کیفیتدر . آنجق عادی و شمولسز اولان شیردرکه قولای اولورلر . بناء علیه ، کندی کندیمزی تطمین بهانه سیله ، اشترک ایتدی کمز ایشك بویوکلکینی کوزلرمزده کوچولتکده هیچ بر فائده متصور دکلددر . بو قدر عظیم بر تحول ايله مترافق اولمالاری غیر ممکن بولونان مشکلاته کمال جسارتله نظرلرمزی توجه ایده بیلکده ها شرفلی ، ده ا استفاده لی بر حرکتدر . بومشکلاتک نجه نلردن عبارت اولدینی سزه اشارت ایتشدم . اول امرده اخلاق ايله دین آراسنده تاریخاً تأسس ایدن صیقی رابطهلر دولایسیله ، اخلاق شیمیدی به قدر دینی شکللردن باشقه بر صورتله هیچ بر زمان افاده ایدیلمهش بعض عناصر اساسیه سی موجود اولایله جکی تخمین ایدیله بیلر . بناء علیه ، عنعنوی سیستمدن دینی اولان شیرلک کافه سی چکیلوب بونلرک یینه هیچ بر شی اقامه اولونماقوله اکتفا ایدیلر سه ، صرف اخلاقی اولان بر طاقم فکرلری و حسلری ده آلوب اورته دن قالدیرمق تهلیکه سنه دوشولمش اولور . ثانیاً ، عقلی بر اخلاق ، محتویاتی اعتباریله ، عقلدن باشقه بر شیئک حکم ونفوذی [سلطه سی] اوزربنه استناد ایدن بر اخلاق عینی اولاماز . چونکه عقلجیلک ترقیاتی ، موازی صورتده فردجیلکده ترقیاتی ايله برلکده یورور . بناء علیه ، حساسیت اخلاقیه ده بر اینجه لک تولید ایدر . بوده اوزمانه قدر وجدانمزی رنجیده ایتمین بعض مناسبات اجتماعی ، حقوق و وظائف طرز انقسانی بزه معیار عدالت کی کوستریر . ذاتاً ، فردجیلک ايله عقلجیلق آراسنده کی مناسبت یالکمز موازی صورتده انکشاف ایتکدن عبارت دکلددر . عقلجیلق ، فردجیلک اوزرنده بر تاثیر یابار واونی تنبیه وتحریک ایدر . چونکه ، عدالتسرلکک وصف میزی ، طبیعت اشیایه استناد ایتمه سی ، عقله استناد ایتمه مسیدر . بناء علیه ، عقلک حقوقنه قارشی نه قدر متحسس ورعایتکار بولونور سه ق عدالتسرلککدن اوقدر چوق متأثر اولماز غیر قابل اجتناب بر کیفیتدر . حر برتدقیق قابلیتی تولید ایدیلمه سی ، اوکا یکی بر مختاریت ویریلمه سی بوش یره دکلددر . چونکه ، بوسورتله اوکا ویریلن قوتلری او ، آنجق کندیسنک تاثیر ونفوذندن مصون اولدینی نسبت داخلنده محافظه موجودیت ایده بیلان عنعنهلر علیهنه توجه ایتکدن خالی قالماز . دینککه ، عقلی بر تربیه

تشکیلنه تشبث ایتمکه ایکی نوع ، ایکی سلسله مسائل قارشیسینده قالیورزکه بری برندن مبهم و مستعجلدر . برطرفدن ، اخلاقی عقلیشدیرمک صورتیه فقیر دوشورمهکه اعتنا کوسترمک لازم ؛ دیگر طرفندده دها عقلی برحاله کلدیکندن دولایی دعوت و ایجاب ایتدیکی زنکینلیکی اولدن تخمین و تقدیر ایتمک و بونلری حاضرلامق لازم .

ایلمک مشکلاته جواب و برمک ایمون، کرک دونکی کرک بوکونکی اولسون، هر حیات اخلاقیه نك تملنده موجود اخلاقی قوتلری بولوب میدانه جیقارمق لازمدر . حتی، شیمدییه قدر ، یالکیز دینی شکل آلتنده وجود بولش اولانلری بيله قبلالتدقیق ، بروجه پشبین a priori استخفاف ایدمیز . بالعکس بونلرکده عقلی افادهلرینی بولمغه، یعنی حد ذاتندهکی موجودیتلرینه واصل اولمغه ، هر درلو تمثاللردن صویولش برحاله ماهیت حقیقیه لرینه نفوذ ایتمکه کندیمیزی زورلامالی بز . ثانیاً ، بر شکللر بر کره معلوم اولدقدن صوکره ، حیات اجتماعیه نك شیمدیکی شرائطی داخاندن بونلرک نه حاله کیرمهلری وهانکی استقامته دوغرو توجیه ایدیلهلری لازم کلهجکنی آراشدیرماضر اقتضا ایدر . بویاکی مسئلهدن بزى الك ابتدا برنجیمسنک مشغول ایتمسی ایجاب ایدمجهکی غایت بدیهیدر . اخلاقیتمک عناصر اصلیهسی نهکی تعدیلاته اوغرامق ایجاب ایدمجهکی تحرییه کبریشمندن اور اونلرک الک اساسلی جهتلرده نهلردن عبارت اولدقلرینی تعیین ایتمک اقتضا ایلر .

اخلاقیللقک عناصری نه دن عبارت اولدیغنی دوشونمک ، بوتون فضائلرک حتی یالکیز الک ایلری کلنلرینک بر جدولی تنظیم ایتمکه قالدیشمق دیمک دکلددر ؛ اخلاق حیاتک کوکندن بولونان اساسلی استعدادلرک روحی حالتلرینی آراشدیرمق دیمکدر . چونکه ، جوجوغنی اخلاق نقطه نظرندن یتیشدیرمک، اونده فلان فضیلت خصوصیهی ، صوکره فلان فضیلتی ودها صوکره فلانی تولید ایتمک دکلددر . بر کره وجود بولدقدن صوکره مناسبات بشریه نك تفرطانه کوره کندى کندیلککندن قولایجه تنوع وتخلف ایدن او بر طاقم عمومی استعدادلری مناسب واسطهلرله انکشاف ایتدیرمکدن حتی هیچ یوقدن وجوده کتیرمکدن عبارتدر . اگر بونلری کشفه موفق اولابیلیرسهک مکتبلردهکی تربیه مزک چارپدینی الک باشلیجه مانعهلردن برینی برطرف ایتمش اولوردق . چونکه، تهذیب اخلاقی خصوصنده مکتبک مؤثر برشی یاپه مایهجنی شبههسنی بعضاً ویرن کیفیت ، بوتهدیب اخلاقیتمک بزجه غایت متنوع فکرلری ، حسلری ، اعتیادلری تضمن ایتمسی ومملک ، کندى نفوذ وتاثيرينه بالنسبه پک فیصه بر زمانه منحصر صورته معروض بولونان جوجوقلرده

اونلری تولید ایتمک وانکشاف ایتدیرمک ایچون کافی زمان بولاماماسی ملاحظه سیدر . اوقدر متنوع فضیلتلر واردرکه ایچلرندک اهامیتلیرینه حصر دقت ایدیلک ایسته نیلسه بیله ، بونلرک هربری آیری آیری انکشاف ایتدیریلک لازم کایرسه ، بوقدر واسع بر ساحه اوزرندک داغیلاجق غیرت و فعالیت بالضروره عقیم قالمغه محکوم اولور . مؤثر صورندک برشی بابه یلمک ایچون ، هله بو تاثیر آنجق قیسه بر زمانه انحصار ایدک اولدینی تقدیرده ، واضح صورندک ذهنده تصور ایدیش معین بر هدف بولونمق لازمدیر ؛ قطب خدمتی کوره جک ثابت بر فکر یاخود ثابت فکرلردن مرکب کوچوک بر کومه بولونمق لازمدیر . بوشراط داخاندک ، چوجوقلر اوزرندک تاثیر ، دائماً عینی استقامتده و هر زمان عینی طریق ایله تکرر ایدک ایدک بوتون نتیجه لرینی حصوله کتیره بیلیر . ایسته نیلن شیئی عزم و شدتله ایسته مک لازم ر . بونک ایچون ، آزشی ایسته ملیدر . تربیه فعلنه ، محتاج اولدینی قوت و شدتی ویرمک ایچون ، دیمکک ، مزاج اخلاقمزک تملنی تشکیل ایدن اساسی حسیاته واصل اولمغه چالیشمه سز مقتضیدر .

فقط بونی ناصل یامالی ؟ اخلاقیرلرک مسئله یی علی العاده نه صورته حل ایتدک لرینی بیلیرسکیز . بونلر ، هریرمزک اخلاقک بوتون اساسی جهتی ایچمزدک حامل بولوندیغمز پرنسپندن حرکت ایدرلر . بویله اولونجه ، بونی بر ضربه نظردک کشف ایتمک ایچون کافی دقتله کندک بطنمزه باققدن باشقه بر شیئه حاجت یوقدر . دیمکک اخلاقیرلر کندک کندیلرینی استجواب ایدیورلر ، شعورلرندک آرزجوق واضح صورندک مشاهده ایتدک لری مفهوملر آراسندک کندیلرینه اخلاقک اک اساسی مفهومی کبی کورونن فلان یاخود فلان فکری اله آلیورلر . کیمیسنک نظرنده بو اک اساسی مفهوم ، « مفید » مفهومیدر . کیمیسنک نظرنده « مکمل » مفهومیدر ، بعضیلرینک نظرنده « حیثیت بشریه » مفهومیدر . الخ اخلاق ، حقیقه هر فردک ایچنده تمامیه موجودمیدر ؟ هر شعور فردی ، انکشافلریله اخلاق سیستمی وجوده کتیرن بوتون تخملری محتومیدر ؛ بومسئله یی شیمدیلک مناقشه ایتمک ایسته م . آشاغیکي بوتون ایضاحات بزی باشقه بر نتیجه کتوره جکلردر . فقط بونی شیمیدیدن سویله مک محل یوقدر . بک منتشر صورندک قوللانیلان بو اصولی رد و جرح ایتمک ایچون کینی وسوبزک تیف اولارق احتوا ایتدیکي نقطه لره نظردقتی جلب ایتمک بئم ایچون کافیدر . بر اخلاقچی کندک کندیسینی استجواب ایتدک دن صوکره بزه آنجق اخلاقی نه صورته تلقی ایتدیکینی ، اخلاق حقنده شخصی فکرینک نه دن عبارت

اولدیغنی سوله یه بیلیر . فقط نهدن اونک اخلاق حقنده ایدیندیکی فکر ، عوام خلقک حرارت ، ضیا یاخود الکتریکیت حقنده ایدیندکلی فکردن دها او بڑکتیف اولق لازم کلسون ؟ قبول ایدلم که اخلاق ، شعورده تماماً مکنوز اولسون . بویه اولسه بیه ینه اوراده اونى کشف ایتمه نك یولنى بيلمک لازمدر . بویه اولسه بیه ینه ، بزده موجود بوتون فکرلر آراسنده اخلاق ساحه سنه داخل اولانلره اولمایانلری آیرمق یولنى بيلمک لازمدر . حالبوکه وتفریق هانکی محک تمیزه کوره یاپه جفر ؟ بو اخلاقیدر ، بودکلدر دیمکه بزه مساعده ایدن شی نهدر؟ طبیعت بشریه موافق اولان شی اخلاقیدرمی دنیه جک؟ فقط ، طبیعت بشرک نهدن عبارت اولدیغنی اولدقچه محقق وامین برصورتده بیه بیه جکمزى فرض ایتسه ک بیه ، هانکی دلیل اثبات ایدیورکه اخلاقک غایه سی طبیعت بشریه یی ساحه فعله ایصال ایتمکدر ؟ نهدن دولایى اخلاق ، منافع اجتماعیه یی تطمین وظیفه سنى حائر بولونماسون ؟ بودستور برنجی دستورک رینه اقامه ایدیلکه قالدیلرسه ، اولاء نه حق ایله بویه برشی یاپیلا بیه جک ؟ صوکره ، اخلاق هانکی منافع اجتماعیه یی صیانت ایدم جکدر ؟ چونکه ، اقتصادی ، عسکری ، علمی ، الح ... دورلو دورلو منافع اجتماعیه واردر . تطبیقات وفعلیات بودقدر سو بڑکتیف فرضیلر اوزرینه استناد ایتدیریلهمز . چوجوقلرمزه بورجلی اولدیغمز تربیه بویه صرف جدلی بنالر کوره ترتیب وتنظیم اولونه ماز .

ذاتاً ، بو اصول هانکی نتیجه به موصل اولورسه اولسون ، هر طرفده هب عینی مصدریه استناد ایدر : اخلاق ، تشکیل ایدیه بيلمک ایچون ، تدقیق ومشاهده ایدیلکه محتاج دکلدر . اخلاقک نه اولماسی لازم کله جکنى تعیین ایچون ، شیمدیکی حالده نه اولدیغنی ، ماضیده نه اولدیغنی تحرییه لزوم یوقدر . در حال وضع احکام ایدیلک ایسته نیر . فقط اخلاقه بویه بر امتیاز نردن کلور ؟ بوکون ایشیدیلن سوزلره نظراً اقتصادی ، حقوقی ، دینی ، لسانی ، الح . وقعهرک نلردن عبارت اولدقلى آنحق بولنری تدقیق ومشاهده به ، تحلیل ومقایسه به کیریشمک صورتیه آکلاشیلحق قابل اولاییلر . اخلاقى وقعهر حقنده باشقه دورلو اولق ایچون هیچ بر سبب یوقدر . دیگر طرفدن ده ، اخلاقک نه اولدیغنی تحری ایدم بيلمک ایچون ، اول امرده بونام ایله یاد ایدیلن شیلرک هیئت مجموعه سی نهدن عبارت بولوندیغنی ، ماهیتی نه اولدیغنی ، فعلیاته نه کبی غایه لره تقابل ایتدیکنی تعیین ایتمش اولق ایجاب ایدر . اونک ایچون ، ابتدا ، « اخلاق » ی ب . وقعهر اولق اوزره تدقیق ومشاهده دن ایشه باشلا بيلم وبوبابده الیوم نلر اوکره نه بیه جکمز به باقم .

اول امرده ، علی العاده ، اخلاق دینلن افعال واعمالك كافه سنده مشترك بر و-ف واردر . اوده ، بو افعال واعمالك هېسنگ ، اولدن مؤسس قاعده لره موافق اولمالرندن عبارتدر . اخلاقی صورته حرکت ایتك، ده ا بز برقرار اتخاذا ایتك مجبورتی قارشاسنده قالمادن اول ، معین بر وقعه ده تعقیب ایدیه لك خط حرکتی تعیین ایتش اولان بر قاعده یه كوره حرکت ایتك دیمكدر . اخلاقك ساحه سی ، وظیفه لك ساحه سیدر . وظیفه ایسه امر اولونمش بر فعل و عملدر . وحدان ایچون برطاقم مسئله لر تحدت ایده مز دیمك ایسته میورز . حتی بیلیركه وحدان چوق كره مشكلاته اوغرار ، مخالف قرارلر آراسنده تردده دوشر . یالكز ، بوكی احوالده بیلنمهی ایسته نین شی او وضعیته قابل تطبیق اولان خصوصی قاعده لك نه اولدیغنی وبوكا ناصل تطبیق ایدیه لكی كسیدره بیلمكنن عبارتدر . چونكه ، هر قاعده عمومی بر امردن عبارت اولدینی جهته ، هر خصوصی مسئله ده تمامی تمامه ، میخانیک بر صورته ، عینی طرزده تطبیق ایدیه مز . بو عمومی قاعده دن خصوصی بر حکم چیقارمه لك یول بولوق عامل اخلاقی به عائددر . دائماً اونك قوه تشبیه سنه بر ایلشمش بر کنیشك واردر . فقط بوده محدود بر ساحه در . خط حرکتك اساسلی نقطه سنی قاعده تعیین ایتشددر . دهاسی وار : قاعده لك بز سربست بر افاسی نسبتنده ، یاپماز ایجاب ایدن شیك تفرعاتی امر ایتمه سی نسبتنده ، حرکتمز بزم اراده جزئی مزه نابع اولدینی احوالده ، بو حرکتمز اخلاق نقطه نظرندن تقدیر کیفیتنه تابع دكلدر . بزم بر ایلشمش اولان حریت دولایسیله بو حرکتمز دن حساب ویرمك مجبوریتنه بولونماز . ناصل موضوع بر قانون طرفندن نهی ایدیه ن بر فعل ، كلمه لك مستعمل ، حقیقی معنا ییله بر جرم تشکیل ایتزه ، بونك کی ، بر فعل ، اولدن موجود بر قاعده یه مخالف اولمادینی تقدیرده غیر اخلاقی ده اولماز . بناء علیه ، دییه بیلیركه اخلاق ، خط حرکتی اولدن تعیین ایدن بر قواعد اعمال سیسته میدر . بو قاعده لر ، معین احوالده نه صورته حرکت ایتك لازم اولدیغنی سویلرلر . ای حرکت ایتك ، ای اطاعت ایتك دیمكدر .

حسن سلیمك بر مشاهده سندن باشقه برشی اولمایان بوايك مطالعه ، مهم فقط چوق كره اهمیت تقدیر ایدیه مش بروقه نی میدان دفته عرض ایتكه كافیدر . فی الحقیقه ، اخلاقیلرك قسم اعظمی ، اخلاقی تماماً لك وغایت عمومی بر دستور ایچنده محتوی کی ارأه ایدرلر . بوندن دولاییدر كه اخلاقك تمامیه شعور فردی داخلنده بولوندیغنی ، كندی كنندیمرك ایچمه عطف ایده جكمز بسیط بر ضربه نظر ك اونی اوراده كشفه کافی كله جكنی او قدر قولایقله

قبول ایلرلر . بودستور مختلف صورتلرله افاده ایدیور . قاتحیلرک قبول ایتدکاری دستور، فائده جیلرک قبول ایتدکاری دستورک عینی دکلدر . فائده جی اخلاقیلردن هر برینکده کندیسنه مخصوص بردستوری واردر . فقط ، نه صورتله تصور ایدیلیرسه ایدیلیرسن ، هرکس اوکا اک یوکسک موقعی تخصیص ایتمکده متفقددر . اخلاقک بوتون قسم متباقیسی بواساس پرنسیپک تطبیقندن باشقه برشی دکلدر . نظری دنیلن اخلاق ایله تطبیق اخلاق آراسنده کی فلاسیک فرقی ایشه بوتلقی افاده و اظهار ایدر . نظری اخلاقک غایه سی بویوکسک قانون اخلاقی بی تعین ایتمکدن عبارتدر . تطبیق اخلاقک غایه سی ایسه بو صورتله بسط و درمیان اولونان قانونک حیات طرفندن عرض اولونان باشلیجه احوال و شرائط قارشیسنده نه صورتله تطبیق ایدیلر جکی آرامقدر . بواصول ایله استخراج ایدیلن تفرعات قاعده لری دیمک که کندی کندیلرکلردن بر موجودیت حقیقه یه مالک دکلدرلر . بونلر برنجینک استطاله لرندن ، نتیجه لرندن ، تجربی وقعه لر آراسندن کچرکن انکسار ایتمش بر محصولندن باشقه برشی دکلدرلر . اخلاقک عمومی قانونی مختلف حائله مناسبتلیرنه تطبیق ایدیکز : ایشه حائله اخلاقه دسترس اولمش اولورسکز . مختلف سیاسی مناسبتلرله تطبیق ایدیکز : وطنی اخلاقی بولورسکز . الخ ... دیمک که مختلف وظیفه لر اولمایه جقدر ، ساده جه منفرد بروظیفه ، تک بر قاعده بولونه جقدر که حیاتده بزم ایچون بررشته سائق خدمتی کوره جکدر . وضعیتلرک و مناسبتلرک صوگ درجده تنوعی و کرفلکی معلوم اولدینی جهته ، بونقظه نظرندن ، اخلاق ساحه سنک نه قدر غیر معین کی کوروندیکی تقدیر ایدیلر بیلیر .

فقط بویله برتلقی ، اشیا آراسنده کی حقیقی مناسبتلری برعکس ایدر . « اخلاق » ی بوکون موجود اولدینی حال ایله تدقیق ایدرسه ک نامتناهی بر جوق صریح و معین قواعددن ترکب ایتدیکنی و بوقاعده لرک اک صیق صیق تحدت ایدن مختلف وضعیتلر قارشیسنده انسانلرک تعقیب ایتمه لری ایجاب ایدر جک خط حرکتلری تثبیت ایله دکلرینی کوروروز . بعضیلری ، زوج ایله زوجه آراسنده کی مناسباتک نذر اولماسی لازم کله جکی تعین ایدرلر ؛ بعضیلری ابوینک جوجوقلره قارشیه بولده حرکت ایتمه لری ایجاب ایتدیکنی کوستیرلر . بر طاقلری ده اشیا ایله انسانلر آراسنده کی مناسباته تعلق ایلرلر . بودستورلردن بعضیلری قانونلره کچمش و صریح صورتده برقوة تأییدیه بولشدر . بعضیلری ایسه شعور عمومی یه حک اولمشلردر . خلقلک اخلاق جل حکمییه سی بونلری افاده ایدرلر . بونلرک قوه تأییدیه سی معین جزالر اولمایوب بواحکامی محل فعل و عملک جلب ایتدیکنی تهییجندن عبارتدر . فقط هر ایکی دورلو

قواعدكده كندیلرینه خاص بر موجودیت و حیاتلری واردرد. دلیل شوکه ایچلرندن بعضیلری مرضی بر حالده بولونقلری حالده سائرلری حال طبعیده قالا ییلرلر. بر مملکتده عائله حیاته متعلق اخلاق قواعدی بوتون حکم و نفوذلری، ایجاب ایدن صلابتلیخی محافظه ایده بیلدکلیری حالده وطنی اخلاق قواعدینک کسب ضعف ایتمش و مبهم بر شکل آلمش اولمالری قابلدر . دیمک که بوراده بالکیز حقیقی وقعلر قارشیدنده بولونما یوزر. عینی زمانده مختار و یکدیگرلرندن مستقل وقعلرده کوریوزر . چونکه ، هیئت اجتماعلر ایچنده جریان ایدن حادثات ، بو وقعلرندن هریری اوزرنده آیری آیری تأثیرات وجوده کتیریوزر . تک و عینی بر مفهومک بسیط بر طاقم مناظر مختلفه سی قارشیدنده بولونمقدن چوق اوزاغز. بو مختلف منظرلرک بوتون جوهرلری ، بوتون شأیتلری اوتک مفهومه انحصار ایتمه یوزر . بالعکس ، اصل حقیقی بر وقع اولامایان ، بسیط بر تجربه دن عبارت قالان شی ، نه صورتله تصور ایدیلر سه ایدیلر سن ، بو عمومی مفهومدر . هیچ بر زمان هیچ بر قانون ، هیچ بر شعور اجتماعی ، قانتک قطعی آمر اخلاقیسنی ، بنامک ، میلک یا خود اسپنسرک در میان ایتدکلیری شکلده « مفید » قانونی تصدیق و تأیید ایتمه مشدر . بونلر فلسفی بر طاقم مطالعات عمومیه دن ، نظریه جیلرک فرضیه لرندن عبارتدرلر . اخلاقیتنک عمومی قانونی دنیلن شی ، شأیت اخلاقیه یی تقریبی صورتده ، طاسلاق حالنده آز چوق دوغرو اراه و تمثیل ایده بیلیمک طرزندن عبارتدر ، اصل او شأیت اخلاقیه نك کندیسی دکدر ؛ بوتون اخلاق قاعده لرندن مشترک اوصافک آز چوق موفقیتلی بر خلاصه سیدر . مؤثر ، موضوع بر قاعده حقیقیه دکدر. حقیقی اخلاق ایله بونک آراسنده کی مناسبت ، طبیعتک وحدتی افاده به خاص اولان فیلسوف نظریه لری ایله بالذات طبیعت آراسنده کی مناسبت بکزر . بو قانون ، علم ساحه سنه تاندرد ، حیات ساحه سنه دکل .

حاصلی ، حقیقته ، فعلیاتده ، بو نظری مطالعه لره ، بو عمومی دستورلره کوره حرکت ایدر دکلز . منحصر آ تعلق ایتدکلیری خصوصی وضعیتلری کوز اوکنده طوتان خصوصی قاعده لره توفیقاً حرکت ایده رز . حیاتک اک مهم وقایعنده بیله خط حرکتزک نهدن عبارت اولاجغنی آکلامق ایچون ، اخلاقلیلک کویا عمومی پرنسیپی دنیلر دستور مراجعت ایدوبده صوکره اونک بو خصوصی وقعه یه نه صورتله قابل تطبیق اولدیغنی آرمش دیرماز . بر طاقم معین و خصوصی طرز حرکتلر واردرکه اونلر کندیلری بیله حال بز قبول ایتدیرلر . بز حیاپی امر و نکاح دوشمه یی اقبالرله ازدواجی منع ایدن قاعده یه اطاعت ایتدیکمز وقت ، اخلاقک دستور اصلیمی ایله بونک حاز اولدیغنی مناسبتی

بیلیری یز؟ بابا اولوبده ، زوجه مژك وفاتی مناسبتیه عائله نك بوتون اداره سی بزم اوزریمزه قالدینی وقت ، نه صورته حرکت ایده جگمزی تعین ایتك ایچون ، اخلاقیتك اك صوك منبغه قدر چیقمه ، حتی ابوت مفهوم مجردینه کیتمه وشعورده تضمن ایتدکری شیشی بونلردن استخراج ایتکه هیچ احتیاجز یوقدر . بزم خط حرکتی حقوق و اخلاق وعادات تثبیت ایدر .

ایشته « اخلاق ، ی ، آنجق لزومی اولدجه تعین ایدن غایت عمومی برشی کی تصور ایتمه ملیدر . بالعکس اخلاق ، معین برطاقم قواعدك هیئت مجموعه سیدر . بونلر ، محیطلری تقرر ایتش بر جوق قالبلردر . بز ، افعال و اعمالزی او قالبلره کوره دوکمه مجبورز . بوقاعده لری بر فعل و عملده بولونه جغمز وقت یکی باشند یاهجق ، کندیلرخی ده یوکسک پرنسپلردن استخراج ایده جك ذکاز . بونلر موجوددرلر ، حاضر یاپش دوریورلر ، اطرافزده یاشایورلر و وظیفه کوریورلر . مشخص شکلی آلتنده شایت اخلاقیه بونلردن عبارتدر .

بویلك تبیین و مشاهده بزم ایچون بویوك براهیتی حائزدر . فی الحقیقه ، کوستریورکه ، اخلاق رولی اول امرده خط حرکتی تعین و تثبیت ایتك ، اونی فردلرک کینی و عندی ملاحظه لرندن قورتارمقدر . شبهه سزکه بو اخلاقی دستورلرک محتویاتی ، یعنی امرایتدکری افعالک ماهیتیده بر قیمت اخلاقیه یی حائزدر . بوندن ایلریده بحث ایده جکزر . فقط ، هبسی انسانلرک افعال و حرکاتی تحت انتظامه آلمق غایه سنه متوجه بولوندقلری ایچون ، بو افعال و حرکاتك یالکز فلان و فلان شیلردن عبارت قالمایرق ، صورت عمومیده بر انتظامه مالک اولمالرندهده بر منفعت اخلاقیه واردر . تعبیر آخرله ، خط حرکتی دائرة انتظامه صوقق اخلاقك اساسلی بر وظیفه سی دیمك اولور . ایشته بوندن دولاییدرکه ، انتظامسزلر ، کندیلرخی معین مشغولیتلره تخصیص ایده مه یئرلر افکار عمومی طرفندن دائما نظر شبهه ایله کورولورلر . چونکه اولرک مزاج اخلاقیلری تمللرنده قصورلیدر و بناء علیه ، اخلاقیلری غایت مشکوک و تصادفیدر . فی الحقیقه ، منتظم وظائف ایضا ایتمکدن استنکاف ایدیورلرسه ، دیمك که معین اعتیادادن منفرددرلر ، دیمك که فعالیتلری مقرر شکللر آانغه قاتلانمایور ، دیمك که بو فعالیت چوغاللق احتیاجنی حس ایدیور . حالبوکه بو غیر معینلک حالتی دائمی بر ثباتسزلق حالتیده تضمن ایدر . بو قبیل کیمسلر زمان حالده کی انطباعت ، او صیراده کی استعدادك ، بر حرکتده بولونه جنی صیراده شعوری اشغال ایدن

فكرك تحت تابعيتنده بولونورلر ؛ چونكه كنديلرنده زمان حالك ماضى به غلبه چالاسنه مانع اولاجق درجهده اعتيادات يوقدر . شهبهسز ، ابي بر حمله نك اونلرك اراده سنى ابي استقامته ميل ايتدريمه سى ممكندر . فقط بو ، اوبله تصادف واحوالك بر نتيجه سيدر كه بر دها تكرر ايدجكنى هيچ برشى بزه تايمين ايدمىز . حالبوكه ، اخلاق ، اصل ولبى اعتباريله ، ثابت بر شيدر ؛ مشاهده مز پك اوزون زمان دوره لرينه شامل اولماديلى تقديرده ، اخلاق دائما عيىي حالده در . اخلاقى بر فعل وعمل بوكون نه ايسه يارينده ، اونى ايفا ايدمىك كيمسه نك شىخصى استعدادى نه اولورسه اولسون ، او اولق لازمدر . ديمك كه اخلاقى عيىي احوال وشرايط قارشيدنده عيىي افعال واعمالى تكرار خصوصنده بر استعدادى ، بناء عليه بر طاقم اعتيادات اكتساب ايدمىك قدرتى وانتظام احتياجى تضمن ايدر . « اعتياد » ايله « اخلاقى صورته حركت » كيفيتى آراسنده او قدر قرابت واردركه هر مشترك اعتيادده همان بهمه حال بر وصف اخلاقى موجوددر . بر طرز حركت برزمره ايچنده معتاد بر حاله كلنججه ، بوندن انحراف ايدن هرشى ، اصل اخلاق خطالرينك توليد ايتدكلرى تقبيح حركته غايت ياقين بر نفرت وقعيب اويانديرير . اخلاقى صورته حركتلك نائل اولدقلى حرمتدن بو اعتيادلرده حصه دار اولورلر . مشترك اعتيادلرك كافى اخلاقى دكسه لرده بوتون اخلاقى حركتلك مشترك بر طاقم اعتيادلردن عبارتدرلر . بناء عليه ، اعتياد حاله كچمش شيلره كيم مخالف ايسه اخلاقيلهده مخالفت ايتمك تهلكه سنه معروضدر .

فقط انتظام ، اخلاقيلهك بر عنصرندن باشقه برشى دكلدر . قاعده مفهومى ، كوزلجه تحليل ايديليرسه ، بوندن دها آرمهم اولمايان ديكر بر عنصرى ده اورتهيه قويه جقدر . انتظام ، تايمين ايديله بيلمك ايچون ، ايجه قوتلى صورته تشكىل ايتمش اعتيادلردن باشقه بر شيشه محتاج دكلدر . فقط ، اعتيادات ، تعريفلى مقتضاسى اولارق ، فردك داخلنده بر طاقم قوتلردر . بو ، ايچمزه تراكم ايتمش بر فعاليتدر كه بر نوع فوري انكشاف وانبساط نتيجه سنده كندى كنديلكندن تظاها ايدر . حمله طريقيه ، ميلان ويا تمايل طرزنده ، داخلدن خارجه دوغرو كيدر . حالبوكه ، قاعده ، اصل ولبى اعتباريله ، بالعكس ، فردك خارجنده بر شيدر . بزقاعده يي آنجق خارجدن كان برامر ، ياخود هيچ دكسه ، آمرا نه بر نصيحت شكللى آلتنده تصور ايدمىليرىز . حفظ صحت قاعده لرى مى موضوع بحث اوليور ؟ بولر بزه كنديلرينى وضع ايدن علمدن ، ياخود دها مادي بر صورته ، اونى تمثيل

ایدن عالمردن کلیرلر . مسلکه عائد ته قنیک قاعده لری می موضوع بحث اولیور ؟
 بونلر بزه او مسلک هیئته عائد عنعنهدن و دهالواسطه بر صورتده ، اونلری بزه
 انتقال ایتدیرن بویوکلردن کلیرلر و کوزمزلک اوکنده عنعنه نك بر مثال مشخصی
 تشکیل ایدرلر . بوندن دولاییدرکه ، قوملر ، عصرلرجه مدت ، اخلاق قاعده لری
 الوهیتدن صادر اولمش اوامر دیه تلقی ایتشلرلدر . چونکه بر قاعده ، ساده جه
 معتاد بر طرز حرکتدن عبارت دکلدر . اوله بر طرز حرکتدرکه اونی ایسته دیکمز
 کبی تعدیلده حر اولمادیغمزی حس ایده رز . بر درجه یه قدر و بر قاعده تشکیل ایتدیکی
 نسبتده ، بزم اراده مزدن خارجدر . قاعده نك ایچنده بر شی وارددرکه بزه قارشی مقاومت
 کوستیر ، بزم فوقزه چیقار ، کندیسنی جبراً قبول ایتدیرر ، بزی تضیق و اجبار
 ایلر . قاعده نك وارلنی یاخود یوقلنی ، موجود شکلندن باشقه دورلو اولماسی بزه تابع
 کیفیت دکلدر . او ناصلسه اوله در ، بزم ملزندن مستقندر . بزم آرزو و حسمزی افاده
 ایتک شویله دورسون ، بزه حاکمدر . حالبوکه ، قاعده بر حس یاخود بر اعتیاد کبی
 تماماً بر حالت باطنیه اولسه ایدی ، بزم حالات باطنیه مزک بوتون تحولاتی ، بوتون موجاتی
 تعقیب ایتهمسی ایچون هیچ بر سبب یوقدی . شبهه سزکه ، کندی کندیمزه بر خط حرکت
 تثبیت ایتدیکمز و بونک اوزرینه ، فلان ویا فلان صورتده حرکت ایتهمی بر قاعده
 اتخاذ ایلهدیکمز سویله دیکمز واقعدر . فقط ، اولا ، قاعده کله سی بوراده ، هیچ دکلسه
 صورت عمومیده ، بوتون معناسنی حائر دکلدر . کندی کندیمز ایچون چیزدیکمز بر خط
 حرکت پروغرامی ، بر قاعده دکلدر ، بر پروژه دن عبارتدر . او یالکمز بزه تابعدر ، اونی
 هر زمان تعدیل ایده یابیرز . یاخود ، حقیقه بزم اراده مزدن بر درجه یه قدر مستقل
 بولونیورسه ، بو استقلال^۱ نسبتنده بزم اراده مزدن باشقه بر شیئه استناد ایدیور دیمکدر ،
 بزدن خارج بر شیئه مربوط بولونیور دیمکدر . مثلاً شو طرزده یاشامه یی قبول ایده رز ،
 چونکه او طرز ، علمک حکم و نفوذینه استناد ایدر . او طرز حیاته بر اعتبار و اهمیت
 ویردیرن شی علمک حکم و نفوذیدر . بو قاعده یی تطبیق واجرا ایتمکه کندی کندیمزه
 دکل ، علمه اطاعت ایده رز ؟ اراده مزی علمک حضورنده سجده ایتدیررر .

قاعده فکرنده انتظام فکرندن باشقه نه موجود اولدینی بومثاللرله کورولیور . بوده
 حکم و نفوذ [سلطه] مفهومیدر . «سلطه» تسمیرله بزه فائق دیه قبول و تسلیم
 ایتدیکمز معنوی قوتک اوزرمزده اجرا ایتدیکی تأثیر و نفوذی آکلامق ایجاب ایدر .

بو نفوذ دولایسیله ، بزه امر اولونان استقامتده حرکت ایدرز . بویه یاقملغمز ، بزدن طلب اولونان فعل و عملک بزی جلب و جذب ایتمه سندن ، طبیعی یاخود مکتسب استعداد باطنیمز حسیهله اوکا میال بولونمازدن ایلری کلز . اونی بزه امر ایدن مقامده [سلطه] بیله میز ناصل بر شی وارددرکه اونی بزه جبراً قبول ایتدیرر . ایشته طوعاً اطاعت دینلن کیفیت بوندن عبارتدر . سلطه مفهومک تمامی تشکیل ایدن ، تحت تأثیرنده قالدیغمز بو قوه آمریدی وجوده کتیرن فکری عملیه لرنه لردن عبارتدر؟ بونلری بر کون آراشدیراجغز . شیمدیلک بو مسئله موضوع دکلدز . بونی و حقیقی وارلقی حس ایتمککمز کافیدر . بزه فائق اولدیغنی حس ایتدیکمز هر معنوی قوتده اراده مزی انقیاده سوق ایدن بر شی موجوددر . ایشته ، بو اختیار ایله ، دنیله بیلیرکه ، فعالیتک هانکی ساحه سنه مربوط اولورسه اولسون ، هیچ بر حقیقی قاعده یوقدرکه بو آمریت خاصه سنی بر درجه یه قدر حائز اولماسون . چونکه ، ینه تکرار ایدیورز ، هر قاعده ، امر ایدر . بونک ایچونددرکه ، ایسته دیکمزی یاقمده کندیمزی حر حس ایتمه ز .

فقط بر صنف قواعد وارددرکه سلطه فکری بونلرده صورت قطعه ده غالب بر رول ایفا ایدر . بونلر ، اخلاق قاعده لریدر . حفظ سخت احکامی ، مسلک ته قنیکنه هاندا احکام ، حکمت عوامه هاندا متنوع احکام ، هیچ شبهه یوق که کندیلرینه عطف ایتدیکمز اهمیت و اعتبارک بر قسمی ، علمه و تجربه لرینه عطف ایتدیکمز سلطه یه مدیوندلر . انسانلرک و قوفنک و تجربه لرینک خزینه سی ، کندی کندیلکسندن بزه تلقین حرمت ایدر . بو حرمت بو خزینه یه صاحب اولانلرده شامل اولور . ناصلکه بر مؤمنک دینی شیلره قارش یسله دیکی حرمت او دینک راهلرینه ده شمول پیدا ایتمکده در . مع مافیه ، بوتون بو مثاللرده ، قاعده یه توفیق حرکت ایتمه مز یالکز او قاعده نک مصدری اولان مقامه [سلطه] قارش یسله دیکمز حرمت و اعتبار حسندن منبعث دکلدز . امر ایدیلن عملک بزم ایچون فائده لی نتیجه ز ویرمک احتمالی پک چوق اولماسنک و مخالف حرکتک مضر اولنق امکاتی بولونماسنک بونده دخلی واردر . خسته اولدیغمز وقت کندیمزه باقدیریورسه ق ، امر ایدیلن رژیم دائره سنده حرکت ایدیورسه ق بو ، یالکز دو قوتورمزک سلطه سنه قارش ی بر حرمت اثری دکلدز . بو صورتله اییلشه جکمز امید ایتدیکمز ایچونده او یله یاپیورز . دیمک که بورایه سلطه یه حرمت حسندن باشقه بر شی ده کیریور ، صرف فائده جیلک ملاحظاتی ده کیریورکه بونلر بزه توصیه اولونان فعل و عملک حد ذاتنده کی ماهیتندن ، قابل یاخود پک محتمل

اولان نتیجه لرندن ایلری کلدورلر. حالبوکه، اخلاق قاعده لرله ایش بوتون بوتون باشقه دورلوردر. شبهه یوقکه بو قاعده لری اخلاص ایدمه جک اولور سه ق پک مؤسفف نتیجه لره کندیمیزی آتارز. تقبیح ایدیلک، هرکسک بزمه اختلاطدن اجتناب ایتدیکنی کورمک احتماللرینه، حتی شخصمزله یاخود مالزله بر جزایه چرپدیرلق تهامکه سنه معروض بولونورز. فقط، ماده قاعدهیه موافق اولان بر حرکت بو مؤسفف نتایج احتمالی دوشونوله رک پایش ایه اونک موافق اخلاق عد ایدیه مسی ثابت، غیر قابل اعتراض بر کیفیتدر. بوراده، فعل و عمل، اصل اولماسی ایجاب ایدن طرزده اولایلمک، قاعدهیه لازم کلدیکنی وجهله اطاعت ایدیلش بولونلق ایچون بزم اونی فلان ناخوش نتیجه دن، فلان مادی یاخود معنوی جزادن اجتناب ایتک یاخود فلان مکافاتیه نئل اولقی مقصدیه اجرا ایتمه مش بولونملق لغمز اقتضا ایلر. او قاعدهیه، خط حرکتیه بزم ایچون حائر اولایلمه جکی نتایج ملاحظه سنی بر طرف ایدمه رک، ساده جه اطاعته مجبور اولدیغمزدن دولای اطاعت ایتش اولماز لازمدر. اخلاق احکامنه، اوکا قارشیه سله نن حرمتدن دولای، یالکز بوسیددن دولای اطاعت ایتلمیدر. دیمک که اخلاق احکامی، اراده لر اوزرنده حائر اولدقلری تاثیر و نفوذی، منحصرأ، محاط بولوندقلری سلطه دن اکتساب ایدیورلر. بوراده مؤثرو فعال اولان یالکز سلطه در. باشقه بر عنصرک بوکا قاریشوبده خط حرکتک اوقاریشمه نسبتنده وصف اخلاقی سنی غائب ایتمه سی قابل اولماز. هر قاعده نک امر ایتدیکنی سویله دک. فقط اخلاق قاعده سی تماماً امردن عبارتدر، باشقه برشی دکدر. ایشه بونک ایچوندرکه بزه اوقدر یوکسکدن خطاب ایدر. بونک ایچوندرکه برکزه او خطاب ایدنجه سائر هر دورلو ملاحظات صوصمقی لازم کلیر. چونکه ترده تادتا هیچ یر براقاز. بر فعل و عملک محتمل نتیجه لرینی اولدن حسابیه قاتمق موضوع بحث اولورسه بر تردد و مشکوکیت غیر قابل اجتنابدر؛ استقباله دائماً غیر معین برشی واردر. احوال و شرائط اوقدر مختلف شکللرده تحدث ایدمه بیلیرکه بونلری اودن کسیدیرمک ممکن دکدر. وظیفه موضوع بحث اولدینی زمان ایه، بوتون بوقبیل حسابلر ممنوع اولدیغندن دولای، قطعیت ده قولا، مسئله ده ساده در. دائماً مظلم و مشکوک اولان براستقبالی استکناه موضوع بحث اولماز، امر ایدیلش اولان شیئی بیلیمک موضوع بحث اولور. وظیفه، سسنی یوکسلتدی ایه اطاعتدن باشقه یاپه جق برشی یوقدر. ارکا بوفوق العاده حکم و نفوذک [سلطه] نه دن کلدیکنی شیمدیلک آراشیدیرما بورم. یالکز بونی نظر دفته عرض ایتمکه اکتفا ایدیورم. بو، غیر قبل اعتراض بر کیفیتدر.

دیمک که، اخلاق ساده‌جه بر اعتیادات سیسته‌مندن عبارت دکلدر، بر او امر سیسته‌میدر. برنجی درجه‌ده، انتظام‌سز لک اخلاق اعتباریله ناتمام اولدقلرینی سویله‌مشدک. آنارشیستلرده بویله‌درلر. بوراده کله‌ینی معنای اشتقاق‌سیسند قولا‌نیورم. بوتعبیر ایله، اخلاقی فائیتلرک حقیقی وارقلرینی حس ایتمین آدم‌لری، بوتون فکری و معنوی قوتلری کندیلرینه عینی سویه‌ده کائن‌کی کوسترین برنوع «دالتونیزم» علتنه مبتلا کیمسه‌لری قصد ایدیورم. ایشته شیمدی اخلاق‌لیغک مانسقه برمنظره‌سی قارشیسند بولونیورز: حیات اخلاقیه‌نک کوکنده انتظام ذوقدن باشقه، اخلاقی سلطه حسی‌ده واردر. ذاتاً، بوایکی منظره وصفجه آراسنده صبق برقرابت موجوددر. هرایک‌سی‌ده احتوا ایدن دها گرفت بر مفهوم ایچنده بوانتظام ذوقی ایله اخلاقی سلطه حسی یکدیگریله برله‌شیرلر. بوده انضباط مفهومیدر. فی‌الحقیقه، انضباطک غایه‌سی خط‌حرکتی تنظیم ایتکدن عبارتدر؛ معین شرائطده کندی کندیلرینی تکرار ایدن برطاقم افعال و حرکاتی تضمن ایدر. فقط سلطه‌سز انضباط اولماز. بو، منتظم برسلطه‌در. بناء علمیه، بودرسی خلاصه ایتک ایچون دییه‌بیلیرز که اخلاقیاتک ایلک عنصری، انضباط فکریدر. فقط بوجمله‌نک معناسنه ای دقت ایدلم. علی‌العاده، انضباطک مفید کورونمه‌سی، مفید دیا تلقی ایدیش بعض افعال و حرکاته احتیاج کوسترمه‌سندن نشئت ایدر. انضباط، او افعال و حرکاتی مجبوری قیلارق اونلری تولید و ایجاب ایتمه‌نک واسطه‌سندن باشقه برشی دکلدر. حکمت وجودی او افعال و حرکاتدن آلیر. اکر بوقاریکی تحلیل دوغرو ایسه، انضباطک حکمت وجودی کندی کندیسنددر، انضباط واسطه‌سیله انسانلرک اجبار ایدیلدکلری افعال و حرکاتدن صرف نظرله، انسانک انضباطه تابع اولماسی اییدر. بچون؟ بومسئله‌ینی تدقیقه پک لزوم واردر. چونکه انضباط، قاعده چوق کره، بلکه ضروری فقط هر حالده شایان تاسف برصیقیتی، تحمل ایتمه‌ک آلیشمق فقط حد اصغری‌یه ایندیرمک ایجاب ایدن بر درد کبی منظور اولور. دنی بر خیر حالنه کترین شی‌نه‌در؟ کله‌جک دفعه ایشته بونی کورم‌جکیز.

اوجنچی درس

انضباط فکری

(مابعد)

صوك درسده ، مزاج اخلاقينك اصلى استعدادلرى نلر اولدينى آراشديرمه باشلامشوق. چونكه مرئى بو استعدادلر اوزرنده اجرأى تأثير ايده جكدري. بونلره اخلاقليغك عناصر اساسيه سى نامى و يردك . بو عنصرلرى آكلايه بيلمك ايجون ، اخلاقى خارجدن ، اطرافنده ياشاديني وايئاي وظيفه ايتديكي شكليه ، كوزمرك اوكنده متصل تطبيق ايديلديكي شكليه تدقيق و مشاهده يه تابع طومغه چاليشوق . مقصد مزده ، عرض ايتديكي متعدد اوصاف آراسنده حقيقه اساسلى اولانلرى يعنى ، خصوصى وظيفه لرك تنوعى آلتنده هر يرده دائماً عيني حالده موجود بولونانلرى تفريق اينكدى . چونكه ، بديهى اولدينى اوزره ، حقيقه اساسلى اولان شى ، بزي فلان يا خود فلان وضعيت خصوصيه ده اخلاقه موافق صورتده حركت اينكه سوق ايدن استعدادلر دكلدرلر ، مناسبات بشريه نك هيئت عموميه سنده اخلاقه موافق صورتده حركت ايتدين ساقلردر . ايشته ، بونقطه نظر دن پدش ملاحظه يه آلنجه ، اخلاق بزه اولامرده برنجى بروصفارائه ايتدى كه خارجى وشكلى اولمقله برابر غايت بويوك براهيتى حائز اولمق دن خالى دكلدر . اخلاق ، يالكيز بوكون مشاهده ايديلديكي شكليه دكل ، تاريخده ده مشاهده ايديلديكي طرزده ، خط حركتى تعين ايدن معين و خصوصى برطاقم قاعده لرك هيئت مجموعيه سندن عبارتدر . بو ايلك تبين و مشاهده دن در حال چيفته برنتيجه چيقار . اولاء اخلاق ، انسانلرك افعال و حرركاتنى تعين ، تثبيت ، تنظيم ايتديكي جهته ، فردده منتظم برحيات سورمك يولنده براستعدادى ، انتظامه قارشى برمىلى تضمن ايدر . وظيفه ، منتظمدر . دائماً عيني حالده ، يكنسق ، مطرد بر صورتده كلير . وظيفه لر ، آراده صيراده ، منقطع بحران دقيقلرنده ايفا ايديلن پارلاق افعال و حركاتدن عبارت دكلدرلر . اصل وظيفه لر ، يوميدرلر . حياتك جريان طبيعيسى اونلرى موقوت صورتده تكرار اورته يه چيقارير . بناءً عليه ، تحول و تنوع دن ذوق آلمايى هر دورلو اطراددن نفرت درجه سنده

وارد يرانلر اخلاق اعتباريله ناتمام انسانلردن معدود اولمق تهلكه سنه معروضدرلر. انتظام، عضویتده كى موقتيتك مشابه معنوسيدر .

ثانياً، اخلاق قاعده لرى، باطنى اعتيادلره ويريلن ساده جه باشقه براسمدن عبارت اولدقلى، انسانلرك خط حركتلىنى خارچدن و آمرانه تعين و ايجاب ايتدكلى جهته، اونلره اطاعت ايتك و بناء عليه اخلاقى صورتده حركت ايدم بيلمك ايجون اونلرده مكنوز بولونان نوعى كندينه خاص حكم و نفوذى [سلطه] حس ايتك لازمدر. تعبير ديكرله، فرد، قيمتى كنديسنك قيمتندن ده يوكسك اولان قواى اخلاقينه نك فائىتىنى حس ايدم بيله جك و اونلرك حضورنده ايكه جك صورتده تشكىل ايتك اقتضايدير. حتى، كوردكك، نه اولورلر سه اولسونلر، بوتون خط حركت قاعده لر ينك بزم اراده مزه جبراً كنديلر نى قبول ايتديرمه لر ينه خادم اولان قوتك بر قسمنى بو حكم و نفوذ [سلطه] حسى وجوده كتيريور سه ده اخلاق قاعده لرى خصوصنده بو حسك ايفا ايتديكى رول استثنائى صورتده مهمدر . چونكه بوراده يكانه مؤثر اولان قوت اودر . باشقه هيچ بر حسك تأثير و نفوذى كلوبده اوندك كنه انضمام ايتمز. مطاع اولمق بوقاعده لرك ماهيتنده در. مطاع اولوشلرى امر ايتدكلى حركات دولاييسيله ياخود بو اعمالك محتمل نتيجه لرى ملاحظه سيلاه دلدردر. يالكز اوقاعده لرك اويله امر ايتمش بولونمالرى يوزندن اطاعت بروجيه تشكىل ايدر . ديمك كه مؤثريتلى، منحصرأ، حائز اولدقلى حكم و نفوذدن [سلطه] در. بناء عليه، موجود اولدينى نقطه ده بو حكم و نفوذى حس و تصديق ايتك قابليت سزلكى، ياخود تصديق اولوندينى حالده تأخير و اهمال كيفيتى حقيقى اخلاقتك نى وانكارى ديمكدردر. شبهه يوق كه، بزم ياپديغمز كى، حيات اخلاقينه نك اوصاف و خواصنى ايضاح ايجون الهيات مفهوم لر ينه مراجعتدن امتناع كوستريلر سه، صرف بشرى اولان بر مفهومك بو قدر خارق العاده بر تأثير اجرا ايدم بيلمه سى بر آز شايان حيرت كوروله بيلير . فقط وقه، حد ذاتنده، غير قابل انكاردردر . بزم ايجون شيمد بلك بونى ادراك ايتكدن باشقه يابه جق بر شى يوقدر . آشاغنده، بونى بزجه قابل فهم بر حاله صوقه جق صورتده ايضاح صيراسى كله جكدردر . حاصلى، ايشته اخلاقى ليغك ايكنجى بر عنصر ينه دسترس اوليورز ديمكدردر . فقط بوايكى عنصر ك، اساس اعتباريله عيى شى اولديغى كورديكز . انتظام حسى ايله حكم و نفوذ [سلطه] حسى، انضباط فكرى دنيله بيله جك ده مركب عيى بر حاله روحيه نك ايكي منظره و صفحه سندن باشقه بر شى دكلدرلر، فكر انضباط : ايشته، ديمك كه، هر مزاج اخلاقتك ايلك اساسلى استعدادى .

فقط بویله بر نتیجه بشری ، بناءً علیه ، پک منتشر بر حس ایله تصادم ایدر . اخلاق انضباط بزه ، حد ذاتده بر خیرگی منظور اولدی . حد ذاتده ، صرف کندی ماهیتی دولایسیله بر قیمتی حائر کی کورونیور . چونکه ، بوکا بزه امر ایتدیکی افعال و حرکات دولایسیله و بو حرکاتک شمولی حسیله اطاعت ایده جک دکاز ، صرف بزه امر ایتدیکی ایچون اطاعت کوستره جکز . حالبوکه بز انضباطی ، احتمالکه ضروری فقط دائماً الیم بر تضییق ، غیر قابل اجتناب اولدینی جهته متوکلا نه قبول ایدیله سی لازم کلن فقط حد اصغری به تزیلی ایچون اوغرا شمعق ایجاب ایدن بر درد تلقی ایتکه میالز . فی الحقیقه ، انضباط ، هر انضباط ، اساس اعتباریله ، انسانک فعالیتنه قونولمش برفرن ، بر تحدید دکلیدر ؟ تحدید ایتک وضبط ومنع ایتک : انکار ایتک دیمکدر ، اولماسنه مانع اولمق دیمکدر . دیمک که قسماً محو ایتکدر . هر احا ایسه فنادر . حیات ای برشی ایسه اونی ضبط ایتک ، اوکا بر مانعه احداث ایتک ، اوکا تجاوز ایده میه جکی حدودلر تخصیص ایتک ناصل ایی بر حرکت اولابیلیر ؟ حیات ایی برشی دکسه بودنیاده باشقه هانکی شی بر قیمتی حائر اولابیلیر ؟ چونکه ، وار اولمق ، برشی یاقمقدر ، یاشامقدر . حیاتک هر تناقصی وار اولمانک بر ا تسلیمه سیدر . کیم انضباطدن بحث ایدیورسه تضییق و اجباردن بحث ایدیور دیمکدر . بو ، ایستر مادی اولسون ایستر معنوی اولسون ، بر اهمیتی اولاماز . حالبوکه هر تضییق ، تعریفی اقتضاسی اولارق ، طبیعت اشایی زور لاقم دکلیدر ؟ ایشه بوسیدلردن در لاییدر که بنتام ، هر قانونی ، آنحق ضروری و غیر قابل اجتناب اولدینی زمان قابل تجویز و عقلاً محق کوستر یله بیلیر بر فئالق عد ایدیوردی . فعلیاتده ، فردلرک فعالیتلری ، انکشاف ایتدکلری زمان بر برلریله قارشیلانمق قلی و قارشیلانمق له اختلاف و منازعه تولید ایتک تهلهکنی عرض ایتدکلری ایچوندر که بو فعالیتلرک تجاوز ایده میه جکلری حقی حدودلری چیزمک لازمدر . فقط بو تحدید کیفیتی ، حد ذاتده غیر طبیعی برشیدر . بنتام نظرند ، اخلاق ، قانونلر کی ، بر نوع مبحث الامراض ایدی . حریت طرفداری اقتصاد جیلردن قسم اعظمی ده بو بایده باشقه برلسان قوللانماملردر . هیچ شبهه سز بو حسک تاثیر یله اولاجقدر که ، سن سیموندن بری ، سوسیالیزمک اک بویوک نظریه جیلری ، هیچ بر قاعده و نظامی بولونمایان بر هیئت اجتماعیه ممکن وشایان تمنی اولاجغنی قبول ایتملردر . حیاتک فوقنده اوکا قانون وضع ایده بیلیمک صلاحیتی حائر بر سلطه فکری اونلرجه ماضیدن آرته قاله برشیدر ، پادار اولامایه حق بر فکر باطلدر . کندی قانونتی بالذات کندیسی یاقمق ، حیانه

عائد اولان بر ایشدر . حیاتک خارچنده و فوقنده باشقه هیچ بر شی موجود اولاماز . ایشته بوصورتله ، انسانلره اولجو واعتدال ذوقنی ، اخلاقی برحدود حسنی- که اخلاقی سلطه حسنک دیکر برصفحه و منظره سندن عبارتدر - دکل بوکا دوغرودن دوغروبیه ضد اولان باشقه برحسی یعنی هیچ برفره نه و تحدیده تحمل ایتمه مک عزمی ، بی حدود صورتده انکشاف آرزوسی ، نامتناهی لک اشتها سی توصیه ایدیلک نتیجه سننه واریلور . صانکه ، قارشیننده بی پایان براقق بولونما زسه انسان کندیسینی دار بریرده قالمش حس ایدیور کیدر . هیچ شهسز بواقفک هر طرفنی هیچ بر زمان دولاشمغه موفق اولامایه جغمز پک اعلا بیلینور . فقط هیچ اولما زسه بویله بی پایان براقق منظره سنک قارشیمزده دورماسی بهمه حال الزم اولاجغه ؛ یالکز بویله بر منظره مک بزه واراغمز تماماً صاحب اولدیغز حسنی ویره بیه جکنه حکم ایدیور . اون دو قوزنجی عصر اشنا سنده برچوق محررلرک نامتناهی لک حسندن عاذنا برنع عبادتکارانه بحث ایتمه لری بوندن ایلری گلشدر . اک نجیب حس بو عدا اولونور . چونکه بو حس سایه سنده انسان ، طبیعتک کندیسنه قارشنی قویدینی بوتون مانع لرک فو قنه یو کسه لیور ، کندی وارلقنی تقیص ایدن بوتون تحدید ایدن بوسایه ده انسان هیچ دکسه فکرآ آزاده قالا بیلور .

عینی برپداغوزی اصولی ، طرز تطبیقنه کوره بوتون بوتون تبدیل ماهیت ایده بیلیر . بواصول ذهناً نه صورتله تصور وتلقی ایدیلیرسه تطبیقاتده ده اوکا کوره باشقه بر شکل آلب . بناءً علیه ، انضباطک ماهیتی و صورت عمومی ده حیاته و بالخاصه تربیه ده کی رولی حقنده بسله نه جک فکره کوره انضباط ، بربرنه هیچ بکزه مز بر طاقم نتیجه لر تولید ایده جکدر . اونک ایچون ، بورولک نه اولدیغنی صریح صورنده میدان قومیغه اوغراشمالی و بوباده موضوع بحث اولان پک مهم مسئله لری حل ایدیله مش بر اقامغه جالیشمالی یز . انضباطی ساده جه خارجی و مادی ، حکمت وجودی بعض افعاله میدان و یرمه مک منحصر و بو حرکت مانعه خارچنده هیچ بر فائده می غیر موجود بر ضابطه کی می تلقی ایتمی ؟ یوقسه ، یاپدیغمز تحلی لک تخمین ایتدیره بیه جکی وجهله اخلاق تربیه سی ایچون توعی جنسنه منحصر بر آلت میدر . و بو آلتک حد ذاتنده بر قیمتی وارمیدر و وصف اخلاقی اوزرینه خصوصی بر نشانه انطباع ایتدیرمکده میدر ؟

اول امرده ، انضباطک ، امر ایتدیکی افعال و حرکاتدن مستقل اولارق ، حد ذاتنده

بر فائده اجتماعیه بی حائز اولدینی قولایجه قابل اثباتدر . فی الحقیقه ، حیات اجتماعی ، تشکیلات آلتنه آلتش حیاتک مختلف شکللرندن برندن عبارتدر . هر جانلی تشکیلات ، برطاقم مرضی تشوشاته دوشمکسزین انحراف ایدمیه جکی معین برطاقم قواعدک موجودیتنی تضمن ایدر . ادامه موجودیته موفق اولایلمه سی ایچون هر آن ، محیطک ایجاباته مقابله ایتمه سی لازمدر . چونکه اولومه یاخود خسته لغه منجر اولمقسزین حیاتک تعلیق و تعطیل ایدیلایلمه سی قابل دکلدر . بناءً علیه ، خارجی قوتلردن کان هر تحریک و تنبیه قارشی ، بر وجود ذی حیاتک ، ایجاب ایدن ، مناسب اولان عکس العمل طرزینی بولمق ایچون هر دفعه سنده یکی باشند مترددانه خطوه لر آتماسی اقتضا ایتسه هر طرفدن کندیسنه هجوم ایدن تخریب و احما سبیلری چار چابق اونی تشویش و بر باد ایدرلر . بونک ایچوندرکه عضولرک عکس العمل طرزلی ، اک اساسلی جهتلرده ، اولدن تعین و تقرر ایتشددر . عینی احوال و شرائط تحدت ایدنجه ، بر طاقم طرز حرکتر منتظم صورتده ، کندیلرینی مجبوری برماهیتده عرض ایدرلر . عضوک وظیفه سی [افعوله ؟ fonction] دنیلن شی ایشته بودر . ایشته جماعت حالنده کی حیاتده عینی ایجاباته تابعدر . انتظام اونک ایچونده ده اآز لزوملی برشی دکلدر . عائله حیاتی ، مسلک حیاتی ، وطن حیاتی هر آن تأمین ایدلمش اولمق لازمدر . بونک ایچونده ، بونک نه شکلده اولدینی هر آن دائمی صورتده آرامق مجبوریتنده بولونمامق اقتضا ایدر . بر طاقم قاعده لرک تأسیس ایدیش اولماسی و بوقاعده لرک بو مناسباتک نلردن عبارت اولاجقارنی تعین ایتمه لری ، فردلرک ، اولنره انقیاد کوسترمه لری لازمدر . هر کونکی وظیفه یی بو انقیاد تشکیل ایدر .

فقط بو ایضاحات ، بو محق کوسترمه غیر کافیدر . چونکه بر مؤسسه نک هیئت اجتماعیه ایچون مفید اولدینی آکلاشیلنجه او مؤسسه ایضاح ایدیش صایلاماز . فردلر طرفندن ده ناقابل ازاله مقاومتله مصادف اولاماسی ایجاب ایدر . اگر بر مؤسسه فردک فطرتی زورلارسه ، جمعیت نقطه نظرندن ایسته دیکی قدر مفید اولسون ، وجود بولاماز وبالخاصه ، وجود بولورسه ده پایدار قالاماز . چونکه شعورلره کؤک صالایلمکدن عاجز بولونور . شبهه یوق که اجتماعی مؤسسه لرک دوغروندن دوغرویه غایه لری ، بر فرد صفتیه فردلرک منفعتی دکل ، هیئت اجتماعیه نک منفعتلریدر . فقط ، دیگر طرفدن ، بو اجتماعی مؤسسه لر فردک حیاتی تا منبعنده تشویش ایدرلرسه عینی زمانده بو حرکته ، کندیلرینه منشاء حیات اولان منبعلریده تشویش ایتش اولورلر . ایشته ، کوردلرکه

انضباط ، چوق کره ، انسانك تشكلات طبعیه سینه قارشى بر تجاوز عد ایدیلرک ایتهامه اوغراور . چونکه انسانك سربست صورتده انکشافنه ایقاع ممانعت ایتمکده در . بر مؤاخذه حقلیمیدر ؟ انضباطك انسان ایچون بر کوچوله سبی ، قوتجه آزاله سبی تشکیل ایتمه سی دوغرومیدر ؟ بر فعالیت ، کندیسنك فوئنه چیقان ، کندیسنى بر حدود ایچنه آلان و تنظیم ایدن معنوی قوتلره تابع اولدینی نسبتده ماهیت اصلیه سنى غائب ایدرمی ؟ حالبوکه ، بالعکس ، تعیین ایدیش اولان حدودلر داخلنده قالاماق قابلیتسرلکی ، فعالیت بشریه نك بوتون شکلرینك و حتی ، دها عمومی صورتده ، بوتون بیولوژی فعالیت شکلرینك بر مرضیت نشانه سیدر . حال طبعیهده بر آدم بر مقدار غذا آنجه ، آچلق حس ایتمکدن خالی قالیر . هیچ بر زمان دویمایانلر اوبورلق خسته لغنه مبتلا اولانلردر . سلیم ، طبعی صورتده فعال کیمسه لر یورومکدن خوشلانیرلر . فقط قیلمدهمه ابتلاسنه اوغرامش خسته لر ، هیچ دوروب دیکلمه دن ، هیچ بر شی کندیلرینی ممنون ایدمه دن متصل چیرپینوب دورورلر . حتی ، حیوانلره محبت وحب غبرکی غایت طالبجنابانه حسنه بیله ، بر درجه یی کچککری وقت ، اراده ده بوزوقلقک هیچ انکار ایدیلشمش برنشانه سنى تشکیل ایدرلر . انسانلری سومه مز طبعیهدر ؛ حیوانلری سومه مز طبعیهدر ؛ فقط شو شرط ایله که بو هر ایکی محبتده بر حدی تجاوز ایتمه لیدر . شاید باشقه حسیات ضرینه اولاراق انکشاف ایدرلرله ایچریده بر بوزوقلق علائمی اولورلر . دوقتورلر بونك وصف مرضیسنی پکاعلا بیلیرلر . بعض کره ، صرف فکری اولان فعالیتک بوضرورتدن آزاده اولدینی ظن ایدیشدر . انسان آچلغنی معین بر مقدار غذا ایله تطمین ایدرسده « معین بر مقدار بیلکی ایله عقل تطمین ایدیلهمز » دنیلمشدر . بو برخطادر . هر زمانده ، بزم علمه اولان طبعی احتیاجز بر طاقم شرائطک هیئت مجموعه سی طرفدن صیقی صورتده تعیین و تحدید ایدیشدر . بر کره ، مرکزی جهله عصیه مرکز ، نظر ملاحظیه آلدیمز زمانده واصل اولمش بولوندینی حالک و انکشاف درجه سنك مساعد اولدیفندن دها فضله و شدید بر حیات فکریه سوره میز . چونکه بو حدی کچمکه قالفه جق اولورسوق ، حیات فکریه مرکز جوهر و عینی (substratum) نشوشه اوغرار و بونك عکس تأثیریه بالذات حیات فکریه ده مختل اولور . بوندن باشقه ، ادراک ، بزم روحی وظیفه لر مزدن [افعوله ؟] بریدر . صرف ذهنده بر صورت فکریه وجوده کتیرمکه خدمت ایدن ملکاتک یانی صیراء فعال ملکاتده واردر . برنجیلر حدندن فضله انکشاف ایدرلرله دیکرلرینك

ضمور پیدا ایتهلری غیر قابل اجتنابدر . بونک نتیجه‌سنده ، بر فعل وحر کتده بولونمق خصوصنده بر عدم اقتدار تحدت ایدر . حیاته‌کندیمزی اداره ایده‌بیلیمز ایچون چوق شیلری ، بوباده علمی بر مفهوم ایدیمکه قالمق‌سزین، قبول ایتمه‌مز لازمدر . هر شینک حکمتی الله ایتک ایسترسهک ، محاکمه یوروتمک ، دائمی صسورته ایراد ایده‌جکمز « نیچون ، لره جوانی بولمق ایچون بوتون قوتلریز کافی گلز . دو قورلرک « شبهه ایدیجیلر ، نامیله یاد ایتدکاری غیرطبیعی انسانلری تمیز وتوصیف ایدن حال ایشته بودر . فعالیت فکریه حقنده سویله‌دیکمز شیلر بدیی فعالیت حقنده‌ده عینی صورتله وارد اولایلیرلر . صنایع نفیسه‌دن ذوق آلمغه قابلیتی اولمایان بر قوم ، باربار بر قومدر . فقط ، دیگر طرفدن ، بر قومک حیاتنده ، صنایع نفیسه غایت مفرط بر موقع اشغال ایدرسه اوقوم اونسبتده حیات جدیدن اوزاقلاشیر ، بناء علیه آرتق ایام عمری معدود برحاله کایر .

چونکه ، یاشامق ایچون، یکونی محدود بر قوه حیاتیه ایله بر چوق ایجاباتک عهده‌سندن کله‌مز لازمدر . دیمک که ، هرخصوصی غایه‌یی الله ایتک اوزره صرف ایده‌بیله‌جکمز وایتمکه مجبور اولاجمقز قوتک مقداری بالضروره محدوددر . مالک اولدیقمز بالعموم قوتلرک یکونی ایله ، تعقیب ایدیلن غایهلرک اهمیت مخصوصه‌لرله تحدید ایدیلشدر . بناء علیه هر حیات ، گرفت بر موازنه‌در که ، بونک مختلف عنصرلری بر برلری تحدید ایدرلر . بر موازنه مختل اولوب‌ده الم وخستلق حصوله کله‌مک قابل دکلددر . ایش بوقدرله‌ده قالماز . بوموازنه ، هانکی شکل فعالیت لهنه مختل اولمشه اوشکل فعالیت بیله ، بو صورتله نائل اولدینی مفرط انکشافدن دولای فرد ایچون بر منبع اضطراب وجوده کتیریر . هر دورلو فرمندن هر دورلو قاعده‌دن آزاده قالمش اولان، آرتق معین هیچ بر شینه مربوط بولونمایان و او تعین سایه‌سنده محدود ومضبوط برحاله قالمایان بر احتیاج ، بر آرزو اونی حس ایدن انسان ایچون دائمی بر سبب عذابدن باشقه بر شی اولاماز . فی الحقیقه بزه نه ممنونیت تأمین ایده‌بیلیر ؟ چونکه ، تعریفی اقتضاسی اولارق ، غیر قابل تضمیندر . ناقابل ازانه بر صوسزلق تسکین اولوناماز . بر فعل وعملده بولونمده بر ذوق دوبامز ایچون بوحرکتیزک بر شینه یارادینغی ، یعنی ، متوجه بولوندیقمز غایه تدریجاً بزى یاقلاشدیردینغی حس ایتلی بزه . تعریفی اقتضاسی اولارق ، نامتناهی‌لکده دوران بر غایه‌یه ایسه یاقلاشلماز . اوندن بزى اوزاق طوتان مسافه ، نه قدر یول قطع ایدیلیرسه ایدیلین ، دائماً عینی حاله قالیر . هیچ بریده موجود اولمایان بر نقطه انتهایه دوغریورومک قدر انسانی سقوط خیاله اوغراته‌جق

نه واردر ؟ چونكه بزايليله دكجه اونقطه كوزمرك او كندن كريلره چكيليږ . بوقدر بيهوده برچيرېنمه ، دورديغمز ږده آديلمرغمزى صايقمندن فرقلى اولاماز ؛ اونك ايچون ، آرقه سنده حزن ونوميدى براققدن خالى قالاماز . ايشته بوندن دولاييدركه بزم دوره مزكې ، نامتناهيك خسته لغنه او غرامش اولان دورلر بالضروره حزن آلود دوره لردر . بى پايان امللره دا ئما بدينلك رفاقت ايدر . بونامتناهيك حسنى ادبياتده اك برنجى درجه ده تشخص ايتدين شخصيت ، كوتنك فائوسيتيدر . اونك ايچون ، شاعرك ، فائوسى بزه دائمى بر عذاب پنجه سنده تصور ايمه سى حقمر دكلدر .

ايشته انسان كندى وارلغى نام برصورتده حس ايتك ايچون ، كوزلرينك او كنده بى پايان برطافم افقلا انكشاف ايتديكنى كورمكه محتاج اولق شويله دورسون ، بالعمكس ، حقيقتده بويله برمنظره نك غيرمعينلكى قدر اونك ايچون اليم كله جك هيچ برشى بوقدر . انسان قارشيسنده هيچ براتنها تعينى غيرقابل برحيات ومسللك بولونديغنى حس ايتمكه محتاج اولق شويله دورسون ، بالعمكس ، آنجق معين وخصوصى ايشلره حصر فعاليت ايمه دكجه مسعود اولاماز . ذاتاً ، بوتحديد ، فردك نهايت صورت قطعيده نائل سكون اولاجنى بر حال استقراره واصل اولماسى لازم كله جكنى تضمن ايتمز . خصوصى ايشلردن ينه عيى وجهله خصوصى ايشلره غيرمنقطع بر حركت ايله كچوبده بوندن دولايى پايانسزلنك او انحلال بخش احساسى اينجه مستغرق قالماق قابلدردر . مهم اولان نقطه فعاليتك دا ئما معين بر غايه بولوب بوكا تعلق ايده بيلمه سنده واو غايه نك فعاليتى تعين صورتيله تحديد ايمه سنده در . حالبوكه ، هيچ بر مخالف قوتك ضبط ومنع ايمه ديكي هر قوت بالضروره نامتناهى غائب اولمغه ميالدر . بر جسم غازى نك انبساطنه باشقه هيچ بر جسم مانع اولمايجه ناصل اوغاز فضانك وسعتلرغى دولدورورسه هر مادي ياخود معنى قوتده ، كنديسنى توقيف ايدن بر شى بولونما دكجه انتها سز صورتده انكشاف ايتمكه ميل كوسترير . بوندن دولايى ، قواى حياتيه مترك هيئت مجموعه سنى مناسب حدودلر داخلنده طوبائيله جك ناظم اعضالره احتياج واردر . حيات ماديده ، جمله عصبيه بورولى ايفا ايله مكلفدر . اعضالرى حركته سوق ، هر برينه ترتيب ايدن قوت مقدارغى اعضالره توزيع ايله بن اودر . فقط معنى حيات جمله عصبيه نك دائره حكمنده دكلدر . نه دماغ ، نه غده لردن برى ذكازمك ياخود اراده مترك آمال و تمايلاتنه حدودلر چيزه مز . چونكه حيات فكريه ، بالخاصه بوكسك شكللرنده ، عضويتدن طائشاه خارجه چيقار . شبه سزكه عضويه تابعدر . فقط حر برصورتده تابعدر . حيات فكريه بى

عضویت باغلايان رابطه‌لر ، نه قدر يوكسك وظائف [افعوله ؟] موضوع بحث اولورسه اوقدر كوشك وبالواسطه درلر . احتساستر ، مادی اشتها لر بدنك حالتلرینی افاده دن باشقه برشی یا پامازلر ، فكر محضلری و كرفت حسلری افاده ایتزلر . تماماً معنوی اولان بو قوتلر اوزرنده آنجق ینه معنوی بر قوتدن باشقه برشی مؤثر اولاماز . بومعنوی قوت ده اخلاق قاعده لرنده مكنوز حكم ونفوذ [سلطه] در .

فی الحقیقه ، اخلاق قاعده لری ، کنديلرنده موجود بوسلطه سایه سنده حقیقی بر قوت تشکیل ایدرلر . آرزولرمز ، احتیاجلرمز ، دورلر دورلو مشیتلر ، اعتدالسز بر شکل آلفه باشلا دقلری وقت اونلره چاربارلر . شهه سزكه بوقوتلر مادی دكلدرلر . فقط ، بونلری دوغرو دن دوغرویه تحریك ایتیلورلر سه ده مفكره لری حرکته کتیرلرلر . اراده لری رام ایتك ، زورلامق ، منع وضبط ایتك ، فلان یا خود فلان استقامته دوغرو اكمك ایچون نه لازم ایسه هبسی کندی ایچلرنده واردر . بناء علیه ، هیچ استعاره قیلندن اولقسزین دنیله بیلیركه بونلر بر قوتدرلر . بزاونلره مخالف بر صورتده حرکته نه زمان تشبث ایدر سه ك اونلری بر قوت کبی حس ایدرز . چونكه بزم بر مقاومت عرض ایدرلر . بومقاومته غلبه چالمق هر زمان قابل دكلدر . سلیم صورتده تشكلی ایتش بر آدم ، اخلاقك تعیب ایتدیکی بر فعله بولونمغه قیام ایتدیکی وقت کنديسی دور دوران برشی حس ایدر : طبقی کندی قوتلرینه نسبتله پك فضلّه بر جسمی قالدیرمغه تشبث ایتدیکی زمان کبی . اخلاق قاعده لری نه بو غریب خاصه بزدن کلور ؟ ینه بردها تکرار ایدیورز : بو ، ایلری یه تعلیق ایتدیكمز بر مسئله در ؛ زمانی کلنجه اونكله مشغول اولاجغز . شیمدیلک ، بز یالکز وقعه یی تعیین ومشاهده ایله اکتفا ایتکده یز . وقعه ایسه غیر قابل اعتراضدر . دیگر طرفدن ، اخلاق بر انضباط اولدینی ، بزمه امر ایتدیکی افعال واعمالك بزم فطرت فردیه مزك تمایلاتنه موافق شیلر اولمادقلری بدیدر . اکر اخلاق بزدن ساده جه کندی یارادیلشمز کوره حرکت ایتیمی طلب ایتش اواسه ایدی بزمه آمرانه برادا ایلّه سوز سوله مکه محتاج اولمازدی . حکم ونفوذ (سلطه) آنجق سرکش قوتلری دور دیرمق ، منع وضبط ایتك ایچون الزمدر . موجود قوتلری ، کندی استقامتلی دا ئره سنده انکشافه دعوت ایچون بویه برشیته لزوم یوقدر . اخلاقك وظیفه سی [افعوله ؟] فردی کنديسی ایچون ممنوع اولان ساحه لره تجاوزدن منع ایتك اولدینی سویلنمشددر . بواعتبارله بوندن دها دوغرو برشی اولاماز . اخلاق ، محرمات وممنوعاتدن مرکب کنیش برمنظومه در . یعنی ، غایه سی فعالیت فکریه نك طبیعی صورتده جولان ایده بیله جکی وایتمه سی

لازم کله چکي دائروي تحديددن عبارتدر . بو ضروري تحديك نه يه ياراديفني ايسته شيمدي کورسيورز . اخلاق قاعده لر ينك هيئت مجموعه سي هر آدمك اطرافنده حقيقه فكري بر نوع سد وجوده كتيير . احترافات بشريه نك دالغه لري بو سدك اتكنده سوزلر ، دها ايلري يه كچه مزلر . ايسته بو احترافات بشريه بصورتله ضبط ومنع ايديدلكرندن دولاييدركه كنديلرني تطين ايتك دائره امكانه كييريور . اونك ايچون ، هر هانكي بر نقطه سنده بو سد دوشه مكه باشلارسه ، آچيلان كديكدن ، اوزمانه قدر منع وضبط ايديلن قواي بشريه درحال ، دلوله دار بر صورتده سرعته هجوم ايدرلر . فقط بو قوتلر بر كرده باشي بوش قالينجه توقف ايدمك بر حد بولامازلر ؛ كنديلرندن متاديا قاچان بر غايه يه دوعرو اليم بر صورتده سوروكله نوب كيتمكدن باشقه برشي ياپه مازلر . بالفرض ، اخلاق زوجيت قاعده لري حكم ونفوذلرني غائب ايتسونلر ، زوج ايله زوجنه نك بر برلرينه قارشى مكلف اولدقلري وظيفه لره دها آز حرمت كوستريلكه باشلانسون ؛ اخلاقك بو قسمك منع وضبط ايتديكي ، تحت قاعده يه آلديني احتراسلر ، اشتهار ، زنجيرلرندن بوشانه جقلر ، قارمه قاريشيق اولاجقلر وبو انتظام سزقلري يوزندن بوتون بوتون شدت كسب ايدمك جكلردر . هر دورلو حدوددن آزاده قالدقلري جهته سكونت ياب اولمق قابليتني غائب ايدمك جكلري ايچون ، اتحارايستايستيقلر نده پك ظاهر بر صورتده كنديسي كوسترمك بر سقوط خيال توليد وايجاب ايله يه جكلردر . كلك ، حسيات اقتصاديه يه حاكم اولان اخلاق صارصيلمغه باشلارسه ، اقتصادي حرص جاهلر آرتق هيچ بر حدود طانيه جقلرندن كيتدكجه شدت ومرارت كسب ايدمك جكلردر . فقط اوزمانده متحرلك مقدار سنوي سنك آرتديني كوروله جكلر . بومثاللر دها بر خيلي تعدد اينديريله ييلير . ذاتاً ، اخلاقك وظيفه سي تحديد وضبط ومنع ايتمكدن عبارت اولديني ايجوندركه پك فضله ثروت قولايجه براخلا سزلق منعي تشكيل ايدمك بيليور . چونكه بو ثروت تايمين ايتديكي اقتدار دولاييسيله اشيا نك بزه عرض ايتدكلري مقاومتلري حقيقه آزالير . بناء عليه ، آرزولر مزدن بر ترايد قوت حصوله كتيير . بو يوزدن آرتق اونلري اعتدال دائره سنده طوته بيلمك زور اولور . بويله قوتلري آرتان آرزولر طبيعي حدود داخلنده قولاي قولاي ضبط ايديله مزلر . بوشرايط دائره سنده ، موازنه اخلاقيه آرتق غير ثابت بر موازنه حاله كلس ديمكدر . اوني اخلاص ايچون كوچو جك بر صدمه كافيدر . ايسته بصورتله ، زمانمزده اجراي تاثير ايدن بونا متناهيك علتني نك نهدن عبارت اولديفني ، نردن كديكني آكلايه بيلمك دائره امكانه كييريور . انسان ، اوكنده سربست صورتده آچيله ش

بایانسر ساحلر بولوندینی ظننه دوشه بيلمك ايچون ، صورت طبيعیه ده کنديسنك نظرلرينی دورديرمق ايجاب ایدن اخلاقی سدی آرتق کورمه مك لازمدر . کنديسنی ضبط ومنع ایدن ، افقنی تحدید ایدن اخلاقی قوتلری آرتق حس ایتمه ملیدر . فقط ، بونلری آرتق حس ایتزه ، ديمك که او اخلاقی قوتلرده حکم ونفوذك [سلطه] طبیعی درجه سی قالمامشدر . ديمك که بوقوتلر ضعیفه مشلردر ، ديمك که ايجاب ایدن وصفی آرتق حائر دکلدلرلر . بناء عليه ، نامتناهيلمك حسی آنحق انضباط اخلاقیك اراده لر اوزرنده کی تاثیرینی غائب ایتدیکی زمانلرده نمایان اولایلیر . عصرلردن بری معتبر و نافذ اخلاق سیستمی صارصيلمش اولوبده آرتق حیات بشریه نك یکی شرائطنه توافق ایتمه دیکی واورتدن قائلانك یزینی طوتمق اوزره یکی برسیمته مده هنوز وجود بولمادینی دورهلرده حصوله کلن ضعفك برنشانه سیدر .

ایشته ، چوجوقلرمزی منقاد بولوندردیغمز انضباطی ، آنحق شایان تقییح افعال وحرکاتك تکررینه مماثلت مقصیده ضروری کوروندکلری زمان مراجعت ایدلمسی لازم برتضیق آلتی عد ایتمکدن اجتناب ایدلم . انضباط حد ذاته ، تربیه نك نوعی کندینه خاص برعالمیدر . اخلاقی سجهیه ده اساسلی بعض عنصرلر واردرکه بونی یالکمز انضباطه مدیونز . چوجوغه آزرولرینی اعتدال دائره سنده بولوندریمه بی ، هردرلو مشتهای قاصر ایتمه بی ، فعالیتك غایه لرینی تحدید وبناء عليه تعیین ایلهمه بی انضباط سایه سنده ، آنحق اونك سایه سنده اوکره تبیلیرز . بوتحدید ، سعادتك ومعنوی صحتك شرطیدر . شه سزکه بو ضروری تحدید مختلف مملکتلره ودوره لره کوره دکیشیر . حیاتك مختلف جاغلرنده عینی حالده قالماز . انسانلرک حیات فکریه سی انکشاف ایتدکجه ، دها شدید ودها گرفت بر حال آلدکجه ، معنوی فعالیتلرنك دائره سی ده عینی نسبتده کنیشه مک ضروریدر . نه علم نه صنایع نفیسه ، نه رفاه مادی خصوصنده بوکون بز بابالرمز درجه سنده قولایقله نمون اولامایز . اونك ايچون ، مربی بوحدودی صنعی صورته دارالتمه تشبث ایدمک اولورسه انضباطك غایه لری خلافده حرکت ایتمش اولور . فقط ، وضع ایدیلن حدودك تحوّل ایتمه سی وتحولاتك ده حساب قائلماسی الزم ایه بویه برحدودك بولونماسی ده دها آزر لازم دکلدلر . شیمدیلک بوتون اثبات ایتمك ایسته دیکم شی بودر .

احتمالکه ، بو سعادتك پك بهالی یه مال اولدینی عقلدن کچیریله جکدر . فی الحقیقه ملکاتمه وضع ایدیلن هرحدود ، ايجاب احوال دولایسیله ، قدرتک بر تناقصی ديمك دکیدر ؟ تحدید بر تابعیت تضمن ایتزمی ؟ بناء عليه ، اویله کورونویورکه تحدید ایدلمش بر فعالیت

دها آرزو نکن ، عینی زمانده دها آرزو کنی کنديسنه دها آرزو صاحب بر فعاليتدن باشقا برشی اولاماز .

بوتيجه بر متعارفه کی منظور اولور . حقیقته ، حس سلیمک بر ذهاب باطلندن باشقه برشی دکدر . بو نقطه اوزرنده بر آرزو تأمل ایدیه جک اولورسه بالعکس ، مطلق قدرت بی پایانک ، اعظمی بر عدم قدرته ویریش بر اسمدن باشقه برشی اولدینی کورولور . فی الحقیقه خارجی هر دورلو تحدیداندن آزاده بر آدمی ، تاریخک بزه بحث ایتدیکی مستبدلرک هبسندن دها شدتلی بر مستبدی ، هیچ بر خارجی قوتک منع وضبط ایتهدیکی وبر قاعدهیه تابع طوتمادینی بر مستبدی تصور ایدیکز . تعریفی اقتضاسی اوله رق ، بویه بر آدمک آرزولری مقاومتسوز بر تأثیری حائزدر . فقط بوکا باقدرق اونک حاکم مطلق اولدینی ادعا ایدیه بیلیرمی؟ شهسز که خایر . چونکه کنديسی ده او آرزولره مقاومتدن عاجزدر . آرزولری ناصل وقایعه حاکم ايسلر اونک کنديسنه ده حاکمدرلر . او ، آرزولرینک تحت حکمنده در ، کنديسی اونلره حاکم دکدر . حاصلی ، تمایلاتمز قیوددن آزاده قالدقلری ، هیچ برشی کندیلرینی تحدید ایتدیکی زمان ، مستبدانه بر وصف آلیرلر ، ایلک اسیرلری ده او تمایلاتی حس ایدن کیمسه در . بویه بر آدمک بزه نه حزن آلود بر منظره عرض ایتدیکنی بیلیرسکزر . برینه صوکه درجه ده ضد دورلو دورلو میلانلر ، برینی صوکه درجه ده ناقض کیف وهوسلر یکدیگری تعقیب ایدرلر . کویا مطلق دنیلن او حکمداری بر برینه الک مغایر استقامتله طوغری سوروکلرلر . او صورتده که بوظاهری حاکمیت مطلقه نهایت الامر حقیقی بر عجز وضعف حالنه کیره . بر مستبد بر جوجوق کیدر . جوجوغک عجزلرینه ، عینی سبیلردن دولایی ، مالکدر . چونکه کندي نفسنه حاکم دکدر . نفسه حاکمیت : ایشته هر حقیقی اقتدارک ، حریت اسمنه لایق هر حریتک ایلک شرطی . فقط انسان ، ایچنده بر طاقم قوتلر طاشیرده بونلر ، تعریفلری اقتضاسی اولارق ، تحت حکمه آلنه مازلرسه ، نفسنه حاکم اولاماز . عینی سبیدن دولاییدر که پک فضله قوتلی اولان سیاسی فرقلر ، کافی درجه ده مقاومتی اقلیتلری حسابا قاتق مجبوریتنده بولونمایان فرقلر ، دوام ایده مزلر . بونلر ، قوتلرینک فضله لغندن دولایی انقراضه اوغرامقده کچیکمزلر . چونکه ، هیچ برشی کندیلرینی تعدیل ایده بیه جک بر حالده اولمادینی ایچون ، بالضروره صوکه درجه ده شدید حرکانه سوروکلر نیرلر ، بوشدتلرایسه اونلرک تعضولرینی بوزار . پک فوتلی بر فرقه ، کندي کنديسنه حاکم اولاماز ، کنديسنه بر خط حرکت تعیین ایده مزلر ، چونکه لزومندن فضله

قدرته صاحبدر. برفرقه ایچون اکثریت قاهره‌یی جامع مطیع مجلس مبعوثانلر، مثلی بولونماز مجلس مبعوثانلر، بدایتده ظفرینی اعلان ایدر کی کوروندکلری مسلکلی ایچون مهلکدرلر. فقط دنیه بیلیرکه، خارجدن برتضیق، دائمی صورتده اوزرمزده اجرایی تأثیرایتمه‌دن بزم، باطنی برجه‌د و غیرت نتیجه‌سنده کندی کندیمزی ضبط و منع ایتمه‌مزنک عجباً امکانی یوقیدر؟ شبهه‌سزکه واردر. بونفسه حاکمیت قابلیت، تربیه‌مزنک انکشاف ایتدیرمه‌سی لازم کلن الک باشلی اقتدارلردن بریدر. فقط کندی کندیمزه قارشلی مقاومت ایتمه‌یی اوکرنمه‌مزن ایچون، اشیانک بزه عرض ایتدکلری مقاومت سائقه‌سیله بونک لزومنی حس ایتمه‌مزن لازمدر. کندی کندیمزی تحدید ایتمه‌مزن ایچون، اطرافزی چوره‌ن حدودلرک حقیقه دار اولدقلرینی حس ایتمه‌مزن ایجاب ایلر. یافعلیاتده یا حقوقاً غیر محدود اولان یا خود کندیسنی بویله ظن ایدن بر مخلوق، تضاده دوشمکسزین کندی کندیسنی تحدید ایتمه‌یی عقلنه کتیره‌مزن؛ بو، فطرتنه قارشلی جبر و شدت استعمال ایتمک اولور. ایچریدن کلن مقاومت، خارجی مقاومتک آنجق بر لمعه‌انعکاسی، بر افاده‌باطنی‌سی اولابیلیر. حیات ماده‌ده بزی توقیف ایدن و بزه، اطرافزی احاطه و تحدید ایدن برکل ایچنده بر جزءدن باشقه بر شی اولمادیغمزی خاطرلانیان محیط مادی وار ایسه حیات معنویه‌یه هاند کافه‌خصوصاتده اوزرمزده بوتأثیری حائر اولابیله جک و بو حمی ویره بیله جک شی آنجق معنوی قوتلر اولابیلیرلر.

حاصلی، شو مهم نتیجه‌یه واصل اولوبورز که انضباط اخلاقی یالکز اصل حیات اخلاقی‌یه خدمت ایتمکله قالمایور، تأثیری ده اوزاقلره شامل اولوبور. فی الحقیقه، شمعدی کوردیکمز شیلردن چیقان نتیجه‌یه کوره، انضباط اخلاقی، سجه‌مزنک و عمومیتله شخصیتک تشککنده مهم رول ایفا ایدیور. فی الحقیقه سجه‌ده الک اساسلی اولان جهت حاکمیت نفسه قابلیتدر، توقیف، یا خود تعبیر منتشریه، ممانعت inhibition ملکه‌سیدر که احتراصلرمزی آرزولرمزی، عادتلرمزی ضبط و منع ایتمه‌مزی و اونلره حاکم اولمامزی تأمین ایلر. چونکه بر شخصیته مالک بر مخلوق، بوتون یابدینی شیلراوزرینه کندیسنه خاص بر مارقه اورابیلیمکه قادر بر مخلوق دیمکدر. بومارقه دائماً عینی شیدر. بونکله کندی وارلغنی طایفر و سائر وارلقلردن تمیز ایدر. حالبوکه، تمایللر، سوق طبیعیلر، آرزولر هیچ بر مقابل مانع اولمقسزین حکمران اولدقلری مدتیجه، خط حرکتمز منحصرأ اونلرک شدت ذاتیه‌لرینه تابع بولوندینی مدتیجه، چوجقلرده و یا خود ابتدائی انسانلرده حصوله کلدیکی وجهله، دائمی فیرطنلر، ناکهانی تبدل حرکتلر اکیسک اولماز. بونلر اراده‌یی، کندی کندیسنه قارشلی

لایق قطع انقسامه اوغرا تهرق ، کیف وهوسك هرروز کارینه کوره داغیته رق شخصیتك اكه برنجی شرطلری اولان وحدت دائره سنده تشکلدن واقدام وثبات ایله تمادیدن منع ایدرلر . ایشته انضباط اخلاقی بزى بو نفسه حاکمیتی اکتساب ایتمه که تربیه ایدر . داخلدن کلن حملاتك شدق آلتنده حرکت ایتك طرزندن باشقه دورلو حرکتده بولونمائی و فعالیتهمزك طبیعی سطح مائلندن آشاغی دوغرو کندیکندن قایوب کیتمه سنه مساعده ایتمه یی بزه او اوکره تیر . جهد و غیرت ایله حرکت ایتیه بزه انضباط اخلاقی تعلیم ایدر . چونکه هیچ بر اخلاقی فعل و عمل یوقدر که بزى میلانلر مزدن بریه ممانعته ، مشتهیاتمزدن برینی اسکانه ، تمایلاتمزدن برینی تعدیله اجباری تضمن ایتسون . عینی زمانده ، هر قاعده ده کندیسنی هر دورلو فردی کیف وهوسلرك فوقه حیقاران ثابت و غیر متحول برشی بولوندیغی ، اخلاق قاعده لری ایسه سائر بوتون قواعددن دهالایتغیر اولدقلری ایچون ، اخلاقی صورته حرکت ایتیه یی او کرئمك ، بر فکر تعقیب ایله ، ایچمزدن کلن حملهلر ، و تصادفی تلقینلر فوقنده ، ثابت پرنسپلره کوره حرکت ایتیه یی ده او کرئمك اولور . بناء علیه عمومیتله اراده ، وظیفه مکتبنده تربیه کورور .

دردنجهی درس

انضباط فکری (منام)

اخلاقیتک ایکنجی عنصری : اجتماعی زمره له مربوطیت

اخلاقیتک برنجی عنصری نه دن عبارت اولدیفنی تعیین ایتدکن صوکره ، بونی نه روح داره سنده چوجوغه الفا ایتک ایجاب ایده جکنی تصریح ایچون ، ایضا ایتدیکی وظیفه یی [افهوله] ده تدقیق ایله دک . اخلاق ، اساس اعتباریله بر انضباطدر ، دیدک . هر انضباطک ایسه چیفته بر غایه سی واردر : فردلرک خط حرکتلرنده بر انتظام حصوله کترمک ، اوناره معین بر طاقم غایه لر کوسترمک که بونلر عینی زمانده فردک افقیده تحدید ایدرلر . انضباط ، اراده یه برطاقم اعتیادات ویرر واکا برطاقم فره نلرده قویار . انضباط ، انتظام وقاعده آلتنه آلبر ، ضبط ومنع ایدر . انسانلرک ، بربرزیله اولان مناسبتلرنده منتظم ودائمی صورتده موجود اولان شیئه تقابل ایلر . اجتماعی حیات ، بدرجه یه قدر ، دائما هپ عینی نی اولایغی ایچون ، هپ عینی احوال وشرائط حیات اجتماعیده موقوت صورتده تکرار وجوده کلدیکی ایچون ، بعض طرز حرکتلرک ، طبیعت اشیا ایله الک ای مناسبتدار اولدقلری کورولنلرکده عینی موقوتیت ایله تکرر ایتهلری طبیعیدر . ایچنده بولوندیغمز مختلف شرائطک نسبی انتظامیدر که خط حرکتلرکده نسبی انتظامی تضمن وایجاب ایدیور . فقط یکنظرده تحدیدک مفید اولماسنک حکمتی بوقدر آشکار صورتده کوزه چارماز . بوطبیعت بشریه قارشی برجر وفضیق تضمن ایدیورکی کورونور . انسانی تحدید ایتک ، سربست انکشافنه مانع لر قویق ، اونی کندی شخصیتنه مالک اولمقدن منع ایتک اولمازمی؟ حالبوکه کوردک که بوتحدید بزم معنوی صحتمزک وسعادتمزک برشرطیدر . فی الحقیقه ، انسانلر معین ، نه قدر واسع اولورسه اولسون یه محدود بر محیط ایچنده یاشامق اوزره خلق ایدیلشدر . حیاتی تشکیل ایدن امثال واعمالک هیئت مجموعه سنک غایه سی بزی بو محیطه یاخود محیطی بزه تطابق وتوافق ایتدیرمکدن عبارتدر . بناء علیه ، بزدن طلب ایتدیکی فعالیتده عینی صورتده معیندر . یاشامق ، بزی احاطه ایدن عالم مادی ایله ، اعضاسی بولوندیغمز عالم

اجتماعی ایله کندی میز هم آهنگ قیلمقدیر. مع مافیه کړك عالم مادی كړك عالم اجتماعی، نه قدر واسع اولورلر سه اولسونلر، ینه محدوددرلر. اونك ایچون، صورت طبیعی ده تعقیب ایده جكمز غایه لرده عینی وجهله محدوددرلر. بز در حال خلاف طبیعت بروضعتیه دوشمه دن بوحدودی آتلایه مایز. هر دوره ده هر آن امللر مژك، دورلو دورلو حسیاتمژك محدود اولملاری لازمدر. انضباطك رولی بو محدودیتی تأمین ایتمکدر. الزم اولان بوحدود اورته دن قالفسون، بزی احاطه ایدن اخلاقی قوتلر آرزولرمزی ضبط ومنع ایده بیله جك، تعدیل ایله بیله جك حلاله اولماسونلر؛ فعالیت بشریه آرتق هیچ برشیه ضبط ایدیه دیکی ایچون، بوشلق ایچنده غائب اولور؛ بو بوشلنی، ظاهراً پارلاق برشی کبی کورون نامتناهیلك اسمیله سوسله یهرك هیچلکنی کندی کندیسندن اورتر.

دیمك كه انضباط، یالکز هیئت اجتماعیك منفعتی نقطه نظرندن، منتظم بر تشریك مساعینك الزم و ضروری برواسطه تأمین اولمق اعتباریله مفید دکلدر، فردك منفعتی ایچون ده فائده سی واردر. آرزویه اعتدال ویرمه یی بز انضباط واسطه سیله اوکړه نیرز. بو اعتدال بولونمازسه انسان مسعود اولاماز. بوندن دولای، انضباط بزم هر بیرزده اساسلی صورتده موجود اولان شیئی یعنی شخصیت میز وجوده کتیرمکده بویوك برنسبتده خدمت ایدر. چونكه، انضباط اخلاقی مکتبده تعلیم ایتدیكمز بوتمایلاتمیزی منع و ضبط ایده بیلمك، کندی کندی مزه مقاومت کوسترمك ملکسی، تأمل و ملاحظه یه مستند، شخصی براراده نك نمایان اولماسی ایچون برشرط ضروریدر. قاعده، کندی کندی مزه اعتدال ویرمه یی، نفس مزه حاکم اولمای بزه اوکرتدیکندن دولاییدر كه بر خلاص و حریت آلتی اولیور. علاوه شونی ده سویله یم كه بالخاصه بزمکی کبی ده موقراتیک هیئت اجتماعی لرده چو جوغه بونجات بخش اعتدالی اوکرتك بهمه حال لازمدر. چونكه، باشقه تمللر اوزرینه تشکل ایتش هیئت اجتماعی لرده آرزولری و حرص جاهلری شدید بر صورتده منع و ضبط ایدن موضوع و اعتباری سدرلر قسماً ییقیلمش اولدیغندن، انسانلر ك صرف نظر ایده میه جکری بو انتظام بخش تأثیری اجرا ایده بیله جك شی آنجق انضباط اخلاقیدن عبارتدر. پرنسب اعتباریله، بوتون مسلک لر هر کسه آچیق اولدینی ایچون، یو کسلمك آرزوسی هر دورلو نسبت و درجه فوقده حرارت و غلیان کسب ایتمك ده قولایلقه معروضدر. اودرجه یه حیقاییلر كه آرتق حقیقتده هیچ حدود طانیایه بیلیر. بناء علیه، تربیه، ایرکندن، چو جوغه تاریخك، هیچلکنی کوسترهرك اورته دن قالدیردینی و قالدیرمقده دوام ایتدیکی بو صنی حدودلر خارچنده، طبیعت اشیا

اوزرینه یعنی هر بریمك فطرتی اوزرینه مؤسس باشقه حدودلرده بولوندیغنی حس ایتدیرملیدر. چو حوخی ، هر شیئه رغماً ، بر توكله دوعرو منفعلانه كوتوروب بوكا آلیشیدیرمق ، كندیسنده کی مشروع حرص جاهلری اویونمق ، وضعیت حاضره سندن یوفاریه عطف نظر ایتمه سنه مانع اولمق مسئله سی موضوع بحث دكلدر. بوكی تشبیلر ، تشکیلات اجتماعیه مزك پرنسیدیریلره بر تضاد تشکیل ایدرلر . یالکیز ، چو جوغه آكلا تمایلیدر كه مسعود اولمق چاره سی یاقین ، ساحه فعلیه ایضالی قابل ، هر كسك طبیعتیه مناسبته دار غایدر قبول وتعقیب ایده رك بونلره واصل اولمقدن عبارتدر؛ نامتناهی صورته اوزاق و بناء علیه غیر قابل وصول برطاقم هدفلره دوعرو اراده یی عصبی والیم بر صورته شدتله نوجیه ایتمك دكلدر. چو حوقدن دنیاك هر دورده كورولن حق سز لغی صافلامغه قلیشمقسزین اوکا شونی حس ایتدیرملیدر كه سعادت ، نفوذ و اقتدار ایله ، وفوف و یا ثروت ایله بی پایان صورته آرتمار . سعاده پك مختلف شرائط دائره سنده تصادف ایدیه بیلیر؛ هر بریمك نشئه و نمونیتدر مز بولوندیغنی قدر دردلر مزده واردر؛ اصل لازم اولان شی ملكات مزله هم آهنگ اولاجق و فطرت مزی ساحه فعلیه ایصال ایتمه مزه مساعد بولونه جق بر هدف فعالیت بولمقده در؛ فطرت و طبیعت مزی بوجهله زور لامغه و اونی طبیعی حدودلری خارچنده صنعی و شدید بر صورته ایلریه دوعرو سورمكه قلیشما مالیدر . ایشته بونلرده تشکیل بر اعتیادات و فکریه هیئت مجموعه سی واردر كه مکتب چو جوغه بونی ویرمالیدر . فلان یا خود فلان ره ژیمه خادم اولدیغندن دولای دكل ، سلیم اولدقنندن ، سعادت عمومیه اوزرنده صوك درجه ده ای بر تاثیر اجرا ایدیه جککرنندن دولای بویه یاپمالیدر . فضله اولارق ، شونی ده سویله یلم كه ، اخلاقی قوتلر عقیف و محروم ذکا قوتلره قارش بر حمایه وظیفه سنی ده كودورلر . بر دفعه دهها تکرار ایدیورم ، بر اعتدال ذوقی ، بیلیم ناصل برطاقم عطالت تمایلاتی کی تلقی ایدیه ملیدر . معین برغایه دوعرو یورومك و صوكره بونك یرینه ینه عینی صورته معین دیگر برغایه قائم اولمق لاینقطع ایدریله مكدر ، حرکت سز قالمق دكلدر . یورومك لازم می دكلی مسئله سی موضوع بحث اولماور ، هانکی آدیم ایله ونه صورته یورومك قطه سی آراشدیریلدور.

ایشته ، الكوزده بولونان اخلاقلر قدر بزده انضباطك فائده سی عقلی صورته اثبات ایتمكه موفق اولیورز . یالکیز ، شورایه دقت ایتملیدر كه انضباطك رولی حقیقه بزم بسله دیکمز تلقی بعض ایلری کان مداحلرینك تکلیف ایتدکری تلقیدن چوق فرقلیدر . فی الحقیقه ، چوق کره واقع اولدیغنی اوزره ، انضباطك اخلاقی ایلکیرینی اثبات ایچون ،

علمینده بولوندیغیم پرنسیپه استناد ایتیشدردر. انضباطی ضروری کورمکله برابر شایان اسف بر فئالقی دییه تلقی ایدنلر بر پرنسیپی ایلری سورمکده درلر . بنتام ایله فائده جیلر کبی ، انضباطک طبیعت وفطرت اوزرنده اجرا ایدیلر بر جبر و تضیقدن عبارت اولدینی بردهات شککنده ایلری به سورولور . فقط ، بو جبر و شدتک ، خلاف طبیعت اولق حسییه ، فنا اولدیغنه حکم ایدیه جک یرده ، بالعکس ، طبیعتک فنا اولدیغنه حکم ایدیلک دولایسیله ، انی اولدیغنه قناعت ایدیلور . بونقظه نظردن طبیعت وفطرت دنیلن شی ماده در ، اتلردر که شرک و کنهاک منبعیدر . بناء علیه « طبیعت » ، انسانه اونی انکشاف ایتدیرمه سی ایچون ویریش برشی دکلدردر . بالعکس ، اوکا غلبه جالمه سی ، اونی مغلوب ایتمه سی ، صوصدیرماسی ایچون ویریشدر . بو ، انسان ایچون کوزل بر مجادله ، کندی نفسنه قارشى شرفلی بر جهد و غیرت وسیله سیدر . انضباطده مظفریتک آلتیدر . ایشته ، بعض دینلرده قبول ایدیلدیکی شکده انضباطک زاهدانه تلقیسی بودر . بنم سزه تکلیف ایتدیکم مفهوم ایسه بوتون بوتون باشقهدر . بز ، انضباطک فرد ایچون فائده لی و لزوملی اولدیغنه اینانیورسوق بو ، بالذات طبیعتک بویله بر شیشه لزوم کو سترمه سندن نشئت ایدور . فطرت ، طبیعی صورته کندیسنی بو واسطه ایله ساحه فعله ایصال ایدر . یوقسه انضباط ، طبیعتی صیقمق ، ازملک ایچون بر واسطه دکلدردر . موجود اولان هرشی کبی ، انسانده محدود بر مخلوقدر ؛ بر کلک جزئیدر : ماده ، کائناتک بر جزئیدر ؛ معنا ، هیئت اجتماعیه نک بر جزئیدر . بناء علیه ، طبیعت وفطرتی خلافتده بر حرکتده بولونمش اولمادن ، هر جزء ایچون مجبوری اولان حدودلردن آزاده قالمغه جالیشه ماز . حقیقتده ، الک اساسلی اولان شیلرک کافه سی بویله بر جزء اولق خاصه سنه مربوطدر . چونکه بر شخصیت اولدیغنی سویله مک ، کندیسنک غیری اولان شیلرک کافه سندن آیری بولوندیغنی سویله مک دیمکدر . حالبوکه آیریلق تحدیدی تضمن ایدر . اونک ایچون ، بزم نقطه نظر مزه کوره ، انضباط انی ایسه بو ، طبیعتک ایشنه اعتماد سز بر نظرله باقامزدن ، بونی ، عقیم بر افاق ایجاب ایدن بر ترتیب شیطانی عد ایتمه مزدن ایلری کله بور . فطرت بشریه انضباط آلتنده طوتولمادجقه کندی ماهیت اصلیه سی بولامایه جفندن دولاییدر که انضباطک اییلکنه حکم ایدیوروز . طبیعی میلانلرک بعض حدودلر داخلنده ضبط ایدیلهلری الزم اولدینی حکمی ویرمه مز بومیلانلری فنا کوردیکمزدن دکلدردر ، بونلرک تطمین ایدیلکه مستحق اولدقلریغی انکار ایتیه بوروز . بالعکس ، انضباط اولماز سه بونلرک حقلی بر امکان تطمین بولامایه جقلریغی دوشونیوروز .

ایشته بوندن ایلک چیقان نتیجه عملیه شو اولیورکه هر زاهدک Ascétisme حد ذاتنده مطلقا اینی دکدر .

ایکی تلقی آراسنده کی بوابدائی فرقدن ده سائر برطاقم فرقلرده انبعاث ایدرلرکه اونلرده اهمیتجه برنجیسندن آشای قالمالار . اگر انضباط ، انسانک فطرت وطبیعتی ساحه فعله ایصال ایچون برواسطه ایسه، معلوم اولدینی اوزره ، ازمنهیه کوره تحویل ایدن طبیعت بشریه ایله برلکده دیکشمهسی اقتضا ایدر . تاریخده ایلرلندکجه، مدینتک نتایجندن اولارق، طبیعت بشریه ده شدید قوتلر خصوصنده کسب ثروت ایدر، ده فضله فعالیتلره احتیاج دویار . بونک ایچوندکه فردی فعالیت ساحه سنک کیشله مهسی، فکری، اخلاقی، حسی اقمزک حدودلری کیتدکجه ده اوزاقلره دوغرو چکیلیمهسی طبیعی برحالد . کرک علم جهتنده ، کرک رفاه وراحت جهتنده ، کرک صنایع نفیسه جهتنده ، بزى بالمرزک توقف ایتمش اولدقلری نقطه دن ایلریه کچمکدن . منع ایتمک یاخود اونقطه یه کری کوندرمک ادعاسنده بولونان سیسته ملرک بوشلنی ایشته بوندن نشئت ایدر . طبیعی حدود برتکون دائمی حالنده در . مطلق برطاقم پرنسپلرنامه بوحوددی بردفعه ده لایتغیر برصورتده تثبیت ایتمک قالفان هر مسلک ارکچ طبیعت اشیا ایله چارپیشه جقدر . یالکز انضباطک محتویاتی دیکشمکه قالمایور، بو انضباطک فکرلره طرز تلقینی ده دکیشور . یالکز انسانک ساحه فعالیتی دیکشمکه قالمایور ، بزى منع وضبط ایدن قوتلرد . مختلف ادوار تاریخیه ده کی قوتلرک تماماً عینی اولمایورلر . آشای هیئت اجتماعیه لرده، تشکیلات اجتماعیه غایت بسیط اولدیفندن اخلاق ده عینی وصفی حازدر و بناء علیه، انضباط فکرینک غایت منور بولونماسی نه الزمدر نه قابلدر . اخلاقی افعال و اعمالک بسیطلیکی، برماکنه کی حرکت اعتیاداتنک شکلنی قولایجه اکتساب ایتمه لرینی انتاج ایدر . بو شرائط داخلنده بویله ماکنه شکلنده حرکت محذورسزدر . چونکه ، حیيات اجتماعیه هر زمان عینی حالده بولوندیقندن ، بر نقطه دن ایله نقطه یاخود بر زمان ایله دیگر زمان آراسنده پک آز فرق عرض ایتدیکنندن ، تأمل و ملاحظه یه غیر مستند اعتیاد ایله عنعنه هر شیئه کافی کلیرلر . اونک ایچون ، محاکمه یه ، تدقیقه هیچ امکان بر اقایان بر اعتباره ، بر حکم و نفوذ مالک اولورلر . فقط ، بالعکس، هیئت اجتماعیه لر نه قدر مرکب بر حال آلیرلر سه اخلاقک صرف ماکنه طرزنده بر مقایزه ایله ایقای وظیفه ایتمه سی اوقد زور لاشیر . اصول و شرائط هیچ بر زمان یکدیگرینک عینی دکدرلر . بوندن دولانی . اخلاق قاعده لری ذکایله تطبیق ایدیلکه احتیاج کوستریرلر . هیئت اجتماعیه نک طبیعی دائمی .

بر تکامل حالند در؛ بناءً عليه، بالذات اخلاقك ده ايجاب ايتدجكه تحول ايدم بيله جك صورتده
رم اولماسى لازمدر . فقط بو قابل اولاييلمك ايجوند ده اخلاق ذهنلره تنقيدك، تفكر
وملاحظه كنك فوقده طوتولاجق شكلده القا ايديله مش اولمق ايجاب ايدر . بوتون تحولاتك
اك برنجى عامللرى تنقيد ايله تفكر وملاحظه در . فردلر، اخلاقه توفيق حركت ايتمكه برابر
نميايد قلر ي ادر اك ايتملى واخلاقه حرمتلرى ذكاي تماماً زنجيره اوراجق درجه به وار مالميدر .
ايشته ، انضباطك الزم اولماسنه اعتقاد ايديلمكه ، كور كورينه ، اسارت آميز بر شكلده
اولماسى ايجاب ايتمز . اخلاق قاعده لرند بر حكم ونفوذ (سلطه) بولونالميدر . چونكه
بوندن محروم اولور لر سه تاثيرلرى كورولمز . فقط ، تاريخك بر آندن اعتباراً ، بوسلطة ،
او قاعده لرى تدقيق ومناقشه دن آزاده طوتوب ده انسانلرك كوز قالديرمغه جسارت
ايدميه جكبرى برر صنم حالنه كتيرمه ميسى مقتضيدر . ظاهراً بر رينه ضد كى كورون
بو ايكي ضرورتك نه صورتله تظمين ايديله بيله جكنى آشاغيدم آراشديرم جغز . شمديلك
اونلرى اشارت ايتمك كافيدر .

بو ملاحظات بزي ، ذهنكزه وارد اولاييله جك بر اعتراضى تدقيق ايتمكه سوق
ايدويور . انتظامسزلرك ، انضباطسزلرك اخلاق اعتباريله نا تمام كيمسه لر اولدق لر ي
سوله مشدك . مع مافيه ، بونلرك ده هيئت اجتماعيه زده افا ايدمك مفيد بر روللرى بوقيدر ؟
عيساده ، كذلك سو قرات ده بوانتظامسزلر مياننده دكيديدر ؟ اسلرينه بشريتك كچيرديكى
بو بوك معنوى انقلابلر اضافه ايديش اولان بوتون تاريخى شخصيتلر ده بويه دكيديرلر ؟
بونلر ، زمانلرند مرعى اولان اخلاق قاعده لرينه قارشى پك جانلى بر حس حرمت
بسله مش اولسه لر دى اونلرى اصلاحه تشبث ايتزلردى . عنعنوى انضباطك بو بوندر و غنى
آتمغه جسارت ايدم بيلمك ايجون اونك حكم ونفوذنى [سلطه] پك فضله قوتلى بر صورتده
نحو حس ايتمه مك لازمدر . بوندن ده دو غرو رشى اولاماز . فقط ، اول امرده ، بحرانى ،
غير طبيعى زمانلرند قاعده حسنك وانضباط فكريك ضعيفله ميسى لازم كلهكه بو ضعفك
طبيعى اولماسى ايجاب ايتمز . بوندن باشقه ، بر بوندن غايت فرقلى ايكي حسى يكدى كرينه
قاريديرمقدن اجتناب ايتميدر : اسكى بر طاقم قاعده واصللر رينه يكي قاعده لر اقامه
ايتمك احتياجى ايله هيچ بر قاعده يه تحمل ايتمه مك ، هر دورلو انضباطدن نفرت بسله مك
بر بوندن آبرى شيلردر . معين شرائط داخلنده بو حسلك برنجيسى طبيعيدر ، سليمدر ،
ولوددر . ايكنه جيسى ، دائماً غير طبيعيدر . چونكه بزي حياتك شرائط اصله سى خارجنده

باشامغه تحريك ايدر . شبهه يوق كه ، حقيقتده ، نظام اخلاقيده بويوك انقلاب يابان ذاتلرده يكليك احتياج مشروعي چوق كره . آنارشى تمايلاتنه تردى ايتمشدر . زمانلرنده مرعى اولان قاعدهلر كنديليرنى ايم صورتده متأثر ايتدكلرندن دولاييدر كه حس ايتدكلرى عذابدن انضباط اخلاقيك فلان ويا فلان شكل خصوصيسنى دكل هر دورلو انضباط پرئسپيكت كنديسنى مسئول عد ايتشلردر . فقط اونلرك اثرليرنى عقيم برافان سببده ايسته بودر . اوقدر انقلاببرك عقيم قالماسى ، مال اولدقلىرى جهدوغيرت ايله متناسب نتيجهلر و يرهملرى بوندندر . چونكه ، موجود قواعد عليهنه قيام ايدليكى وقت ، قاعده لزوم و ضرورتى هر زمانكندن زياده شدتله حس ايتمكه احتياج واردر . بو قاعدهلر صارصيليرنى زمان اونلردن صرف نظر ايديله ميه چكى قناعتى ذهنده دائماً موجود بولونمايلير . چونكه مثبت بر ايش آنجق بو شرط ايله كوروله بيلير . ايسته بو صورتله ، پرئسپيكتك ايدر كى كورون استثنا اونى تايددن باشقه بر شى ياپماز .

خلاصه ، قاعده آلتنه آلتشماس حرىك ايتدكليرنى تجليل ايدن نظريهلر مرضى بر حالى مدح ايدىيورلر ديمكدر . حنى ، ظواهرم رغماً ، بو حرىت و قاعده سزلك كلهلرينك يان يانه ايراد ايدلمسى بر برى هيچ طوماديرنى بيله ادعا اولونمايلير . چونكه ، حرىت ، قواعد وضع ايتمك بر محصوليدر . اخلاق قواعدينك تاثيرى آلتنده ، اونلرى تطبيق واجرا سايه سنده دركه نفسمزه حاكم اولمق و حرىكتمزى تنظيم ايتمك اقتدارى ا اكتساب ايدهرز . حرىك بوتون حقيقتده بوندن عبارتدر . ينه بو اخلاق قاعدهلريدلر كه حائز اولدقلىرى ساطه و قوتدن دولايى ، هر طرفدن اوزرمرزه هجوم ايدن مغاير اخلاق ياخود ل اخلاقى قوتلره قارشى بىر حايه ايدرلر . ديمك كه ، قاعده ايله حرىت بر برىك ضدى ايكي تعبير كى يكدىكلىرى سلب و نفى ايتمك شويله دورسون ، بالعكس ، حرىت آنجق قاعده سايه سنده دائره امكانه كبره . قاعده ده آرتق ساده جه متوكلا نه بر مطاوعت ايله قبول ايديله مايلير . قاعده ، سهويتمكه لايقدر . بو حقيقتى بو كون خاطر لاتمغه احتياج واردر . خلقك نظر دقتى بو نقطه يه نه قدر چوق جلب ايديلسه ينه فضله عد ايديله مز . چونكه بز نام ايسته اويله انقلاب و بحران دورملرندن برنده باشا يورزكه عنعنوى انضباطك طبيعى صورتده آزماش اولان حكيم و نفوذى آنارشى فكرىنى قولايجه دوغوراييلير . بوكون يالكز آنارشىست نامى طاشيان خصوصى مذهبده دكل ، باشقه نقطه لرده اوكا مخالف اولدقلىرى حالده قاعده وضعى ماهيتى حائز هر تشبه قارشى مشترك بر حس تباعدده

براهن غایت مختلف سائر مسلک کرده‌ده مشهور یا خود غایت مشهور بر حالده موجود
آنارشی املرینک منبعی بدر .

ایسته بصورتله اخلاقیتک ایلک عنصرینی تعیین ایله روانی کوستردک . فقط بوبرنجی
عنصر ، حیات اخلاقیه‌ده آنجق غایت شکلی اولان شیلری افاده ایدر . اخلاق ،
بزه آمربولنان بر طاقم قواعدک هیئت مجموعه‌سندن عبارت اولدیفنی تبیین ایتدک . بو
صورتله میدان چقان قاعده مفهومی تحلیل ایله‌ده ؛ فقط بوصورتله بزه امر ایدیلن افعال
واعمالک ماهیتی نه اوله‌جفنی آکلامغه هیچ اوغراشماق . بز بوقاعده مفهومی ، مشروع
بر تجرید عملیه‌سی سابه‌سند ، بوش بر شکل کبی تدقیق و تتبع ایتدک . فقط حقیقته
بونک برده محتویاتی واردرکه اونکده بر قیمت اخلاقیه‌سی اولاجنی اولدن تخمین ایدیله‌بیلیر .
اخلاق احکامی بزه بعض معین افعال واعمالی امر ایدرلر . بو اعمالک کافه‌سی اخلاقی
اولدقلری ، هبسی عینی بر جنبه منسوب بولوندقلری ، تعبیر دیکرله عینی ماهیتی اراؤه
ایتدقلری جهتله آرالرنده بعض مشترک وصفلر بولونمق مقتضیدر . بو مشترک وصف یا خود
وصفلر اخلاقیلغک سائر عناصر اساسیه‌سی تشکیل ایدرلر .

چونکه هر اخلاقی حرکتده موحوددرلر . بناءً علیه بونلره واصل اولمائی آرامق
بزم ایچون لازمدر . بر کره بونلری طائیرساق ، عینی زمانده مزاج اخلاقیتک دیکر
اساسی بر استعدادینی‌ده تعیین ایتمش یعنی ، انسانی بو تعریفه توافق و تقابل ایدن افعال
واعمالی احرایه - وق ایله‌ین استعدادی میدان چیقارمش اولاجفز . مرینک تأثیراتنده
یکی بر هدف وجود بولاجقدر .

بو مسئله‌ینی حل ایچون ، اخلاقیلغک برنجی عنصرینی تعیین ایتدیکمز زمان یاپدیغمز
کبی حرکت ایدم‌جکمز . اخلاق محتویاتی نه اولمق لازمکه جکمی اول امرده کندی‌کندیمزه
صورمایه‌جفز . ناصل که اخلاق شکلی نه اولمق ایجاب ایدم‌جکمی‌ده بروجه‌پیشین A priori
دوشونمه‌مشدک . هر دورلو تدقیق و مشاهده‌دن اول کیم بیایر نه صورتله اورتایه قونش
بر اخلاق مفهومندن حرکت ایله ، اخلاقی افعال واعمالک ، بووصفه لایق اولمق ایچون ،
ناصل اولملری اقتضا ایدم‌جکمی آراشدیرمایه‌جفز . بالعکس ، وجدانک عالم شمول بر
صورتده اخلاقی وصفی ویردیک افعال واعمالک حقیقته نهلر اولدیفنی تدقیق و مشاهده
ایدم‌جکمز . وجدانک تصویب ایتدیک طرز حرکتلر هانکی‌لیردر ؟ بو طرز حرکتلر نه
کبی اوصاف اراؤه ایدرلر ؟ جوجوغی ، موجود اولمایان بر اخلاقه‌کوره تربیه ایدم‌جک

دکار . موجود شکله کی یاخود اولمق ایسته دیکي طرز ددکی اخلاقه کوره ترسبه ایدم جگیز . هر حالده ، بزم ایچون نقطه عزمت بو اولاجقدر .

انسانلرک افعال و اعمالی ، ساحه فعلیه ایصال ایتمک مقصدنی تعقیب ایتدکاری هدفله کوره بربرلندن آریلیرلر . حالبوکه ، انسانلرک تعقیب ایتدکاری غایه لرک کافه سی بروجه آتی ایکی صنفه ادخال ایدیله بیلیر . بونلر یاکندیلرینی تعقیب ایدن فردک شخصنه و بالکیز اوکا متعلقدرلر ، اوزمان بو غایه مزه شخصی نامنی ویرم جگیز . یاخود ، بر فعل و حرکتده بولونان فردک غیری بر شیده تعلق ایدرلر . بو تقدیرده بونلره غیر شخصی دیبه جگیز . بو صوک صنفک بر چوق مختلف انواعی احتوا ایتدیکي قولایجه تقدیر اولونور . فردک تعقیب ایتدیکي غایه لر باشقه فردلره ، یاخود زمرملره ، یاخود اشیا به عائد اولابیلیرلر . فقط شیمدیلک بو تفرعاته کیرمکه لزوم یوقدر .

بو بویوک تقسیم یاپدقدن صوکره ، شخصی غایه لر تعقیب ایدن افعال و اعمالک اخلاقی وصفنی آلمغه قابلیتلی اولوب اولمادقلربنه باقمه .

شخصی غایه لرده ایکی دورلودرلر . یاسادجه صرف کندیمیزی حیاته ادامه ایتمکه ، وارلغمیزی محافظه ایله مکه ، بونی تهید ایدن تخریب سبیلرندن مصون بولوندیرمغه چالیشیرز ؛ یاخود اونی بویولتمکه ، انکشاف ایتدیرمکه اوغراشیرز . منحصرأ حیاتیازی ادامه غایه سیله ایفا ایتدیکمز حرکات شهه سزکه هیچ بر وجهله شایان مؤاخذه اولمایه بیلیرلر . فقط شعور عمومی نظرند هر دورلو قیمت اخلاقیه دن عاری بولوندقلری و من القیدمه بویله اولدقنری غیر قابل انکاردر . اخلاق نقطه نظرندن ، بو افعاله بیطرف دینله بیلیر . کندیسنه ایی باقان ، ایی بر حفظ تحت قاعده سی تعقیب ایلین و بونی ده صرف یاشامق غایه سیله بابان بر آدم ایچون ، اخلاقی صورنده حرکت ایدیور دیمیز . خط حرکتی مناسب و عاقلانه بولورز ، فقط بوکا هر هانکی بر اخلاقی وصفی اضافیه محل کوردمیز . بو حرکت ، اخلاق خارچنده در . فقط شهه یوق که حیاتمه زه ساده جه کندیمز ایچون ، اوندن کندیمز مستفید اولمق ایچون اعتنا ایتمه یوبده ، بالفرض ، عالمه مزک باشندن اکیسک اولمامز ایچون ، کندیمزی عالمه مزه الزم کوردیکمز ایچون بویله یاپیورسه ق اوزمان ایش دکیشر . اوزمان فعل و حرکتمز عموم طرفندن اخلاقی تلقی اولونور . بالکیز ، بو شقده ، فعل و حرکتمزک هدفی شخصی بر غایه دکدر ، عالمه نک منفعتیدر . یاشامق ایچون دکل ، بزدن باشقه لرینی یاشامق ایچون او حرکتی یاپیورز دیمکدر . بناء علیه تعقیب اولونان غایه غیر شخصیدر . واقعا ، عموماً قبول ایدیش بر تلقی به اعتراض ایدر

کمی کورونیورم . حیاتی محافظه ایتمک انسان ایچون بر وظیفه دردنیلیر . بویله براءتراضده بولوندیغ یوقدر . انسانک ، یاشامق وظیفه سی اولدیغنی انکار ایتمه یورم . یالکیز ، ساده جه یاشامق فعلیه انسانک بر وظیفه ایفا ایتمه سی ، آنجق حیات ، اونک خارجه طاشان بر غایه به وصول ایچون بر واسطه تشکیل ایتمه سی تقدیرنده قابل اولاجقنی سویله یورم . یاشامق ایچون یاشامقده اخلاقی هیچ بر شی یوقدر .

وارلغمزی ساده جه محافظه ایتمک ایچون دکل ، توسیع ایتمک ، انکشاف ایتمک مقصیده به پادیغمز شیرک کافه سی حقدنه عینی مطالعه در میان ایدیه یلیر . هر حالده ، بو انکشاف یالکیز بزه ، منحصرأ بزه مفید بولوناجقنی تقدیرده بویله اولاجقنی شبهه سزدر . بالفرض ، صرف تأمین موفقیت ایتمک و یا خود ساده جه نفسی دها مکمل و تام ، وقوف و هیجان خصوص سنده دها زنکین حس ایله مک ، وجوده کتردیکی منظره دن مزویانه متلذذ اولمق غایه سیله ذکاسنی تهذیب ایتمک ، مالکات بدیعه سی ایجه لشدرمکه جالیشان بر آدم بزه اصل اخلاقی هیچ بر هیجان اوپادیرماز . کوزل بر اثر صنعته حیران قالدیغمز کمی اوکاده حیران اولایلیرز . فقط ، نه اولورسه اولسون صرف شخصی غایله ر تعقیب ایتمدیکی نسبتده ، اونک بر وظیفه ایفا ایتمدیکنی ادعا ایله میز . نه علم ، نه صنایع نفیسه ، کندیلمیه مالک اولان بر شخصه ، صرف بومالکیتدن دولانی سرایت ایدیه سیله حک بر خاصه اخلاقیه به حد ذاترنده صاحب دکلدرلر . هر شی به ندرک نه صورتله فولاندقلمیه یا خود قوللانیلاجقلمیه تابعدر . مثلاً ، علم ، اضطرابات بشریه نك مقدارینی آزالتمق مقصیده اکتساب ایدیمکه جالیشیلیرسه اوزمان ، عمومک اعترافیه ، و حرکات اخلاقاً شایان ستایشدر . فقط علم صرف شخصی بر احتیاجی تطمین مقصیده آراندیغنی وقت هیچده بویله دکلدر . ایشته ایلمک مکتسب بر نتیجه فارشوسنده بولونیورز : منحصرأ فردک شخصه مخصوص غایله ری تعقیب ایدن افعال و اعمال ، نه اولورسه اولسون ، قیمت اخلاقیه دن محرومدرلر . واقعا فائده سی اخلاقونه کوره وجدان ، انسانلرک خط حرکتی حقدنه بویله رفکر وردیکی زمان خطا ایدر . اونلرک فکر نهجه ، خودکامانه غایله ر ، اک برنجی درجه ده شایان توصیه غایله ردر . فقط بز بوراده نظریه جیلرک ، انسانلر طرفندن حقیقه تطبیق و اجرا اولونان اخلاقی نه صورتله تقدیر ایتدکاری مسئله سیله مشغول اولاجق دکلز . بزم اصل اوکرتمک ایسته دیکمز شی ، بوتون مدنی قوملر طرفندن آکلاشدیغنی و تطبیق ایدیلدیکی شکلده کی اخلاقدر . ایسته مسئله بو صورتله وضع ایدیلیرسه حلی قولای اولور . یالکیز بوکون دکل ، هیچ بر زمان تک بر قوم بیله کورولمه مشدر که خودکامانه یعنی یالکیز اونی

اجرا ایدن کیمسه بی هدف اتخاذ ایدین بر فعل و عملی اخلاقی دییه تلقی ایله مش اولسون .
 بوکا باقورق حکم ایدیلیرزکه اخلاق قاعده لری طرفندن الدله ایدیلن افعال و اعمال
 کاهه سی غیر شخصی غایله لر تمقیب ایتمک وصف مشترکنی اراؤه ایلرلر .

فقط ، بوکله ایله نه آکلامق اقتضا ایدر ؟ اخلاقی صورتده حرکت ایتمک ایچون
 کندی منفعت شخصی مزى دکل بزدن باشقه بر فردک منفعت شخصی سنی تامنه چالیشمق
 کافیدرمی دییه جکیز ؟ و صورتله ، کندی صحتمه ، کندی تحصیلمه اعتنا ایتمک هیچ اخلاقی
 برشی اولمایه جق ؛ فقط هم جنس لرمدن برینک صحتنه اعتنا ایدرسم ، اونک سعادت یاخود
 تحصیلنی هدف اتخاذ ایلرسم حرکت ماهیتنی دکیشدیرم جک . فقط ، خط حرکت حقنده
 بو طرزده بر وقت یچمک کندی کندیسنه قارشی منطقسز بر حرکتدر ، قوللانیلان تعبیرات
 برینی ناقضدر . بکا تعلق ایدنجه اخلاقی قیمتی اولمایان برشی نهدن باشقه برینه تعلق
 ایدنجه بو قیمتی حائز اولاجق ؟ فرضیه اقتضاسی اولارق عینی شی اولان (آراده بارز
 مساواتسز لقلر اولان مثالری ر طرفه بر اقیورم) بر آدمک صحتی ، ذکاسی نهدن دولای
 بنم کندی صحتمدن ، بنم کندی ذکامدن دهامقدس اولسون ؟ انسانلرک و سطیسی هان هان عینی
 سویه ده در . شخصیتلری بر برینه مشاهددر ، مساویدر ، عادنا ، یکدیگرلرینک مقامنه قابل اقامه در .
 بنم شخصیتنی محافظه یه یاخود انکشاف ایتدیرمکه مخصوص بر حرکت لا اخلاقی ایه نه دن
 بونک عینی بر حرکت یالکیز باشقه برینک شخصیتنی هدف اتخاذ ایتمکله باشقه بر وصف
 اکتساب ایله سون ؟ نهدن بو حرکتلردن بری دیگرندن ده ا قیمتدار اولمق لازم کلسون ؟
 ذاتاً ، سبب سبب سبب سبب کی ، بویه بر اخلاق آنحق عموم طرفندن تطبیق ایدیلیمک
 شرطیه قابل تطبیقدر ، فی الحقیقه ، اولیه بر هیئت اجتماعیه فرض ایدیکیزکه بوراده مفرد
 هم جنسی لهنه کندی نفسندن فراغه مهیا اولسون . فقط ، عینی سبیدن دولای کیمسه ،
 سائرلرینک بوفراغتنی قبول ایدمه یه جکدر ؛ فراغت غیر قابل اولاجقدر . چونکه عمومی
 بر وصفی حائز بولوناجقدر . رحم و شفقت قابل تطبیق واجرا اولمق ایچون بونی اجرا
 ایتمه یی قبول ایدن یاخود اجرا ایدمه یه جک حلاله بولونان کیمسه لره لزوم واردر . بو ،
 فردلردن بر قسمنه منحصر بر فضیلتدر . حالبوکه اخلاق ، بالعمکس ، تعریفی مقتضاسی ،
 هرکسه مشترک ، هرکسه آجیق اولمق اقتضا ایدر . بناء علیه ، فدا کارلق ، فردلر آراسنده
 یکدیگره قارشی مربوطیت فدا کارانه ، اخلاقی فعل و عمله عموونه دییه کوستریه مز .
 آرادیفمز اوصاف اساسیه باشقه جهتده اولمق ایجاب ایدر .

عجبا بولرلی ، غایه سی ، فاعلک نفسندن غیری بر فردک منفعتلرینی تأمیندن عبارت

اولمایوب ده متعدد کیمسەلرک منافعه خدمت ایدن فعل و عملده می بولاجغز ؟ بر حرکتە اخلاقی بر وصف اضافە ایدە بیلیمکە یکانە قابیلیتی اولان غیر شخصی غایەلر ، متعدد فردلرک شخصی غایەلریدرمی دییه جکیز ؟ مثلاً ، کندیم ایچون دکل ، کذلک باشقە بر فرد ایچون دکلده هم جنس لرمدن متعدد کیمسەلر لهنده بر حرکتە بولوندیغم زمان می اخلاقی بر عمل ایشله مش اولاجغم ؟ فقط بوکا ناصل امکان اولور ؟ آیری آیری نظر ملاحظه آلان فردلر بر اخلاقی قیمتی حائز دکلسەلر بو فردلرک یکونیده دها فضیله بر قیمتی حائز اولامازلر . صفرلرک یکونی آنجق صفرە مساویدر و باشقە برشی اولاق قابل دکلدر . کرک بنمکی کرک بر دیکرینککی اولسون ، خصوصی ر منفعت لا اخلاقی ایسە متعدد خصوصی منفعتلرده لا اخلاقیدرلر .

واقعا ، اخلاقی بر حرکت ، غیر شخصی غایەلر تعقیب ایدن حرکتدر ؛ فقط ، اخلاقی فعل و عملک غیر شخصی غایەلری نه اولنری اجرا ایدن فردک غیری ر فردە نەده متعدد کیمسەلرە تعلق ایدە بیلرلر . ایشته بونک نتیجه می اولارق ، بالضروره ، فردلردن باشقە برشیته تعلق ایتەلری ایجاب ایدر . بو غیر شخصی غایەلر فردلرک فوقندەدرلر .

حالبوکه ، فردلرک خارجنده اونلرک برلشمەلرندن وجودە کلک کومه لردن ، زمرة لردن یعنی جمعیتلردن باشقە برشی یوقدر . دیمک که اخلاقی غایەلر ، غایە می « جمعیت » اولاندردر . اخلاقی صورتندە حرکت ایتک ، جماعتجه مشترک collectif بر منفعت اوغورندە حرکت ایتکدر . یوقاریدە بر بری متعاقب بر طرف ایتدیکمز احتمالاتدن سوکرە بونتیجهیه راصل اولق ضرورت کسب ایدیور . چونکه ، بر طرفدن ، بدیهیدر که اخلاقی فعل و عمل حساس و ذی حیات بر موجودە ، حتی دها خصوصی صورتندە ذی شعور بر موجودە مفید اولق مقتضیدر . اخلاقی مناسبتلر ، شعورلر آراسنده کی مناسبتلردر . حالبوکه بن که ذی شعور بر موجودە ، سائر افراد بشر که ذی شعور بر موجودرلر ، بزم خار جزمده و بزم اوستمزمده یالکیز ذی شعور بر وجود اولان جمعیتدن باشقە هیچ برشی یوقدر . بو جمعیت تعبیرله هرانسان کومه می ، هربشری زمزمە می ، کرک عالیه می کرک وطنی کرک هیچ دکلسە ساحه فعله ایصال ایدلدیکی نسبتندە ، بشرتی قصد ایدیورم . آشاغیدە ، بو مختلف جمعیتلر آراسنده بر سلسله مراتب بولونوب بولونادیغی ، بو جماعتجه مشترک غایەلر ایچنده دیکرلرندن دها یوکسکاری اولوب اولمادیغی آراشدیراجغز . شیمدیلک یالکیز شوپرنسیپی وضع ایتمکه اکثفا ایدیورم : اخلاقک ساحه می اجتماعی ساحه باشلادنی نقطهده ابتدا ایدر . یالکیز ، بواساسلی قضیه نک شمولی آکلامق ایچون بر جمعیتک نه اولدیغی کوزلجه

ادراك ايتليلدير . اكر اوزون مدت قلاسيك بر طرزده حكيم سورن و آلآن ده منتشر بولونان بر تلقیه كوره هیئت اجتماعیه ساده جه بر فردلر قوللقسیوندن عبارت عداولونورسه یوقاربکی مشکلاته ، ایچندن چیقلماز بر صورتده تکرار دوشولور . فردی منفعت ، بکا عاُداولدیغندن دولایی اخلاقی برقیمتدن محروم ایهسه ، عددلری نهیه بالغ اولورسه اولسون ، هم جنسارمه تعلق ایتدیکی وقت ده دها فضله بر قیمت اکتساب ایدمهز . بناء علیه ، جماعتجه مشترک منفعت ، فردی منفعتلرک یگونندن فضله بر شی دکلسه اوده لااخلاقیدر . جمعیت ، اخلاقی حرکتک طبیعی بر غایهسی کی نظر ملاحظیه آله بیلیمک ایچون ، دیسک که ، بونی فردلرک یگونندن باشقه برشی کی تلقی ایتکه امکان بولونمالیدر . جمعیت ، کندیسینی ترکیب ایدن اعضانک ماهیتلرندن آیری بر ماهیت خصوصیهی حائر و فردی شخصیتلردن فردی بر شخصیت مخصوصیه صاحب ، جنسی کندینه منحصر بر وارلق تشکیل ایتلیدر . حاسلی ، قیصهجه ، تعبیرک بوتون قوتيله بر وجود اجتماعی لازمدر . بو شرطه ، یالکیز بو شرطه ، جمعیت اخلاق خصوصنده فردک ایفا ایدمهجهکی رولی ایفا ایدمه بیلیر . ایشته ، جمعیتک ، کندیسینی ترکیب ایدن فردلردن آیری بر وجود کی تلقیسی کیفیتی ، سوسیولوژی طرفندن نظری ساحیه داخل اسباب و دلائل ایله اثبات ایدیلدیکی حالده بوراده عمومی ملاحظات دولایسبله تأیید اولونیور . چونکه وجدانک دستور اصلیهی باشقه دورلو قابل ایضاح دکدر . فی الحقیقه بو دستور Axiome ، انسانک آنجق فردی غایهلردن یوکسک غایهلر تعقیب ایتدیکی ، کندیسنه وسائر بوتون انسانلر فائق بر وجودک خادمی اولدینی وقت اخلاقی صورتده حرکت ایله دیکی اساسنی وضع ایدیور . حالبوکه الهیات مفهومیله مرینه مراجعت ایدیه مکه قرار ویریلنجه ، فردک فوقنده عملی صورتده قابل تدقیق و مشاهده یالکیز معنوی بر وجود واردر ، اوده انسانلرک برلشهرک وجوده کتیردکری وارلقدر ، جمعیتدر . بوراده ایکیدن برینی انتخاب ایتک لازم کلیر . اخلاقی فکرلر سیستمی ، جماعتجه مشترک بر ضلالت حسینک محصولی دکلسلر ، اخلاقک ، بزم اراده لرمری ربط ایتدیکی و خط حرکت ایچون الک برنجی غایه اولارق کوستردیکی وارلق یا وجود الهیدر یا وجود اجتماعیدر . بو فرضیه لرندن برنجیسی ، علمک دائرة شمولندن خارج دییه برطرف ایدیورز . او حالده ، ایکنجیسی قالیورکه ، آشاغیده کوروله جکی وجهله ، بزم بوتون احتیاجلرمره ، بوتون امللرمره کافیدر و ذاتاً یالکیز تمثال جهتی استثنای ایدیلک شرطيله ، برنجیسنده حقیقه موجود اولان شیلرک کافهسی حامعدر .

فقط ، دنیلیورکه ، جمعیت مادام که فردلردن یاپیلمشدر ، ناصل اولورده کندیسنی ترکیب ایدن فردلرک ماهیتندن آیری بر ماهیته مالک اولاییلر؛ بو ، حس سلیمک درمیان ایندیکی بر اعتراضدرکه سوسیولوژینک انکشافنی ولاییق اخلاقک ترقیسنی اوزون مدت دوردیرمشدر والا آنده دوردرمقدمه در . چونسکه سوسیولوژی ایله لاییق اخلاق بربرلینه متساندا مربوطدرلر . حالبوکه بو اعتراض بو قدر شرفه لاییق دکلدرد . فیالحقیقه ، تجربه بیک صورتله اثبات ایدیورکه عنصرلر آراسنده وقوعه کلن بر امتزاج ، کندیسنی ترکیب ایدن اجزایه نسبتله ینی بر شیدر . باقیرایله قالای یکدیگریله امتزاج ایتدیریلر ، برلشدریلرسه بونلر پک یوموشاق وقابل انخنا جسملر اولدقلری حالده ، اورتیه بوتون بوتون یکی برخاصه عرض ایدن بر جسم حیقارکه بوده ، طونجدر و سرتدر . جانلی برحجره ، منحصرأ ، محروم حیات معدنی ذراتدن مرکبدر . فقط ساده جه امتزاجلری دولاییسه ، بومعدنی ذرات ، حیاتک اوصاف کاشفهنی عرض ایدرلر ، تغدییه وتناسله قابلیت کوستریرلر . حالبوکه معدنیاتده بویله بر شی قابل حس وادراک بر رشیم حالنده بیه موجود دکلدرد . دیمک که ، برکک ، اجزاسنک یکونندن باشقه برشی اولاییامه سی دائماً کورولن برکیفتدر . بونده بزی حیرتده برافه حق هیچ برجهت یوقدر . چونکه ، عناصر منفرد قاله جق یرده ساده جه تشارک ایتملری ویکدیگریله مناسبندار اولملری نتیجه سنده بربرلری اوزرنده تأثیرلر وعکس تأثیرلر حصوله کتیریرلر . تشارکک دوغرودن دوغرویه بر محصولی اولان وتشارکک تأسس ایتزدن اول وقوعه کله مین بوتأثیرلردن وعکس تأثیرلردن ، تشارکک موجود اولمادجه موجود اولامایان تماماً یکی بر طاقم حادثلر انبعاث ایتمه سی بک طبیعیدر . بو عمومی مطالعه یی انسانه و جمعیتلره تطبیق ایده رک دییه جکزکه : انسانلر یکدیگرندن آیری باشایه جق یرده ، بر آزاده یاشادقلرندن دولاییدرکه فردی شعورلر بربرلری اوزرنده اجرای تأثیرایدرلر وبو صورتله وجوده کلن مناسبات نتیجه سنده ، اویله بر طاقم فکرلر وحسیاتلر نمایان اولورکه منفرد بر حالده قالمش شعورلرده بونلر هیچ بر زمان تحدث ایتزلردی . هر کس بیلیرکه بر غلبه لقی یاخود بر مجلس ایچنده ، بعضاً اویله هیجانلر ، اویله احتراصلر انفلاق ایدرکه ، او آدملر اوزرنده اجرای تأثیر ایدن عینی حادثات کندیلرخی بر هیئت حالنده ایکن دکلدده هریری آیری آیری بولوندقلری ائشاده متأثر ایتمش اولسه لردی دوباجقلری شیلردن بعضاً بوتون بوتون فرقلیدرلر . بر غلبه لقی ویا مجلس حالنده کی انسانلره اشیا ووقایع باشقه بر منظره آلتنده نمایان اولور ، بونلری باشقه بر صورتده حس ایدرلر . دیمک که ، انسان کومه لرده کندیلرخی ترکیب ایدن فردلر آیری آیری دوشوندکلری ، حس ایتدکلری ، یاشادقلری زمان

مالك اولدوقلری تفكر ، حس و ياشامه طرزندن باشقه بر طرز واردر . ايشته غلبهلق حقنده ، موقت مجلسلر حقنده سويله ديكمز شيلرك كافهسى دائى ، تشكىلاته تابع برر غلبهلق ديمك اولان جمعيتلره ، اولويتله ، قابل تطبيقدرلر .

جمعيت ايله فردك غير متجانس شيلر اولديغنى پك كوزه چارپديران كيفيتلردن برى ، جماعتجه مشترك شخصيتك اوجماعتى تركيب ايدن اعضا اورته دن قالدقدن صوكرده پايدار اولماسنك طرزيدر . ايلك نسللرك يرينه يكي نسللر قائم اولور ، حالبوكه هيئت اجتماعيه كنديسنه خاص سياسى ووصف شخصيسى ايله پايدار قالير . بوكونكى فرانسه ايله اسكى زمانك فرانسهسى آراسنده شهسزكه فرقلر واردر . فقط بونلر ، عادات ، ياش فرقليدرلر . بز شهسزكه اختيارلامشزدر . جماعتجه مشترك سيامزك خطوطى ، بو يوزدن ، تعديلاته اوغرامشلدر . ناصلكه حياتده ايلريله دكجه فردى سيامزك خطلى ده دكيشير . بويله اولمقله برابر شمديكى فرانسه ايله قرون وسطاده كى فرانسه نك شخصيتلىرى يكديكيرينك عنيدير . بونى هيچ كيمسه انكار اتمه ينى عقلنه كتيره مز . ديمككه ، فرد نسللرى ديكر نسللرك يرينه قائم اولمقله دوام ايتديكى مدنجه ، خصوصى شخصيتلرك بو دائى جريانى اوستينده باقى قالان برشى واردى . بو ، ايشته كندى خصوصى شعوريله ، خصوصى مزاج شخصيسى ايله جمعيتدر ، هيئت اجتماعيه در . سياسى جمعيت حقنده ، وطنداشلرله اولان مناسباتى نقطه نظرندن ، هيئت مجموعه سيله سويله ديكمز شيلر ، ايكنجى درجه ده كى هر كومه ، زمره ايله كنديسنى تركيب ايدن فردلر آراسنده كى مناسبات نقطه نظرندن ده تكرار ايديله بيلير . پارس خلقى لايىققطع تجدد ايدىيور . متصل بورايه يكي عنصرلر آقوب كليور . بوكونكى پارسليلر آراسنده بو عصرك ابتداسنده كى پارسليلرك نسلندن كله اولانلر پك آزدر . حالبوكه پارسك حيات اجتماعيهسى اليوم ، يوزسنه اولكى اجتماعى حياتك اوصاف اساسيه سنى عرض ايدر . يالكز بو اوصاف شيمدى ده ا بارز بر حالده درلر . جرائمه ، اتخارلره ، كيجه حياتنه قارشى بالنسبه عيى قابليت ، تولدات جهتمنده عيى نسبي ضعف موجوددر . مختلف ياش طبقه لرى آراسنده كى فرقلرده اسكيسنه مشاهددرلر . ديمككه ، كنديسنه داخل اولان فردلره بو مشابهيى همه حال و يرن شى ، زمره در . زمره نك ، فرددن آيرى برشى اولديغنك الكاپنى دليلي ده بودر .

اشننجی درس

اضراقبلك ابلنجی عنصری : اهنماعی زمره لره مربوطت (مابعد)

اخلاقفیلنگك ایلکنجی عنصرینی تعیین ایتمک باشلادق. بو، فردك داخل اولدینی اجتماعی بر زمرهیه مربوطیتدن عبارتدر . شیمدی بر آزدن ، منسوب اولدیغمز مختلف اجتماعی کومه لر آراسنده بر سلسله مراتب موجود اولوب اولمادیغنی ، هپسنك ، اخلاقی خط حرکتده عینی درجهده برر خدمت کوروب کورمدکلرینی آراشدیراغمز. فقط بوخصوصی مسئلهیه کیرمهدن اول ، حقیقهٔ اخلاقی اولان حیاتك ساحهسی آنجق جماعتجه مشترک بر حیات باشلادینی نقطهده ابتدا ایتدیکی پرنسپینی یاخود ، تعبیر دیکرله ، اجتماعی مخلوقلر اولدیغمز نسبتده اخلاقی مخلوقلر اولدیغمز پرنسپینی وضع و اثبات ایتمک لازم کلیوردی .

بو قضیهٔ اصلیهی اثبات ایچون، هرکسک ، کندی نفسنده، باشقلرنده یاخود تاریخی اخلاقلرک تدقیق ایله تحقیق ایده ییله جکی بر تجربه وقعنه استناد ایتدم . اوده شودر : نه حالده ، نه ماضیده ، بشریت بر انسانك منفعت شخصیه سندن باشقه بر غایهسی اولمایان افعال و اعماله اخلاقی بر قیمت اضافه ایتمه مشدر. شبهه سزکه اخلاقی بر طرزده حرکت، دائماً جانلی و ذی شعور بوجود ایچون همه حال فائده لی نتیجه لر تولید ایدر کبی تصور اولونمشدر. اخلاقی خط حرکت او وجوگ یا سعادتی تزید یا اضطراباتی تحفیف ایدر دنیلمشدر . فقط هیچ بر هیئت اجتماعیه یوقدرکه اورادم و اخلاقی خط حرکتك منافعه خدام اولدینی وجودك بالذات او افعال و اعمالی اجرا ایدن فرد اولدینی قبول ایدیش اولسون . خودکاملق بوتون دنیاچه لا اخلاقی حسلر میانه ادخال اولونمشدر. ایشته بو غایت ابتدائی تبیین و مشاهده ، نتایج خصوصنده غایت زنکیندر . فی الحقیقه ، منفعت فردیه بها تعلق ایدنجه قیمتسز اولیورسه باشقه سنه تعلق ایدنجه ده ا فضل بر قیمت اکتساب ایده مه یجکی بدیمیدر . بنم شخصیتم اخلاقی خط حرکت بر غایه خدمتی کورمکه غیر لایق ایسه ، بنمکنه

هیچ‌ده فائق اولمایان همجنس‌لرک شخصیتلری نهدن دولای بویه برغایه وجوده کتیره بیله جکلر؟ ایشته بوندن شو نتیجه حقیقورکه بر اخلاق موجود ایسه او اخلاق ، انسانی بالضروره فردی منفعتلر ساحه‌سی تجاوز ایدن غایه‌لره ربط ایتمک لازم کلیر . بوراسی تثبیت ایدیلدکن صوکره ، بو فردلرک فوقده کی غایه‌لرک نلر اولدقلری ، نلردن عبارت بولوندقلری آراشیدر مق جهتی قالیوردی .

کوردلکه ، و غایت بدیهی صورتده میدانده درکه ، فردلک خارجنده اراده مرک مربوط اولایله جکی ، عملی صورتده قابل تدقیق و مشاهده آنحق بوجود روحی ، بر وجود معنوی واردر ، بوده جمعیتدر . دیمک که فعالیت اخلاقیه جمعیتدن باشقه هدف تشکیل ایده بیله جک بر شی یوقدر . یالکز ، بویه اولایلمک ایچون ، جمعیتک بعض شرائطی حائز اولماسی لازمدر . اول امرده ، ساده‌جه بر طاقم فردلر مجموعه‌سندن عبارت بر حالده قالماسی بهمه حال اقتضا ایدر . چونکه آری آری نظر ملاحظه‌یه آنان فردلرک منفعتی ، هردورلو وصف اخلاقیدن عاری ایسه بو منافع نه قدر متعدد اولورلرسه اولسونلر ، یگونلری دهه فضلده بر وصف اخلاقیی حائز اولمازلر . جمعیت ، اخلاق کیفیتده فردلک ایفا ایده‌مدیکی بر رولی ایفا ایده‌بیلیمک ایچون کندینه مخصوص بر ماهیته ، اعضالریک شخصیتلرندن آری بر شخصیته مالک اولوق لازم کلیر . هیئت اجتماعیه‌نک ، فی‌الحقیقه بو شرطی حائز اولدیفنی کوردک . جانی بر حجره ، تشکل ایتدیکی جانمزد ذراتک ساده‌جه یگونندن ناصل باشقه برشی ایسه ، بونک کی ، بالذات عضویتده ساده‌جه حجرات یگونندن باشقه برشیدر ؛ بونک کی ، جمعیتده کندینه مخصوص بر طرز تفکری ، بر طرز حسی ، بر طرز حرکتی بولونان بر جود روحیدر و بو طرز لر ، او جمعیتی ترکیب ایدن فردلره خاص اولان شکللردن آیریدرلر . جمعیتک بو وصف مخصوصنی پک کوزه چارپدیران بر کیفیت واردرکه اوده جماعتجه مشترک شخصیتک ، فردی شخصیتلر کتله‌سندنه لایققطع حصوله کلن تحولاته رغماً تمادی اتمه‌سی و هپ عینی حالده باقی قالماسیدر . فردلک مادی ومعنوی سیاسی ، عضویتک بوتون ماده‌سی وجوده کترین حجره‌لر آز چوق قیصه بر زمان نهایتنده تماماً تجدد ایتدکلری حالده ، اساسلی خطرلرنده دائماعینی شکلده قالدیفنی کی ، جمعیتک جماعتجه مشترک سیاسی‌ده ، نسللرک تمادی تجددلرینه رغماً ، یاشدن متولد ایکنجی درجه‌ده فرقلر مستثنا اولوق شرطیله ، هپ عینی حالده بایدار اولور . ایشته ، جمعیتی فرددن آری بر

نسبتاً ایکی کره فضلہ در . حتی ، اتخار چو جوقلرک عدیدله معکوساً متناسب اولمق اوزره آرتار . برعائله زمره سنه منسوب اولوب اولما سانه و بوزمره نك قاری قوجه دن عبارت ر چیفته انحصار ایتمه سنه یا خود بالعکس آز جوق چو جوقلرک موجودیتی حسیله ده ازیاده حائر صلابت اولما سانه و بناءً علیه ، عائله جمعیتنک آز جوق متجانس ، مربوط وقوی بولونما سانه کوره ، حیاته آز یا خود جوق مربوط اولیور . انسان ، نفسندن باشقه دوشونه جک کیمسه لر نه قدر جوق اولورسه کندیسنی ده اوقدر آز اولدیریور . جماعتجه مشترک حسلری تشدید ایدن بحراندلده عینی نتیجه لری حصوله کتیریورلر . مثلاً ، محاربهر ، وطنپرورلکی تحریک و تنبیه ایتمه که خصوصی دوشونجه لری صوصدیریورلر . تهلیکه ده دوشمش وطنک خیالی شعورلده ، صلح زماننده اشغال ایتمه دیکی برموقعی طوتیور . بونک نتیجه سنده فردی هیئت اجتماعیه به باغلایان رابطهلر قوت پیدا ایدیور وعینی زمانده کندیسنی وارلغه باغلایان رابطهلرده محکمه شیور . اتخارلر آزالیور . کذلک ، دینی جماعتلر نه قدر قوتلی بر تجانسه مالک اولورلرسه و بناءً علیه اعضالری او جماعته نه قدر جوق مربوط بولونورلرسه ، اتخار فکرینه فارشی ده اوقدر جوق حمایه ایدیش اولیورلر . مذهب اساسنه کوره برلشمش اقلیتلر دائماً کندی کندیلرینک اوزرنده جوق قوتلی صورتده طوپلانمشلردر . بو ، مجادله به مجبور اولدقبری مخالفتله متناسب بر قوتده در . بوندن دولای ، عینی بر مذهب ، اقلیتده قالدینی مملکتلرده ، وطنداشلرک اکثریتی احتوائتدیکی مملکتلره نسبتله اعضاسی آراسنده ده ا آز اتخار وقعه لرینه شاهد اولور .

بناءً علیه خودکاملر ، مسعود اولمق صنعتنه هر کسدن این واقف برر ماهر آدم اولمقدن جوق اوزا قدرلر . بالعکس ، اونلر اوفاجق برشی ایله مختل اولایله جک غیر ثابت بر موازنت حالنده درلر . بر انسان یالکز کندی نفسنه مربوط ایسه بو مربوطیت پک که وشک و آزدر . بینه دن ایلری کلیور ؟ چونکه ، انسان ، وارلغنک قسم اعظمی اعتباریله جمعیتک محصولدر . ایچمزدده کی الک این شیلر ، فعالیتمزک بوتون یوکسک شکللری جمعیتدن کلیر . لسان ، اک برنجی درجه ده اجتماعی برشیدر . بونی یایان جمعیتدر ، نسلدن نسله جمعیت واسطه سیله درکه انتقال ایدر . حالبوکه لسان یالکز بر کلمات منظومه سندن عبارت دکادر . هر لسان کندیسنه خاص بر ذهنیتی تضمن ایلر بو ذهنیتده اولسان ایله متکلم اولان هیئت اجتماعیه نك ذهنیتدر . بر جمعیت ، مزاج مخصوصنی بولسانده کوستریر . فردی ذهنیتک تملی وجوده کتیرن شی ده بو اجتماعی ذهنیتدر . بزه لساندن کلن بوتون فکرلره دیندن

کلن فکەرلری ده علاوه ایتمک لازمدر. چونکه دین، اجتماعی بر مؤسسه در. حتی، بر جوق قوملرده، حیات اجتماعی به تمل خدمتی کورمش اولان شی دیندر. بناءً علیه بوتون دینی فکەرلرک منشائی، اجتماعیدر. دیگر طرفدن، معلوم اولدینی اوزره، دینی فکەرلرک الآن انسانلرک عظیم اکثریتی نظرندۀ عمومی و خصوصی تفکراتک الیوکسک شکلیدر. وانعا، بوکون، منور مفکرلرده علم، دینک یرینه قائم اولمشدر. فقط علمده، منشالری دینی اولدیغندن دولاییدرکه، قسماً وارثی اولدینی دن کبی، هیئت اجتماعی نک اثریدر. فردلر بر لرندن آیری یاشامش اولسه لردی علم، مفید اولامازدی. چونکه، او شرائط داخلندۀ انسان آنجق هان اطرافندۀ کی محیط مادی ایله مناسبتدار اولایله جکدی. بو محیط ایسه بسیط، محدود، هان هیچ دیکشمز بر شی اولدیغندن بوکا توافقی و تطابق ایچون لازم کلن حرکتلرده بسیط، عددجه آزا اولاجقلردی. محیطک عینی حلاله دوامی یوزندن هر زمان بو حرکتلرده هپ عینی حاله تکرر ایده ایدۀ قولایجه برماکنه اعتیاداتی شکلی آلاجلردی. حیوانلرده اولدینی کبی، بویله منفرد یاشایان انسانلرده سوق طبیعی هر شینه کفایت ایدۀ جکدی. آنجق سوق طبیعی کری به جکیلدیکی زمان انکشاف ایدن علم ایسه وجود بولمایه جقدی. علم تولد ایتمشه، هیئت اجتماعی نک بوکا احتیاجی اولدیغندن دولاییدر. چونکه بو قدر قاریشیق، بو قدر قابل تحویل بر تشکیلات، صرف کور کور بنه سواقی طبیعی به مستند سرت و قاتی بر سیستهم ایله یورویه مز، ایفای وظیفه ایدۀ مزدی. اولتشکیلاتک متعدد چرخلرینی آهنگدار صورتده ایشلتمک ایچون تأمل و ملاحظه به مستند عاقلانیه بر یار دیمه چارچاق بر لزوم قطعی حس اولونمشدر. ایشته بو صورتله، کندیسنه مغایر دورلور دورلو عنصرلرله محاط و قاریشیق بر حالده، دینلرک خرافه لرندۀ علمک میدانۀ حقیق دینی کورولیور بو، قبا و یکی تولد ایتمکده اولان بر نوع علمدر. یاواش یاواش، بوتون بو یابانچی تاثیر ایدن کندیسنی قورتارارق کندی باشنه، کندیسنه مخصوص برنام ایله و خصوصی اصوللره مالک بر حالده تشکیل ایتمشدر. فقط بوده، هیئت اجتماعی نک کیتدکجه ده اگرفت بر شکل آلدیغندن دولایی کندیسنه ده ا لزوم کو سترمش اولماسی سایه سنده در. دیمک که علم، جماعتجه مشترک غایه لر اوغوروندۀ تشکیل و انکشاف ایتمشدر. اعضاسنی تعلیمه اجبار ایتمک صورتیه، علمی دنیا به کترین قوت، هیئت اجتماعی اولمشدر. ایشته شعور بشره حرث علمیدن ککش اولان شیر چکیلوب آلنه جق اولورسه بو حرکتله اوندۀ بویوک بر بوشلق تولید ایدیلیر. ذکا حقندۀ سویلیدیکم سوزلر سائر بوتون مطالعاتمز حقندۀ تکرار

ایدیله بیلیر . دائماً ده‌ها فضله و شدید بر فعالیتیه احتیاجز اولیورسه ، انسانلرک اشاعی هیئت اجتماعیه‌لرده امرار ایتدکلی رخاوت آلود و غم آکین حیات ایله اکتفا ایدم بیلیمک بزم ایچون کیتدکجه ده‌ها غیر ممکن برحاله کیریورسه بونک سببی هیئت اجتماعیه‌نک بزدن کیتدکجه ده‌ها شدید ، ده‌ها دواملی بر سعی طلب ایتمه سندن ، بو مساعی بزم ایچون بر اعتیاد حالنه کیرمه سندن و مرور زمان ایله اعتیادک بر احتیاج شکلنی آلماسندن عبارتدر . فقط بدایتده ایچمزدده بودائمی و المناک جهد و غیرته بزی سوق و تحریک ایدم جک هیچ برشی یوقدی . بناءً علیه ، فرد ایله جمعیت آراسنده بر جوق نظریه جیلرک پک فضله بر قولایلقه قبول ایتدکلی اوضدیت و منافرت هیچ موجود دکلدیر . بالعکس ، بزلرده بر جوق حاللر وارددرکه ایچمزدده کندی وارلغمزدن باشقه بریشی یعنی جمعیتی افاده ایدرلر . بو حاللر ایچمزدده یاشابان و اجرای تأثیر ایدن بالذات جمعیتدن عبارتدرلر . شبهه سزکه جمعیت بزم حدود مزنی کچر و بزدن طاشار . چونکه بزم فردی وجود مزه نسبتله نامتناهی صورته و اسعدر ؛ فقط عینی زمانده ، جمعیت هر طرفدن بزم ایچمزه کیرر . جمعیت بزدن خارجه‌در و بزی احاطه ایتمکده‌در ، فقط بزم ایچمزدده‌درده . فطرتمزک بر طرفی دولایسیله جمعیت ایله قاریش‌برز . مادی عضویتز ناصل خارجدن استفاده ایتدیکی غدارله بسله نیرسه فکری عضویتزده بزه جمعیتدن کان فکرلرله ، ایشلرله ، عمللرله تغدی ایدر . کندی وارلغمزک ال‌همهم قسمی جمعیتدن آلمش‌در . بو نقطه نظرندن ، جمعیتک نهدن دولای بزم مربوطیتمزده بر موضوع تشکیل ایدم جکی بلازحت ایضاح ایدیله بیلیر . فی‌الحقیقه ، کندی کندیلکمزدن آیریلادن جمعیتدن کندیمزی آیرامایز . جمعیت ایله بزم آرامزده غایت صبی و غایت قوتلی رابطه‌لر واردر . چونکه جمعیت بزم جوهر مزک بر قسمیدر ، چونکه بر معناه ایچمزدده اک انی‌اولان شی جمعیتدر . بو شرائط دائره‌نده ، خودکامانه بر حیانتک نه قدر اساس سز اولدینی آکلاشیلیر . چونکه بویله بر حیات خلاف طبیعتدر . خود کام بر آدم صانکه بر کل ایمش ، حکمت وجودی کندی نفسنده مندرج ایمش ، کندی کندیسنه کافی ایمش کبی یاشار . حالبوکه بویله بر حال . عدم امکاندیر . چونکه تعبیرات یکدیگری ناقضدر . ایسته‌دیکمز قدر اوغراشه‌لم ، بزی دنیانک سائر قسملرینه باغلایان رابطه‌لری که و شتمکه ایسته‌دیکمز قدر تشبیه ایدم ، بوکا موفق اولامایز . بزی احاطه ایدن محیطه بالضروره مربوطز . او محیط بزم ایچمزه نفوذ ایدر ، بزمه قاریشیر . بناءً علیه ، ایچمزدده بزم کندی بئلکمزدن باشقه بر شی موجوددر . ساده‌جه نفس مزه مربوطیت دولایسیله بزدن باشقا بر شیئده مربوطیت

پیدا ایتمش اولورز . حتی ده ایلری کیدبله بیلیر : مطلق بر خودکاملق ، ساحه فله غیر قابل ایصال بر تجریددن عبارتدر . چونکه خالص خودکامانه بر حیات ایله باشماق ایچون طبیعت اجتماعیه مزدن تعری ایتمه مز لازمدر . کندی کولکه مزدن قورتملق نه قدر محال ایسه بوده عینی صورته غیر ممکندر . بوتون پایه بیله حکمز شی ، یالکنز فکر آ قابل تصور اولان بو حده ممکن اولدینی قدر یاقلاشه بیلکه انحصار ایدر . فقط ، بو حده نه قدر چوق یاقلاشیرسه ق طبیعتدن او قدر چقارز ، حیاتمز او قدر غیر طبیعی شرائط داخلنده ایفای وظیفه ایتکه باشلار . بزجه بو حیات قولا یجه غیر قابل تحمل بر حاله کله سی ایشه بو صورته ایضاح ایدیلیر . بوضورته چیغرنندن چیغمش ، طبیعی هدفندن انحراف ایتدیریش وظیفه لک [افعوله] سهولته واضطراب سزجه قابل اجرا اولابیلمه لری آنجق استثنائی صورته مساعد بر طاقم شرائط تحققه متوققدر . بو شرائط بولونمازسه هر شی اورته دن قالقار . اونک ایچون ، هیئت اجتماعیه انحلاله اوغرایوب ده بو سسقوطندن دولای خصوصی اراده لری کنیدیسه ده آز جذب ایده بیلدیکی و ، بناءً علیه ، خودکاملق ده سربست بر انکشاف بولدینی دورلر ، حزن آود دورلردر . انا عبادتی ایله نامتناهیلک حسی چوق کره یکدیگریله عینی زمانده وجود بولورلر . « بودی » لک ، بوتساندک الک ای دلیلدر .

ایشته ، ناصل اخلاق ، بزى تحید ایتک ، ضبط ومنع ایله مک ایله طبیعت مزک ایجابانه تقابل وتوافق ایتکدن باشقه بر شی یایماورسه بر زمره یه مربوطیتی ، کنیدیزی اوکا متقاد بولودیرمه یی امر ایتکده وارلغمزی ساحه فعله ایصاله بزى اجباردن باشقه برشی یایمیش اولماز . بزه آنجق ، طبیعت اشیا طرفندن طلب ایدیلن ، لزوم کوسریلن شیئی یایمقدن باشقه برامر ویرمز . انسان نامنه لایق بر آدام اولابیلمه مز ایچون ، بشریتک وصه ممیزینی تشکیل ایدن اوحیات فکریه و اخلاقیه نک منبعی ایله ، ممکن اولدینی قدر یقیندن ، مناسبت کیریشه مز لازمدر . حالوکه بومنبع بزم ایچمزه دکدر ، هیئت اجتماعیه ده در . عدم وجودلری حالده انسانلرک حیوان درکسه دوشه جکری او بوتون مدنیت ثروتلری وجوده کتیرن و حفظ ایدن ایشجی ، هیئت اجتماعیه در . بناءً علیه ، کندی استقلال و مختساریمزی مدافعه ایچون کمال اعتنا ایله کندی اوزرزمه قاپانوب بوزوله جک یرده هیئت اجتماعیه نک تأثیرینه وارلغمزی کنیش صورته آچامز لازمدر . ایشه اخلاق ، زمره یه مربوطیتی ده برنجی بر وظیفه دییه اراه ایتکله بوعقیم قابللق حالتی منع ایتکده در .

اونك ايچون ، سائر بوتون وظائفك پرنسپي اولان بووظيفة اصليه ، بيلم ناصل برفراغت نفسى تضمن ايتمكدن چوق اوزاقدرد . بالعكس بزه امر ايتديكي خط حركت ، شخصيتمزي انكشاف ايتدير مكدن باشقه برنتيجه حصوله كتيره مز . يوقاريد ديدك كه شخص مفهومى ، ايلك عنصر اولمق اوزره ، آنجق انضباط اخلاقي مكنبنده تعليم ايد بيله جكمز بر نفسه حاكميت كيفيتنى تضمن ايدر . فقط بو برنجى و ضرورى شرطدن باشقه شرط يوق دكلدر . بر شخص ، يالكز كندى كنديسنى منع وضبط ايدن بروجود عد اولونه ماز . عبنى زمانده او ، فكر لر دن ، حسلردن ، اعتيادلردن ، تمايللردن مركب بر منظومه در ، محتوياته مالك بر شعوردر . بو محتويات ، عناصر جهتنده نه قدر زنكين ايسه انسان ده اوقدر بارز بر شخصيتدر . ايشته بوسبیدن دولاي ، مدنى بر آدم ابتدائى برانساندن ؛ كاهل ، چوجوقدن ده ايوكسك درجه ده بر شخصيت اولمايورى ؟ اخلاق بزي كندى وار لغمزدن ديشاى يه چكمكه ، جمعيتك اوغدا بخش محيطه دالماني بزه امر ايتمكه تام بزي شخصيتمزي تعديه يه قادر برحاله كتيرير . صرف كنديسندن و كنديسى ايچون ياشامايان بر وجود ، كنديسنى عرض ايدن و ورن ، خارجه قاريشان و خارجه كنديسنه نفوذ ايتمسه مساعده ايدن بروجود ، شبهه سزكه كندى كنديسنك ايچنه قابايان ، اشيايه وانسانلره خارج قانغه چالشان منزوى بر خودكامدن ده ا شديد بر صورتده ياشار . بونك ايچوندر كه حقيقه اخلاقي بر آدم ، فقط فنا حركتلردن ابتدائى بر اجتنابدن ايلري يه كچه مهن او وسطى وعادى اخلاق ايله دكل ، مثبت و فعال بر اخلاق ايله متصف اولان بر آدم ، قوتلى بر شخصيت وجوده كتير مكدن خالى قالماز .

ايشته جمعيت فردى آشار ؛ كنديسنه خاص ، طبيعت فرديه دن آيرى بر طبيعته مالك اولور و بوندن دولاي ، اخلاقي فعاليت غايه خدمتى كوره بيلمك ايچون الزم بولونان ايلك شرطى ايفايدير . فقط ، ديكر طرفدن فردايله برله شير . جمعيت ايله فرد آراسنده بوش بر مسافه يوقدر . جمعيت بزم ايچمزه قوتلى درين كوكلر سالار . آرازمده كي مناسبات بونكه ده آكلاشلمش اولماز . بزم وار لغمزه ك اياي بارچه سى ، جماعتدن صادر اولمش بر شيدر . ايشته بزمده جمعيت كنديمزى ربط ايتمه مز و حتى جمعيتى كنديمزه ترجيح ايله مكلكمز بوصورته ايضاح اولونور .

فقط ، بورايه قدر ، جمعيتدن ، يالكز تك بر جمعيت وارمش كي ، صورت عموميه ده بحث ايتدك . حال بوكه ، حقيقتده ، بوكون انسان متعدد زمهره لر ايچنده ياشار . اك

اهمیتلیرلرندن بحث ایتیش اوانق ایچون ، برکرمه ، فردک ، ایچنده دوغدینی طائله واردر؛ وطن یاخود سیاسی زمره واردر ، بشریت واردر . فردی نوزمره لردن یالکدر برینه ربط ایتکمی اقتضا ایدر ؟ بویله برشی موضوع بحث اولاماز . بسیط کورنلردن بعضیلری نه دیرلر سه دیسونلر ، جماعتجه . شترک بواوچ حسیات آراسنده ضروری برضدیت یوقدر . انسان طائله سندن نه قدر آیریلر سه وطنه اونسبتده مربوط اولور دینه مز . وطنداشلق وظیفه لری اونوتولمقدجه انسانلق وظیفه لری ایفا ایدیله مه می ده لازم کلز . طائله ، وطن ، بشریت بزم اجتماعی ومعنوی تکاملمزک مختلف صفحه لریدرلر . بونلر بربرلرینی حاضر لامش لردر . بناء علیه ، هررینه تقابل ایدن زمره لر بربرلرینی سلب ورد ایتکمزین یکدیگرینه انضمام ایده بیلرلر . انکشاف تاریخنک جریانده هر برینک کندیسنه مخصوص بررولی اولدینی کی ، شیمدی ، زمان حالده ده متقابلاً بربرلرینی اتمام ایتکمه درلر . هر برینک بر وظیفه سی واردر . طائله ، فردی ، وطنه نسبتله بوتون بوتون باشقه برطرزده احاطه ایدر و باشقا احتیاجات معنویه تقابل ایلر . بناء علیه ، بونلرک ایکیسندن برینی ترجیحه محبوریت یوقدر . انسان اخلاقاً تمام اولایلمک ایچون بواوچوزلو تاثیر منفاد بولونمق اقتضا ایدر .

فقط ، بواوچ زمره هپ برآراده موجود اولاییلرلر اولمالری ایجاب ایدرایسه ده ، هربری شایان تعقب برغایه اخلاق وجوده کتیررایسه ده ، بو مختلف غایه لر هپ عینی قیمتی حائر دکدرلر . آرالرنده برسلسله مراتب واردر . غایت بدیهیدرکه طائله وی غایه لر ملی غایه لره تابع اولمالری لازمدر . چونکه ، ساده جه ، وطن ده یوکسک نوعدن برزمره اجتماعیدر . چونکه ، طائله ، فرده ده یقیندر ، ده آاز غیرشخصی ، بناء علیه ده آاز یوکسک برغایه تشکیل ایدر . طائله منافعنک دائره سی اوقدر داردرکه بویوک قسمی منافع فردیه دائره سی ایله قاریشیر . ذاتاً ، فعلیاتده ، هیئت اجتماعیه لر ترقی ایتدکجه ، جمعیتک حیات عمومیه سی یعنی بوتون اعضا لر نه مشترک اولان ومنشای وغایه سی سیاسی زمره ده بولونان حیاتی ، فردلرک فکرنده ده چوقر اشغال ایدر . حالبوکه ، طائله حیاته عائد اولان نسبی وحتی مطلق قسم کیتدکجه آزالیر . دورلو دورلو ، سیاسی ، عدلی ، بین الملل ، الخ عمومی ایشلر ؛ ملتک هیئت عمومیه سنه تعلق ایدن اقتصادی ، علمی ، بدیی وقعه لر ، بوتون بونلر فردی طائله محیطندن چکوب آلارق دقتی باشقه مسئله لره انعطاف ایتدیرلر . حتی اصل طائله وی فعالیت بیله تناقص ایتشدر دنیه بیلیر . چونکه جو جوق چوق کره طائله آشیانی پک کنج برحاله ترک ایله کیدوب خارجه عمومی برتربیه آلیر . هر حالده سن رشده کلنجه

عائله دن اوزاقلاشیر و اووده ، تأسیس ایتدیکی عائله یی ، اطرافنده پک آذربمدت محافظه ایدر .
حیات اخلاقیه نك مرکز ثقلتی و قتیله عائله ده بولوندینی حالده ، کیتدکجه تبدیل موقع ایتمک
میل ایدیور . عائله ، دولتک ایکنجی درجه ده برچرخنی اولیور .

فقط ، بونقطه ده اختلاف و مناقشه تولدایده مزسده ، بشریتک ، دولت دوننده طوتولوب
طوتولماسی ، قوزموپولیتلکک ملتپروراسک تقدیم ایدیلوب ایدیله مسی مسئله سی بوکون اک
اختلافی موضوعلردن برنی تشکیل ایله مشدر . وفی الحقیقه ، بوندن ده اهمیتی برمسئله ده
یوقدر . چونکه ، وزمره لردن بری دیگرینه تقدیم ایدلیدیکنه کوره ، فعالیت اخلاقیه نك
قطی ده بوتون بوتون باشقه شی اولاجقدر و اخلاق تربیه سی ده هان هان تماماً ضد برطرزده
دوشونوله جکدر .

مناقشه نك اهمیتی تولید ایدن جهت ، هر ایکی طرفندن ده درمیان اولونان دلیللرک
قوتیدر . برطرفدن ، الامحدردن و غیر شخصی اخلاق غایه لرینک ، زمان و مکان شرطلردن ،
اکذلک هر دورلو عرق شرائطندن الکچوق آزاده بولونانلرک ، برنجی درجه یه چیقمه میال
اولان غایه لر اولدقلری نظر دقته عرض ایدیور . اسکی زمانک کوچوک قبیله لری اوستنده
ملتلر تشکل ایتمشلردر . صوکره ، ملتله ده بربرلینه قاریشمشلر ، دها واسع اجتماعی
عضویتله داخل اولمشلردر . بونک نتیجه سنده ، جمعیته لک اخلاقی غایه لری کیتدکجه عمومیت
کسب ایله مشدر . بو غایه لر متصل عرف و جغرافیایه عائده خصوصیتلردن اوزاقلاشیورلر .
بووده حجتی دها بویومش اولان هر جمعیته اقلیم وارضا عائده غایت مختلف شرائطی احتوا
ایتمه سنندن بوو متنوع تأثیراتک متقابلاً بربرلیری افلا ایله مه لرندن نشأت ایدیور . ایلك
زمانلرده کی روملرک یاخود رومالیلرک ملی مفکوره لری ، یونانستان و ایالتیا شهرلرینک وجوده
کثیردکلری کوچوک هیئت اجتماعیله صبقی صورتده منحصر ایدی . بو مفکوره لر ، ر
معناجه بلدی ایدیلر . قرون وسطاده دره بکلک زمره لرینک غایه لری دها زیاده عمومیت
اکتساب ایتمشدی . آوروپا هیئت اجتماعیله وسعت کسب ایتدکجه و تمرکز ایتدکجه بو
مفکوره ده بویودی وقوت بولدی . بوقدر متری و متادی بر صورتده دوام ایدن بر حرکت
هیچ برزمان آشامایه حنی بر طاقم حدودلر تعیین ایتمک ایچون بر سبب یوقدر . ایشته ،
بشری غایه لر ، اک یوکسک ملی غایه لرندن دها یوکسکدرلر . بناء علیه ، فائیت بوبشری
غایه لره عائده اولمق ایجاب ایتمزی ؟

فقط ، دیگر طرفدن ، بشریتک وطنه قارشی شو نقصانی واردرکه اوده تشکل ایتش

بر جمعیت عد اولونه بیللمه سنده کی عدم امکاندن عبارتدر . بشریت ، کندیسنه خاص بر شعوری ، بر شخصیتی ، بر تشکلاتی اولان بر جمعیت دکلدر . بشریت ، یالکز مجرد بر تعبیردن عبارتدر که اونکله هپ بر آرایه کلمه لری نو ع بشری وجوده کتیره ن بر طاقم دولتلرک ، ملت لرک ، قبیله لرک هیئت مجموعه سنی قصدایده رز . دولت ، ایوم ، موجود اولان تشکیلاتی انسان زمره لرینک اک یوکسکیدر . استقباله بو کونکی دولتلردن ده ا واسع دولتلرک تشکل ایده جکلرینه احتمال وریلیر سده بو تون بشریتی احتوا ایده جک بر دولتلک هیچ بر زمان تأسس ایده بیله جکنه احتمال ویردیرم جک بر دلیله تصادف اولونه ماز . هر حاله ، بویه بر مفکوره اوقدر اوزا قدر که بو کون اونی نظر اعتباره آلفه محل یوقدر . حالبوکه ، موجود اولان ودها شیمیدن جانلی بر شأنیت وجوده کتیره ن بر زمره یی هنوز موجود بولونمایان واغلب احتمال کوره هیچ بر زمان عقلدن باشقه بر یرده موجودیت کسب ایده مه یه جک اولان بر زمره یه منقاد بولوندیرمق وفدا ایتک محال کی کورونیور . ویردی کمز ایضاحانه نظراً ، بر خط حرکت آنجق کندیسنه خاص بر سیاسی و شخصیتی اولان بر جمعیتی غایه اتخاذ ایتش بولونور سه اخلاقیدر . بشریت بو وصفی ناصل حائر اولابیلیر ، بو رولی ناصل ایفا ایده بیلیر که هنوز تشکل اتمش بر زمره دکلدر ؟

ثناء علیه ، اویله کورونیور که حقیقی بر ضدین قارشیسنده یز . بر طرفدن ، ملی غایه لردن ده ا یوکسک اخلاقی غایه لر تصورندن کندیمیزی منع ایده میز . دیگر طرفدن ، بو ده ا یوکسک غایه لرک ، کندیلرینه تماماً تطابق ایده جک بر زمره بشریده اکتساب وجود ایده بیللمه لری قابل کورونم یور . شعور عمومی تعذیب ایدن بو مشکلاتی حل ایتمه نک یکانه چاره سی بو بشری مفکوره نک ساحه فعله ایصال کیفیتنی ، طانیدیمزدن یوکسک زمره لردن ، بشریته اک یقین بولونوبده بشریت ایله عینی شی حالته کله مه یلردن یعنی خصوصی دولتلردن طلب ایتمکدن عبارتدر . هر دورلو تضادک زائل اولماسی ، وجدانمزک بو تون مطالباتی تطمین ایدیللمه سی ایچون ، دولتلک ، کندیسنه باشلیجه هدف اولارق ، قومشولرینک ضررینه ماده وسعت کسب ایتمه یی دکل ، اولردن ده ا قوتلی ، ده ا زنکین اولمای دکل ، کندیسنک ایچنده بشریتک منافع عمومیه سنی ساحه فعله ایصال ایله مه یی یعنی ده ا فضله عدالت ، ده ا یوکسک بر اخلاقلیق حکمران قیلمه یی ، وطنداش لرک مزیت و اهلیت لریله شرائط حیاتی لری آراسنده متصل ده ا دغور بر مناسبت وجوده کله جک ، فرد لرک اضطراریاتی تخفیف ایدیلله جک ویا اوکی آله حق صورته تشکیلات یامایی قبول

ایتمه سی کافیدر . بو نقطه نظر دن ، مختلف ملئر آراسنده بوتون رقابت زائل اولور .
 و بونک نتیجه سنده ، قوزمو پولیتک ایله وطنپرورلک آراسنده کی هر دورلو ضدیت ده اورته دن
 قالقار . حاصلی ، هرشی ، وطنپرورلک طرز تلقیسنه تابعدر . چونکه وطنپرورلک
 بر بردن فرقلی ایکی شکل آلابیلیر . بعضاً ، اگر تعیر جائز ایه ، متباعد عن المرکزدر ،
 ملی فعالیتی خارجه دوغرو توجیه ایدر ، دولتری بر برلرینه تجاوزده ، بر برلرینی بر طرف
 ایتمک تحریک ایلر . اوزمان ، دولتری حال اختلافه صوقار و عینی حرکته ملی و بشری
 حیثیاتلر آراسنده ده بر نزاع وجوده کتیریر . یاخود ، بالعکس ، تماماً داخله متوجه اولور .
 جمعیتک حیات داخلیه سنی اصلاحه جالیشیر . اوزمان ، عینی انکشاف معنوی به واصل اولمش
 بوتون دولتری عینی بر غایده توحید ایدر . برنجی نوع وطنپرورلک ، متجاوزانه در ،
 عسکریدر ؛ ایکنجیسی علمیدر ، بدیعیدر ، صناعیدر ، حاصلی تک بر گه ایله ، صلحچورانه در .
 بو شرائط داخلنده ، آرتق ، ملی مفکوره نك بشری مفکوره به فدا ایدیلوب
 ایدیله می لازم کله جکنی صورمه محل قالمار ، چونکه ایکی مفکوره بر برلرینه متمیز بولونورلر .
 مع مافی ، بو قایناشمه ، خصوصی دولتلرک شخصیتلرینک اورته دن قالمغه محکوم اولمالری
 معناسنی هیچده تضمن ایتمز . چونکه هر دولت ، بو مفکوره بی ، کندی مزاج خصوصینه ،
 کندی استعدادینه ، کندی ماضی تاریخیسنه کوره شخصی بر صورتده تصور ایده بیلیر .
 عینی بر هیئت اجتماعی نك حتی بوتون دنیانک طالماری هپ بر هدف تعقیب ایدرلر که اوده
 ذکای بشری توسیعیدن عبارتدر . حالبوکه هر عالم ، فکری و اخلاقی بر شخصیه مالک
 اولمقدن خالی دکدر . طالمارک هر بری عینی دنیایی ، یاخود ده دوغروسى ، دنیانک عینی
 پارچه سنی کندیسنه خاص بر نقطه نظر دن کورور . فقط بوتون بو مختلف نقطه نظرلر ،
 بر برلرینی سلب ورد ایتمک شوبله دورسون ، بالعکس متقابلاً یکدیگرلرینی تصحیح
 و اتمام ایدرلر . بونک کبی ، هر خصوصی دولت ده ، بشریت حقنده خصوصی بر نقطه
 نظره مالکدر یاخود مالک اولابیلیر . عینی بر شیئی بویه مختلف صورتلره تصور کیفیت
 بر برینه منافی بر حال دکدر . بونلر ، بالعکس ، فرقلری دولایسیله بر برلرینه لزوم کوستیرلر .
 چونکه نامتناهی صورتده کرفتکی آنجق نامتناهی صورتده تدریجی و یا همزمان بر طاقم
 تقریری مطالعات و ملاحظات ایله افاده و اظهار ایدیله بیلن عینی بر شأنیتمک مختلف
 قطبلریدرلر . ایشته ، خصوصی هیئت اجتماعی لک فوقنده ، اونلرک فعالیت اخلاقیه لربه
 مشترک بر قطب تشکیل ایدن عینی بر مفکوره قانادرینی کرشم اولاق یوزندن بو هیئت

اجتماعیه لرك مختلف شخصیتلری زائل و بربرینه قاریشه رق غائب اولمق هیچده ایجاب ایتز. بو مفکوره ، متنوع عناصره مالکیت خصوصنده پک زنکیکن اولدینی ایچون ، هر هیئت اجتماعیه نك شخصیتی اونی بوتون تقرعاتیله افادهیه و موقع فعله ایصاله قادر اولاماز . اونك ایچون ، بو شخصیتلر آراسنده بر نوع تقسیم اعمال بولونماسی لازمدر . بو تقسیم اعمال ، بویه مختلف شخصیتلرك حکمت وجودیدر و حکمت وجودلری اولمقده دوام ایده جکدر . شبهه سزکه بوکون موجود اولان اجتماعی شخصیتلر آوله جکلردر ؛ اغلب احتماله کوره ، یرلرینه ده واسع شخصیتلر قائم اولاجکلردر . فقط بونلر نه قدر واسع اولایلیرلرسه اولسونلر ، اوله ورونورکه ، دائماً دنیاده متعدد دولته بولوناجقدر و بشریتی ساحه فعله ایصال ایچون بو دولتلرك تشريك مساعی ایتملری الزم اولاجقدر .

ایشته اخلاقلیلغك ایکنجی عنصری ده صریح صورتده تعیین ایدیش اولور . اساس اعتباریله ، بو عنصر ، نه اولورسه اولسون ، اجتماعی بر زمریه مربوطیتدن عبارتدر . انسان بر وجود اخلاقی اولایلیمك ایچون ، کندی نفسندن باشقه برشیته مربوط اولماسی لازمدر ؛ نه قدر حقیر اولورسه اولسون ، بر جمعیتله متساند بولونمالی و کندیسنی متساند حس ایتلیدر . بونك ایچوندرکه ، اخلاق تربیه سنك ایلک ایشی ، جوجوغی یاقیندن احاطه ایدن جمعیه یعنی طائلهیه ربط ایتمکدر . فقط ، عمومی صورتده ، اخلاقلیلق ، اجتماعی حیات باشلار باشلاماز ابتدا ایدرسده ، انسانك داخل اولدینی یاخود اولایله جکی جمعیتلرك کافه سی مساوی بر قیمت اخلاقیه بی حائر اولامالری دولایسیله ، اخلاقلیلغك ده مختلف درجه لری واردر . سائرلرینك کافه سنه قارشی حقیقی بر فائقتی حائر بر جمعیت کورولورکه اوده سیاسی جمعیتدر ، وطندر . مع مافیله ، شوشرط ایله که بونی حریصانه خودکام ، منحصر آ ، کندیسنه بکزر سائر شخصیتلر ضررینه توسع ایتمی ، بویومه بی دوشونور بر شخصیت کبی تصور ایتمه ملیدر . بشریت فکرینك بر حقیقت حاله کله سی ایچون اشتراك مساعیلری الزم بولونان متعدد چرخلردن بری کبی دوشونملیدر . ایشته مکتب ، جوجوغی بالخاصه بوجعیتله باغلامق وظیفه سیله مکلفدر . طائلهیه کلنجه ، طائله کندی بقاسی ایچون الزم اولان حیاتی کندی افرادینك قلبنده اوایندیرمغه و ادامه ایتمکه بالذات کافیدر . فقط وطن ، اما دیدیکمز صورتده تصور ایدیش بر وطن جهتنده جوجوغك بونی منتظم بر اصول دائره سنده طائیه یله جکی و سهویه یله جکی یکانه محیط ، مکتبدن عبارتدر . بوکون ، مملکتك تربیه اخلاقیه سنده مکتبه ترتب ایدن وظیفه نك غایت مهم اولماسی ده ایشته بوندن ایلری کلکده در .

آلتنجی درس

امدوقبتك ايلنجي عنصري : سياسي زمرة لره مربوطيت (هنام) .
ايكي عنصرك مناسباتي رومدي

اخلاقيلغك ايلكنجي عنصري ني هيت تعين ايدوب بتيردك . بو عنصر ، فردك ، داخل بولونديني اجتماعي زمرة لره مربوطيتندن عبارتدر . نه اولورسه اولسون ، بربري زمرة يه داخل اولمازله اخلاقيلق باشلار . فقط ، فعليتده انسان آنجق متعدد جمعيتلره منسوب اولورسه تمام اولاييله جي جهتله ، بالذات اخلاقيتده داخل بولونديغمز مختلف جمعيتلره (عائله ، مسلك ، هيئتلى ، سياسي جمعيتلر ، وطن ، بشريت) كنديمزي متساند حس ايتهمزك درجه سنه كوره تمام اولاييلير . مع مافيه ، بو مختلف جمعيتلر كاهه سي جماعتجه مشترك حياتك هيت عموميه سنده مساوي صورتده اهميتلى بررول ايضا ايتمكلري ايچون اخلاق اعتباريله مساوي برشرف واعتباري حائر اولماق لردن دولابي ، بزم نظر مزدهده مساوي بر موقع اشغال ايدمزلر . بر جمعيت واردركه سائرلرينك كاهه سي اوزرنده حقيقي بر فائيتي حائرذر و اخلاقي خط حركت ايچون اك اعلا غايه يي تشكيلى ايتمكده در . بوده سياسي جمعيت يعنى وطندر . فقط ، بشريت فكريك قسماً تشخيص ايتمش برتمالي حالنده تصور ايديلن وطندر . عصرى شعورك طلب ايتديكي شكلده كي « وطن » ، كندى منفعت مخصوصه سندن باشقه برقاعده طائميان و كنديسي هر دور لو انضباط اخلاقيدن آزاده تلقى ايدن خودكام « دولت » دكلدر . اليوم ساحه حقيقته ايصالى قابل اولمايان ، بلكه هيچ بر زمان ايصال ايديله ميه جك بولونان ، فقط نامتناهى صورتده يافلاشمغه اوغراشد يغمز مفكوروى حدودى تشكيلى ايدن اك بشرى هيت اجتماعيه امكان دائره سنده اك جوق تقرب ايتمش بر هيت اولديغندن دولاييدركه دولت بوقيت اخلاقيه مالكددر . چونكه وطنك بو طرز تلقيسى بيلم ناصل بر خيال خام صاحبك تخيلاتى كي تلقى ايتمكدن اجتناب ايتلدر . تاريخه باقيلاجق اولورسه بو طرز تلقينك كيتدكجه بر حقيقت شكلنى آلمقده اولديني قولايجه كورولور . بالكرز جمعيتلر كيتدكجه ده واسع بر حال اك تساب ايتملرى بوزندن اجتماعى مفكوره ، بوتون محلى و عرقى شرائطدن كيتدكجه آيريلار ق غايت مختلف عرق لردن

ویرلردن آنلش دها چوق مقداردہ انسانلر آراسندہ مشترک برحال کسب ایدیور .
 بونک ایچون دها عمومی و مجرد اولیور و بناءً علیہ بشریت مفکوره سنہ دها یا قلاشیور .
 بو وضع ایدیلن پرنسپ ، یوقاریکی درس لر انسانندہ تصادف ایتدیکمز ، فقط حلی
 آتی به تعلیق ابله دیکمز بر مسئله یی حله یار دیم ایدر .

بر فعل و عملده بولونان کیمسه نك منفعت فردیه سی برغایه اخلاقیه تشکیل ایتهدیکنه
 باقرق باشقه لرینک منفعت شخصیه لر ی دها فضله قیمت اخلاقیه یی حائر اولامایه جفته حکم
 ایتدک . چونکه بنم شخصمه مشابه بر شخصیتک بکا فائق اولماسی ایچون هیچ بر سبب موجود
 دکدر . مع مافیہ ، فعلیاتده شبه سزدرکه وجدان ، کندیسی هم جنس لرندن برینه فدا
 ایدن بر فردک حرکتنه بدرجه یه قدر بروصف اخلاقی اضافاییدیور . بر صورت عمومیه ده
 فردلر آراسندہ کی رحم و تصدق ، بوتون اشکالیه ، عموم نظرندہ اخلاقاً شایان تقدیر
 بر عمل کی تلقی اولونمقدہ در . انسانلرک خط حرکتلری حقندہ بویه بر حکم ویر مکله شعور
 عمومی غییا آلدانیور می ؟

بویه بر شی فرض ایتهدنک شایان قبول اولمادیغی بدیهیدر . چونکه بوتقدیر ، پک عمومی
 اولدینی ایچون ، بیلیم ناصل تصادفی بر ضاللتک محصولی عد ایدیلمز . خطا ، عارضی
 برشیدر . بوقدر عالم شمول ، بوقدر دواملی اولاماز . فقط ، وقعہ لر ی ، بزم سویلدیکمز
 شیرله هم آهنگ بر حاله قویمق ایچون اقوامک اخلاق حقندہ کی مطالعہ لرینی بویه بر
 نوع تکذیبہ قالمقغه هیچده لزوم یوقدر . چونکه بزم بوتون وضع ایتدیکمز اساس ،
 کله نك عادی و عامیانه معناسیله مرحمت و تصدق ، فرددن فردہ وقوع بولان معاونتک
 حد ذاتندہ بر قیمت اخلاقیه سی اولمادیغندن ، و اخلاقی خط حرکتہ حد ذاتندہ برغایه تشکیل
 ایدمه جکندن عبارتدر . فقط اخلاقی بالواسطه علاقہ دار ایتمه سی احتمالی موجوددر .
 باشقه برینک منفعت شخصیه سی حد ذاتندہ هیچ اخلاقی بر ماهیتی حائر اولماق و بر تقدیم
 و رجحانه حق قازانماق ایلہ برار ، بزمکنه ترجیحاً اونک منفعتی کوزتمک موجود اولان
 تمایلک ، انکشافی اخلاق ایچون حائر اهمیت اولاجق تمایللردن برینی تشکیل ایتمه سی قابلدر .
 چونکه بوتایللر حقیقه ، اصل اخلاقی اولان غایه لرک تحریسنه ذهنلری حاضر لارلر و میل
 ایتدیرلر . فی الحقیقه ، فعلیاتده بویه اولیور . جماعتجه مشترک غایه دن باشقه اخلاقی
 غایه لر یوقدر ؛ زمریه مربوطیتدن باشقه جدأ اخلاقی بر عامل افعال یوقدر . فقط ،
 انسان ، داخل بولوندیغی جمعیه مربوط اولور سه بونک عکس تأثیریلہ ، اوجمعی ترکیب ایدن

و جمعیتک ساحه فعله چیقماسنه امکان حصوله کتیرن فردلرده مربوط اولماق پسقو لوزی نقطه نظرندن امکان خارجنده در . چونکه ، جمعیت فرددن باشقه برشی اولق ، جمعیت بزم هیچ بریمزده تماماً موجود بولونماق ایله برابر همیزده بلا استثنا اوندن عکس ایتیش برلمه واردر . بناءً علیه ، جمعیت قارشى بسله دیکمز حسلك ، جمعیتک قسماً تشخص ایتدیکي کیمسه لرده تعلق ایتملری غایت طبعیدر . جمعیت مربوط اولق ، اجتماعی مفکوره یه مربوط اولمقدیر . حالبوکه بزم همیزده بومفکوره دن برپارچه برشی واردر . زمرة نك وحدتی حصوله کتیره او جماعتجه مشترک نمونه همیز اشتراك ایدرز . بونمونه الك برنجی درجه ده مقدس برشیدر . بناءً علیه ، همیز ، بونمونه نك تلقین ایتدیکي حرمت دینی دن حصه دار اولورز . دیمک که ، زمرة یه مربوطیت ، بالواسطه برصورتده ، فقط همان همان ضروری اولارق ، فردلره مربوطیتی ده تضمن ایدیور . زمرة نك مفکوره سی بشریت مفکوره سنك خصوصی برشکلندن عبارت بولوندینی ، وطنداش نمونه سی ، قسم اعظمی اعتباریله ، عمومی آدم نمونه سی ایله قارشیدینی زمان ، انسانه ، صرف انسان اولماسی صفتیه مربوط بولونورز و عینی زمانده بزم جمعیتمزك بشریت حقنده بسله دیکي تلقی مخصوصی بالخاصه فعله چیقارالرله کندیمیزی ده صیقی صورتده متساند حس ایدرز . فردلر آراسنده کی محبت حسیانه و بونلرک تلقین ایتدکیری افعال و اعماله عطف اولونان اخلاقی وصف ایشته بو صورته ایضاح ایدیلیر . بونلر حد ذاتلرند مزاج اخلاقینک اصل عنصرلرینی تشکیل ایتدکلرندن دولایی اخلاقی اولمایورلر . الك اساسی اخلاقی استعدادلره ایجه صیقی صورتده مربوط اولدقلرندن ، فقدانلری ، الحق ، ده آاز اخلاقینک غایت محتمل برنشانه سی کی تلقی ایدیلیر . انسان وطنی سورسه ، صورت عمومیه ده بشریتی سورسه ، آرقداشلرینک ، یاخود داها عمومی صورتده ، بالجمله بشری مخلوقلرک اضطراباتی کوروبده بوندن مضطرب اولماسی و بناءً علیه اوکا چاره ساز اولق احتیاجی دویماماسی قابل دکلدر . بونک عکسی اولارق ، انسان قلبی مردورلو مرحه قارشى پك شدتله قاپارسه ، کندی نفسندن باشقه سنه مربوط اولایلمکه پك آاز قابیلیت دیمکدر . منسوب اولدینی زمرة یه ده مربوط اولامابه جنی آشکاردر . دیمک که رحم و شفقت ، آنجق متساند بولوندینی اخلاقی حالتلرک بر اعراضی اولق صفتیه قیمت اخلاقیه یی حائزدر ؛ انسانده کندیسینی ویرمه ، کندی نفسنه مربوطیت قیوداتندن خارجه چیقمنه ، شخصی منفعتلر دائره سنی تجاوز ایتمه کر استعداد وجودینه دلالت ایتدیکي و بواسطه داده حقیقی اخلاقلیله یول آجدینی ایچون اخلاقا قیمتداردر . ذاتا ، بشری فردلرک غیری اولق اوزره ، علی العاده یاشادیغمز محیطی ، محل

تولد مزی، الخ. دلدوران اشیا و حیوانات کی مناسبتدار اولدیغمز مخلوقاته بزی ربط ایدن مختلف حسیات ده هپ عینی معنایی حائر درلر. ذی روح اولمایان شیلره مربوطیتده اخلاقی هیج برشی بولونمادیی بدیهیدر. حالبوکه، حیاته اشترک ایتمش شیلردن پک قولایلقه آریلایلن کیمسه، یالکز بو حرکتیه، کندیسنی نفسندن باشقه شیلره باغلایان رابطه لری قیرمق خصوصنده، اخلاق نقطه نظرندن، اندیشه بخش برقابلیت اظهار ایتمش اولور، یعنی ربط قلب ایده بیلیمک خصوصنده براسعداد سزلق کوسترر.

فرددن فردده وقوع بولان رحم و نصدقک، اخلاقی افعال و اعمال سیسته مندمه ایکنجی درجه ده و بالواسطه بر موقع اشغال ایتدیکی غیر قابل انکاردر. فقط بونده حیرت ایدیلجهک برجهت یوقدر. ده یوکسک بر موقعه حق اولاماز. فی الحقیقه منفعت برستلمکدن بونوع تباعدک نتیجه اعتباریه پک فقیر قالدیغنی اثبات ایتک قولایدر. بر فرد یالکز باشنه، منحصر اکندی قوتلریله حال اجتماعی یی تعدیله غیر قادر اولدیغنی میدانده در. هیئت اجتماعی اوزرنده آنجق فردی قوتلری، جماعتجه مشترک قوتلره قارشق قوبایلجهک صورته بر آرایه طوپلامق سایه مندمه مؤثر بر نفوذ اجرا ایدیله بیلر. حالبوکه، خصوصی رحم و شفقتک شفا یاب ایتکه و غراشدیغنی دردلر بالخاصه اجتماعی سبیلردن منبعثدرلر. استثنائی احوال خصوصیه برطرف ایدیلرسه، معین بر هیئت اجتماعی ده، سفالتک ماهیتی، اقتصادی حیاتک حالنه و بو حیاتک نه کی شرائط داخلنده ایفای وظیفه ایتدیکنه یعنی تشکیلاتنه تابعدر. بونون برجوق اجتماعی سرسریلر، منتظم هر دورلو اجتماعی قادرونک خارجنه جیقمش آدملر وارسه، بونک سببی، بزم آوروپا هیئت اجتماعی لرنده انسانلری سرسریلکه سوق و مجبور ایدن برشی بولونماسیدر. عیاشلق فلاکتی منتشر بولونیورسه بونک سببی، شدت پیدا ایتمش اولان مدنیتک بر محرک و منبه احتیاجی تولید ایتمه سی و بو احتیاج باشقه دورلو تطمین ایدلمدیکی تقدیرده کئولده کندیسنه برچاره تطمین آراماسیدر. اجتماعی اولدق لری بوقدر آشکار اولان مصیبتلر اجتماعی صورته معامله کورمکه محتاجدرلر. بونلره قارشق منفرد بر فرد هیج برشی یاپاماز. یکانه مؤثر علاج، جماعتجه مشترک صورته تشکیلات آلتنه آلتمش رحم و نصدقه در. بر نتیجه حصوله کتیره بیلیمک ایچون فردلرک خصوصی جهد و غیرت لری طوپلامق، بر نقطه ده تمرکز ایتک، تشکیلات آلتنه کیرمک لازمدر. اوزمان عینی حرکتله، یاپدیغمز فعل و عمل ده یوکسک بر وصف اخلاقی آلیر. چونکه ده عامومی وده غیر شخصی غایه لره خدمت ایدر. شبهه سز، بوتقدیرده، موافقت ایتدیگمز فداکارلغک

نتیجه لری کوزلرمزله کورمک ذوقندن محروم قالیرز. فقط بویله احوالده منفعتپرستلکدن اوزاقلاشمق دها زور اولدینی، فداکارقلر، حواسدن کلن انطباعلرله تسهیل ایدیلهدیکی ایچوندرکه قیمتلی زیاده اولور. باشقه دورلو حرکت ایتک، هرسفالتله خصوصی صورته چاره بولغه قالقوبده انبعاث ایتدیکسی اسباب اوزرنده اجرامادی تأثیره چالیشماق برخسته لغک یالکیز اعراض خارجه سنی تداوی ایدن دوقتورکی حرکت ایتک اولور. حالبوکه دوقتور خسته لغک درین سینه قدر واصل اولمغه اوغراشه جقدی. اعراض، اوسسبیک خارجهی نظاهرندن باشقه برشی دکدرلر. شبهه سزکه بعضاً دها ایسی یاپلق قابل اولماخجه، صرف اعراض تداویسنه منحصر بر طبابت اجرایی ضرورت کسب ایدر. اونک ایچون هر دورلو فردی رحم و تصدی فنا کورمک و نوید ایتک موضوع بحث اولاماز. یالکیز بوکا طائد اولان اخلاقی درجه سنی تعیین ایتک کافیدر.

ایشته اخلاقدا لغک ایلک ایکی عنصری تشکل ایتدی. بونلری یکدیگردن تفریق و تعریف ایچون کندیلرخی آیری آیری تدقیق و تنبیه مجبور اولدق. . بوندن دولایی، بزه شیمدییه قدر برلرلندن آیری و مستقل شیر ایشکی کوروندیلر. انضباط آیری برشی، مربوط بولوندیغمز جماعتجه مشترک مفکوره اوندن تماماً فرقلی باشقه برشی ظن اولونیور. معافیله، حقیقتده، بونلرک آراسنده صیقی مناسبات موجوددر. بونلر عینی بر شایتک ایکی منظره سندن باشقه برشی دکدرلر. بونلرک وحدتلیخی وجوده کترین شیئی کورمک و اخلاقی حیات حقده بصورتله ترکیبی ودهامادی بر فکر ایدیمک ایچون، اخلاق قاعده لرده موجودیتی تسلیم ایتدیکمز حکم و نفوذک [سلطه] - که انضباط بوکا حرمندن عبارتدر - نردن کلدیکنی آراشدیرمق کفایت ایلر. شیمدییه قدر بو مسئله یی هب آتییه تعلیق ایتشدک. فقط شیمدی آرتق بونک تدقیقنه کیریشه بیلیرز.

فی الحقیقه، کوردک که، اخلاق قاعده لرده خصوصی رنفوذ و اعتبار واردر. بوسایه ده انسانلرک اراده لری اونلرک اوامرینه توفیق حرکت ایدرلر. همده ساده جه اونلر بزه بویله بر امر ویردکلرندن دولایی اطاعت کوسترلر، بصورله امر ایدیلن افعال و اعمالک تولید ایده بیله جک لری نتایج محتمله دن قطع نظر ایدرلر. وظیفه یه حرمة و وظیفه سنی یایمق، قاعده یه قاعده اولدینی ایچون اطاعت ایتکدر. فقط، بشری بر مؤسسه اولان بر قاعده نک، کندیلرندن انبعاث ایتدیکسی بشری اراده لری منقاد ایده بیله جک درجه ده بر سلطه صاحبی اولماسی نیدن ایلری کلیور؟

شبهه سزکه ، بو کیفیت غیر قابل انکار اولدینی ایچون ، بونی ایضاح ایده بيله جك بر حالده اولمادیغمز بر زمانده بيله سرد وانیان ایديله بیلیردی . حتی بونی ایضاح ایده بيله جك حالده اولماسه ایدك بيله ادامه و محافظه ایديله سی لازمدی . شأیت اخلاقیه یی ، صرف علمك حال حاضر ی اوکا عقل ایردیرمه كافی کلمه سی حسدیه انکاره قالدیشمقدن توقی ایتمك اقتضا ایلر . فقط ، حقیقته ، یوقاریکی درس لرده اثبات ایدیلن شیلر ، تجربه فوقنده هیچ بر فرضیه یه مراجعت ایتمکسزین بوسری اورته دن قالدیرمازمه امکان تأمین ایده جکلر در .

قی الحقیقه ، کوستردك که ، اخلاقك غایه سی ، فردی بر یاخود متعدد اجتماعی زمره لره ربط ایتمکدر . اخلاقلیق ایشته بومر بوطیق تضمن ایدر . دیمك که اخلاق ، جمعیت ایچون یاپیشدر . او حالده ، ده ا تدقیقاته کیریشمه دن ، بروجه پیشین a priori ، جمعیت طرفندن یاپیش او ناسی ایجاب ایده جکئی سوله یه مز می یز ؟ فی الحقیقه ، اخلاق یاپان کیم اولابیلیر ؟ فردی ؟ فقط بزمکی کی بویوک بر هیئت اجتماعیه نك وجوده کتیردیکی عظیم محیطه معنویه کچن بوتون شیلردن ، بومیلینلرجه اجتماعی وحدت لر آراسنده هر آن تعاطی ایدیلن حدسز حسابسز تأثیر لر وعکس تأثیر لر دن بز آنحق کندی ساحه شخصیتمز داخلنده انعکاس ایدن برقچ دانه سنك عکس تأثیرانی مشاهده ایله قایلیرز . شعور عمومینك نظر ادراکی اوکنده جریان ایدن بویوک وقایعی پك اعلا مشاهده ایده بیلیرز . فقط ما کنه نك اداره داخلیه سی داخلده کی چرخلرک ساکنانه ایفای وظیفه ایتمه لری ، حاصلی ، جماعتجه مشترک حیاتك جوهرینی و تمادیسینی وجوده کتیرن هر شی ، بوتون بونلر ، بزم دائره رؤیتمز دن خارجه در ، بوتون بونلر بزم ادرا کمزدن قانچان شیلردر . شبهه سزکه اطرافزی احاطه ایدن حیاتك بوغوق ولوله سنی ایشیدیرز . اطرافزده عظیم و مرکب بر شأیت بولوندیغنی پك کوزل حس ایده رز . فقط بونی دوغرو دن دوغرویه ادراک ایتمه یز . ناصلکه محیط مادیمزی دولدوران مادی قوتلر حقنده ده بویله بلا واسطه بروقوفز یوقدر . یالکیز ، اونلرک نتیجه لری بزه قدر کلیرلر . دیمك که فرد ، کنندیسنه دوغرو دن دوغرویه تعلق ایتمه یی ، کنندیسندن باشقه بر وارانی کوز اوکنده طونان وحقنده آنحق مظلم بر حس پیدا ایده بیلمه سی قابل اولان بو افکار و اعمال سیسته منك صانعی دکلدر . یالکیز هیئت عمومیه سیله جمعیت ، غایه سی کنندیسینی ، هیچ دکنسه کندی ظن ایتدیکی طرزده ، افاده ایتمکدن عبارت اولان بر انضباطی وجوده کتیره بيله جك درجه ده بر شعوره کندی کنندیکندن مالک اولابیلیر . بناءً علیه ، نتیجه منطقاً ، ضروری صورتده کنندیسینی اورته یه قویور . جمعیت ، اخلاقك

غایه‌سی اولدینی کبی ، اونک صانعیدرده . فرد ، اخلاق احکامی ، اولدن ، هیچ دکلسه طاسلاق حالنده ترسیم ایدیش برشکلده ایچنده طاشیبوبده صوکره آرتق اونی تصریح و انکشاف ایتدیرمکدن باشقه برشیئه محتاج اولماز دکلدر . اخلاق احکامی ، آنجق بربرله اشتراك ایتمش فردلر آراسنده تأسس ایدن مناسباتدن چیقاییلرلر . کذلک ، تعلق ایتدکاری زمره‌نک یاخود زمره‌لرک حیاتی‌ده افاده ایدرلر .

بومنتقی دلیل ، قطعی کبی تلقی اولونابیلرک تاریخی بردلیل ایلده تأیید ایدیلرکده‌در . اخلاقک ، هیئت اجتماعی‌نک اثری اولدیغنی اثبات ایدن شی ، هیئت اجتماعی‌لرکی اخلاقک‌ده تحول اتمه‌سیدر . یونان و روما شهرلرینک اخلاقی بزم اخلاقز دکلدی . ناصل که ابتدائی قبیله‌لرک اخلاقی‌ده بو شهرلرک اخلاقی دکلدی . واقعا ، بعضاً ، اخلاقلرک بو تنوعی بزم ادراک‌لرک عدم مکملیتندن متولد خطالرک برمحصولی دیبه ایضاحه تشبث ایتشلردر . دنیلرکینه کوره ، رومالیرک اخلاقی بزم اخلاقزندن فرقلی ایدیسه بو ، ذکای بشرک او زمان دورلو دورلو فکر باطلر ، اعتقاد باطلرله قارارش ، اورتولش اولماسندن ایلری کلشدر . اوباطل فکر واعتقادلر او تاریخنن بری آرتق زائل اولشلردر . فقط ، تاریخک شهبه‌دن آزاده برصورته میدان چیقاردینی بروقه وارسه اوده هر قومک اخلاقک او اخلاقی تطبیق ایدن قومک بایلیشیه دوعرودن دوعرویه حائر مناسبت اولما‌سیدر . آزاده‌کی رابطه اوقدر صیقیدرکه بر هیئت اجتماعی‌نک رعایت ایتدیکی اخلاقک عمومی وصفلری بیلدیرلرک اولورسه ، غیر طبیعی و مرضی وقعه‌لر مستثنا اولمق شرطیه ، بو اوصافه باقیلارق اوجمیتک طبیعت و ماهیتنه ، نه‌کی اقسامدن تشکیل ایتدیکنه و بو اقسامک نه صورتله بر تشکیلات آلتنه کیردکیرینه انتقال ایدیلر . برقومده ازدواجک ، عائله اخلاقک ناصل اولدیغنی بکا سوبله‌یکز ، او قومک تشکیلات اساسیه‌سینک باشلیجه اوصافی سزه آکلاتیم . رومالیرک ، کندسی اخلاقلرندن باشقه بر اخلاق تطبیق ایده‌بیلرکی امکان داخلنده اولدینی ادعاسی تاریخ نقطه نظرندن حقیقی برمعنازلقدردر . رومالیر ساده باشقه اخلاق تطبیق ایده‌مزلدی دکل ، باشقه اخلاق تطبیق ایتمه‌لی ایدیلر . فی‌الحقیقه ، فرض ایده‌لمکه ، برمعجزه تأثیرله ، بزم بوکونکی اخلاقک تملی تشکیل ایدن فکرلرله مشابه برطاقم فکرلر اونلرک ذهنه کیرمش اولسه ایدی ، بویه برشی وقعه کلسه ایدی روماهیت اجتماعی سیه یاشایه‌مازدی . حالبوکه اخلاق ، یاشاته‌جق بر اثردر ، اولدیره‌جک دکل . حاصلی ، هراجتماعی نمونه ، کندسی ایچون الزم اولان اخلاقه مالکدر . ناصل که هر بیولوژی نمونه‌سی‌ده کندیسینک بقاسنه امکان تأمین ایدن جمله عصیبه مالکدر . دیمک که اخلاق ، بنیه‌سنی کمال

صدافته انعكاس ايتديردیکی جمعیت طرفندن ياپيلمشدر . فردی اخلاق دنیلن شی ده بویله در . کندی نفسمزه قارشى اولان وظیفه لر مزی بیله هیئت اجتماعیه بزه امر ایدر . کندیمزده مفکوره وی بر نمونه بی ساحه فعله ایصال ایتیه بزی جمعیت اجبار ایدر . بونده بر منفعت حیاتیه سی بولوندیغندن درلاییدرکه اجبار ایدر . فی الحقیقه ، هیئت اجتماعیه آنجق بوتون اعضاسی آراسنده کافی مشابهلر بولونمق شرطیله ، یعنی ، هرکسک ، جماعتجه مشترک مفکوره دن عبارت اولان عینی بر مفکوره یه حائذ باشلیجه اوصافی مختلف درجات ایله نفسنده وجوده کترین شی شرطیله یاشایه بیلیر . ایشته بونک ایچوندرکه اخلاقک بوقسمی ، سائر بوتون اقسامی کبی ، نمونه لره و مملکتلره کوره دیکشمشدر .

بورای قبول اولونجه ، کندی کندیمزه وضع ایتدیکمز مسئله طبیعی صورته برطرز حل ولور . اخلاق قاعده لرخی بالذات هیئت اجتماعیه وضع ایتمشه ، حائز اولدقلری او ایضاحه جالیشدیغمز حکم ونفوذی (سلطه) ده اولنره هیئت اجتماعیه ویرمشدر . فی الحقیقه ، سلطه دنیلن شی ندر ؟ بوقدر مغلق بر مسئله بی برقاج کله ایچنده کس دیروب آتمغه قالمادن ، سلطه حقنده شو آتیده کی تعریف تکلیف اولونا بیلیر : بو ، اوילה بر وصفدرکه حقیقی یاخو فکری بوجود ، معین فردلره قارشى اونى حائز بولونور . وبوده صرف ، اوفر دلر طرفندن کندی نفسلرنده موجود کورولان اقتداره فائق بر اقتدار ایله متصف کبی تلقی ایدیله سی سایه سنده وقوعه کلیر . بواقترارلرک حقیقی یاخود خیالی اولمالرینک پک آز اهمیتی واردر . ذهنلرده حقیقی کبی تصور ایدیش اولمالری کافیدر . سحر یاز ، کندیسنه اینانان بری ایچون برسلطه در . بوندن دولاییدرکه سلطه یه معنوی دیر . چونکه ، اشیاده دکل ، ذهنلرده در . ایشته ، بونعریف وضع اولوندقدن صوکره ، برسلطه وجوده کتیرمک ایچون الزم بوتون شرائطی اک ایی حائز اولان وجود ، جماعتجه مشترک وجوددر . چونکه ، یوقاریده بوتون سویله دکلر مزدن چیقان نتیجه به کوره ، هیئت اجتماعیه فردی یالکز مادی وسعت خصوصنده دکل معنوی قدرت خصوصنده نامتناهی صورته کچر . هیئت اجتماعیه بوتون فردی قوتلرک تک فرد حالنده برلشمه لرندن دولانی یالکز قیاس قبول ایتیه جک درجه ده عظیم قوتلره مالک اولمقله قالماز . ذهنیتمز و اخلاقیتمز ایچون بر غذا اولارق مراجعت ایتدیکمز اوحیات فکریه و اخلاقیه نك منبعی ده هیئت اجتماعیه ده بولونور . نور و حقیقه واصل اولان برنسل ایچون کندیسنی تربیه ایتک ، محیطده کی مدبیتی یاواش یاواش کندیسنه سیندیرمک دیمکدر . دوغارکن بر حیوان حالنده بولوندیغمز حالده محیطده کی مدنیت یاواش یاواش درونمز نفوذ ایتدیکجه بو حیواناتق ایچنده انسان تشکل ایدر .

مدینتک بوتون ثروتلری ایسه هیئت اجتماعیه نک النده در . اونلری صاقلایان ، بریکدیرن اودر ؛ بطندن بطنه انتقال ایتدیرن اودر . اونلر بزه قدر جمعیت واسطه سیمله کلیر . دیمک که بومدینت ثروتلرینی زجمعیه مدیونز ، اونلری جمعیتدن آلیورز . شعورمز کندیسنک آنجق قسماً بر مثال مشخصندن عبارت اولان معنوی بر قدرتک آرتق نظر مزده ناصل بر سلطه یه صاحب اولماسی لازم کله چکی پک کوزل تقدیر ایدیه بیلیر . حتی ، همان هر سلطه فکرنده مکنوز اولان اواسرار عنصری بیه هیئت اجتماعیه حقنده مالک اولدیغمز حسده ا کسک دکادر . فی الحقیقه ، مافوق بشری اقتداره مالک اولان بر وجودک ذکای بشری شاشیرتماسی و بوضوئله اسرار آلود بر شینه مالک اولماسی طبیعی در . بونک ایچوندرکه سلطه بالخاصه دینی شکلنده حداظمی نفوذنی ا کتساب ایدر . ایشه بر آاز اول کور بیوردق که هیئت اجتماعیه فرد نظرنده اسرار ایله دولودر . پوئه ، انسان نلر جریان ایتدیکنی بیلمز ، دیوردی . فی الحقیقه ، دائماً اطرافزده وقوعه کلک اوزره بولونان ، فقط ماهیتلری زجه مجهول قالان بر جوق شیلروار حسنه مالک زدر . تا یا تمزده دورلو دورلو قوتلر قیلمدارلر ، قارشیلایشلر ، چارپیشلر ، کچرکن بزه عادتاً سورونورلر . فقط بز کندیلرینی کورده میز . نهایت ، برکون کلیر ، مهم بر حادته تا یانی باشمزمده ، کیزلی واسرار آلود بر طاقم ایشلر جریان ایتمش اولدیغنی بزه حس ایتدیرر . بز بونلرک فرقه بیه وار مامشدق . بالکیزنتیجه لری کور مکدن باشقه برشی یاپه میز . فقط بزه دائمی صورتده بو حسی ادامه ایدن بروقه واردر . اوده هیئت اجتماعیه نک هر آن اوزرمزده اجرا ایتدیکی تضیقدر . بونک فرقه وار مامق المزدن کلز . نه صورتله حرکت ایجمه مزنی تعیین ایچون دوشوندیگمز و قتلر ، ایچمزمده متکلم برسس ایشیدیرز . بزه : ایشه وظیفه ک ! دپر . بزه بوضوئله ارا نه ایدیلن وظیفه ده قصور ایتدیگمز وقت ، عینی سس کندیسینی ینه ایشیدیرر ، یاپدیغمز حرکت قارشنی پروتستو ایدر . بزه آمرانه بر ادا ایله خطاب ایتدیکندن دولایی درکه بزدن یوکسک بر وجوددن صادر اولماسی لازم کلدیکی حس ایلرز . فقط بو وجودک کیم اولدیغنی ، نه اولدیغنی واضح صورتده بیلیمیز . بونک ایچوندرکه اقوامک مخیله لری ، طرز ی برصدای بشرینک خطابنه بکزمه یین بواسرار آلود سسی ایضاح ایده بیلیمک اوزره ، اونی علوی ، انسانه فائق شخصیتلره عطف ایتشلر و بوشخصیتلر بر موضوع عبادت تشکیل ایله مشلردر . چونکه عبادت ، نهایت الامر ، اوشخصیتلرده وجودی تصدیق اولونان سلطه یه بر شهادت خارجیه دن عبارتدر . بومفهومی ، تاریخک جریانی اشناسنده اورتوندیکی خرافه آلود شکلردن تجرید ایتک و تمثال آلتنده کی اصل شایسته اصل الملق بزه ترتب ایدن بروظیفه در . ایشه

بوشانیت ، هیئت اجتماعیه دن عبارتدر . هیئت اجتماعیه در که بزی اخلاق نقطه نظرندن تربیه ایدرکن ، بزه خط حرکتمزی اوفدر آمرانه تلقین ایدن یاخود اونک احکامنه رعایتدن اجتناب ایله دیکمز وقت اودرجه شدتله برعکس العمل کوسترن بوحساری بزم ایچمهز قویمشد . وجدانمز هیئت اجتماعیه نك اثریدر . واونی افاده ایتمکده در . وجدانمز برشی سویله دیکمی وقت ایچمزدده هیئت اجتماعیه سوز سویلور دیمکدر . ایشته بزه خطاب ایدرکن قوللاندینی طور وادا ، حائر اولدینی استثنائی سلطه نك اکی بر دلیلی تشکیل ایدر .

دها فضله سی وار : هیئت اجتماعیه یالکمز معنوی برسلطه اولقله قالماز . او یله ظن ایدیله بیلیر که هیئت اجتماعیه بوتون معنوی سلطه لرک نمونه سی ومنبعیدر . شبهه سز که نفوذ واعتبار لریخی آنجق کندی نفسلرینه وفطرتلرینک فائقیتلرینه مدیون برطاقم فردلر بولوندیغنه احتمال ویرمکدن خوشلانیرز . فقط بو آدملر بونفوذ واعتبارلری نیه مدیوندرلر ؟ سائرلرندن فصله قوه ماده لرینه می ؟ فقط ، بوتون هیئت اجتماعیه صرف مادی فائقیته اخلاقاً مقبول دییه تلقی ایتمه دیکمی ایچوندر که مادی برقوت حد ذاتنده هیچ برمعنوی سلطه بخش ایتمیور . پک کوتلی اولدیفندن دولایی برآدمه قارشی حرمت بسلتمه دکن باشقه اوندن قورقو بیلله دویمایور . چونکه اجتماعی تشکیلاتمز اونی قوتنی سوء استعمالدن منع ایتمک میالدر . بناء علیه بویه برآدم کیتدکجه دهآ آز قورقو لاجق برحاله کلیور . بالنسبه بویوک بزکا ، استثنائی قابلیت علمیه ، بونلره مالکیته ممتاز بولونان کیمسه لره ، فائقیته فکریه لر یله متناسب برسلطه تأمین ایتمک عیجا کافی کلیرمی ؟ فقط برکزه ، بونک ایچون افکار عمومیه نك علمده برقیمت اخلاقیه وجودینی تسلیم ایتمه سی ایجاب ایلر . غایله ، کندیسینی تحکوم ایدن محکمه نظرندده هر دور لوسلطه دن عاری ایدی . علمه اینا نمایان برقوم ایچون اک بویوک دهایی علمی هیچ برحکم ونفوذ تأمین ایله مز . عیجا بالنسبه یوکسک بر اخلاق لیلک دها مؤثر اولابیلیرمی ؟ فقط بونک ایچون ده ، بو اخلاق لیلک جمعیت طرفندن آرانان اخلاق لیلک اولماسی لازمدر . چونکه ، هیئت اجتماعیه نك اخلاقی دییه تصویب ایتمه دیکمی بر فعل و عمل نه اولورسه اولسون ، اونی ایفا ایدن کیمسه نك حائر حرمت وتقدير اولماسنه خدمت ایده مز . عیسی ایله سو قرات وطندا شلرندن پک چوغنک نظرلرنده اخلاق سز کیمسه لر تلقی ایدیلش لردر ، اونلرک اوزرنده ذره قدر بر سلطه نی حائر اولما شلردر . حاصلی ، سلطه ، خارجی ، اوبز قتیف ، منطقاً کندیسینی استلزام و بالضروره کندیسینی تولید ایدن بر وقعه ده مندیج دکدر . تماماً انسانلرک بو وقعه حقنده بسله دکلی فکرده مندیجدر . بو ، بر افکار عمومیه

مسئله سیدر . افکار عمومی ایسه جماعتجه مشترک برشیدر ، برز مردنك حسیدر . ذاتاً ، هر معنوی ساطنك ندن دولایی منشائی اجتماعی اولدیغنی آکلامق قولایدر . سلطه ، انسانلرك فوقه یوکسلمش اولان بر انسانك وصفیدر . بویه بر آدم ، مافوق بشردر . حالبوکه ، اك ذکی یاخود اك قوتلی یاخود اك مستقیم بر آدم ، نه اولسه ینه بر آدمدر . اونکه هم جنسلری آراسنده درجه فرقندن باشقه برشی یو قدر . یالکیز هیئت اجتماعی فردلرك فوقندهدر . دیمك بوتون سلطه اوندن صادر اولیور . فلان ویا فلان مزیات بشریه نوعی کندینه خاص اولان اووصفی ، اوکا مالک اولان فردلری کندی کندیلرینك فوقه اصعاد ایدن او نفوذ و اعتباری ویرن ، هیئت اجتماعیدر . بو وصفی حائر اولان انسانلر مافوق بشر اولیورلر . چونکه بو وصف دولایسیله هیئت اجتماعیك ، کندی اعضالرینه نظراً حائر اولدیغنی فائقیته ، او برنوع علویته اشتراك ایدیورلر .

بوسویه نیشیلری اخلاق قاعدهلرینه تطبیق ایدرسهك ، حائر اولدقلری ساطه زحمته زجه یضاح ایدیلر . اخلاق ، اجتماعی برشی اولدیغندن دولایدرکه بزه برنوع مفکوروی علویت ایله نمایان اولور و انسانلره هپ بو حال ایله نمایان اولمشدر . اخلاقك ، بزه فائق بر طاله عائد اولدیغنی حس ایدرز . بونی مافوق بشر بر قدرتك سوزی وقانونی تلقی ایتمه اقوامی سوق ایدن سبب ایشه ودر . جماعتك سلطه سنك ، اوزرنده اك جوق تمرکز ایتدیکی بر طاقم فکرلر و حسلر وارسه بونلرده اخلاق فکرلر و حسلردر . چونکه ، جماعتجه مشترک شعورده اك اساسلی اولان نقطه لره بونلر قدر صیقی صورتده مربوط باشقه هیچ برشی یوقدر . بونلر ، او شعورك حیاتی قسملریدرلر . اخلاق قاعده لرینك اراده لر اوزرنده کی طرز تأثیرینه دائر سوبله دیکمز شیلر ایشه بوصورته ایضاح ایدینر و صراحت کسب ایدر . اخلاق قاعده لرندن بزی ضبط و منع ایدن ، بزی تحدید ایدن برر قوت شکندمه بحث ایتدیکمز وقت بر طاقم تجریدلری حقیقت حالته قلب ایدیور و جانلاندیریور ظن اولو نابیلیردك . فی الحقیقه ، بر قاعده ، بر طاقم مجرد فکرلرك بر ترتیبندن عبارت دکلده ندر ؟ صرف لفظی بردستور ناصل اولورده بویه بر تأثیری حائر اولابیلیردی ؟ فقط شیمدی کوریورزکه ، دستورك آلتنده ، اونك روحنی تشکیل ایدن حقیقی قوتلر واردر ؛ دستور ، بوقوتلرك خارجی برظرفندن باشقه برشی دکلدر . « کیمه یی اولدیرمه یه . جکسك » ، « برشی چالما یه جفسك » : عصرلردن بری انسانلرك نسلدن نسله انتقال ایتیردکلری بودستورلر ، حد ذاتلرنده ، کندیلرینی حرمت و اطاعته مظهر قیلاجق بر

تأثیر فسوونکاره شهه سزکه مالک دکادرلر . فقط بودستورک آلتنده ، جماعتجه مشترک برطاقم حسلر ، افکار عمومیه نك بعض حالتلری موجوددر . بونلر او حسلرک و حالتلرک برافاده سندن باشقه برشی دکادرلر . مؤثریتلری ده اونلردن کلمکده در . چونکه جماعتجه مشترک بو حس ، برقوتدر ؛ عالم مادی بی دولدوران قوتلر قدر حقیقی و مؤثر برقوتدر . حاصلی ، انضباط اخلاقی بزى برشیدن منع وضبط ایتدیکی وقت ، حقیقتده بزى منع وتحدید ایدن قوت ، هیئت اجتماعیه در . ایشته بزه حدودلر تعیین ایدن مادی و ذی حیات وجود . هیئت اجتماعیه نك نه اولدینی و فردک معنوی قوتلرینه نه درجه ده فائق بولوندینی بیلینیرسه آرتق اجرا ایتدیکی تأثیردن دولابی اظهار حیرت اولونماز .

عینی زمانده اخلاقیته ایکی عنصرینک برلرینه ناصل ارتباط ایتدیلرینی و رحدتلرینک نه دن انبعاث ایلهدیکنی ده مشاهد ایدرز . بونلر یکدیگرندن آیری و مستقل شیلر اولوب ده حیات اخلاقیه مزک تلمنده کیم بیلیر ناصل برله شیر دکادرلر . بالعکس تک برهیئت اجتماعیه نك ایکی منظره سندن عبارتدرلر . فی الحقیقه ، انضباط ، بزه حاکم بولونان ، بزه امرلر ورن ، قاتونلر تعیین ایدن بر قوت اولوق اوزره تصور ایدیلش هیئت اجتماعیه دکلمده ندر ؟ ایکنجی عنصرده ، زمربه مربوطیتده ده ینه هیئت اجتماعیه بی بولورز . فقط بودفده ، ایی و مطلوب برشی ، بزى جذب ایدن برغایه ، ساحه حقیقه ایصالی لازم بر مفکورده کی تصور اولونمشدر . برنجیسنده بزى ضبط و منع ایدن ، بزه حدودلر تثبیت ایله ین ، تجاوز آتزه مخالفت کوسترن برسلطه کی نمایان اولور . قارشیسنده دینی برحس حرمتله بویون اکرز . ایکنجیسنده ، دوست و حمایه کار بر قدرت ، بسله یجی بر والده در . فکری و اخلاقی جوهر مزک بوتون اساسی اوندن آلیرز . اراده لرمنز ، برمتدارلق و محبت حمله سی ایچنده اوکا دوغرو توجه ایدر . برشقه کوره ، شدید بر واضع قانون اولان حسود و مدعش الله کیدر ؛ امرلرینه مخالفت کوسترله سنه مساعد ایتز . ایکنجی شقه کوره ، یاردیمجی برالوهیتدرکه مؤمنلر اوکا کال ممنونیتله کندیلرینی فدا ایدرلر . هیئت اجتماعیه بو جیفته منظره ووجیفته رول ، فردلره فائق برشی اولماسنی ایجاب ایدن اویکانه خاصه دن کلشدر . چونکه ، جمعیت ، بزم فوقزده اولدیفندن دولاییدرکه حکم ایدر ، آمر برسلطه وجوده کتیریر . اوده بزم سویه مزده بولونسه ایدی بزه آنجق برطاقم نصیحتلر تلقین ایده بیلیردی . بونلر بزى بر مجبورت قارشیسنده بولوندرمارلردی ، اراده مزه جبراً کندیلرینی قبول ایتدیرمز لردی . کذلک ، هیئت اجتماعیه ینه بزم فوقزده بولوندیفندن دولاییدرکه اونى ساحه

فعله ایضاً تشبث ایدوبده عینی نسبتده کندی کندیلرینک فوقه یوکسلمه مکلکمز ، فردلک ماهیتمز یچمه مکلکمز قابل اولاماز . بویسه انسانلرک تعقیب ایدمه یله جکلری و شیمدی به قدر تعقیب ایتش اولدقلری اک بویوک بر حرص جاه ، بر املدر . ایشه بونک ایچوندرکه اک بویوک تاریخی سیالر ، بزجه سائر سیالره صوک درجهده فائق و حاکم کی کورونلر ، نه بویوک صنعتکارلرک ، نه بویوک ماللرک ، نه دولت آدملرینک سیالری دکلدلر ، اک بیوک معنوی شیلری ایفا ایدن یاخود ایفا ایتش ظن اولونان ذاتلرک سیالریدرلر . موسادر ، سوراتدر ، یودادر ، قونفوجیوسدر ، محمدر ، لوتردر . بونلر تاریخده کی اک بویوک اسملرک برقسیدلر . بوذاتلر یالکمز بویوک آدملر اولقله قالمالزلر . یعنی سادهجه بزم کی فقط بزدن دها فائق اهلیت و قابلیت فائق کیسهلر دکلدلر . بزم ذهنمده ، تشخص ایتدیردکلری غیر شخصی مفکوره ایله و تمثیل ایتدکلری بویوک انسان زمره لریله قارشدقلرندن دولایی درکه بشری شرائطک فوقه یوکسلملر و تبدیل سیما ایتملر کی کورونلر . بونک ایچوندرکه خلقک مخله سی ، اوللری الوهیت مرتبه سینه چیقارمادیی زمانلر ، ینه اولنره آیری بر موقع ویرمک و کندیلرینی الوهیه ممکن اولدینی قدر صیقی سورنده یاقلاشدیرمق لزومنی حس ایتشدلر .

واصل اولدینمز نتیجه معتاد اولان تلقیاتی زورلامق شویله دورسون ، بالعکس اولنرده بر استنادکاه بولورلر وعینی زمانده و تلقیات موجوده ییکی بر صراحتده تامین ایدلرلر . فی الحقیقه ، هرکس ، اخلاقده آز چوق واضح بر صورتده ایکی عنصر موجود اولدینی فرق ایدر . بونلر بزم شوتفریق ایتدیکمز عنصرلره تقابل ایتکده درلر . اخلاقیلرک خیر و وظیفه دیدکلری شیلر بونلردر . وظیفه ، امر ونهی ایتمی اعتباریله ، اخلاقدر ، شدید و خشین ، تجزئه کار اوامری محتوی اخلاقدر ؛ اطاعت ایدلمسی واجب امردر . خیر بزه اینی برشی کی ، سه ویلن بر مفکوره کی کورونمه سی اعتباریله اخلاقدر ؛ اوکا ، اراده مزک فوری بر حرکتیله توجیه آمال ایده رز .

یالکمز ، ذی حیات برشایته ربط ایدلرکلی مدتجه حدذاتنده ایکی تجربیدن عبارت قالان وظیفه فکری ایله خیر فکری ، عادتاً هواده معلومه قالیلر و بناء علیه ، مفکره لر و قبللر اوزرنده وبالخاصه چوجوقلرک مفکره لری و قبللری اوزرنده اجرای تاثیر ایچون الزم اولان شیلرک کافه سندن محروم بولونورلر . شبهه سزکه ، اخلاقی شیلر حقنده جانلی بر حسه مالک اولان کیسه لر اولنلردن حرارتله بحث ایدمه ییلرلر ؛ حرارت ایسه سایدلر . فقط ، عقلی بر تربیه ، تولید ایدیلن احتراض نه قدر نجیب اولورسه اولسون ، منحصرأ احتراضانه

مراجعت ایدن حرارتلی بر وعظ ونصیحتدن می عبارت قالمایدیر ؟ بویله بر تربیه ، یرینه باشقه برشی اقامه ایتمک املنده بولوندیغمز تربیه دن پک فرقلی اولماز . چونکه احتراض یالکنز فکر باطلک بر شکل دیکردن عبارت اولقله قالمایه رق فکر باطلک اک برنجی ، اک اعلا برشکنلی تشکیل ایدیر . شبهه یوق که احتراضاتی او یاندیر مق الزمدر . چونکه خط حرکتک قوای محرکسی اونلردر . فقط ، بونلری عقله تابع اصوللرله او یاندیر مق ایجاب ایدیر . بونلرک کور برطاقم احتراضات اولما مالری ده مقتضیدر . اونلری تنویر ایدم جک ، اونلره رهبر اولاجق فکری ده احتراضلرک یانه قویق لازم کلیر . فقط متأثرانه برلسان ایله ساده جه خیر و وظیفه کبی مجرد کلانی تکراردن باشقه برشی یالماز سه بوندن آنجق اخلاق بر بابا غنلق الده ایدیله بیلیر . لازم اولان شی ، چوجوغی اشیایله ، اوجرد تعبیرات سایه سنده انجق اک عمومی اوصافی افاده ایدیله بیلن مرکب وی حیات شائیتلر ایله قارشى قارشى به کتیرمکدر . بوشائیتک ایسه نه اولدیغنی کوستردک . ایشه بوصورتله ، اخلاقی تربیه نك محقق برامکان تأثیری موجودر . اخلاقی تربیه یالکنز ای تعیین ایدیله مش برطاقم مفهوملر قارشى سنده بولونماز ؛ حقیقی وارلقده ده کندیسنه بر نقطه استناد بولور . هانکی قوتلری استعمال ایتمک و چوجوغی اخلاقی برانسان حالنه کتیرمک مقصدیله چوجوق اوزرنده مؤثر قيلمق لازم کلدیکنی بیلیر .

یادگیری درس

اغز قلیبلك ایکی عنصری مفهده نتیجه . اوجنجهی عنصر :
اراده نك مختاری

اخلاق وقعه لرك تدقیق و تتبعنده تعقیب ایتدیكمز اصوللرك غایه سی، مشترك وجدانك قاریشیق و مبهم انطباعاتی آیری و صریح مفهوم لره تحویل ایتكدر . هدفز ، وجدانه ، كندی كندیسنی واضح صورتده كورمه سی، اوزرنده اجرای تأثیر ایدن مختلف تمایلر ، قاریشیق و مخالف فكر لر آراسنده كندی كندیسنی طانیاسی خصوصنده یاردیمده بولونمقدر . فقط وجدانك یرینه بزم قائم اولمقلغمز مسئله سی موضوع بحث اولاماز . وجدان ، بزه نقطه عزیمت تشکیل ایدهك بر شاییت اخلاقیه دركه دونوب دولاشوب هب اوکا دوغرو عودت ایتمه مز الزمدر . بزم ایچون یكانه نقطه عزیمت آنحق وجدان اولابیلر . چونكه ، موجود اولدینی حالد کی اخلاقی باشقه زده تدقیق و مشاهده ایده بیلر؟ اخلاقی حال حاضرده موجود اولدینی شكلده تدقیق و مشاهده دن ایشه باشلایوب ده نهدن عبارت اولدینی ، نه کی عناصر اصلیه دن یاپیلدینی ، نه کی وظائفه تقابل ایتدیكنی آ كلامق نتیجه سینه واصل اولمغه چالیشما یان تصورات و ملاحظات اخلاقیه بالضروره هر دورلو تملدن محروم بولونورلر . وجدان مشترك ، تدقیق و مشاهده نتیجه سنده منظور اولان حكملریدركه تحریات ایچون یكانه موضوعی وجوده كتیره بیلرلر . فقط ، دیگر طرفدن ، تحریات نتیجه سنده بو وجدان مشتركه عودت ایتلیدر . بوده ، كندیسك مبهم قاریشیق صور ذهنیه سی یرینه داها معین و منتظم اصول دائره سنده وجوده كتیریلش فكر لر اقامه ایتك صورتیه اونی تنویر ایتك ایچوندر . بوندن دولاییدركه ایلری به دوغرو هر آدیم آتیشمزده ، تشکیل ایتدیكمز هر صریح مفهومده ، معتاد تلقیات اخلاقیه ایچنده بونلره نلرك تقابل ایتدیكنی ، بو مفهوم لرك نه کی مظالم انطباعاته بر شكل علمی عرض ایتدك رینی آرامانی كندجه بر قاعده اتخاذ ایدیورم .

ایشته بوضورتله ، اخلاقك عنصر اساسیسنی تفریق ایتدكدن صوكره ، هر كسك مختلف شكللر آلتنده مشابه دكل بر برینك عینی بر تقسیم یاپدق رینی اثبات ایچون اوغراشدم .

فی الحقیقه همان هیچ بر اخلاقی یوقدر که اخلاقده ، علی العاده خیر و وظیفه کلهلریله یاد ایدیلن ، بر بردن ایچه فرقلی ایکی دورلو شی بولوندیغنی حس ایتمه مش اولسون. وظیفه ، امر ایتمه سی اعتباریله ، اخلاقدر . بر سلطه اولدیغندن ویا لکیز بو سبیدن دولانی اطاعت ایتمه مز ایجاب ایدن بر سلطه کی تصور ایدلش اخلاقدر . خیر ایی بر شی، کندیسنه جذب ایدمن ، آرزونک کندی کندیلکنندن تولدینی تحریک ایله یین بر شی کی تصور اولونمش اخلاقدر. حالبوکه ، وظیفه نك بزه قاعده لر قویما سی ، فطرتمه حدودلر تخصیص ایتمه سی اعتباریله هیئت اجتماعیه دن عبارت اولدیغنی آ کلامق پک قولایدر . خیر ایسه ، اوده هیئت اجتماعیه در. فقط، بزدن دهازنکین بر شأنیت اولماسی اعتباریله هیئت اجتماعیه درکه اوکا کندیمزی ربط ایدوبده وارلغمزده بر زنکینلک حصوله کله می قابل دکلدر . دیمک که هر ایکی واسطه ایله ده عینی حسیات کندیلرینی افاده ایدورلر . یعنی ، اخلاق بزه چیفته بر منظره آتندده نمایان اولور ؛ بر طرفده آمرانه بر قانون حالنده در. بزدن قطعی بر طاعت طاب ایدر . دیگر طرفده محشم بر مفکوره در که حساسیت بوکا کندی کندیلکنندن تمایل کوستریر . فقط ، اگر افاده اولونان شی هب عینی حسیات ایسه هرا یکی شقده بر بردن پک آیری اولارق منظور اولورلر . بو آریلنک یالکیز بر اهمیت نظریه سی وار ظن ایتمه ملیدر . فی الحقیقه ، خیر ایله وظیفه ، مجرد کله لر درکه ایی اولان واراده لری جبار خاصه سنه مالک بولونان بر شأنیتک اوصافی خلاصه ایدرلر . بوشأنیت ندر؟ اخلاق می؟ فقط اخلاق کندیسیده عمومی بر طاقم حکملرک ، عمومی دستورلرک هیئت مجموعه سندن باشقه برشی دکلدر . بو حکملرک افاده ایتدکلری ، ماهیتنه تر جان اولدقلری شأنیت ندر؟ مشترک وجدانک دوشونمه دیکی بومسئله یی بزحل ایتمکه اوغراشدق. وبو صورتله، چوجوغنک مزاج اخلاقیسنی عقلی صورتده تربیه ایتمک واسطه سنی ، واسطه یکانه سنی بولوب مربیله کوستردک . چوجوغنک مفکره سنده ، غیر عقلی چاره لره مراجعت ایتمدن ، منحصر آ کور بر طاقم احتراصاته مراجعت ایتمدن فکرلر و حسلر اوایندیرمانک یالکیز بر اصولی واردر . بوده چوجوغنی ، بوفکرلرک وحسلرک تعلق ایتدکاری شی ایله ممکن اولدینی قدر دوغرودن دوغرویه تماسده بولوندرمقدر . کندیسنی افاده ایدن حالت روحیه یی وجدان اوزرنده کی تأثیری دولایسیله بوشی، یالکیز بوشی تولید ایتمک ایجاب ایلر . فکری حرث ایچون اولدینی کی اخلاقی حرث خصوصنده بالذات اشیا واسطه سیله تربیه کیفیتی قبول ایتمک ضروریدر . شیمدی ، اشیانک نهر اولدقلرینی ، اخلاقی حسلرک افاده ایتدکاری

شأنیت مرکه نك نه دن عبارت بولونديغنی بیلدیكمز ایچون اخلاقی تربیه یی تأمین خصوصنده توسل ایدیله جك اصول غایت صریح ومعین دیمکدر . بوشینی مکتبه سوقق ، اونی مکتب محیطنك بر عنصری حالنه کتیرمك ، جو جوقله مختلف منظره لری آلتنده اراؤه ایدرك شعور لر نه منطبع قالد بیلمه سنی تأمین ایلهمك کافیدر . هیچ دکلسه عمومی تربیه طرزینك پرنسپی بولونمشدر .

اخلاقك ایکی عنصری بوصورتله حقیقی وارلغه مربوط بولونقلری کبی ، عینی زمانده وحدت لر نی تأمین ایدن شینك نه دن عبارت اولدیغی ده کورولبور . خیرك وظیفه وه وظیفه نك خیره نه صورتله ارتباط ایتدک لر نی بیلهمك مسئله سی جوق کره اخلاقچیلری مشکلاته اوغراشمدر . بونلر مسئله یی حل ایتمك ایچون ، بومفهوملرك بر نی دیکرندن استخراج ایتمكدن باشقه بر چاره بولامامشلدرد . بعضیلری نظر نه ، خیر ، ابتدائی مفهومدر ، وظیفه بوندن چیقمشدر . قاعده یه توفیق حرکت ایتمك ، امر ایتدیکی فعل وعمل ایی اولدیغندن دولای بزم ایچون بروظیفه در ، دیرلر . فقط ، اوزمان ، وظیفه فکری سیلنبر ، حتی ، تماماً اورته دن قالدقار . برشین ، سودیکمز ایچون ، ای اولدیغی ایچون یامقی ، اونی بروظیفه اولدیغی ایچون یامقی دکلدر . وظیفه ، بالعکس ، همان ضروری صورتده حساسیتك مقاومتك لزوم کوستردیکی : جهد و غیرت فکری تضمن ایدر . مجبوریت مفهومك اعماقنده ، اخلاقی بر تضیق مفهومی واردر . بعضیلری ایسه ، بالعکس ، خیری وظیفه دن استخراج ایتمکه قاقیشمشلر ، انسان ایچون وظیفه سنی یامقندن باشقه بر خیر بولونمادیغنی سوبله مشلدرد . فقط اوزمان ، دیکر شقك عکسی اولارق اخلاق ، بوتون جاذب ، بوتون حسیات ی او قشار ، فعل وعملك کندی کندیلکندن وقوعه کلمه سی کیفیتنی تولید ایده بیلیر شیلردن تجرد ایدره ك قطعی ، صرف مجبر بر امرحالی آلیر . وبوکا اطاعت ایتمك بزم ایچون بر لزوم تشکیل ایدر . امر ایتدیکی افعال واعمال ، فطرت زده هیچ بر شینه تقابل ایتزلر . بزی هیچ بروجهله علاقه دار ایلهمزلر . شمدی ده خیر مفهومی اورته دن قالدقار . حالبوکه بوده دیکرندن ده آاز لزوملی دکلدر . چونکه ، بر فعل وعملده بولونوبده بو حرکتمزك بزه بعض خصوصات ایچون ایی کورونممه سی ، اونی ایفایه بزی بدرجه یه قدر علاقه دار ایتمه سی قابل دکلدر . حاصلی ، بویاکی مفهومی ، بر نی دیکرندن استخراج صورتیه نك بر مفهوم حالنه ارجاع ایچون وقوع بولان تشبثلرك کافه سی ، یا بر نی یا دیکر نی اورته دن قالدیرمق ، یا وظیفه یی خیرك ایچنده ، یا خیری وظیفه نك ایچنده مستغرق براقق نتیجه سنی ویرمشلدرد . بویاچه کریده فقیرلشمش ونا تمام براخلاق براقیر . بوشکلده

وضع ایدیلبرسه ، مسئله غیر قابل حلدر . فقط اخلاق و ایکی عنصرینک عینی برشأیتیه عائد مختلف ایکی صفحه اولدینی کوزلجه آکلاشینجه ، قولایلقه حل اولونور . چونکه اوزمان ، اونلرک وحدتلیری وجوده کتیره شی بری دیکرینک نتیجه سی اولماسی دکلدر ؛ مختلف طرز تاثیرلری افاده ایتدکلی وجود حقیقینک وحدتیدر . هیئت اجتماعیه بزم فوقزده اولدینی ایچوندکرکه بزه امر ایدر . دیکرلرندن بزه فائق اولقله برابر ، ایچمزه نفوذ ایتدیکی ، بزم وارلغمزدن برارچه اولدینی ایچوندکرکه بزه اخلاقی غایه لری الهام ایدن بر جاذبه ایله بزی کندینه جذبایلر . دیمک که خبری وظیفه دن یاخود وظیفه یی خبردن استخراج ایتمکه قیام ایتمکه معنا یوقدر . هیئت اجتماعیه یی بومنظرلردن بری آلتنده تصور ایتدیکمزه کوره ، بزه یاقاون وضع ایدن بر قدرت یاخود کندیمزی ویردیکمز سوکیلی بر وجود کبی کورونور . حرکتمز بوتصورلردن بری یاخود دیکری طرفندن تعیین وایجاب ایدیلدیکنه کوره یاوظیفه یاخود خبر ملاحظه سیله حرکت ایتش اولورز . اغلب احتماله کوره ، هیئت اجتماعیه یی هیچ برزمان منحصرأ بوصفحه لردن بری آلتنده تصور ایدوب دیکر صفحه یی تماماً برطرف ایتک ایزدن کله دیکلی ایچون ، تک بر شأیتیک ایکی مختلف منظره سنی هیچ برزمان جذری برصورتده تفریق ایده مدیکمز ایچون ، برینک فکری شعورده برنجی صفی اشغال ایتدیکی زمان ، طبیعی برتشارک نتیجه سنده دیکرینک فکری ده دهاسیلیک اولقله برابر هر حالده یینه موجود اولقدن خالی قالمیه جنی ایچون ، پک صیقی آرانبرسه ، هیچ بر زمان نه صرف وظیفه دولایسیله نه تماماً منکوره عشقیله حرکت ایتدیکمز نتیجه سی چبقار . دائماً فعلایته ، بو حسلردن بری دیکرینه ، هیچ اولمازسه یاردیمچی ومتم صفتیه رفاقت ایتک لازمدر . شاید وارسه ، هر حالده پک آز کشی ، کندیلرینه امر ایدیلن فعلک برشیشه مفید اولدیغنی هیچ دکلسه مهم برصورتده ادراک ایتمکسزین ، وظیفه لرینی ، منحصرأ وظیفه اولدیغندن دولای یاپارلر . حاصلی ، حساسیتلرینک طبیعی برمیلائیه بوحرکته مجلوب اولمادن یاپارلر ، وارسه بیله ، پک آزدر . بونک عکسی اولارق ، هیئت اجتماعیه بزم ایچمزه بولونقی و بزمه قسماً قاربشقی ایله برابر ، تعقیب ایتدیکمز جماعته مشترک غایه لر ، اخلاقی صورتده حرکت ایتدیکمز وقت ، اوقدر بزم فوقزده دررکه اونلرک یوکسلکنه واصل اولق ایچون ، کندی کندیمزی بودرجه ده کچه بیلیمک ایچون ، عمومیتله برآز جهد وغیرت کوسترمه مزه احتیاج واردر . حالبوکه وظیفه فکری بو صورتله حرکت ایتمه مز لازم کلدیکی

حسی، بوکا مجبور اولدیغمز قناعتی جماعته مربوطیتیزی کلوبده تقویه ایتسه و بو مربوطیتیک نتایجنه مظاهرت کوسترمسه ایدی بویله برجهده و غیرته قادر اولامازدق .

فقط ، بویکی عنصری بربرلینه ربط ایدن باغیر نه قدر صیقی اولور لرسه اولسونلر ، فعلیاته بربرلینی نه قدر تضمن و ایجاب ایدر لرسه ایتسونلر ، بونلرک آیری آیری شیلر اولمقدن خالی قالمادقلرینه دقت ایتک لازمدر . دلیلی شودرک اقاوامده اولدینی کبی فردلرده بربرلیله معکوساً متناسب اولمق اوزره انکشاف ایدرلر . فردلرده دائماً بو عنصرلردن بری یاخود دیگر بری حاکم بولونور ، فردک مزاج اخلاقیسنه رنگ ویریر ، اونک هویت مخصوصه سنی تأمین ایدر . بونقطه نظر دن ، انسانلرک اخلاقی مزاجلرنده ایکی ضدو مخالف نمونه قابل مشاهدهدر . بالطبع آرلرنده حدسز حسابیز برچوق متوسط آانات واردرکه بویکی اوجی یکدیگرینه ربط ایدرلر . بعضیلرنده ، حاکم اولان ، قاعده ، انضباط حسیدر . بو کیسه لر ، وظیفه لرینی مشاهده ایدر ایتمز ، تماماً ، بلاتردد ، صرف وظیفه لری اولدیغندن دولایی ، او وظیفه حد ذاتنده کندیلرینی پک جذب و جلب ایتهدیکی حالده ، اونی بابارلر . بونلر تحصیللری صاغلام و اراده لری کوربوز آدملردر . قان بونلرک مفکوروی بر نمونه لیدر . فقط بو آدمارده حسی ملکات ، ادراک قوتلرندن ده آز انکشاف ایتشلردر . عقللری لازم کلن شیئی بیلدیریر بیلدیرمز ، اونلر اطاعت ایدرلر . حساسیتلرینک نفوذ و تأثیراتی اوزاق طوتارلر . بونک ایچون ، چهره لرنده متین و عزم پرور و عینی زمانده بارد ، شدید و سرت برشی واردر . صفت کاشفهلری کندی نفسلری اوزرنده اجرا ایده بیله جکلری حاکمیتک قدرتیدر . بونک ایچوندرکه ، حقوقلرینک دائره سنی کچمزلر ، باشقه لرینک حقوقنه تجاوز ایتزلر . فقط فردک کندی کندیسینی و برمه سنه ، نمونیتله فدا ایتمه سنه واسطه اولان او ایچریدن کله حمله ره پک آز قابلیتیدرلر . دیکرلری ایسه ، بالعکس ، کندیلرینی منع و ضبط اید . جک و کندی اوزرلرنده طوبلانه حق یرده کندیلرینی خرج ایتیه ، خارجه طاشمه یی سورلر . برشینه ربط قلب ایتکدن ، فداکار داورانمقدن خوشلانیرلر . بونلر ، سون قبلر ، عالیجناب و آتشین روحلردر . فقط ، بوکا مقابل ، فعالیتلری مشکلات ایله برقاعده آلتنه آلتنه بیلیر . بونک ایچون ، بارلاق حرکتنه قابلیتی ایسه لرده هر کونکی وظیفه مک ایفاسنه کندیلرینی ده اوزورلقه اجبار ایده بیلیرلر . بناءً علیه ، اخلاقی خط حرکتلری برنجی صنفه داخل کیسه لرده مشاهده ایدیلن او انتظام و توالی منطقیدن ، او اخلاقی وقار و جدیتدن محرومدرلر . بو پراحتراض کیسه لره اوته کیلر قدر امنیت ایدیه مز .

چونکه ، احتراماتك اڭ نخبيلرى بيله يكدىكرى متعاقب اسرلر ، تصادفى احوال و شرائطك تاثيرينه تابع بولونورلر و بررلرينه غايت ضد استقامت تعقيب ايدرلر . حاصلى ، بوايى نمونه ، اخلاقك ايىكى عنصرى كى يكدىكرىنه قارشيدر . بعضيلرنده ، وظيفه ره ايت كيفيتك انكشاف ايتديرديكى اوفسه حاكميت ، او منع و ضبط قوتى ، اوفس اوزرنده حكم و نفوذ و قابليتى موجوددر . بعضيلرى ايسه اخلاقى قوتلرڭ اصل منبى يعنى هيئت اجتماعيه ايله او ممكن اولدينى قدر دائمى و صميمى اتحاد و اشتراك انكشاف ايتديرديكى فعال و خالق قدرت ايله تميز ايدرلر .

بو خصوصده هيئت اجتماعيه لرده فردلر كيدير . اولرنده ده بو عنصرلرڭ بعضاً برى بعضا ديكرى حاكم بولونور . بولردن برى يا خود ديكرى غلبه ايتش اولديغنه كوره ، حيات اخلاقيهك منظره سى دكيشير . بر قوم موازنت حالنه وسن كماله داخل اولدينى ، مختلف وظائف اجتماعيه ، هيچ اولمازسه بر مدت ايچون ، تشكيلات شكللرني بولدينى ، جماعتجه مشترك حسلر ، اڭ اساسلى نقطه لرند فردلرڭ اكثريت عظيمه سى طرفندن اعتراضدن مصون قالدېنى زمان ، قاعده ، انتظام ذوقى طبيعى صورته فائق و غالبدر . آلتش فكرلر ، تأسس ايتش قاعده لر سيستمى ، تكميل مقصيده ده اولسه ، هر هانكى بر طرزده تعديل ايچون كوستريله جك حتى عاليجنابانه امللر و تشبثلر بيله آنجق برحس تباعد تلقين ايدرلر . حتى ، بعضاً بو حالت روحيه او قدر قوتلى اولور كه يالكلز اخلاق و عادنده دكل ، صنايع نفيسه ده و ادبياتده بيله تاثيرى حس ايتديرر . صنايع نفيسه ايله ادبياتده مملكتك معنى تشكيلاتى افاده ايدرلر . مثلاً ، اون دردنجى لوى ، اوغوست عصرلرينك صفت ، ميزه سى ايشته بودر . او عصرلرده هيئت اجتماعيه كنديسنه تام بر صورتده تصرف حالنه واصل اولمشدر . بالعكس ، انتقال و استحاله دوره لرند ، انضباط فكرى قوت معنويه سنى محافظه ايده مز . چونكه موقع استعمالده بولونان قاعده لر سيستمى ، هيچ دكسه بعض قسملرنده صارصيلمشدر . بو زمانلرده مفكره لرڭ ، حقيقه ضعيفله مش اولان بر انضباطك سلطه سنى ده آرز حس اتمه لرى غبرقابل اجتنابدر . بناء عايمه ، اخلاقيلنگ ديكر عنصرى ، ربط نفس ايديله بيله جك بر غايه ، حصر حيات اولونه جق بر مفكوره احتياجى ، حاصلى فداكارلق و مربوطيت فكرى اڭ برنجى اخلاقى زنبرك يرينه كچر .

ايشته ، - يوقايدن برى بونتيجه واصل اولق ايسته يوردق ، - تام بو بحران صفحه لرندن برى كچيريورز . حتى ، تاريخده ، آوروپا هيئت اجتماعيه لرينك بر عصر دن برى كيردكلرى

بحران قدر وخیمی هیچ یوقدر . جماعتجه مشترک انضباط ، عنعنوی شکونده ، حکم و نفوذنی [سلطه‌سنی] غائب ایتدی . شعور عمومی اوزرنده اجرای تأثیر ایدن مخالف استقامتمده تمایلر و بالنتیجه بوند حصوله‌کلن عمومی اندیشه ، بو حالک بر دلیلی تشکیل ایدرلر . بناءً علیه ، بالذات انضباط فکری‌ده حکم و تأثیرندن غائب ایتشدرد . بو شرائط داخلنده ، چاره ، اخلاقک دیگرعنصرنده بولونابیلیر . شبهه‌سزکه ، هیچ برزمان ، انضباط فکری قابل اھمال بر عامل دکلدرد . اخلاق قاعده‌لرینی تحویل ایچون چالیشلیدی زمانلرده بونلرک لزومی هر وقندن زیاده حس ایتمک اقتضا ایتدیکنی بز کندیمز سویله‌مشدک . بولزومی چوجوقلرک روحلرنده تولید وادامه ایتمک مقتضیدرد . بوایله بروظیفه‌درکه برمربی هیچ برزمان اونی ترک ایتمه‌ملیدرد . بونی ناصل ایفا ایده‌بیلجکنی آشغیده کوره‌جکزد . فقط ، انضباط اخلاقی ، آنجق اخلاق تماماً تشکل وتأسس ایتدیکی وقت بوتون تأثیرینی کوستره‌بیلیر . چونکه غایه‌سی ، بو اخلاقک تثبیت ایدیش‌دییه تضمن ایتدیکی اوصاف اساسیه‌یی تثبیت ، محافظه وادامه ایتمکدر . حالبوکه ، بالعکس ، اخلاق هنوز تشکیل وتأسیس اولونمق لازم کلدیکی ، ناصل اولاجنی آراشدیرلرلینی زمانلرده ، بونی یاپه‌بیلیمک ایچون ، موجود برشینئ محافظه مسئله‌سی موضوع بحث اولمادینی جهتله ، صرف محافظه‌کار قوتلره دکل شعورک فعال وموجد قوتلرینه مراجعت ایتمک لازمدر . اخلاقی قوتی انضباط آلتنه آلمق جهتنی شبهه‌سز کوزدن غائب ایتمه‌مک مقتضی بولونمقله رابر ، مرربی‌نک بو زمانلرده بالخاصه صرف غیرت ایده‌جکی نقطه بو اخلاقی قوتی او یاندیرمق وانکشاف ایتدیرمک مسئله‌سیدرد . تحریک ایدیله‌سی لازم کلن شیرلر نفسنی ویرمک ، بر مقصده ربط وفدای نفس ایله‌مک قابیلریدرد . بونلره بر رغدا بولمالیدرد . فردلری ربط نفس ایده‌بیلجکلری جماعتجه‌مشترک بویوک‌غایه‌لرک تعقیبنه سوق ایتمک اقتضا ایدرد ؛ ساحه‌نعله ایصالی ایچون برکون چالیشیه‌بیلجکلری اجتماعی بر مفکوره‌یی اونلره سودیرمک لازم کلیر . یوقسه ، اخلاقی‌نک ایکنجی منبئی ، برنجیسنک موقت زمان ایچون و ضروری صورته غیرکافی بولونان تأثیرینی تلافی ایتمزسه ملت ، اخلاقی بر ا سیکلک حالتنه کرفتار اولمقندن قورتولاماز . بو ایسه حتی موجودیت مادیه‌سی ایچون بیله تهلککدن خالی دکلدرد . چونکه ، هیئت اجتماعیه ، اجزاسی آراسنده مناسباتک دوغروجه تنظیم ایدیله‌سندن ، ایی بر انضباطک وظائفده آھنکدار بر تأمین مساعی‌یی تأمین ایتمکده اولماسندن ایلری کلن یا بوتون اراده‌لرک مشترک بر غایه‌یه مجذوب اولمالرندن تولد ایدن و حدته مالک بولونمازسه اوفاجق بر ضربه‌نک یاخود اک خفیف بر

روز کارک داغیتابیله جکی بر قوم ییغینندن باشقه برشی دکدر . بناء علیه ، شرائط حاضره دائره سنده ، بالخاصه اوپاندیرماسی ایجاب ایدن شی مشترک بر مفکوره ایماندره . معنویت کسب ایتیش بر وطنپرورلکک بو الزم غایه یی ناصل تأمین ایده بیله جکنی یوقاریده کوردک . یکی عدالت ، نساند فکرلری دردست اعمالدرلر . بونلر ارکچ کندیلرینه اوپان برطاقم مؤسسهر تشکیلنه سائق اولاجقلدر . هنوز مهم و کندی کندیلرندن بی خبر بولونان بو فکرلری اورته یه چیقارمغه ، اونری چوجوقلره کندیلرنده ماضینک بزه میراث بر اقدینی فکرلره یاخود حرکتلره قارش حسیاتی تحریک ایتیمکسن سودیرمک: ایشته بوکون نریه اخلاقیه نک اک مستعجل غایه سی بودر . ماضینک او فکرلری و حرکتلریدرکه بوکون کوزمن اوکنده تشکل ایتمکده اولان یکی فکرلرک سبب وجودی اولمشلدر . هر شیدن اول ، کندیمزه بر روح یاپمالی یز . بو روحی ده چوجوقده حاضرلامالیدر . شبهه سزکه ، بو صورتله اورته یه چیقاجق حیات اخلاقیه ، پک ولوله دار اولوق تهلمکسنه معروضدر . چونکه بردن بره تشکیلات آلتنه کیرمه یه جکدر . فقط بویه بر حیات اخلاقیه وجود بولاجقدر . هر شی شو امید ی ورییورکه ، بر کره اوپانجه ده مرور زمان ایله قاعده و انضباط آلتنه کیره جکدر .

شیمدی ، کیریشمش اولدیغمز تحلیلدن چیقان نتیجه لرک ، بدایتده چیزدیکمز پروغرامه موافق اولوب اولماق لری تحقیق ایده بیله جک بر موقعه یز . اول امرده ، شیمدی یه قدر هان هان یالکمز دینی شکلر آلتنده افاده ایدیلن اخلاقی اعتقادلرک عقلی شکللری بولوق آرزوسنه دوشدک . بوکا موفق اولایلدکمی ؟ بو سؤاله جواب ویرمک ایچون ، دینی تمثالدره کندیلرینه بالنسبه تام بر افاده بولایلمش اولان اخلاقی فکرلرک نلر اولدقلرینه باقلم . دین ، اک اول ، اخلاق علوی بر قدرته ربط ایتمکه اخلاق احکامنده مکنوز بولونان حکم و نفوذی [سلطه] قولایجه قابل تصور بر حاله صوقشدر . قاعده نک بو آمروصنی ، حقیقی وارلقده کوکی اولمایان بر تجرید کبی نمایان اولاجق یرده ، قاعده نک کندیبسی حاکم بر اراده دن صادر اولمش کبی تلقی ایدیلنجه ، قولای قولای قابل ایضاح اولیوردی . بزم فوقزده بزی اجبار ایدن بر وجود بولوندجه ، مجبوریته اخلاقیه او بڑکتیف بر تمه مالک اولور . چوجوغه بویه بزی اجبار ایدن بر وجود حسن ویرمک ایچون ، مناسب واسطه لرله اوکا بو علوی وجودک شأنیتنی حس ایتدیرمک کافی کلیردی . فقط بو اخلاق — ۷ —

وجود الهی یالکز بر واضع قانون ونظام اخلاقی ایچون بر سافظ کبی تلقی اولونماوردی . بو ، فردك ساحه فعله ایصاله چالیشدینی بر مفکوره ده وجوده کتیریوردی . اللهه بکزمیه . بيلمك ، فنا فی الله : ايشته هر دینی اخلاقك اك اساسلی پراسپی بودر . بر معناه الله موجود ایسه ، دیکر معناه دائماً حال تکونده در ، بز کندیشنی تقلید ایتدیکمز ، ایچمزه وجوده کتیردیکمز نسبتده اوده دنیاده تدریجاً ساحه حقیقه چیقار . بو صورتله ، الوهیتک انسانه نمونه و مفکوره خدمتنی کورمه سی ، بزلك هر بریزدن نه قدر یوکسک اولورسه اولسون ، بزمله اونك آراسنده مشترک بر شی بولونماسدن نشئت ایدر . بزم ایچمزه اوندن بر ذره واردر . وارلغمزك روح نامی ویریلن بو لك یوکسک پارچه سی ، اوندن کلیر و بزم ایچمزه اوننی افاده ایدر . فطرتمزك الهی عنصری اودر ، انکشاف ایتدیره جکمز شی ده بو عنصردر . بو صورتله ، اراده بشریه فرد فوقده برغایه تعلیق ایدیش بولونیوردی . و بویله اولقله ، فردك سائر فردلره قارشى وظیفه لری منع ایدیلمه یور ، کندیلرینه مصدر اولان ده بوکسک بر منبعه ربط اولونیوردی . هپمز او الهی تمغایی طاشیدیفغمز ایچون الوهیتک بزه تلقین ایتدیکی حسلر بالطبع بزمه برلکده معبودی ساحه فعله ایصاله چالیشانلره شامل اولمق طبیعی ایدی . بزم فردلرده سودیکمز شی ده اللهدر ؛ بو شرط ایله درکه محبتمز اخلاقی بر قیمتی حائز اولاجقدر .

ایشته بوتون بو اخلاقی شائیتلری عقلی تعبیرلره افاده مه موفق اولدیفغمز کورولدی . تجربه فوقده بر وجود تلقینی رینه هیئت اجتماعیه دنیلن دوغرودن دوغرویه مشاهده مه تابع بر وجودك عمومی مفهومى اقامه ایتك کافی کلدی . فقط شو شرطله که هیئت اجتماعیه فردلردن مرکب بر یکون ریاضی دییه تلقی اولونمامالی ، فردی شخصیتلردن آیری یی بر شخصیت اولارق قبول ایدیلیدر . بو صورتله تلقی ایدیلن هیئت اجتماعیه نك بزه حاکم اولمق دولایسیله بزى ، ناصل اجبار ایتدیکنی ؛ بزه حاکم اولقله برابر ایچمزه نفوذ ایتك دولایسیله ناصل اراده لری کندینه جلب ایله دیکنی کوستردك . ناصل بر مؤمن شعوركك یوکسک پارچه سی الوهیتدن بر ذره ، بر لمه عد ایدیورسه بزه بونی جاعتدن بر ذره و بر لمه دییه قبول ایتك . حتی ، آراده کی موازات او قدر نامدرکه ، دفعات ایله اشارت ایتدیکمز فرضیه ایچون یالکز باشنه بر دلیل تشکیل ایلر . بو فرضیه ده الوهیتک ، جاعتك تمثالی بر افاده سندن عبارت اولماسی ایدی . اوته کی دنیاده کی قوه تأییدیه احتمالی اخلاق قاعده لرینک سلطه سی اجتماعی قوه تأییدیه لردن ده ایی تأمین ایتدیکی یولنده بر اعتراض می درمیان ایدیله جك ؟ چونکه بو اجتماعی قوه تأییدیه لك تطبیق خطایه معروض قالایلیر و دائماً

مشكوك بولوناسيلير . فقط ، هر شیدن اول ، دینی اخلاقلرك مؤثریتلرینك اصل سببی بو نقطهده ارلامادیغنی پك كوزل كوسترن شیء بوقوة تأییدیهلردن بی خبر قالان غایت بویوك دینلرك موجودیتیدر . تاریخنك پك ایلریله مش بر دوره سنه قدر یهودیلک ایشته بویله ایدی . بوندن باشقه ، بوكون هرکس تصدیق و تسلیم ایدیورکه قوای تأییدیه عائد ملاحظات بر فعل و عملی تولید و ایجاب خصوصنده نه درجه اجرای تاثیر ایدرلرسه او حرکت ده قیمت اخلاقیه سنی او نسبتده غائب ایدر . بناءً علیه ، اخلاقیتنی تغییر ایتیمکسزین بر خط حرکتیه مداخله ایدمه یین بر مفهومه هیچ بر اهمیت اخلاقیه عطف اولوناماز .

بناءً علیه شأنت اخلاقیه یی بویله عقلی شکل آلتنده افاده ایتیمکه فقیرلشدیرمه مش اولدیغمز امنیت کتیریوروز . فقط ، بندن فضله ، یوقاریده ده اولدن تخمین ایتدیرمش اولدیغمز وجهله ، بواشکال تحولی ، محتویاتده تبدلاتی تضمن ایدرلر . بالخاصه ، تعقیب ایتدیگمز غایه کوز اوکنده طوتولورسه ، اخلاق ، هیچ اکیسلمه دن و بوزولمادن تماماً عملی empirique شأنتلره قابل ارجاع اولدیغنی وبناءً علیه ، اشیا واسطه سیله تریه کیفیتنك فکری حرثه اولدیغنی کبی اخلاقی تهذیبده قابل تطبیق بولوندیغنی اثبات ایتمش اولوقشیه یوککه اهمیتسز بر نتیجه دکلدردر . فقط ، بوندن باشقه ، برشکک برینه بویله باشقه برشکک اقامه سی ، اخلاق باشقه دورلو اولسه ایدی غیر مرئی کچه جک برطاق اوصافی وعناصری ده میدانه چیقارمق کبی بر نتیجه حصوله کتیرمشدردر . شهه سزکه ، بو یاپدیغمز طرزده بسیط بر منطقی و علمی عملیه نك بونلری هیچ یوقدن یارآمارینه و کندیلرینه بر وجود ویرمکه کافی گله سندن نشئت ایتمش دکلدردر . علم ، موجود اولان شیئی ایضاح ایدر ، فقط خلق ایتمز . کندیلکندن ، اخلاقه ، هیچ بروجهله مالک اولمادیغنی بر طاقم خواصی ویره مز . یالکمز ، علم ، اساساً موجود اولان اوصافی ظاهر بر حاله چیقارمغه یاردیم ایده ییلیر . فقط دینی تمناجلیق بواوصافی افاده دن عاجز ایدی . چونکه منشألری دینه نسبتله پك مؤخردر . بوندن دولایی ، دینی تمناجلیق ، اونلری یا انکار ایتیمکه یاخود قاراکلق ایچنه آتیمه میل ایدیوردی .

اخلاق ، ایشته یالکمز عقلیلشدیرمک سایه سنده ، دینی بر تمه استناد ایتدیکی وقت منطقاً حکوم اولدیغنی حرکتسز لکدن خلاص اولمش اولیور . اخلاق ، ابدی ولایتیغیر بر وجود قانونی کبی تلقی اولوندیغنی زمان ، بدیهیدرکه ، الوهیتک خیالی کبی ، لایتیغیر اولوق اوزره تصور ایدیلک ایجاب ایدر . بالعکس ، اثباته چالیشدیغ کبی ،

اخلاق ، اجتماعی بر وظیفه [افعوله] انفا ایدیورسه ، هیئت اجتماعیله عرض ایتدکری هم دائمیت نسبیه هم قابلیت تحویل نسبیه اشتراك ایدر . بر هیئت اجتماعی ، بوتون دوره موجودیتده کندی کندینک عینی حالده قالیر . کچوردی تحولات آلتنده تشکله عائد برتمل واردرکه دائماً عینی شیدر . هیئت اجتماعیله تطبیق ایتدیکی اخلاق سیستمی ده عینیت وثبات خصوصنده عینی درجه یی حائزدر . قرون وسطانک اخلاقی ایله زمانمزه اخلاقی آراسنده مشترک اوصاف واردر . فقط ، دیگر طرفدن ، هیئت اجتماعیله ، هویتلری محافظه ایله برابر لایق قطع تکامل ایتدکری جهته ، اخلاقیته بوکا موازی صورته تحول ایلر . فقط ، هیئت اجتماعیله ده مرکب ودها قابل انخا اولدجه ، بوتحولاتده ده سریع ودها مهم اولورلر . ایشته بوندن دولاییدرکه ، بر آزاو ، باشلیجه وظیفه من کندیمره بر اخلاقی یاتقندن عبارت اولدیغی سویله یی بیلدک . حاصلی ، حیات اخلاقیه ، هرشیدن اول ، کندینسی موقتاً بر شکل ثابت آلفدن ابدیاً منع ایدن بر سیالیت حالده اولمق سزین ، اجتماعی طبعی افاده ایدر سه ده نامتناهی صورته انکشاف ایده بیللمک قابلیتینی ده حائزدر .

فقط ، اخلاق تلقیبی طرزنده کی بوتحول نه قدر مهم اولورسه اولسون ، سادهجه لاییکلشمه سی اعتباریله ، ده مهم بر تحول ودها واردر . اخلاقیلیک ، شیمدییه قدر بحث ایتدیک قوجه بر عنصری ودها موجوددرکه ، منطقاً ، آنجق عقلی بر اخلاقده اخذ موقع ایده بیلر .

فی الحقیقه ، شیمدییه قدر ، اخلاقی ، فرددن خارج بولونان واوکا دیشاریدن ، قوه ماده تاثیریه دکلده حائز بولوندقلری حکم ونفوذ دولایسیله کندیلرینی قبول ایتدیرن برهطاقم قواعد سیستمی اولمق اوزره اراؤه ایتدک . فقط ، شوراسی ده عینی درجه ده دوغرودرکه ، بونقطه نظرده ، فردی اراده ، کندینک اثری اولمایان بر قانونک تحت حکمنده کبی نمایان اولوبور . فی الحقیقه ، اخلاقی یابان بز دکلز . شهسز ، بز ، اخلاقی اعمال ایدن هیئت اجتماعیله داخل اولدیغیمز جهته ، بدرجهیه قدر همیز اخلاقی تواید ایدن مساعییه اشتراك ایدیورز دیمکدر . فقط ، بر کره ، اخلاق تکاملنده هر نسلک حصه سی غایت آذر . زمانمزه اخلاقی ، خطوط اساسیه سی اعتباریله ، بزم دوغدیغیمز وقلرده تثبیت ایدیلیر . بر فردک حیاتی مدتیجه اخلاق معروض قالدینی تحولات ، یعنی همیزک وقوعنه

اشترک ائمه بيله چك اولديغمز تحولات، صوك درجه ده محدوددلر . چونكه ، بويوك اخلاق تحولاتى دائماً برچوق زمانه لزوم كوستيرلر . بوندن باشقه ، بز بو تحول ايچون چاليشان حدسز حسابسز وحدتلدن برى بز . بزم شخصى حصه من ديمك كه ، ميدانه چيقان مركب محصله ايچنده غايت كوچوك و اهميتسز برعاملدن عبارتدر . او محصله ايچنده ، بى نام و نشان، قاريشير كيدر . بونك ايچون، قاعده اخلاقيه ، جماعتجه مشترك بر اثر ايسه بزم ، بونى ياقمقدن زياته ياپلش بولوب آلدیغمزی تسليم ايتمه مك قابل دكلدر . وضعيتمز، فعال اولمقدن زيامد مطاوعدر . بز اجراى تاثير ايتمكدن زياته بزم اوررمزده تاثير اجرا ايديلير . حالبوكه ، بومطاوعتكارلق، وجدانك، شيمدى زمانمزمه كورولن وكوندن كونهدها زياته قوت كسب ايدن بر تاملينه مغايردر . فى الحقيقه ، اخلاقرك اك اساسلى دستورلردن برى ، حتى يكانه دستور اساسيسى ، شخصيت بشريه نك اك مقدس شى اولماسى كيفيتدر . بوتون دينلرك مؤمنلرينك كندى معبودلرينه قارشى اظهار ايتدكلرى حرمتيه شخصيت بشريه نك لايق اولدينى قناعتى شيمدى حكمران بولونيور . بشریت فكرينى، وطنك غايه سى و حكمت وجودى عد ايتمكه بزم افاده ايتديكمز شى ده بو ايدى . بو پرئسب موجبجه ، بزم وجدانمزمه قارشى قوع بولان هر دورلو تجاوازت بزم غير اخلاقى كه كورونور . چونكه بو ، شخصى تاريت واستقلالزمه ياپلش بر جبر و تضيقدر . بوكون، هر كس ، هيچ اولمازسه نظريه ده ، سليم ايدىيوركه هيچ بر زمان، معين طرزده بردوشونمه كيفيتى، حتى اخلاقى برسلطه نامنده ولسه، جبراً بزم قبول ايتديريلميدر . عقلمرك، آنجق كندى كنديلككندن دوغرو ديه تصديق ايتيكى شينك غيريئنى قبول ايتمه مسى لزومى يالكىز منطق دكل عيى زمانده برده اخلاق قاعده سيدر . او حالده ، فعاليات ساحه سنده ده باشقه دورلو اولاماز . چونكه فكرك غايه سى و حكمت وجودى افعال واعماله رهبرلك ايتمكدن عبارت اولدينى ايچون ، افعال و حرركات حر دكلسه تفكرك حر اولماسنك نه اهميتى اولور ؟

واقعا ، بعض كيمسه لر وجدانك بويله بر مختاريت واستقلال ادعا سنده بولونماسى قبول ايتزلر . فعلياتده بزم دائمى اجبارلره معروض بولونديغمزی ، محيط اجتماعينك بزم معين برغونه يه صوقديغنى، هيچ تامل وملاحظه ايتمه ديكمز دورلو دورلو فكرلرى بزم جبراً قبول ايتديرديكى سويليورلر . وراثت طريقيه ضرورى صورتده بزم انتقال ايدن تمايلاتده باشقه . يالكىز فعلياتده دكل، حقوقاده شخصيتك برمحصول محيطدن باشقه برشى اولامايه جنى

علاوه اولونیور . چونکه ، شخصیت نردن وجوده کله بیلیر ؟ یا ، یوقدن وار اولدیفنی ، ازلدن بری واحد ولایتجری صورتده موجود بولوندیفنی ، بدنک ایجنه کیم بیلیر ناصل دوشمش حقیقی بر ذره روحی کی تلقی ایدیلک ایجاب ایده جکنی سسویه ملیدر . یاخود برتولد نتیجه سی ایسه ، دنیاده موجود هرشی کی برطاقم اجزادن مرکب ایسه ، اوزمان بالضروره ، عرقدن یاخود هیئت اجتماعیه دن کان مختلف قوتلرک برمحصله سی ، بر محصول ترکیبی اولماسی اقتضا ایدر . بزده شخصیتک باشقه منبعلردن غذا آلامایه جفنی کوسترمشدک . فقط بوتون بووقعلر نه قدر غبرقابل انکار اولسه لرده ، شخصیتک هیئت اجتماعیه بوتابعیتی نه قدر محقق اولسه ده ، وجدانک بو اسارته قارشی کیتدجکه ده ها شدتله اعتراض ایتدیکی وشخصیت بشریه ایچون کیتدجکه ده ها بویوک بر مختاریت واستقلال قوتله طلب ایله دیکیده عینی وجهله محققدر . بومطالبانک عمومیتی وثباتی ، هرکون ده ها واضح برصورتده تأید ایتمه سی کوز اوکنه کتیریلنجه ، بونی شعور عمومینک بیلهم ناصل بر ضلالت حسنک محصولی عد ایتک قابل اولاماز . بو ، مطلقا حقیقی برشیته توافق ایتک لازم کلیر . بوکا قارشی درمیان ایدیلن سائر وقعلر درجه سنده بوتایلده بروقعه در . بونی انکار ایده جک ، حق وجودی . قبول ایتمیه جک یرده ، مادامکه موجوددر ، کنیدی نی ایضاحه چالیشمق ایجاب ایلر .

بوجیفته لزومی الک فوتلی صورتده حس ایدن اخلاقی ، هیچ شبهه سزکه ، قانتدر . بر کره ، قانون اخلاقینک وصف آمرانه سنی اونک قدر قوتله حس ایتش هیچ براخلاقی یوقدر . چونکه اخلاقی حقیقی برامر شکلنده تلقی ایدر . بز بواصره مطاوعتکارانه برتبعت ورعایت بورجلی یز . دیورکه : « اراده بشریه ایله بوقانون آراسنده کی مناسبت بر تابعت (Abhängigkeit) مناسبتیدر . بوکا محبوری (Verbindlichkeit) نامی ویریلیورکه بر اجبار وتضییق (Nöthigung) اشعار ایدر . فقط ، عینی زمانده ، اراده مختار ومستقل اولمادجقه ، کنیدی سنک وضع ایتمه دیک بر قانونه مطاوعتکارانه ر انقیاد کوستریدی مدتجه ، اونک تماماً اخلاقی بروصف آ لایلمه سنی قبول ایتز . دیورکه : « اراده نک مختاریت واستقلال ، بوتون اخلاق قانونلرینک وبوقانونلر توافق ایدن بوتون وظیفه لرک یکانه پرنسپیدر . اراده نک ، باشقه برطرفدن موضوع هر هانکی بوقانونه رعایتی ، اراده نک اخلاقیته منافیدر » [۱] . قانت بوتضادی شوصورتله حل ایتدیکنه ذاهب اولیوردی :

قاتلک فکر نجه ، اراده کندي کنديکندن مختار ومستقلدر . اراده ، حساسيتک تأثيرينه معروض بولونمسه ایدی ، يالکيز عقلک احکامنه توفيق حرکت ایده جک صورتده تشکل ایتش اولسه ایدی يالکيز طبيعتندن کلن برحله ايله ، فوری صورتده دوعروجه وظیفهيه قوشه جقدی . صرف عقلی بر وجود ایچون ، دیمککه ، قانون ، او مجبوریت وصفی ، اوتضیقکار منظره سنی غائب ایده جکدی ؛ مختاریت واستقلال نام بولونه جقدی . فقط ، حقیقه ، بز صرف عقلدن عبارت مخلوقلر دکلز . بزم برده حساسیتمز واردرکه اوده کنديسینه خاص بر طبیعته مالکدر . بو حساسیت ، عقلک اوامرينه قارشی سرکشددر . عقل ، عمومی جهته ، غیر شخصيته دوعرو کيتديکی حالده ، حساسیت بالعکس خصوصی وفردی اولان شیلرله حائر قرابتدر . بناء عليه ، عقلک قانونی ، میلانلرمن ایچون بر بویوندوروقدر . بوندن دولاییدرکه بز اونی مجبوری وتضیقکار کبی حس ایدرز . چونکه ، میلانلرمن اوزرنده حقیقی بر جبر وتضیق اجرا ایلر . فقط ، آنجق حساسيته نظراً بر مجبوریتدر ، آمرانه بر انضباطدر . بالعکس ، عقل محض ، آنجق کندي کنديسینه تابعدر ، مختار ومستقلدر . وارلغمرکز آشانی اجزاسنه وضع ایتديکی قانونی عقل بالذات کنديسی یاپار . ایشته بوصورتله ، قناده ، فطرت وطبیعتمزک ایکیلکی دولایسیله ایضاح وحل اولونیور . مختاریت ، عقله استناد ایدن اراده نک ؛ غیرک وضع ایتديکی قانونه تبعیت ايسه حساسیتک ایشیدر .

فقط ، بوتقدیرده ، مجبوریت ، قانون اخلاقینک عادتاً بر نوع عارضی بر وصفی اولور . حد ذاتنده قانون بهمه حال آمرانه بروصفی حائر اولمازده آنجق احتراصات ايله نزاع حاله کیردیکي وقت برسلطه اکتساب ایلر . حالبوکه ، بویه بر فرضیه تماماً عنیددر . بالعکس ، هرشی اثبات ایدیورکه قانون اخلاقی ، حتی عقله بیله تلقین حرمت ایدن برسلطهيه مالکدر . قانون اخلاقینک يالکيز حساسیتمزده دکل بوتون طبیعت وفطرتمزده ، حتی عقلی فطرتمزده بیله حاکم اولدیغنی حس ایدرز . قانون اخلاقینک ، اک یوکسک عقله بیله الهام ایتديکی حسده دینی برشی بولوندیغنی قانت هرکسدن ایی کوستر مشدر . حالبوکه ، بز آنجق کنديسینی تحلیل وتصور ایدن ملکه مک فوننده اولقی اوزره منظور اولان حقیقی یاخود فکری بر وجوده قارشی بر حس دینی بسله یه بیلیرز . چونکه ، مجبوریت ، احکام اخلاقیه نک بر عنصر اساسییدر . بونک سبینده سويله مشدک . بوتون طبیعت وفطرتمز تحديد ایدیلکه ، ضبط ومنع واحاطه ایدیلکه محتاجدر . عقلمزده حساسیتمز کبی عینی احتیاج ایچندهدر . چونکه ، عقلمز ، علوی برملکه دکدر . اوده دنیانک اجزاسنددر . وبناء عليه ، دنیانک قانوننه

اوده تابعدر . دنياده بولونان شيلرك كافهسى تحديدايدلشدر . هر تحديد ، بونى اجرا ايدن برطاقم قوتلرى تضمن ايدر . بحث ايتديكم دائره داخلنده بيله اراده نك بر مختاريت صرفه سنى تصور ايدم بيلمك ايچون قانت ، اراده نك ، هيچ دكلسه صرف عقلى اولدينى درجه ده اراده نك ، قانون طبيعته تابع اولماديغنى قبول ايتك مجبوريتنده قالمشدى . اونى دنيا ايچنده آيريجه بر شائيت عد ايتمكه مجبور اولمشدى . اويله بر شائيت ايدى كه دنيا بوكا قارشى هيچ بر تاثير اجرا ايدم مزدى . او ، كندى كنديسنك اوزرينه قابلمش ، طوپلانمش بر حالده دورور ، خارجى قوتلرك تاثيراتندن مصون بولونوردى . بوكون ، متساند عد ايديلديكى فكرلرى كوزدن دوشورمكدن باشقه برنى باپه مايه جق اولان بومابعدالطبيعى مفهومى مناقشه يه كيريشمك بيله بزجه بى لزوم كورونيور .

سکزنجی درس

اھم قیلمک ارمجی عنصری . اراده نك مختار بی

(صوك)

اخلاق قیلمك مختلف عنصر لری آراسنده شیمدی به قدر بر قاچ دفعه ظاهری بر طاقم تضاد لره تصادف ایتك . خیر ایله وظیفه آراسنده ، فرد ایله زمره آراسنده ، قاعده نك مجبوری صورتده وضع ایتدیکی تحدید ایله ، فطرت بشریه نك تام اولارق انكشافی آراسنده بویه تضاد لر کورولدی . بونلرک چوقلغنده بزی متحیر ایدمك هیچ برشی یوقدر . شأیت اخلاقیه هم مرکب هم بسیطدر . اونك وحدتی حصوله کتیرن شی کندیسنه تمل تشکیل ایدن وجود مرکبک وحدتیدرکه شأیت اخلاقیه اونك طبیعتی افاده ایدر ، بوده هیئت اجتماعیه دن عبارتدر . شأیت اخلاقیه نك ترکب ایتدیکی عنصر لر تجرید حالنده تصور ایدیلدکری ، حقیقه وار اولان اشیا دن هیچ برینه ربط ایدیلدکری زمان ، بوباید دهنده پیدا ایدیلن مفهوما لر بالضروره یکدیگرنه متفرق کبی منظور اولورلر . منطقی بر طاقم معجزه لر اولمق سزین بونلری یکدیگرنه ربط ایله هپسینه ری تعیین ایتك همان همان غیر ممکن برحاله کیرر . نظریه جیلرک تفکر ایتك چوق کره صاپلانوب قالدق لری اوضد نقطه نظر لر ، اواختلاف لر و مجبوری ارجاع وتنزیل لر بوندن نشئت ایدر .

صوك درسك نهایتنده تصادف ایتدیگمز تضادده ایشه بو صورتله وجوده گلشدر . بر طرفدن اخلاق قاعده لرینك اراده دن خارج برشیلر اولدق لری بدیهی دیه تلقی ایدمزر . بونلر بزم اثرمن دکلدرلر . بناء علیه بو قاعده لره توفیق حرکت ایتمکله ، کندی یا پاماش اولدیغمز بر قانونه اطاعت ایلرز . تضییق و اجبار آلتنده قالیرز . بوتضییق ، معنوی اولمقله برابر ، ینه حقیقی اولمق دن خالی دکلدر . دیگر طرفدن ، وجدانك ، بویه بر تابعیه قارشی پروتستو ایتدیگمده محققدر . بز آنجق حریت تامه دائره سمنده ، هیچ بر دورلو تضییق اولمق سزین اجرا ایتدیگمز بر فعل و عملی تماماً اخلاقی دیه تصور ایدم بیلیرز . حالبوکه ، خط حرکت مزی کندیسنه کوره تنظیم ایتدیگمز قانون بزه جبراً قبول ایتدیرلمشه ، بز بونی

حر صورتده آرزو ایتمه مشایسه ک حر دکاز دیمکدر. وجدانک، فعل و عملده کی اخلاقیلنی، اونی ایضا ایدن شخصت مختاریت واستقلالنه ربط ایتک یولنده کی بوتایل انکار قبول ایتمه یجک بروقه در که بونی ایضاح ایتک لازم کلیر .

بومسئله حقنده قانتک تکلیف ایتدیکی صورت حلاک نه دن عبارت اولدینی کورولدی. قانت مسئله نیک مشکلاتی پک کوزل حل ایتمش، حتی هرکس دن اول او بومسئله یی اورته یه چیقارمشدر . قانت کوره ، اخلاقیلنک پرنسپیی مختاریت واستقلالدر. فی الحقیقه اخلاقیته، غیر شخصی، عمومی، فرددن ومنافع شخصی سندن مستقل برطاقم غایه لری ساحه فعله ایصال ایتمکدر . حالبوکه ، عقل ، ولادی تشکلی اعتباریله ، کندی کندیلکسندن، عمومی شیشه، غیر شخصی شیشه دوغرو کیدر . چونکه ، بوتون انسانلرده هپ بردر، عقل ایله متصف بوتون موجوداتده عینی شیدر . آنجق بر عقل واردر . بناء علیه منحصرأ عقل ایله تحریک ایدیلدی کمز مدتجه ، اخلاقی صورتده حرکت ایده رز. وعینی زمانده، بر مختاریت تامه ایله حرکت ایتمش اولورز . چونکه ، عقله مستند فطرت وطبیعتنیزك قانونی تعقیبدن باشقه بر شی یامش اولما یز . فقط ، اوحالده ، مجبوریته حسی نردن چیقیور ؟ چونکه ، حقیقته ، بزصرف عقلی وجودلر دکاز ، عینی زمانده حساس وجودلرز . حالبوکه ، حساسیت ، فردلرک بر برلرندن آیری آیری اولمالرینی ایجاب ایدن ملکه در . بنم حظم یالکز بکا عا ئد اولابیلیر و آنجق بنم شخصی مزاجی انعکاس ایتدیرر . حساسیت ، دیمک که بزه فردی، خودکام ، غیر عقلی ، مغایر اخلاق غایه لره تمایل کوسترتیر . بناء علیه ، عقلک قانونی ایله بزم حس ملکه مز آراسنده حقیقی برضدیت واردر . بالنتیجه ، عقل ، حساسیته آنجق حقیقی برتضیق واجبار ایله کندینی قبول ایتدیره بیلیر . ایشته ، مجبوریته حسنی تولید ایدن شی بو تضیق حسیدر . اللهده ، هر شی عقلدن عبارت اولدینی ایچون ، بونوع حسلرک هیچ برینه بریر بولونماز . اونده ، اخلاق ، قطعاً مختار بر فوریت دائره سنده ساحه فعله چیقار . فقط ، انسان حقنده بویه دکلدر . انسان مشخص، غیر متجانس، کندی کندیسنه قارشى ضد وجوددر .

آنجق، بونقطه نظر قبول ایدیله جک اولورسه، انضباطک ، اخلاق قانونلرینک یالکز عارضی بروصفی اولدینی کوزه چارپار . دیمک که ، حد ذاتلرنده بهمه حال آمرانه بر وصفی حار دکلدرلر . بو آمرانه منظره یی آنجق حساسیت ایله نزاع حالنه کیردکری زمانا کتساب

ایدیورلر و احتراصاتدن ایلری کلن مقاومتلره غلبه چالقی ایچون سلطه یه استناد ایدمه کندیلری
جبر آق بول ایتدیرمک اضطرارنده و لنیورلر . فقط ، بوفرضیه تماماً عندی برشیدر . مجبوریته ، هر دورلو
احکام اخلاقیه نك اساسلی بر عنصریدر . سببی ده سویله مشدک . طبیعتنر تماماً ، منع و ضبط ایدلمکه ،
تحدید ایدلمکه محتاجدر . کړک عقلی طبیعت و فطرتنر کړک احتراصی طبیعت و فطرتنر عینی
صورته بو احتیاج داخلنده درلر . فی الحقیقه ، عقلنر علوی برملکه دکلدر . اوده دنیانک
اجزاسنددر و بناء علیه ، دنیانک قانونه نابمدر . حالبوکه کائنات محدوددر . هر محدودیت
کندیسی تحدید ایدن بر طاقم قانونلرک وجودینی تضمن ایدر . ایسته بوندن دولایی ، اراده نك
بر مختاریت صرفه سنی تصور ایچون ، قانت ، اراده نك صرف عقلی اولق اعتباریله ، قانون
طبیعتیه مانع بولونمادیغنی قبول مجبوریتنده قالیور . اراده یی ، دنیا داخلنده آیری باشنه بر
ملکه یامق و بونک اوزرنده دنیانک بر تأثیری اولمادیغنی سویله مک اضطرارنده در . اراده
کندی کندیسنک اوزرنه قابانیر ، طوپلانیر ، خارجی قوتلرک تأثیرندن آزاد قالیر ، دیر .
وقه لرده مغایرتی پک بدییی اولان بویله بر تلقی بی مناقشه یه کیریشمک بزجه بی لزوم کورونیور .
بوتلقی ، متساند عد ایدیلدیکی اخلاقی فکرلری کوزدن دوشورمکدن باشقه بر نتیجه تأمین
ایده مز . اراده آنحق طبیعتدن بوقدر شدید بر صورتده آیریلقی شرطیله مختار اولاییلیورسه
بزم هر دورلو مختاریتدن محروم اولدیغنز پک اعلا ادعا ایدیله بیلیر . ذاتاً ، فرضیه ایجاباتندن
اولارق ، اشیانک ، شأینک خارچنده بولنان بر عقل ناصل اولورده ساحه اخلاقه
هائد بر طاقم قانونلر وضع و تأسیس ایده بیلیرکه ، اثبات ایتدیکمز وجهله ، اخلاق ، جمعیت
دنیلن اوحقیق و مشخص شئیک طبیعتی افاده ایتمکدن باشقه برشی یاماز ؟

ایسته ، بویله بر صورت حل تماماً مجرد وجدلی برشیدر . بزه ویردیکی مختاریت
واستقلال ، منطقاً ممکندر . فقط کندیسنده حقیق هیچ برشی یوقدر و اولامایه جقدر .
چونکه ، بزلر عقلی وجودلر اولدیغنز قدر حساس وجودلرده اولدیغنز و دائماً بویله
اولاجغنز جهته ، وارلغنزک بو ایکی قسمی آراسنده دائماً بر نزاع بولونا جقدر . حقوقاً
دکلسده فعلیاتده دائماً باشقه برینک یاپدینی قانونه تبعیت بر قاعده اولاجقدر . حالبوکه ،
وجدانک ایسته دیکی شی عقلی ، حقیقی بر مختاریت و استقلالدر . یالکز فکری بیلم ناصل
بر وجودک مختاریتی دکل ، اولدیغنز حال ایله کندیمزک مختاریتمزی وجدان طلب ایدیور .
حتی ، بوجهته کی مطالباتمزک دائماً تزايد ایتمکده اولماشی ، تماماً مجرد بر حقیقت ایله دائماً

مساوی صورتده دوغرو براحتال منطقی موضوع بحث اولادیغنی، یاپلقده اولان، تدریجاً
تکون ایدن، تاریخ داخلنده تکامل ایله بن برشیدن بحث ایدیلدیکنی کوسترین .
بو تدریجی مختاریت واستقلالک نهدن عبارت اولدیغنی آکلامق ایچون، اول امرده
بزم محیط مادی ایله مناسباًتمزده نه صورتله ساحه فعله چیمقمده اولدیغنه باقام. چونکه یالکمز
اخلاقی فکرلر ساحه سنده دها بویوک راستقلاله خواهش کوستروب بونی قازانقله اکتفا
ایتمه یورز. اشیایه قارشى وقیله بولوندیغمز تابعیتندن کیتدجه آزاده قالیورز وبونی ادراک
ایتمکندنده کری دورمایورز. مع مافیه، عقل بشری کائنات مادیه نك واضع قانونی کبی
تلقی ایتک موضوع بحث اولاماز. کائنات مادیه، قانونلرینی بزدن آلاماشدر. بز اوندن
بعض خصوصاتده کندیمزی آزاده قیلایلورسه ق بو، کندیسى بزم اثرمز اولدیغندن
دولایی دکدر. بونسی خلاصو علمه مدیوز. فی الحقیقه، ایضاحاتی ساده لشدیرمک ایچون
فرض ایدیکز که اشیایه حقنده کی علم تماماً نهایت بولسون و هر بریمزده بو علمه صاحب
اولام. آرتق دنیا، تام تعبیرایله، بزدن خارچده دکل دیمکدر. بزم وارلغمزک برعنصری
اولمشدر. چونکه ایچمزمده کندیسینی تماماً افاده ایدن برصور ذهنیه سیستمی موجوددر .
کائنات مادیه ده بولونان هرشی بزم شعورمزمده برمفهوم ایله تمثیل ایدیلشدر. بومفهوملر،
علمی اولدقلری ایچون، یعنی آیری آیری و معین بولوندقلری ایچون، مثلاً هندسه
مفهوملرینه قارشى یاپدیغمز کبی، بونلریده سربستجه قوللانه بیلیر، مزج وترتیب ایله یه بیلیرزه
بناء علیه، برآن معینده دنیانک ناصل اولدیغنی و کندیسنه ناصل توافق وتطابق ایده جکمزى
آکلامق ایچون، آرتق کندیلکمز دن چیقوبده مکتب طبیعته تعلم ایتک محتاج قالمایز. کندى
باطنمزمه باقق ومناسباته کیریشمک موضوع بحث اولان اشیایه دائر مالک اولدیغمز مفهوملری تحلیل
ایتمک کافیدر. ناصل که برریاضیه متخصصی ده ساده جه برحساب ذهنی نتیجه سنده جسامتلر آراسنده کی
مناسباتی تعیین ایده بیلیر و کندى خارچنده موجود اولان اوبژکتیف جسامتلرک حقیقی
مناسبتلرینی تدقیق ومشاهده مجبوریتنده قالمایز. ایشته بوسورتله، دنیایی دوشونه بیلیمک
ودنیا ایله مناسباًتمزده خط حرکتمزک نه اولماسی لازم کله جکنى تنظیم ایتک ایچون، دقتی
صورتده دوشونمکدن و کندى کندیمزی کوزلجه ادراک ایله مکدن باشقه برشینه محتاج اولمایز.
بوه مختاریت واستقلالک ایلک درجه سنی تشکیل ایدر. فقط هپسى بوندن عبارت دکدر .
اوزمان، هرشیثک قانونلرینی بیلدیکمز ایچون، هرشیثک حکمتی ده بیلیرز. دیمک که انتظام
کائناتکده سبیلرینی طانیه بیلیرز. تعبیردیگرله، قدیم برافاده بی احیا ایدمه رک دییه بیلیرز که،

طبیعتك پلانی بز پامادقسهده اونی علم واسطه سیله کشف ایده بیلیرز ، دوشونه بیلیرز ونه دن دولای طبیعتك بویله اولدیغنی آکلارز. آرتق ، طبیعتك ناصل اولق لازم ایسه احوالده بولوندیغنی یعنی طبیعت اشیانك تضمن ایتدیکی حالده بولوندیغنی نه درجهده تحقیق وکشف ایدر و بوکا قناعت کتیرسهك اوکا انقیاد مرکزده طرزی اودرجهده دیکشیر. ماده محبور اولدیغمز ایچون، بلا تهلكه باشقه دورلو یاقیق قابل اولمادیغنی ایچون دکل ، طبیعتك ائی اولدیغنه و بوندن ده ائی برشی باه مایه جفمزه حکم ایتدیکمز ایچون کندیسنه انقیاد کوستریز . بر مؤمن دنیانك ، پرنسپ اعتباریله ، ائی اولدیغنی قبول ایدر . چونکه ائی بروجودك اثر صنعیدر. ایمانك ، قبل التذقیق ، بروجه پیشین، بر مصدره حالده وضع ایتدیکی بوایلک حکمی، بز عقلك بونی اثباته امکان تأمین ایتدیکی نسبت داخلنده بعدالتذقیق ویره بیلیرز. بویله بر تابعیت ، مطاوعتکارانه بر انقیاد دکلر . منورانه بر قبولدر . بر ترتیب اشیایه ، ناصل اولق لازم ایسه اویله اولدیغندن دولای توفیق حرکت ایتک بر جبر و تضییقه معروض قالمق صایلاماز . بو ترتیب و نظامی حرر صورتده ایسته مک ، اونك حکمتی آکلادقن صوکره اوکا موافقت ایتک دیمکدر. چونکه حرر صورتده ایسته مک ، مناسز و مناسبتسز اولان شیئی ایسته مک دکلر . بالعکس ، عقلی اولان شیئی ایسته مکدر ، یعنی طبیعت اشیایه موافق صورتده حرکت ایتیهی آرزو ایله مکدر. واقعا ، اشیانك ، طارضی و غیرطبیعی احوال و شرائط تأثیریه ، طبیعتلرندن انحراف ایتدکری واقعدر. فقط اوزمان، علم کیفیتن بزی خبردار ایدر و عینی وقته ، اونلری تصحیح ایتک، دوزلمک چاره سنیده تأمین ایلر. چونکه ، بو طبیعتك احوال طبیعهده نه اولدیغنی و بو غیرطبیعی انحرافلری نه کی سببلرک وجوده کتیردیکنی بزه بیلدیرر. شبهه سزکه بوسردایتدیکمز فرضیه ، تماماً فکریدر. علم طبیعت تام دکلدر و هیچ برزمان تام اولمایه جقددر. فقط ساحه فعله چیقمش بر حال کی نظر ملاحظه آلدیغ بوشی لایققطع یا قلاشدیغمز فکری بر حدوددر. علم تشکل ایتدیکی نسبتده بزده اشیا ایله مناسباتمزده کندیزه ده جوق تابع اولورز، کائنات ماده تابعیتندن اونسبتده قورتولورز. اشیای کائناتی آکلامق صورتیه اونلرک حاکمیتندن خلاص اولورز. اونلردن قورتمانك باشقه چاره سنیده یوقدر. مختاریت واستقلالنرک منبعی علمدر .

ایشته اخلاق ساحه سندهده عینی مختاریت واستقلال ایچون یرواردر و باشقه هیچ برشی ایچون یروقدر. اخلاق، هیئت اجتماعیه نك طبیعت و ماهیتی افاده ایتدیکی، هیئت اجتماعیهده، دوعرودن دوعروهه، بزجه طبیعت ماده دن ده فضلّه معلوم اولمادیغنی ایچون فردك عقل ،

عالم مادی حقنده اولامادینی کبی ، عالم اخلاقی حقنده بر واضع قانون اولاماز . علی العاده انسانلرک هیئت اجتماعییه دائر ذهنلرنده بسله دکاری مههم تصورلر هیئت اجتماعییه تام بر صورتده افاده ایده مزلر . ناصلکه سامعهیه یاخود باصرهیه مدیون اولدیغمز احتساسلرده ، تقابل ایتدکاری صوت و یارنک کبی مادی حادثه لرک اوبز قیف طبیعتلرینی افاده ایتمزلر . فقط فرد ، بر فرد صفتیه خلق ایتهدیکی ، بالتأمل ایسته مدیکی بوساحه معنوییه علم واسطه سیله صاحب اولابیلر . اخلاق قاعده لرینی ابتدا مطاوعتکارانه قبول ایله ایشه باشلارز : چوجوق ، تربیه واسطه سیله اونلری خارجدن آلیر ؛ بوقاعده لر حائر اولدقلری سلطه دولایسیله جبراً اوکا کنیدیلرینی قبول ایتدیرلر . فقط بز بو اخلاق قاعده لرینک طبیعت وماهیتی ، یقین واوزاق شرطلرینی ، حکمت وجودلرینی تحری ایده بیلیرز ؛ حاصلی ، بونک برعلنی وجوده کتیره بیلیرز . بو علمی تام اولمش فرض ایدلم . اوزمان ، غیرک وضع ایتدیکی قانونه تابعیمز نهایت بولور . بز عالم اخلاقینک حاکم لری اولورز . بزم ایچمزه واضح و آیری برطاقم فکرلر سیستمی ایله تمثیل ایدیلدیکی ، بوفکرلرک آراسنده کی بوتون مناسبتلر بزجه ادراک اولوندینی ایچون آرتق عالم اخلاقی بزم خار جمزه بولمقدن خالی قالمشدر . آرتق ، بوعالم اخلاقینک طبیعت اشیاده یعنی هیئت اجتماعییه نه درجه تملی اولدیغنی آکلارز ، تعبیر دیکرله ، اولماسی لازم کان حاله نه درجه ده توافق ایتدیکنی کورورز . کنیدینک ، حقیقه اولماسی ایجاب ایدن حاله درجه توافقه کوره بزده اوکا حر بر صورتده رضا کوستررز . چونکه ، افاده ایتدیکی شأینک تشکل طبیعیسنک تضمن ایتدیکی طرزدن باشقه دورلو اولماسنی ایسته مک ، حر بر اراده به صاحب اولق بهانه سیله عقندن اوزاقلاشمش دیمکدر . کذلک طبیعت اشیایه نه نسبتده توافق ایتهدیکنی ده کور بیلیرز . چونکه ، دائماً غیر طبیعی عناصری احتوا ایده بیلیمسی قابلدیر . فقط ، اوزمان ، وجوده کتیردیکمزی فرض ایتدیکمز علم سایه سنده ، کنیدینی حال طبیعییه ارجاع چاره سی المزده موجوددر . ایسته احکام اخلاقییه ، تابع بولوندقلری اسبابه ، هرینک ایضا ایتدیکی وظیفهیه تمامی تامنه اویان وکافی کان برذکایه مالک اولق شرطیه ، اوقواعده بحق وایشک حقیقتی بیله بیله توفیق حرکت ایده جک برحاله بولونورز . بوصورتیه بزم رضامزله وقوعه کان برتوفیق حرکت کیفیتده جبروتضیقندن هیچ اثر موجود اولاماز . شبهه سزکه کرک حیات مادییه مزده کرک حیات اخلاقییه مزده بومفکوروی حالتدن هنوز جوق اوزاقده ز . چونکه اخلاق علمی هنوز دون باشلامشدر ، نتیجه لری آلان مههمدر . فقط ، نه اهمیتی وار ؟ چونکه بویله اولقله برابر بزم ایچون برچاره خلاص

اولمقدن خالی قالمایور . ارادهٔ اخلاقیه‌نك دها فضله بر مختاریت واستقلالنه دوغرو شعور عمومیده موجود تمایله کی الك اساسلی نقطه بودر .

فقط ، دنیه‌بیلیرکه ، اخلاق قاعده‌لرینك حکمت وجودینی اوکرندکدن ، بوکا اختیاری صورتده توفیق حرکت ایتمهک باشلادقدن صوکره ، عییا بو یوزدن بو قاعده‌لر وصف آمرانه‌لرینی غائب ایتمه‌یه‌چکلمیدر ؟ اوزمان ، بزم فائنه قارشی درمیان ایتدیکمز مؤاخذه بزم علیهمزدهده سرد اولونه‌مایه‌چقمیدر ؟ یعنی ، اخلاقک اساسلی عنصرلرندن برینی مختاریت واستقلال عنصرینه فدا ایتش اولدیغمز ادعا ایدیله‌یه‌چکمی ؟ حر بر صورتده اظهار ایدیلن بو موافقت ، آمرانه بر قطعیت کیفیتنه منافی دکلیدر ؟ حالبوکه قاعده‌نك بو آمرانه خاصه‌سنی کندیسنك الك میز اوصافندن بری عد ایتشدك . بونلرک هیچ برینه محل یوقدر . فی‌الحقیقه ، بز بر شیئک سبب وحکمتنی بیلملهک اوشی ماهیتی غائب ایتمز . طبیعتی و حیات قانونلرینی بیلمه‌مزدن دولایی حیات اوصاف مخصوصه‌سندن هیچ برینی غائب ایتمه‌مشدر . بونك کبی ، اخلاقی‌وقعه‌لرک علمی ، اخلاق قاعده‌لرنده مکنوز بولونان وصف آمرانه‌نك حکمت وجودی نه اولدیغنی بزه اوکرتمهکله ، بو قاعده‌لر آمرانه‌وصف‌لرینی حائز اولمقدن خالی قالمالار . بو قاعده‌لره توفیق حرکت ایتمه‌مزده بر فائده بولوندیغنی اوکرنمه‌مزی اونلره اختیاری صورتده اطاعت ایتدیرمک نتیجه‌سنی تولید ایدر ، اطاعتسزلک ایتمه‌مزی ایجاب ایتمز . بزم خارجمزده بولونان سبیلر طرفندن تحدید ایدیلک طبیعتمزده موجود اولدیغنی پک کوزل آکلایه‌بیلیرز . بناءً علیه ، بو تحدیدی ، طبیعی و انی اولدیغندن دولای حر بر صورتده قبول ایده‌بیلیرز . بونکله ، او تحدید حقیقی موجودیتی غائب ایتمز . یالکمز ، بزم منور اثر موافقتمز نتیجه‌سنده بزم ایچون برخجالت واسارت اولمقدن چیقار . دیمک‌که بویه بر مختاریت واستقلال ، اخلاقی پرنسیپلره بوتون اوصاف میزله‌لری بر اقیور . حتی سلب ورد ایدرکی کوروندیکی ورر معناجه سلب وردده ایتدیکی بر وصفی بیله حالیه بر اقیور . ایکی ضد تعبیر اشلاف ایدرلر و برله شیرلر . متناهی وجودلی اولدیغمز ایچون محدود اولمقده بردوام قایلرز . دیمک‌که ، بر معناجه ، بزه آمر بولونان قاعده‌یه قارشی مطاوع موقعه‌میز . یالکمز ، بو مطاوعت عینی زمانده ، اونی حر صورتده ایسته‌مکه وقوع بولان فعال اشتراکزدن دولایی بر فعالیت حاله کلیر . بز اونی ایسترز ، چونکه حکمت وجودینی بیلیرز . شخصیتمزده بر تناقص وجوده کتیرن شی حد ذاتنده مطاوعتکارانه بر انقیاد دکلدر و شخصیت یالکمز بونکله آزالماز . ایشک

حکمتی بیلمه دن رضا کو ستردیکمز اتقیاد مطاوعتکارانه بوتناقصی یاپار . فقط ، بالعکس ، معناسی و شمولی بیلمه دیکمز بر امری کور کورینه اجرا ایتدیکمز وقت ، بو کور آت رولنی نه دن دولای قبول ایتمه من لازم کلدیکنه واقف بولونورسحق ، فعل و عملمزمک بوتون قوه تشبیه سی بزدن کلدیکی زمانکی قدر حر بولونیورز دیمکدر .

ایشته ادعا ایده بیله جکمز یگانه مختاریت واستقلال بوندن عبارتدر . بزم ایچون برقیتمی حاضر اولایله جک مختاریت ده بودر . بو ، طبیعتدن حاضر یاپلش بر حالدله آلدیغمز ، دوغونجه اوصاف مشکله من آراسنده بولدیغمز بر مختاریت دکلددر . اشیا حقنده کیتدجه تام بر وقوفه دسترس اولدجه بونی کندی کندیمزه یاپارز . اونک ایچون ، شخصیت بشریه نک ، بر طرفی اعتباریه دنیانک وقانونلرینک تاثیرندن آزاد اولایله جکی احتمالی تضمن ایتمز . بز دنیانک بر جزء متممینی تشکیل ایدمزر . دنیا بزم اوزرمزده اجرای تاثیر ایدر ، هر طرفدن ایچمزه نفوذ اینر . بویله اولماسی ده لازمدر . چونکه بو دخول و نفوذ کیفیتی اولماسه ایدی شعورمزر هر دورلو محتویاتدن عاری بولونوردی . هر بریمز ، بر مقدار خارجی قوتلرک کلوب برلشدکری بر نقطه تشکیل ایدمزر . بزم شخصیتمزی ایشه بو قارشیلانسه وتلاقیلردن حصوله کلبر . بو خارجی قوتلر بزده قارشیلانشمقندن فارغ اولسونلر ، اورته ده یالکنز بر نقطه ریاضیه ، بر شعور ایله بر شخصیتک تشکیل ایده بیله جکلری بوش بر محل قالبر . یالکنز ، بز بدرجهیه قدر اشیانک بر محصولی ایشه کده ، هم بزم اوزرمزده اجرای تاثیر ایدن بو اشیایی هم بالذات بو تأثیری علم واسطه سیله ادراکمه منقاد بولوندراییلیرز . بو صورتله کندی کندیمزمک صاحب و حاکی اولورز . اراده نک خلاصکاری تفککردر . عالم مادییه تعلق ایدن خصوصانده هر کسک بلاتردد قبول ایده جکی بو قضیه عالم معنوی ایچون ده عینی درجه ده دوغرودر . هیئت اجتماعیه ، حدسز حسابسز بر طاقم قوتلرک محصولیدر . بزم تشکیل ایتدیکمز قوت ، بونک صوک درجه ده کوچوک بر کسیریدر . بو قوتلر بیلمه دیکمز قانونلره کوره ، بیلمه دیکمز شکلر دائره سنده دورلو دورلو ترتیبلره کیرلر . بز بولری نه ایسته مش بولونورز ، نده دوشونمش . برچوغنی ، حاضر یاپلش بر حالدله ماضیدن آلیرز . اجتماعی فطرت و طبیعتک افاده می اولان اخلاق حقنده ده بالضروره بویله در . اونک ایچون ، اخلاقک بزم اثرمن اولدیغنی ، بناء علیه ، تماماً و تا بدایتدن اعتباراً اونی تحت تابعیتمزه بولوندردیغمزی ، بز ناصل ایسترسه ک اخلاقک آنجق اویله اولایله جکنی ظن ایتمک تهلاکلی بر ذهابدر . ابتدائی انسانلرده ده

بوکا بکزر بر ذهاب وارد . اونلر اراده لرینک بر فعلیله ، بر آرزولرینی افاده صورتیله ، شدتلی بر امر تأثیریه کونشک حرکتی دوردیراییله جکلیرینه ، فیرطنه بی طوتاجقارینه ، یاخود روزکارلری جوشدیراییله جکلیرینه اینانیرلر . بز عالم معنوی بی ده آنجق عالم مادی کی ضبط ایده بیلیرز : معنوی شیلرک علمی وجوده کتیرمک صورتیله .

ایشته ، اخلاقیاتک اوچنچی بر عنصرینی تعیننه موفق اولاق . اخلاقی صورتده حرکت ایتک ایچون ، انضباطه رعایت ایتک هیچ کافی دکدر ، برزمهیه مربوط اولمقده یتیشمز . بونلردن باشقه ، یا قاعدهیه حرمت ایدرک ، یاخود کندیمزی جماعتجه مشترک بر مفکورهیه ربط وحصر ایله یه رک ، خط حرکتیزک اسبابی ممکن اولدینی قدر تام بر صورتده ادراک ایتمه مزده لازمدر . چونکه فعل وعلمزه ، شعور عمومینک آرتق حقیقه و تماماً اخلاقی بر وجوددن طلب ایتدیکی مختاریت واستقلاللی بخش وتأمین ابدن شی بو ادراک وشعوردر . بناء علیه ، اخلاقک اوچنچی عنصری ، اخلاقک ادراکیدر ، ذکاسیدر دیه بیلیرز . اخلاقیلیق آرتق ساده جه ، حتی قصدی صورتده ، فلان افعال معینیه ای اجرا ایتمکدن عبارت دکدر . بوندن باشقه ده بو افعال واعمالی امر ایدن قاعده نك حر بر صورتده آرزو ایدیش یعنی حر بر صورتده قبول اولونمش اولماسی ده لازمدر . بوحر قبول ایسه منورانه برقبولدن باشقه برشی دکدر . زمانمزده کی اقوامک وجدانلرینک عرض ایتدیکی اک بویوک یکیلک احتمالک بودر . چونکه ، ذکا ، اخلاقیلیقک بر عنصری اولمشدر و کیتدکجه ده اولمقده در . بدایتده تماماً فهاک کندیسنه ، بوفعلی وجوده کتیرن حرکتیزک موضوعنه تعلقی بولونان اخلاقیلیق شعوره دوغرو کیتدکجه یوکسه لیور . جوقدن بری ، بر فعل وعمل آنجق قصدی اولورسه ، یعنی حامل ، اولجه او فهاک نهدن عبارت اولدیغی وقاعده ایله نه مناسباتی حائر بولوندیغی ذهننده تصور ایتشه ، اونده بر قیمت اجتماعیه نك موجودیتنی تسلیم ایدیورز . فقط ، ایشه شیمدی بو ایلک صورت ذهنیه دن باشقه بر ایکنجیسه ده مطلقا لزوم کوستریورز ، بو صورتله اعماق اشیایه دوغرو ده فضلّه نفوذ ایدیورز : بوده ، بالذات قاعده نك ، سبیلرینک وحکمت وجودلرینک ایضاحاتنه دائر بر صورت ذهنیه دن عبارتدر . مکتبلر مزده اخلاق تدریساتنه آبردیغمز موقع ایشه بو صورتله ایضاح اولور . چونکه اخلاقی تدریس ایتک ، موعظه صورتده نشر اخلاق ایتک دکدر ، اخلاقی قیلرله صوقق دکدر : اخلاقی ایضاح ایتمکدر . جوجوغه بودورلو هیچ بر ایضاحات ویریله مسی لزومنی ادما ایتک ، تعقیب ایتک مجبور

اولدینی قاعده لرك حکمتلرینی اوکا آ کلاتمغه چالیشماق ، کندیسینی ناتمام و آشانی درجدهه
بر اخلاقه محکوم ایتک اولور . بعضاً اتهام ایدیلدیکی کبی ، بویولده کی تدریسات اخلاق
عمومییه ضرر ایراث ایتک شویله دورسون بالعکس ، آرتق اخلاق عمومییه نك بر شرط
ضروریسی حالته کلشدر . شبهه سزکه بوتدریساتی یایمق غایت زوردر . چونکه هنوز حال
تشکله بولونان بر علم اوزرینه استناد ایتک مجبوریتندهدر . الیوم سوسیولوژی تدقیقاتنک
بولوندینی وضعیته نظرآ ، هرخصوصی وظیفه یی، تشکیلات اجتماعیه نك، اونی افاده ایدن معین
بر وصفنه ربط ایتک هر زمان قولای بر ایش دکادر . مع مافیله ، دها شیمیدین عمومی بر
طاقم ایضاحات دائره امکانه کبر مشدر . بونلر غایت فائده لی بر صورتده اعطا ایدیله بیلیرلر ،
وجودوغه ، یالکز وظیفه لرینک نلر اولدقلر . دکل بو وظیفه لرك سبیلری نه اولدقینی ده
آ کلاته بیلیرلر . مکتبلرده اخلاق تدریساتی نه یولده اولق ایجاب ایده جکندن دوغروندن
دوغرویه بحث ایتدی کمز وقت بویخته عودت ایده جکزر .

اخلاقیتهک بو اوچنچی و صوکنچی عنصری ، لاییک اخلاقی دیکرندن تفریق ایدن
وصف میزی تشکیل ایدر . چونکه ، منطقاً ، دینی بر اخلاقده اخذ موقع ایده مز .
فی الحقیقه ، اخلاق حقنده بشری بر علم بولوندقینی ، بناءً علیه ، اخلاقی وقعه لرده یالکز
عقله تابع برر طبیعی حادثه اولدقلرینی تضمن ایدر . چونکه ، علم ، آنجق طبیعتده یعنی
قابل تدقیق و مشاهده شانیته موجود اولان برشی حقنده قابلدر . الله ، دنیانک خارجنده
بولوندقیندن دولاییدرکه علمکده خارجنده وفوقندهدر . اونک ایچون ، اخلاق اللهدن
کیورسه واونی افاده ایدیورسه بوندن دولایی بزم عقلمزک دائره ادرا کندن خارج اولماسی
اقتضا ایدر . حقیقتده ، عصر لرحه مدت کندیسینی دینی سیستمه مربوط بولوندیران
صیق تساند نتیجه سنده ، اخلاق ، بیله م ناصل بر وصف دینی اکتساب و محافظه ایتشدرکه
شیمدی بیله بعض ذواتک نظرنده کندیسینی اصل علمک دائره سی خارجنده عد ایتدیرمه
سبب اولیور . اخلاق ایله بر عالم اسراره کیریلور کیدر . بوراده ، علی العاده علمی تفحصات
اصوللری آرتق قابل تطبیق دکل ظن اولونیور . اخلاقی بر طبیعی حادثه کبی تدقیق
وتتبع ایتک ایستینلر برنوع رزالت چیقارمش اولیورلر ؛ طبق مقدساته تجاوز ایله ارتکاب
کفر ایدنلرک چیقاردقلری رزالت کبی . شبهه سزکه ، اخلاقی ، کندیسنده بولونان او
سلطه دن ، او حشمتدن تجرید ایتکمزین عقلیشدیرمک قابل اولماسه ایدی بویله بر غلیان

نفرت بحق عد ایدیه بیلبردی . فقط کورولدی که بو حشمتی، ازاله حتی تنقیص بیه ایتمدن، ایضاح ایتک وبوباده تماماً علمی بر ایضاحات ویرمک قابلدیر .

ایشته اخلاقک باشلیجه عنصرلری ، هیچ دکسه ایوم مشاهده ایده بیلدیکمز عنصرلری بونلردر . بو عنصرلرک چو جوقلرده نه کی واسطه لرله وجوده کتیر یله بیه جکلرخی آراشدیرمادن اول ، بر برینی متعاقب واصل اولدیغمر نتیجه لری بر ضربه نظر ایچنده طوبلامغه وتحلیلمزدن چیقیدینی شکله ، اخلاق حقنده هیئت مجموعه سیله بر تلقی به صاحب اولمغه چالیشه لم .

اول امرده ، اخلاقک نه قدر مختلف و کثیر صفحات عرض ایتدیکی کوزه چارمشدیر . بو ، بر وظیفه اخلاقیدر . چونکه ، قاعده نک وانضباطک لزومی حقنده اصرار ایتمکن خالی قالمادق . فقط ، عینی زمانده بر خیر اخلاقیدر . چونکه انسانک فعالیتنه اولیه برغایه تعیین ایدیور که ایندر . آرزوی او یاندیرمق ، اراده یی جذب ایتک ایچون لازم کان شیرلرک کافه سنی بوغایه محتوی بولونیور . منتظم بر حیات ذوق ، اولچو ذوق ، حدود احتیاجی ، نفسه حاکمیت ، بوراده ، دندیسنی ویرمک احتیاجی ایل ، فداکارلق و مربوطیت روحیله ، حاصلی ، قدرت اخلاقیه نک فعال و انبساط پرور قوتلریله ائتلاف ایتشدیر . فقط هرشیدن اول ، بو بر عقلی اخلاقدر . چونکه بوتون عنصرلرخی یالکز قابل ادراک ، لاییک ، عقلی تعییرات ایل افاده ایتمکه قالمادق ، حد ذاتنده اخلاقک تدریجاً ده افضله صورته آکلاشلماسی کیفیتیه ده اخلاقیلرک نوعی کندیسنه خاص بر عنصری عد ایتدک . عقلک ، اخلاقی وقعه لره قابل تطبیق اولدیغنی کوستردکن باشقه ، عقلک اخلاقه بو تطبیق کیندکجه فضیلتک بر شرطی حالنه کچدیکینی ده مشاهده ایتدک وسبیلرخی سوبله دک .

اخلاقی وقعه لرک تعقیبنده تطبیق ایتدیکمز اصوله بعضاً اعتراض ایدیلرک ، عمومی جهته طاجر بولوندینی ، انسانی مکتسب وقعه لره حرمت حسی ایچنده محبوس بر اقدینی ، مفکوره به دوغرو کوزینک اوکنده هیچ بر منظره آجادیغنی ادعا اولونمشدیر . شائیت اخلاقیه یی قبل التدیق ، بروجه پیشین a priori تعیین ایده جک یرده تجربه ده مشهود اولدینی حال آتنده تدیق و مشاهده به تابع طومانی کندیمزجه بر قاعده اتخاذایمش بولونماز بو اعتراضه میدان ویریور . فقط بو اعتراضک نه قدر تملسز اولدینی آرتق آکلاشیلا بیلیر . بالعکس ، اخلاق بزه اساس اعتباریله مفکوره جی کی منظور اولشدیر . فی الحقیقه ، بر مفکوره نه در؟ فردک فوقنده طیران .

ایده رنك اونك بر فعل و حرکتی شدنله طلب ایدن بر هیئت مجموعه افکار دكلی ؟ حالبوکه اخلاقی خط حرکت ایچون بر غایه عد ایتدیگمز هیئت اجتماعیه فردی منفعتلر سویه سنك نامتناهی صورته فوقنده در . دیگر طرفدن هیئت اجتماعیه ده بالخاصه سومه مز لازم کلن شی، هرشیدن اول مربوط بولونماز انجاب ایدن کیفیت، اونك بدنی دکل، روحیدر. بر هیئت اجتماعیه نك روحی دلیان شی، منفرد فردك هیچ بر زمان کندی باشنه تصور ایدمه یه جکی، ذهنیتنك فوقنده قاله جنی شی دکلیدر ؟ بو، آنجق تشارك ایتمش متعدد فردلرک اشتراك مساعیله وجود بولور و آنجق اونکله یاشار. فقط، دیگر طرفدن بو اخلاق اساس اعتباریه مفکورمچی اونقله برابر، کندیسنه خاص حقیقتجیلککة Réalisme . مالکدر . چونکه بزه تکلیف ایتدیکی مفکوره، زمان و فضا خارچنده دکدر ؛ حقیقی وارلقه مربوطدر، اونك بر جزئیدر . جمعیت دلیان او کوردیگمز، عادتاً، تعییر جائز ایسه، المزله طوئدیغمز و حیاته بزه مربوط بولوندیغمز مادی و ذی حیات جسمه حیات بخش اولور . اونك ایچون، بویه بر مفکوره جیلکک طاطلانه تصوراته، عقیم خیالات صرفیه تردی ایتک تهلکسنی عرض ایتمز . چونکه بزی، تفکرک آرزوق طاطلانه سیر و تماشا ایتدیکی بسط باطنی شیلره ربط ایتمز؛ بزدن خارچده بولونان، بزم کبی حظ و الم دویان، کندیلرینه بزناسل محتاج ایسهک اونلرده بزه اویره محتاج اولان و بنا علیه فعل و حرکتمز پک طبیعی صورته دعوت ایدن شیلره ربط ایلر . بو نظری تلقینک پداغوژی اعتباریه نتیجه لری نه اولاجنی شیمیدین پک قولایقله تخمین ایدله ییلیر. فی الحقیقه، بو نقطه نظرندن، چوجوغنی اخلاقاً تربیه ایتک چاره سی کندیسنه، حتی حرارت و قناعت ایله، غایت عمومی، بوتون زمانلر و بوتون مملکتلر ایچون مرعی بر طاقم دستورلری تکرار ایتکدن عبارت دکدر . اوکا کندی مملکتی و کندی زمانی آکلاتمق و احتیاجلرنی حس ایتدیرمک، کندی مملکتنک و زماننک حیاته اونی آلیش دیرمق و بو صورته کندیسنی حیاته بکلین جماعتجه مشترک ایشلرده حصه سنه دوشنی آملغه حاضر لامقدر .

برده، اخلاق، مفکورمچی اولمق دولایسیله، انسانه فکر منفعتدن اوزاقلاشما یی امر ایتدیکی ده بدیهیدر . فی الحقیقه، ایستر قاعدهیه حرمت ایستر زمره لره مربوطیت موضوع بحث اولسون، فعل اخلاقی، آرزونک فوریلکنه تقابل ایتسه بیله، آرزوق الح، هر حالده فکر منفعتدن اوزاق بر جهد و غیرتسز وقوعه کله مز . فقط، غریب بر دونوب دولاشمه نتیجه سنده، فرد، فکر منفعتدن بو تباعد کیفیتنده کارلی چیقار .

اخلاقچیلرک عصرلردن بری بر برینه ضد اولق اوزره اراؤه ابتدکلری ایکی تعمیر ، شأیت ایچنده قولایجه ائتلاف ایدرلر . چونکه انسان وظیفه طریقی تعقیب ایتمک صورتیه درکه اولچو ذوقنی ، آرزولره اعتدال ویرمک قابلیتی اکتساب ایدر . سعادتک و صحتک شرط ضروریسی بودر . کذلک ، زمرهیه مربوطیت پیدا ایتمکله درکه زمرهک محرق تشکیل ایتدیکی یوکسک حیاتدن نصیبه دار اولور . خارجه قالمی ، کندی کندینک اوزرینه قابانمای ، هرشیئی نفسنه ارجاع ایتمه بر کره تجربه ایتمسون . بوکا قیام ایده جک فرد آنجق پک چوروک و تمسلسز ، خلاف طبیعت بر حیات سوره بیلیر . ایشته ، وظیفه ایله فدا کارلق بزه بر نوع معجزه کبی کوره نمکدن خالی قایلرلر . انسان بونکله ، کیم بیلیر ناصل ، کندی نفسی اوزرنده بر تضییق اجرا ایدیور دکلر . بالعکس ، قاعدهیه عرض تابعیت ایتمک وزمرهیه مربوط وفدا کار اولق صورتیه درکه حقیقه بر آدم حالنه کله بیلیر . اخلاقلیلق غایت یوکسک درجهده بشری بر شیدر ، چونکه انسانی کندی کندیسنک فوقه چیممه تحریک ایتمکله ایچنده کی انسانلق طبیعت وفطرتی ساحه فعله ایصال ایتمکله اونی تحریک ایتمش اولمقدن باشقه بر شی پاماز .

حیات اخلاقیه نک مرکبکی نه قدر عظیم اولدیغنی کورییورسکزر . چونکه تضادلری بیله احتوا ایدیور . پاسقال شو فقرهده انسانه ، ایچنده بولونان بوتون تضادلری حس ایتدیرمکه چالیشیوردی : « اکر کندی مدحه باشلارسه اونی تذلیل ایده رم . تذلل ایدرسه ، مدح واعلا ایلرم و دائماً ، سویلدکلرینک عکسنی سویلرم . نهایت ، عقل ایرمن برغلط الطبیعه اولدیغنی آکلار ، بر معناجه ، اخلاقده عینی شیئی یاپار . بزه چیزدیکی مفکوره تابعیت ایله عظمتک ، انقیاد ایله مختاریتک غریب بر خمیطه سیدر . کندیسنه قارشى عصیان ایتمک قیام ایتدیکمز وقت بزه قاعدهیه رعایت مجبوریتنی شدتله اخطار ایدر . بوکا توفیق حرکت ایتدیکمز زمان ، بزى بو تابعیتدن آزاد ایدر وعقله ، بزى اجبار ایدن قاعدهیه منقاد اولماسی خصوصنده مساعده کوسترر . کندیمزى ویرمه یی، نفسمزدن باشقه بر شیده منقاد اولمای بزه امر ایلر . و بزه جبراً قبول ایتدیردیکی بو تابعیت وانقیاد دولایسیله بزى کندی کندیمزک فوقه چیقاریر . ایشته کورییورسکزرک ، اخلاقی تماماً ، عنصرلرندن یالکزر برندن عبارت کبی اراؤه ایتمک ایستین اخلاقچیلرک دستورلری نه قدر داردر . حالبوکه ، اخلاقده موجود شأیتلرک اک زنکیلرندن والک کرکترلرندن برنی تشکیل ایدر . بر مقدمه تشکیل ایدن بو تحلیلده بو قدر اصرار ایدیشم ایشته سزه

بوزنکینلکی و کرفتلیک حس ایتدیرمک ایچوندی . چونکه ، مربی به ترتب ایدن ایشه کمال خواهشه صاریلا بیلیمک ایچون بولا علاقه دار اولمق و بونی سومک لازمدر . سومک ایچونده جانلی اولاراق احتوا ایتدیکی شیلرک کافه سنی حس ایتمک احتیاج واردر . مربی نك یا پهجنی ایش، هفته ایچنده ، آز جوق یقین فاصله لرله موقوت صورتده تکرر ایدن و پروغرامده تعیین اولونان برقاچ درسدن عبارت عد اولونورسه ، موقوتیتی دولایسیله چوجوقلرده درین ودواملی ایزلر براقغه پک آز صالح کی کوزونن بو وظیفه به قارشى آتشی بر خواهش دویمق قابل اولاماز . حالبوکه چوجوقلرده اوپله بایز قالمازسه بر تهذیب اخلاقی تأمین ایدیله مز . مع مافیه ، اخلاق درسنگ تربیه اخلاقیده بر موق مخصوصی وارسه ده تربیه اخلاقیه نك آنجق بر عنصرندن عبارت اولدیغی ده اونوتمالیدر . تربیه اخلاقیه ، صنفک درس جدولده بویله قطعیته تثبیت ایدیله مز . تربیه اخلاقیه فلان یا خود فلان ساعتده وریلز ، هر آن وریلیر . بالذات اخلاق ناصل جماعتجه مشترک حیاتک بوتون نسجه قاریشیورسه تربیه اخلاقیده بوتون مکتب حیاته قاریشالیدر . بونک ایچوندرکه تلمده نك اولاراق قالمقه برابر ، بالذات حیسات کی اوده متعدد ومتنوعدر . تربیه اخلاقیه بی تماماً احتوا و افاده ایدیه بیله جک هیچ بر دستور یوقدر . یایدیغمز تحلیلله قارشى درمیان ایدیه بیله جک اساسلی بر تنقید وارسه اوده ، اغلب احتمال کوره ، غیرکافی بولونماسنی سویله مکدن عبارت اولایلیر . هیچ شبهه سزکه ده درین برتحلیل شیمدی بزم کورمه دیکمز باشقه برطاقم عنصرلری ومنظرلری ایلریده میدانه جیقارایلیر . بناء علیه ، واصل اولدیغمز نتیجه لری قابلی ومحدود برسیستم تشکیل ایدیورلر کی تحیل ایتمه یورز . بالعکس ، بونلر ، شأنیت اخلاقیه حقنده موقت وتقربى برلوحه عرض ایدرلر . فقط بوتقرب عملیه سی نه قدر ناتمام اولورسه اولسون ، اخلاقلیغک اساسلی اولدقلرنده شبهه جائز اولمایان بعض عنصرلرخی استخراج ایدیه بیلیمک امکاتنی بزه تأمین ایتمشدر . بوصورتله ، مربینک تعقیب ایدیه جکی خط حرکت معین غایله اراده ایدیه بیلیمشدر . غایله بر بصورتله اورته به قوندقدن صوکره آرتق بونلره نه کی وسائط ایله ایریشمک قابل اولاجغنی آرامق صیراسی کلشدر .

ایمانجی قسم

امہو قلیفک عنصر لرنی ہومہ قدمہ ناصل تشکیل اجمعی

۱ - انضباط فکری

دوقوزنجی درس

انضباط وچو جوغک پسیقولوژیسی

اخلاقلیغک مختلف عنصرلرینی تعیین ایتدکن صوکره ، بونلری چو جوغده نه صورتله تشکیل ایتک یاخود انکشاف ایتدیرمک قابل اولاجقنی تحری ایده جکر . اولاً ، تفریق ایتدیکمز عنصرلرک برنجیسندن یعنی انضباط فکرندن باشلايه جغز .

تعقیب ایده جکمز اصولی ، مسئله نک ماهیتی تعیین وتولید ایدر . موصلت ایدیه جک غایه یی ، یعنی چو جوغی هانکی حده کوتورمک لازم کلدیکنی بیلورز . فقط اونو اوریاه کوتورمه نک مناسب اولان طرزی ، اونو کچیرمک ایجاب ایدن یول ، بالضروره نقطه غزیمتده موجود اولان شیئه باغلیدر . فی الحقیقه ، تربیه نک تأثیری بوم بوش بر لوجه اوزرنده کندیسنی حس ایتدیرمز . چو جوغک کندیسنه مخصوص برطبیعی واردر . بو طبیعت بر شکل ویرمک موضوع بحث اولدینی ایچون ، واقفانه حرکت ایتش اولق اوزره هرشیدن اول چو جوغک طبیعتی آکلامغه جالیشمق اقتضا ایدر . بناءً علیه ، اک ابتدا ، کندیسنده تولید ایتک ایسته دیکمز حالت روحیه چو جوغک نه نسبتده ونه صورتله مستعد اولدیغنی دوشونملی ز . فطری قابلیتلری آراسنده ، مطلوب نتیجه یی استحصال ایچون استناد ایده بیله جکلر مز هانکیلریدر؟ اونک ایچون ، چو جوغک پسیقونوژیسندن استحصال معلومات ایتک صیراسی کلمشدر . بونفطه ده ایجاب ایدن معلوماتی بزه آجق او ویره بیلر .

ایلك درس مزده ، تربیه نک چو جوغده او یاندیرماسی ایجاب ایدن فکری حالتلرک اوندۀ آنجق غایت عمومی امکانلر حالنده ، صوکره دن آلاچقنری بعض شکللردن غایت اوزاق برطرزده موجود اولدقنری سوبله مشدک . انضباط فکری مسئله سنده بو قضیه نک حکمی بالخاصه تحق ایده جکدر . فی الحقیقه ، دنیه بیلرکه ، انضباط فکرنک ترکب ایتدیگی عنصرلردن هیچ بری چو جوغک ذهنده حاضر جه ، تشکل ایتش بر حالده موجود دکدر .

بو عنصر لر ایکی دانه در .

اولاً منتظم حیات ذوقی واردر . عینی احوال و شرائطده وظیفه دائماً عینی شیدن عبارت بولوندیغی ، حیاتک اساسلی احوال و شرائطده جنسیتمز ، احکام شخصی مز ، مسلکمز ، شرائط اجتماعیه مز کی اسباب طرفدن بر دفعه یه مخصوص اولمق اوزره قطعی صورتده کسدریلوب آتیش اولدقلری ایچون ، منتظم بر اعتیاد تشکیل ایدن شیرلک کافه سنه قارشى تحملسزلک اثری کوستریلیرسه وظیفه مز یه سوه سوه یایمق قابل اولماز . بوتون اخلاق خصوصاتی بوانتظام اوزرینه استناد ایدر . چونکه ، عائله یه ، وطنه ، مسلک متعلق هر هانکی بر وظیفه اجتماعیه ایله مکلف اولان فردلرک هر بری امر ایدیلن وقتده امر ایدیلن طرزده بونی اجرا ایتیه چک اولور لر سه جماعتجه مشترک حیات آهنگدار بر صورتده ایفای وظیفه ایده مز . حالبوکه ، چوجوق فعالیتنی تمیز ایدن وصف ، تظاهراتنده کی مطلق عدم انتظامدر . چوجوق بر انطباعدن دیکرینه ، بر مشغله دن دیکر بر مشغله یه ، بر حسدن دیکر بر حسه غایت شایان حیرت بر سر عتله کچر . حالنده ثابت هیچ برشی یوقدر . حدث ، عینی آنیلک ایله وجود بولور و سکونت کسب ایدر . قهقهه نك آرقه سندن روز یاشلری کلیر ؛ محبت نفرتی تعقیب ایدر ، یاخود بونک عکسی اولور . هیچ بر یسی ایچونده او بڑ قتیف بر سبب یوقدر . اولسه اولسه الک خفیف بر حال بوکا سببیت ویرمش اولاییلیر . چوجوغی مشغول ایدن اویون ، کندیسنی اوزون مدت ضبط ایده مز . بوندن چایق بیقار ، باشقه بر اویونه کچر . چوجوغک ابوینا و معلملرینه ایراد ایتدیکی او یورولمق بیلمز متجسسانه سؤالارده عینی قابلیت تحول نمایان اولمقده در . بعضاً ، بونی علم سوق طبعیسنک ایلک شکلی عد ایدنلر اولمشدر . فقط ، بوتشیه بلا قید احتیاطی قبول ایدیله مز . شهه سرکه ، چوجوق بر سؤال ایراد ایتدیکی وقت ، کوردیکی شیرلی ، دویدیغی انطباعلری ، مفکره سنی ترکیب ایدن حال تشکله کی او کوچوک افکار سیستمی ایچنده تصنیف ایتک احتیاجنی حس ایدیورددر . بو ترتیب و تنظیم احتیاجی ده علمی و قوفک تملنده موجوددر . فقط ، چوجوقده بو احتیاج نه قدر هر جائی و جوالدر ! بو کوچوک مدق و مشاهدک نظر دقتی جلب ایدن هر هانکی برشی اونی آنجق بر آن ایچون توقیف ایده بیلیر . او شی حقنده بر مفهوم ایدیننجه یه یاخود کندیسنی تطمین ایله یه چک بر مفهوم کوستریلنجه یه قدر اوستنده دورماز . کندیسنه جواب ویریلیر ویریلز ، ذهنی باشقه طرفه کچمشدر . سوللی Sully دییورکه : « جهالت حسی چوجوقده هنوز تماماً انکشاف ایتمه مشدر . طانیق آرزوسی

دوامی دکلدر، هرخصوصی شی اوزرنده کافی درجده معین برعلاقه ایله تثبیت اولونماشدر. اوصورتده که ابوین، چوق کره، کوچوک سؤالچینک ذهنی، کندیسنه دهاجواب ویریلدن اول، موضوعدن اوزاقلاشمش و مخیله سی باشقه طرفلرده دولاشمغه باشلامش اولدینی کورورلر (The Teacher Handbook of Psychol. ۱۸۸۶، صحیفه ۴۰۶). چوق تجسسند حاکم اولان شی دیمک که عدم ثباتیدر، قابلیت زوالیدر.

ذاتاً، بونقطهده سائر برچوق خصوصاتده اولدینی کی، جوجوق ابتدائی حالده کی بشریتک اوصاف کاشفه سندن برنی تکراردن باشقه برشی یایماز. فی الحقیقه مدنیتک اک ابتدائی شکللرینی هنوز آتلاماش اولان قوملرده افکار وحسیاتده کی بوینی سرعت تحول ایله، فردلرک خط حرکتده کی عینی فکر تعقیب فقدانی ایله نظر دقتی جلب ایدرلر. اک اهمیتسز برحادثه کاهلک شعورنده اک حیرت بخش انقلاباتی اجراییه کافی کلیر. موفقیتلی بر وضع وطور، بر یوز بوروشدیرمی، بر سوز، اک مدهش برحادثی خیرخواهانه حسیاته تحویل ایده بیلیر. یاخود، بونک تام عکسی اولارق، اک صیجاق دوستلق تظاهراته اولوم تهدیداتی قائم اولور. بوپسقولوژی خصوصیتی سیاحلر وکاشفلر پک کوزل بیلیرلر. چوق کره، کندی مقصدلرینی تأمین ایچون بوندن استفاده ایتشلردر. ذاتاً، انتظام، دوامی ومنسجم فعالیت ذوقنک آنجیق ایجه مرقی بر مدنیت محصولی اولاییله جکفی تقدیر ایتک قولاید. بدایتده کی او غایت بسیط هیئت اجتماعیه لرده مشترکاً باییلان حرکتلر چوق دکلدر. بناءً علیه قاعده وانتظام البته آلمش حرکتلرده چوق یوقدر. فی الحقیقه، جماعتجه مشترک حیات، او دورلرده بو کونکی تمادی و اتصالی حائر بولونما یوردی. قبیله لر نه زمانلر مشترکاً مراسم دینی ایفا ایتک یاخود عمومی بر مسئله حقنده مذاکرده بولونق یاخود بر آو ویا عسکری سفر ترتیب ایله مک ایچون برله شیرلرسه جماعتجه مشترک حیاتده او زمان کندیسنی کوستیریدی. فقط بو منقطع احوال خارچنده، فردکندی باشنه ترک ایدیلشدی. کیف و هوسنک بوتون تلقیناتی تعقیب ایده بیلیدی. معین زمانلرده معین صورتده ایفا ایتک مجبور اولدینی، وظیفه لرله مکلف دکلدی. هیئت اجتماعیه، اونک کندی زمانی نه صورتله استعمال ایده جکنه علاقه دار اولماز، بناءً علیه کندیسنی دائماً آز چوق الیم بر جهد وغیرتی تضمن ایدن بر انتظامه اجبار ایتزدی. حالبوکه بزمکی کی بویوک هیئت اجتماعیه لرده بویله دکلدر. بزم هیئت اجتماعیه لرده ایشلر پک چوق تقسیم ایدیش اولدقلری

ایچون ، فردلرک ، کندیلرینی حصر ایتدکاری مختلف مشغولیتلر متقابلاً یکدیگری اوزرنده حائر تاثیردرلر . بونلر بربرلرینی تضمن وایجاب ایدن وبربری اوزرنده تاثیر کوسترین رطاقم وظائفدرلر . بوندن دولایی ، فردلرک کیف وهوسنه ترك ایدیلرلری غیر قابلدر . بالعکس ، فردلر ، تشریک مساعی ایده بیللمک ایچون بونلر بر قاعده آلتنه آلتیق لازم کلیر . حیاتمرک او معین انتظامی بوندن نشئت ایدر ؛ نظام اجتماعینک بر مأموری ایشز کی حرکت ایتمه دیکمز دقیقه اولمادیفندن نشئت ایدر . چونکه اقتصادی مسلكلر بیلر ، رسمی وظائف قدر قاعده ونظام آلتنه آلتنامش اولقله برابر ، جماعتجه مشترکدرلر . هرکون دائماً عینی حرکتی اجرا ایدن کوچوک مأمورلرله چوق کره اسهزا ایدیلشدر . فقط اولرک حیاتی ، بزم همیزک بدرجهیه قدر اصرار ایتدیکمز طرز حیاتنک بر قاریقا توردن ، افراطه واردیرلش بر شکلندن باشقه بر شی دکلدر . ایفا ایتدیکمز وظیفه لرک پروغرامی ، قسم اعظمی اعتباریلر ، اولدن تعین ایتمشدر وکیتدکجه بو تعین دهافضله لاشه جقدر . بو انتظامک بر محصول مدنیت اولماسی کیفیتی ، نه دن دولایی چوجوقده بولونمادیفی زحمتمزحه ایضاحه کافیدر .

ایکینچی بر نقطه نظره کوره ، انضباط فکری ، آرزولرک اعتدالندن ونفسه حاکمیتدن عبارتدر دیشدک . علی العاده تجربه ، بونک یاش بر درجهیه قدر ایلرله مه دن تماماً مفقود اولدیغی کوسترمه کافی کلیر . چوجوق ، کندی احتیاجاتنه طبیعی حدودلر بولوندیغی حقنده ذره قدر بر حسه مالک دکلدر . بر شیشی سودیکی وقت بییقینلق کلنجهیه قدر اوندن ایستر . کندیلکسندن ده دورماز ، دوردیر یلاسنی ده قولای قولای ایسته مز . حتی ، کاهلرک قوانین طبیعت ضرورتی حقنده مالک اولدقلری مفهومده چوجوقلری توقیفه کافی کلز . چونکه موجودیتلرینک حسنه مالک دکلدرلر . چوجوق ممکن ایله محالی بربردن آیرمای بیلمز . بناء علیه ، آرزولرینه قارشى شأیتنک ناقابل اقتحام مانعلر عرض ایتدیکنک فرقه وارماز . اوکا ، هرشی کندیسنه رام اولق لازم کلیر کی کورونور . انسانلرک مقاومتنه قیزوب صبر سزلاندینی قدر اشیانک مقاومتنه ده تحمل ایده مز . چوجوق مزاجنک بو وصفی غایت بارز بر بدهات ایله اظهار ایدن برهیجان واردر . اوده حدتدر . معلوم اولدیغی اوزره ، حدت چوجوقلرده غایت کثیرالوقوعدر . چوق کره چوجوقلرده اک صوک شکللرینی آلیر . داروین دیورکه : « کوچوک چوجوقلر حدتلندکاری وقت ، صبرت اوستی ، یوز اوستی یه یووارلانیلر ، باغیرلر ، تکمه آتارلر ، طبرمالارلر ،

الترینک یتیشه بیلدکاری شیرک کافه سینه اورورلر . صانکه کسب سکون ایچون کافی حرکت یاپه مایورلر دیله بیلیر . ایشته ، انضباطک تضمن ایتدیکی نفسه حاکمیت کیفیتنه بونک قدر واضح صورتده ضد اولان هیچ بر حالت فکریه یوقدر . چونکه بو شدتلی حدت حالتی ، شخصیتک موقت برزوالندن عبارتدر . قیزمش اولان بر آدم حقنده کندلی کندیسنی حس ایتمه دیکی ، کندندن کجیدیکی ، کندیسنی بیلمه دیکی سویله نیر . حقیقه بونک قدر ، کندیسندن باشقه هیچ بر حسه بر حق حیات طانیایان بر حالت یوقدر . حدت فوران ایدنجه ، هله شدتلی ایسه ، سائر بوتون حسلری طرد ایدر . کندیسنی منع وضبط ایده بیله جک فرقلی انطباعلرک کافه سنی قووار ، بوتون شعوری اشغال ایلر . بناء علیه تاثیرینی تخفیف ایده جک هیچ بر شی یوقدر . ایشته حدود سزلفه تمایلی بو صورتله قابل ایضا حدر . ایلری به دوغرو حرکتده دوام ایده بیله جک شدت وقوته مالک اولدینی مدنجه متصل ایلرلیر . چوجوقده حدک صیق صیق وقوعی وچوق کره اکتساب ایتدیکی شدت ، چوجوغک طبیعی اعتدالسزلکنی هر دورلو مطالعه دن زیاده اثبات ایدر دیمکدر . ذاتاً ، بو نقطه دهده چوجوق ابتدائی انسانلرک پک معروف اولان بر وصفی ارانه دن باشقه برشی یاماز . فی الحقیقه ، معلوم اولدینی اوزره ، وحشیلرده احتراصاتی ضبط ایتمک امکان یوقدر . اونلر کندلی کندیلرینی ضبط و منع ایده مزلر . هر دورلو افراطلره قارشى طبیعی بر تمایللری واردر .

چوجوغک یوله چیقدینی نقطه ایله کندیسنی ایصال ایتمک لازم کلن نقطه آراسنده نه قدر مسافه اولدینی کورولور ؛ بر طرفدن ، دائمی صورتده حال حرکتده بر شعورکه حقیقی بر قالدیدوسقوب کیدر ، بر آنی بر آنه هیچ اویماز ؛ بر طاقم احتراصات حرکتلری که ، نوکته نجه به قدر دوس دوغرو ایلری استقامتمده کیدرلر . دیگر طرفدن ، منتظم واولچولو بر فعالیت ذوقی . بشریتک ، قطع ایتمک ایچون عصرلرجه زمان صرف ایتدیکی بو عظیم مسافه نی تربیه چوجوغه بر قاج سنه ایچنده قطع ایتدیرمکه مجبوردر . بناء علیه ، موضوع بحث اولان شی او یانمغه وانکشاف ایتمک مهیا بر طاقم شخصی تمایللری حرکت کتیرمک ، تحریک وتنبیه ایتمک دکدر . چوجوغک طبیعت مشکله سنده اولدن تشکل ایتمش بر حالده حاضر بولمادیغمز بر طاقم یکی حائلری هیچ یوقدن ترکیب وتشکیل ایتمک مجبوریتنده یز . مع مافیه ، طبیعت ، چوجوغی ایجاب ایدن استقامته اولدن میل ایتدیروبده بزه طبیعی انکشافنه نظارت ایله مکدن وبوکا بر استقامت تعیین ایتمکدن باشقه بر ایش بر اقایور دکل

ایسهده ، هر شئی یکی باشدن یایمق وظیفه سنی تحمیل ایدیورسهده ، دیگر طرفدن ، بدهیدرکه طبیعت بزم یاپه جغمز ایشه مخالف اولسه ایدی ، کندیسنه تعین ایدیلک ایجاب ایدن استقامته صورت مطلقهده قابلیتسز بولونسه ایدی تشبمزهده موفق اولامازدق . چوجوغک طبیعتی ، اخذ ایتمهک هیچ بر وجهه مستعد اولمادینی شکلری کندیسنه ویرمک امکانی بولونه بیله جک درجهده یوموشاق دکدر . بناء علیه ، چوجوقده تولید ایدیلک ایسته نیلن حالتلرک کندیلری دکله بیله مقصده وصول ایچون بزه یاردیمی اولاییله جک عمومی بر طاقم استعدادلر موجود اولماسی لازمدر . بو استعدادلر بر نوع مانیوله کییدرلر . او سایهده تربیه تأثیری چوجوغک شعورنده اعماقنه قدر ایصال ایدیله بیایر . بویه اولمازسه ، چوجوق بزم تأثیریمزه قابلی بر حالده قالیر . چوجوغی فلان وفلان افمال وحرکاتی اجرایه خارجدن زور لایه بیلیرز . فقط حیات باطنیه سنک زبرکلی تأثیرمزک دائره سندن خارج قالیر . بر ما کنه کی تربیه یاپیلیر ، فقط بو ، حقیقی تربیه اولماز [۰] .

فی الحقیقه ، چوجوق فطرتنده لااقل ایکی اساسلی استعداد ، بنیوی ایکی وصف واردرکه اونلری بزم تأثیر و نفوذمزه کشاده بولوندرلر : اولاً چوجوق عنعنه جیلکی ؛ ثانیاً ، تلقینه و بالخاصه آمرانه تلقینه مساعد اولمق قابلیت .

غریب کورونه بیله جک ، فقط هر حالده محقق و بر آزدن طرفزدن ایضاح ایدیله جک بر تضاد اثری اولارق ، بزه صوک درجه متحول کی منظور اولان چوجوق ، عینی زمانده کوره نکه غایت باغلی بر مخلوقدر . بر دفعه بعض طادتر پیدا ایتدیمی ، بو عادتلر اونک اوزرنده بویوک بر آدنده کندن زیاده حائز نفوذ اولورلر . چوجوق عینی حرکتی بر قاج دفعه تکرار ایدنجه ، اونی عینی طرزده تکرار یایمق احتیاجنی دویار . بونی اجراده اک افواجق بر تنوعدن نفرت ایدر . مثلاً ، چوجوغک یمک صیرالری بر کره تأسس ایدنجه ، اونک ایچون نه قدر مقدس و غیر قابل تجاوز بر حال آلدینی معلومدر . حتی اصوله رعایتی ، اک افواجق نقطه لره بیله رعایتکارلق ابتلاسی درجه سنه واردیرر . فیلجاننک ، چاتال و ییچاننک عینی موقعده اولماسنی ایستر ؛ کندیسنه عینی آدمک یمک ویرمه سنی ایستر .

[*] آرنک اصلنده « بر dressage بایلیش اولور ، فقط تربیه و بیلش اولماز » دنیلیور . حیوانلری تربیهده قولالایلان dressage تعبیری ایچون لسانمزه بر مقابل بولامادیغمدن چله بی بوضوئله ترجمه چیور اولدم . حیوانلری تربیه ایله انسانلری تربیه تمیزلری آراسنده بفرق کوزمک ایجاب ایدیور . فقط شیمدیک حالده لسانمزه بوفرق وجود بولامهدر . - مترجم .

اوفاجق بردكيشكلك اوکا آجی کلیر . بر آز اول ، چوجوغلک اویوندن اویونه نه قدر قولایلقله کچدیکنی کورمشدک . فقط دیگر طرفدن ، بردفهمعین براویونی عادت ایدی نیرسه ، اونو نامتناهی صورتده تکرار ایدر . عینی کتابی متصل اوقور ، عینی رسملره باقار ، نه یورولور ، نه بیقار . قاچ دفعه لر ، چوجوقلرمزه عینی عنعنوی حکایه لری آکلاشمزدر . صانکه بو حکایه لر اونلر ایخون دا ئما یکیدر لر دن یله بیلیر ؛ حتی ، یکی بر حکایه ، اعتیادات یومیه ده بر بارجه اهمیتلی بر تمدیلاتی تضمن ایدر سه ، چوجوقلره حقیقی بر حسن نفرت تلقین ایدر . سوللی دیورکه : « چوجوغی الکچوق شاشیر تان شی ، نا کھانی بر تبدل موقعدر . چوجوق ، پک کوچوک ایکن ، یکی بر اوطیه کوتور ولور سه هیچ بر اثر اندیشه کو سترمن . فقط ، صوکره ، بر اوطیه بر کره آلیشیر سه ، دیگر اوطیه نقل اولوندینی زمان غریب بر شی کورمش اولوق انطباعنی دویار . (Etudes sur l'enfance ، فرانسزجه ترجمه سی ، ۱۸۹۸ ، محفیه ۲۷۴) . چوجوغلک هر زمان اطرافنده بولونان کیمسه لر آراسنده بر تحول ده عینی تأثیری حصوله کتیریر . پرایرک اداسنه کوره ، کندنی اوغلی ، آلتنجی یاخود یدنجی آیه دوغرو ، بابانجی بر چهره کورونجه آغلامغه باشلامشدر . اوابده اوراق بر تبدل عینی جسدن بر ناخشنودی به سببیت ویرم بیلیر . پرایرک عینی چوجوغی ، اون یدنجی آیه والدہ سنی سیاه اواب ایله کورونجه پک متأثر اولمشدی . حصوله کلن تأثیرده رنکک هیچ دخلی یوقدر . چونکه ، سوللی نک ویردیکی معلوماته کوره « بر چوجوق ، والدہ سنی ، کندنیسی ایچون تماماً یکی بر رنک و او رنکده اواب ایله کورونجه آغلامغه باشلایور ؛ باشقه بر چوجوق ، اون یدی آیلقدن ایکی بوجوق یاشنه قدر ، یکی اواب کیمکده اوقدر بارز بر نفرت اثری کو ستریورکه بولری کیدیر مکده صوکره ده زحمت چکیلبوردی ، ایشته ، چوجوق غیر ثابت بر مخلوق اولمقله برابر ، یکیلکدن جدا متنفیر بر وجوددر . چوجوغلک بودرجه رعایتکار اولدینی شیلر یالکیز کندیسنک فردی اعتیادلرندن عبارت دکدر لر . اطرافنده کی کیمسه لرده کوردیکی عادتله ده حرمتکاردر . اطرافنده ، معین بر حال و موقعده هیکسک دا ئما عینی صورتده حرکت ایتدکلرینه دقت ایدنجه ، آرتق باشقه دورلو حرکت غیر قابل اولدینغی قبول ایلر . اصول وعادته هر دورلو مخالفت چوجوق ایچون ناقابل تحمل بر حرکتدر . اونده بر حیرت تولید ایدر . بو حیرتک ایچنه قولایجه عصیان و نفرت حسلری ده قاریشیر . شبهه سز ، کاهلر ده ده بویله عادت برستلک وارددر . فقط چوجوقده بویوک آدمه نسبتله بویوک ایلری به وارمشددر . حتی ، الک معناسز اوضاع و اطوار بیلله چوجوقلرک اوکنده دا ئما عینی طرزده تکرار اولونمش ایسه نظر لر نده هیچ انحراف ایدیللمک

لازم کان اولایتیغیر نظام اشیانک عناصر متممہ سی حالہ کچرلر . چوجوقلرک مراسم شکبرستلکندن خوشلانمہلری بوندن ایلری کلیر . ابونیری اولنری بر طرز مخصوص ایله اوپرلر . اولنردہ ، چوجوقلری اولان بیکلرینی عینی طرزده اوپرلر . بو عنعنہ جیلک یوقاریکی عنعنہ جیلکدن دها واسعدر . چونکہ دها عمومیدر . چوجوق بونی یالکز کندیسنه ، خط حرکتہ دکل ، بوتون کندی کوچوک دنیا سنہ تطبیق ایدر . بونی عادتاً ، نظرندہ بشرتی تشکیل ایدن شیرک کافہسی ایچون معتبر برنوع قانون کی تلقی ایتمک باشلار .

یکیک دشمنلی ایله ہرجائیلک بویله بر آرادہ بولونماسی تاماً غریب اولسده مرحالہ ، چوجوغہ منحصر برشی دکلدر . ابتدائی انسانلر دہہ بوکا عینی وجہلہ تصادف ایدیلیر . وحشیلرک نہ قدر خفیف ، سچیہ اعتباریلہ متحول اولدقلرینی ، کندیلرینہ ہیچ اعناد ایدیلہ مہجکینی کوردک . حالبوکہ ہیچ بر طرفدہ عنعنہ جیلک وحشیلر دہ کی قدر قوتلی اولمادیغی دہ معلومدر . ہیچ بریردہ حادث ، وحشیلر دہ کی قدر حکم ونفوذہ [سلطہ] مالک دکلدر . حادثک تعلق ایتدیکی ہرشی بوتون تفرعاتنہ وارنجہ یہ قدر قاعدہ تحتہ آئمشدر . اک اوافق اوضاع وحرکات ، سسک انحطالی اولدن تثبیت ایدیشدر . ہرکس حادثہ دیندارانہ تبعیت ایدر . بونوع ہیئت اجتماعیلر دہ مراسمک غایت انکشاف ایتمہی بوندن ایلری کلیر . بونک نتیجہسی اولارق ، یکیکلر ، تحوللر پک مشکلاتلہ تحت ایدہ بیلیرلر . بر اصول برکرہ تأسس ایدنجہ عصرلر جہ ہیچ دیکشمہ دن تطبیق اولونور . یکنظر دہ غیر قابل تالیف کی کورونن بویکی حالت روحیہ نک یانہ موجود اولاییلہ جکلرینی کورمک ایچون تاریخنک منشألرینہ قدر چیقمغہ دہ لزوم یوقدر . خویلری اک چوق متحول اولان قوملر ، شعورلری بر اوجدن اوپر اوجہ اک قولایلقلہ کچہ بیلنلر ، و بناءً علیہ کندیلرندہ صیق صیق انقلاب وجودہ کلنلر ہم دہ بو انقلابلر بربرینہ مغایر استقامتدہ یکدیگرینی تعقیب ایدنلر ، اک بویوک برقوۂ تشبیه اثری ابراز ایدن قوملر دکلدرلر . بالعکس ، اولنردہ کی قدر باشقہ ہیچ بر قومدہ قدیم کورہ نکلر ، قدیم عنعنہ لرغایت صاغلام صورتدہ کولک صالمامشدرلر . بو قوملر آنجق ظاہراً دیکشیرلر . اساس دائماً عینی حالہ قالیر . ظاہردہ ، سطحدہ ، دائماً یکی ، غیر منقطع بر سلسلہ حادثات کورولورکہ بربرلری آرقہسی صبرا وقوعہ کلیرلر . فقط بوسطی قابلیت تحول اک یکنسق بر اطردی اورتر . اک انقلابچی قوملر دہ درکہ قلم اصوللرینک کورہ نکی چوق کرہ اک یوکسک بر قوت تشکیل ایدر .

چونکہ ، بوصوک درجہ دہ قابلیت تحول ایله کورہ نکہ صوک درجہ دہ مربوطیت

بربرلرینه آنجق ظاهرأ منافیدرلر . فی الحقیقه ، سریع الزوال فکرلر و انطباعر ، امتداد ایتمه دکلرندن ، یرلرینه درحال باشقلری کلدیکندن دولای ، بر اعتیاد برکره تأسس ایدرسه اوکا مقاومت ایده بیلجک رحالده دکلدرلر . چونکه ، براعتیادده تکرر سایه سنده مدخر برقوت واردر . نمایان اولور اولماز زائل اولان ، یکدیگری شعوردن خارجه ایتوب چیقاران ، بربری نقض ایله متقابلاً حکمدن دوشورن غایت ثباتسز و فراری حائلر اواعتیاد قوتنک حقندن کله مزلر . بوسیال و سریع الزوال شعور حائلرینک انجه و شفاف نسجی تشکل ایتمش براعتیادک ، تعبیر جائز ایه ، کشافی ایله بر مقایسه ایدیلرین ؛ قولایجه تسلیم ایدیلرکه فرد بالضروره بواعتیادک کندیسینی میل ایندی ردیک استقامتمده یورور . دیمک ، اعتیاد ، تشکل ایتمش یکانه قوه محرکه اولدیغندن دولای کیف مایشاء حکمران اولور . خط حرکتک مرکز قوتنک اعتیادات ساحه سنده بولونماسی عادتا برنوع ضرورت میخانیکده در . اگر کاهل ، بالخاصه منور بر کاهل ، اعتیاداته بودرجهده تابع بولونما یورسه سبی اونده توالی ایدن فکرلرک و حسیاتک ده زایده ثبات و انسجامه مالک اولمالریدر . بونلر بر آن صوکره سونمک اوزره پارلایان بسیط کچیجی آرزولردن عبارت دکلدرلر . شعوری ایجه مدت اشغال ایدرلر ؛ بونلر حقیقی برطاقم قوتلردرکه اعتیادات ایله تعارض ایده رک اونلری ضبط ومنعه قادر اولایلیرلر . حیات باطنیه ده زایده انسجامه مالک اولدیغندن ، هرآن آلات اوست اولمادیغندن دولای ایدرکه اعتیاد آرتق حاکم یکانه اولاماز . ایشته بوصورتله ، صوکره ده قابلیت تحول ، کورهنک ایله قابل تألیف اولاماق شویله دورسون ، بالعکس اوکا یول حاضرلار و حکم و تفویذی تقویه ایلر .

عنفنه چلمکه بوتایل حد ذاتنده اخلاقی رحالت تشکیل ایتزسه ده چوجوق اوزرنده اجرا ایده جکمز تأثیر ایچون بر نقطه استناد تشکیل ایلر . چونکه ، روحی حیاتنک عدم استقراری یوزندن ، اعتیادک چوجوق اوزرنده حائر اولدینی بواقصداری بز اوعدم استقراری تصحیح و ضبط ومنع خصوصنده قوللانه بیلیرز . چوجوغه ، حیاتنک باشلیجه احوال و شرائطنه تعلق ایدن شیلرده برطاقم اعتیادات اکتساب ایندی ریمک کافیدر . بوشرط تأمین ایدیلرسه حیاتی آرتق صوکره ده قابلیت تحویله بی عادت اخسته لق درجه سنه وارمش ر کورهنکک تعقیب ایتمه سی کبی غریب و متناقض برمنظره عرض ایتمز . سریع الزوال و متحول اولان شیلر تثبیت ایدیلش برحاله کبرر . حیاتی قاعده یه تابع اولور و هیئت مجموعیه سیله انتظام کسب ایدر . بو ، حیات اخلاقیه یه ایلک آلیش دیرمه کیفیتیدر . چوجوغک ، معتاد طرز حرکتلرینه قارشی

دویدینی مربوطیتده ، اطرافنده کی انسانلری و شیرلی معتاد یرلرنده کورمیدیکی زمان حس ایتدیکی راحتسزلقده ، اشیا حقدنه بر نظام طبیعی موجود اولدیفنه ، یالکز بو ترتیب و نظامک طبیعت اشیا به استناد ایتدیکنه و بو اعتبار ایله تصادفی ترتیبلره مخالفت کوستردیکنه و بناء علیه اونلره ترجیح ایدیله سی لازم کلدیکنه دائر صانکه مبهم بر حس مندرج کیدر . ایشته نظام اخلاقینک تلمنده ده بو جنسندن بر تفریق کیفیتی موجوددر . شبهه سزکه بو درجه ده مبهم ، کندی کندندن بو درجه بی خبر بر مفهوم ، تصحیح ، تنویر ، تقویه ایدیلکه ، انکشاف ایتدیرلکه محتاجدر . بویه اولقله برابر ، آرتق المزه بر منفذ کچمش دیمکدر . اورادن اصل اخلاقی تأثیر چوجو غک روحنه کیره بیه جکدر . آرتق چوجو غک حیات باطنیه سنک زبر کلرندن برینی طانیورز دیمکدر . چوجو غی ایجاب ایدن استقامته توجیه ایده بیلک انجون بوندن استفاده ایده بیلیرز .

فقط ، بینورزکه ، بوتون فکر الضباط ، منتظم حیات ذوفندن عبارت دکدر . بوندن باشقه ، اولجو ذوق ، آرزولری ضبط ومنع ایده بیلک اعتیادی ، طبیعی بر حدود حسی ده واردر . چوجو غک ، عینی احوال و شرائط قارشیننده عینی افعالی تکرار ایتکه آلیشامسی کافی دکدر . کندینسک خارجنده بر طاقم معنوی قوتلر بولوندیغی ، کندینسک معنوی قوتلرینی بونلرک تحدید ایتدکلرینی ، اوقوتلری حسابا قاتمق مجبوریتنده اولدیغی ، او قوتلر اوکنده کندی اراده سنک ا کیلمک ایجاب ایله دیکندی ده حس ایتلیدر . حالبوکه ، چوجو ق کوزلریله بو قوتلری کورمز . چونکه معنیدرلر . معنوی بر سلطه نک اوصاف کاشفهنی حس و ادراک ایتهنه امکان تأمین ایده بیه جک بر حاسه موجود دکدر . اطرافنده کندینسی احاطه ایدن قوچه بر عالم موجود ایسه ده ، بر اعتبار ایله ، بو دنیا غیر مرئیدر . شبهه سزکه اطرافنده کی محیطی یعنی عالمه سنی دولدوران انسانلرک و اشیا نک مادی بدنلرینی کوریور . حس ایدیورکه بو محیطده کی بویوک آدملر یعنی آنا و بابایی اراده لرینی کندینسه جبراً قبول ایتدیره بیه جک حالمه درلر . فقط بو مادی جبر و تضییق ، هیچ بروجله چوجو غه معنوی قوتلرک اجرا ایتدیکی او نوعی کندینسه خاص جاذبه نک انطباعی ویره مز . او جاذبه تأثیر یله درکه اراده او معنوی قوتلرک و یردکلری هملره کندی کندیلکندن ، حرمتکارانه بر موافقت حرکتیه تبعیت ایدر ، ساده جه مادی بر اجباره تابعیتله او حرکتی یامش اولماز . چوجو قده بوازم اولان احتسائی نه صورتله او یاندیر مالی؟ بوده ، هر دورلو تلقینلری اخذ و قبول خصوصنده کی قابلیت عظیمه سندن استفاده ایتکه یاپیلا بیلیر .

چو جوغك ، اينوتيزه ايديش بر كيمسه نك غير طبعی اولارق بولوندينى فكرى حاله غايت مشابه بر حال داخنده فقط بك طبعی بر صورتده بولوندينى اك ابتدا گويو نظر دفته عرض ايتشدر . فقط اينوتيزما تلقينك شرائطى نه لر در ؟ باشليجه ايكي شرط واردر : (۱) اينوتيزه ايديش كيمسه ممكن اولدينى قدر عظيم بر مطاوعت حالتنده در . اراده سى مفلوجدر . مفكره سى بوم بوش بر لوحه كيدير . كنديسى اينوتيزه ايدن كيمسه دن باشقه هيچ بر شيئي كورمز و دويماز . اطرافنده كچن هرشي اونى لاقيد براقير . بوشرائط دائره سنده تلقين ايديلن فكر اونك شعورينه غايت بويوك بر قوتله يرله شير ، چونكه اوراد ، هيچ بر مقاومته مصادف اولماز . باشقه هيچ بر فكر اوراده اونكله مجادله ايتمز . چونكه تام بر بوشلق حصوله كلشدر . بناءً عليه ، اوفكر ، كنديلكندن ، حركت حالنه كچمكه ميل ايدر . چونكه بر فكر ، هيچ بر زمان صرف ذهني و تصویری بر حالت دكلدر . دائماً آرقه سى صبرا ، كنديسى ساحه فعله ايصال ايدجك بر حركت باشلانجى سوروكر . باشقه مغاير بر حالت مانع اولمايه جق اولورسه ، بوسورتله باشلايان حركت دوام ايلر . (۲) مع مافيه ، تلقين اولونان فعل و عمل ، محقق صورتده ساحه فعله ايصال ايديله . بيلمك ايجون ، عموميتله ، بويالك شرط كافي كلز . اينوتيزما ياپان آدمك : ايسترم ! ديمه سى ، جواب ردك غير وارد اولدينى ، اطاعت ايدليك لازم كلديكنى حس ايتديرمه سى لازمدر . ضعف كوستيرسه ، مذاكره و مناقشه يه كيريشيرسه حائر اولدينى اقتدار حكمدن دوشر .

ايشته ، چو جوغك ابوينيله و معلمريله اولان مناسباتنده بو ايكي شرط موجوددر . (۱) اينوتيزه ايديش بر كيمسه نك صنعى اصوللر نتيجه سنده كتيريلديكي مطاوعت حالته چو جوق غايت طبعی صورتده مالكدر . شعورى صرف بوم بوش بر لوحه دن عبارت دكلسه ده ، هر حالده صور ذهنيه و معين تمايلات خصوصنده فقيردر . بناءً عليه ، بك آز كشياف اولان بو محيط ذهني به ادخال ايديلن هر يكي فكر ، اوراده بك آزمقاومته مصادف اولور و بوندن دولايى ، قولايجه بر فعل و عمل حالنه كچمكه ميل ايدر . بونك ايجوندر كه چو جوق كوردكي بر مثالى چارچاق قاپار ، تقليده غايت مبال بولونور . بر فعلك اجرا ايديلديكنى كوردكي زمان ، بو فعله دائر مالك اولدينى صورت ذهنيه ، خارجه عيني بر فعل ايله ساحه حقيقته چيقمغه كندى كنديلكندن تمايل ايدر . (۲) ايكنجى شرطه كلنجه ، مربي نك اوا مربه ويرديكي آمرانه ادا بوني بك طبعی صورنده يرينه كتيرير . مربي نك اراده سى

چو جوغه كندىنى قبول ايتديرمك ايچون متين اولماسى و متانتله تامين اتمهسى لازمدر . شېه يوق كه تربيه غايه سيله ياپلان تلقين ، آنجق بد ايتده بوتون قدرت تاثيرى ، بوتون حاكيتنى بوخارجى تظاهراته مدبوندرد . چو جوق ، اويونه و معلملرينه قارشى ناصل مهنوى برتابيت حالنده بولونديغنى ، اولره نه قدر محتاج اولديغنى ، كنديسنه قارشى ناصل برفاقت دكايه مالك اولدقلى و بوفاقتيك قيمتى دها واضح صورتده آكلايه جوق حالنه كلنجه ، اويونك و معلملرينك مزمن صورتده حاز اولدقلى حكم و نفوذ اونرك اوامرينده سرايت ايدر و او اوامرى تقويه ايلر . هر حالده ، تلقينك مؤثرينك اذايك منبى ، وصف آمرانه ي حاز بولونماسيدر . بو وصف ، هيچ دكاسه اوزون مدت ، تلقينك مهم بر طاملى اولمده دوام ايدر .

موسويينه ايله هازى ، شايد دقت بر تجربه سايه سنده ، چو جوقك بو طبعى قابليت تلقينه سنى اثبات ايتمشلردر . تجربه لرني شو صورتله ياديلر : بر مكتبده كي چو جوقلره مختلف اوزونلقلده بر طاقم خطرلر كوستريلور . چو جوقلر بونره دقتله باقورلر . خطرلر خيال لرني حافظه لرده كوزلجه تثبيت ايتكدن سوكره ، باشقه برلوحه نك اوزرنده او خطرلى بولوب كوستره جكلردر . فقط بوايكنجى لوحه ده اولجه ارايه ايديلن خطرلر باشقه مختلف اوزونلقلده ديكر خطرلره واردرد . چو جوق بوايكنجى لوحه يه باقوبده آراداغنى بولديغنه احتمال ورنجه و تجربه ده كي خط ظن ايتديكي برخلى ارايه ايدنجه ، تجربه يي يابان ذات ، هيچ باشقه برشى سويله مكسزبن او كاساده جه شوسوالى ايراد ايدور : بونك يكانه دوغرو خط اولديغنه امينميسكز ؟ بونك سوال ، ايلك مكتب صنفلرينه دوام ايدن چو جوقلر يوزده سكسان دو قوزنده ايلك جوابك دكيشديرلمه سنه سبيت ورييور . اورته ويوقاريكي صنفلرده بونسبت يوزده ۸۰ و يوزده ۵۴ در . چو جوقلر دوغرو بولدقلى زمان بيله ايلك فكرلرني يوزده ۵۶ نسبتنده دكيشدييورلر . بونده ، تبديل فكر كيفيتي ديمك كه تامماً تلقين محصوليدر . ديكر طرفدن ، چو جوقلر ، ياشلرينه كوره قابليت تلقينه لرده تحول ايتديكي شايد دقدر . چو جوقك ذهنى تفريش ايدلجكه دها فضله مقاومت قوتده اكتساب ايديور .

ديمك كه كيفيت محققدر . پداغوزى متخصصلرى طرفدن هان هيچ اعتراضه اوغرامامقده در . « كوچوك چو جوقلرده بر سورو كوچوك كوچوك احوال ايله نمايان اولان شايان حيرت صورتده جابق ايناعه ، اويصاللق ، حسن نيت ، اطاعت و اراده ده

مناسب‌تسزلك كیفیتلری اینوتیزه ایدیلن بویوك آدملرده مشاهد اولونان حادثه لری خاطرلایره . مثلاً ییسکویئك ایلک بارچه سنی یهین و تکرار بوندن ایصیرمق اوزره بولونان ایکی بوجوق یاشنده برچوجوق ، هیچ برسبب کوسترمکسزین ، قطعی صورتده ، مخالفته تحمل ایتمز . برحدیت ایله ، کندیسنی قورقوتمایه جق قدر یوکسک بر سسله : « بوجوق آرتق یمكنی یدی ، ایجه دویدی » دیرسم ، بوجوق ییسکویئسنی ایصیرمایي تاملامادن ، اونی آغزندن اوزاقلاشدیرر ، ماصه نك اوزرینه قویار و یمكنه اوراده خاتمه ویرر . حتی اوج درت یاشنده کی بوجوقلری بیله ، مثلاً برضربه یی تعقیب ایدن آغزینك زائل اولدیفنه ، آرتق صوسزلقلری کچدیکنه ، آرتق یورغون اولمادقلرینه ایناندرمق قولایدر . فقط شو شرطله که ، شکایتلرینه قارشى وقوع بولان بوتأمینات غایت آمرانه اولمالیدر .

دیمک که بوراده بوجوگك آرزولرینه ، احتراصلرینه قارشى قونایله جك خارجی برفرمن واردر . بو سایه ده اونی ایرکندن کندى کندیسنى ضبط ومنع ایتمکه ، اعتدال دائره سنه کبرمکه آلیشدیرمق قابلدیر . بوجوغه ، میلانلرینه بلا قید و شرط ترك نفس ایتمه سی لازم کلدیکی ، دایما تجاوز ایتمه مک ایجاب ایدن برحدود بولوندیغی حس ایندیريله . بیلیر . بوتقدیرده ، بوجوق ، مادی قوتلر طرزنده اجرای تأثیر ایتمه یین ، بوتون بوتون خصوصى بر طاقم اوصافه مالک بولونان بر قوتك تأثیرینه تابع بولوندیغی تقدیر ایدر . فی الحقیقه ، بوقوتك بر معناه کندیسندن خارج اولدیغی فعل و حرکتك تکمیل قوه تشبیه سی کندیسندن ککش اولسه ایدی باشقه دورلو حرکت ایده جکنى ، چونکه آلدیغی بر امره اطاعت کوستردیکنى بوجوق غایت واضح صورتده ادراک ایدر . فقط دیگر طرفدن ، مادی بر جبر وتضییقه معروض قالمادیغی ده پك اعلا آکلار . فعل وعملنى تولید وایجاب ایدن سبب ، فلان ویا فلان وضعیتی کندیسنه جبراً قبول ایندیردکلری زمانکی کبی مادی تضییق دکلدى ؟ تماماً باطنی بر حالت یعنی تلقین ایدینن فیکر ایدی . بوفکرک حدفاننده حائز اولدیغی اوصافدرکه مؤثریتنى ایجاب ایتمشدر . معنوی بر قوت یاخود سلطه تعبیر ایندی کمزشی حقنده انسانلرک پیدا ایندکلری و بوجوقلرکده پیدا ایتمکده اولدقلری ایلک مفهوم ، احتمال کوره ، بو عنصرلرله تشکل ایتمشدر . چونکه ، معنوی برسلطه نك وصف میزی : بزم اوزرمزده خارجدن اجرای تأثیر ایتمه سی ، مع مافیه ، نه حالده نه ایلریده محتمل اولارق ، مادی بر تضییق و اجبارده بولونماسی ، باطنی برحالت واسطه سیله بوتأثیرینی کوسترمسیدر . شبهه سزکه بوایلک نومك اطرافده یاواش یاواش وچارچاق ده بر جوق

عنصر لرده طولانیلر . چوجوق ، ساده جه ، بر آدمک امرینه بر قاج دفعه اطاعت ایتمش اولوق دولایسییه ، بو آدمه ، اوزرنده اجرا ایتدیکی تأثیر ایله مناسبتدار بر طاقم اوصاف و خواص عطف ایتمهک میل ایلر . او آدمی نوعی کندینه خاص بر اقتداره صاحب کبی دوشونور و بواقدار یوزندن او آدم ، چوجوغلک مخیله سنده امثالسز بر موقع آلیر . فقط شیمیدیلک ، فکرک تکاملنی تعقیب ایده جک دکلز . چوجوغلک فطرتنده هانکی نقطه یه مربوط اولدیغنی کوسترمک کافیدر .

دیمک که چوجوق قارشیسنده ، تربیه خصوصنده ، هیچده عاجز بر موقعه دکلز . اعتیادک چوجوغلک شعوری اوزرنده غایت قولایقله حائر تأثیر اولایلمه سی سایه سنده اونی انتظامه آلیشدیرمه انتظامی کندیسینه سودیرمه کوموق اولورز . عینی زمانده ، قابلیت تلقینی سی سایه سنده ، اطرافنی احاطه ایدن و کندیسنی تحت تابعیتنده طوتان معنوی قوتلره دائر اوکایلیک بر انطباع ویره بیلیرز . دیمک که المزدده ایکی قوتلی مانیوهلا واردر . حتی بونلر اوقدر قوتلیدرلر که غایت اعتنا ایله ، خفیف بر صورتده قولالایق اقتضا ایدر . چوجوغلک شعوری نه حالده اولدینی ، تأثیره نه قدر مساعد بولوندینی ، بر آرز قوتنی ، بر آرز تکرر ایتمش هر تضییقک نشانه سنی غایت قولایقله صاقلادینی دوشونوله جک اولورسه ، مریبک قدرتنده کی نقصاندن زیاده اقتدارینی سوء استعمال ایتمه سندن قور قولمغه باشلانیر . تربیه نک قدرت مطلقه سینه قارشی چوجوغلک حریتی محافظه ایچون دورلو دورلو احتیاطلره لزوم واردر . بوشرائط دائره سنده ، ناصل اولورده ، صوگ زمانلرده موضوع بحث اولدینی وجهله ، چوجوغلک ، طاقا ، حیاتی تک بر معلمک النده کچیرمه سینه مساعده ایدیه بیلیر ؟ بویه بر تربیه ، سوق وقایع ایله ، قولایقله اسارت بخش بر شکل آلاچقدر . چوجوق ، کندیسنک کوزلری اوکنه قونه جق یکانه نمونه بی مطاوعتکارانه تقلیددن کری قالامایه جقدر . بو — سارته مانع اولماک ، تربیه نک ، بوسورتله بیوتیلن چوجوغنی معلمک قصورلرینک بر نمونه سی حاله کتیرمه سینه میدان ویرمه مه نک یکانه چاره سی ، معلملری — یکدیگری اتمام ایتمه لری و نفوذو تأثیر ایتده کی تنوع ایچلرندن برینک دیکر لرینه پک غالب صورتده فائق اولماسنه میدان ویرمه سی ایچون — تعدد ایتدیرمکدن عباریدر .

مع مافیله ، وسائط تأثیرمز نه قدر قدرتی اولورلرسه اولسونلر ، غایه دن هنوز چوق اوزاغز . بر طرفدن چوجوغلک اعتیاد و تلقینه قارشی بوغایت عمومی قابلیت اخذیه سی ایله

دیگر طرفدن قاعده اخلاقیه نك واضح و براق صورت ذهنیه سی آراسنده نه عظیم مسافه واردر ! بو برندن فرقسز تخمیر ، بو غیر معین تمایلر ، چو جوقده تولید ایدیلك لازم کلن معین و مشخص حسیات حالنه کله بیلیمک ایچون تربیه نك اونلری ولود برحاله کتیرمه سی، دکیشدیرمه سی اقتضا ایدر . بو تحوّلک نه کی وسائط ایله استحصالی ایجاب ایده جکنی کله جک درسده کوره جکز .



اوتجی درس

مکتب انضباطی

صوك درسده، چوجوڭك روحنه انضباط فكرينى صوقايلمك ايچون، بزه يارديمجي اولاييله جك طيبي استعدادلرينك نه لراولديغنى آراشديردي. اعتياد اكتسابي خصوصنده كي بويوك استعدادي سايه سنده اونك قابليت تحويله سنى، فطري هر جايلىكنى ضبط ومنع ايتمه و كنديسنه منتظم حيات ذوقى ويرمه كه قادر اولاييله جكمزى كوردك. صوك درجه ده كي قابليت تلقينه سى سايه سنده معنوى سلطه حقنده چوجوڭك ايلك بر حسه بگزه بن برشى ويره بيله جكمزى آكلادق. ديمك كه المزدده ايكي قدرتلى واسطه تائير واردر. حتى بونلر او قدر قدرت ليدرلر كه غايت احتياط و اعتنائيله استعمال ايدىلكه محتاجدرلر. فى الحقيقه، چوجوڭك شعورى، كثافت ومقاومت خصوصنده شعورينك نقصانى، اوافاجق خارجي برتضييقك اوراده درين ودواملى نشانلر براقاسى دوشونوله جك اولورسه، مربي نك عجزندن زياده قولايجه ترك نفس ايده بيله جكي نفوذ وقدرت سؤ استعمالندن قورقولمغه باشلانير. ابوينك ياخود معلملر ك تائيري هيچ برزمان درجه افراطه و اراماز دكلدر. بالعكس، چوجوڭك حريتنى بونلره قارشى مدافعه ايچون برطاقم تدبيرلر اتخاذاى درجه وجوده در. بو نقطه نظرندن تصور اولوناييله جك تدابير احتياطيه نك اك. وئرلرندن برى چوجوڭك يالكلز نك بر محيط ايچنده تربيه ايديله لرينه ودها زياده، نك بر شخص طرفندن تربيه كورمه لرينه مانع اولمقدن عبارتدر. عالمه تربيه سنى غير كافى بر حاله صوقان متعدد سببلر ك برى بودر. منحصرأ عالمه سى ايچنده يديشديريلن بر چوجوڭك او عالمه نك عاداتا جانسز برشيلى اولور. عالمه سپاسنك بوتون خصوصياتى، بوتون اوصافى، حتى ميخانيكى اعتياداتى (tic) بيله حائز بولونور. فقط كندى سپاى شخصيسنى انكشاف ايتديره مز. مكتب، چوجوڭى بوپك صيقى تابيستن آزاد ايدر. مكتبه ده، عيني سببدن دولايى، چوجوڭك بر برى متعاقب متعدد معلملره توديع اولونما ليدر. اكر، اخيراً رسمى اورته مكتبلر مز ايچور تكليف اولوندينى وجهله، چوجوڭلر بر قاچ سنه صيرا ايله يالكلز بر معلمك تائيرينه تابع قاليرلرسه دائمى صورتده كوزلرينك او كنده دوراجق بو يكانه موده لك بالضروره

هادی بر قوییه سندن عبارت بر حاله کلیرلر . حالبوکه بر انسانک دیکر بر انسانه بویه تابعیت واسارتی مغایر اخلاقدر . اراده بشریه ، آنحق غیر شخصی و مجرد بر قاعدهیه منقاد اولمائی او کرمیلدر .

فقط ، چوجوق فطرتنک بزه عرض ایتدیکی تأثیر واسطه لری نه قدر قوتلی اولورلر سه اولسونلر ، کندیلرندن بکله نه بیهلجک اخلاقی تأثیرلری بالذات حصوله کتیره بیلمکدن عاجزدرلر . بو استعدادلر ، کندی کندیلرکلرندن ، آرتق تماماً مکتسب ، ساحه فعله ایصال ایدیلش اصل اخلاقی حالتلر دکلدلرلر . حتی طرز استعماللرینه کوره ، غایت ضد غایه لره خدمت ایده بیلیرلر . اعتیادک چوجوق اوزرنده قولایجه حائز اولدینی حکم ونفوذدن اوکا منتظم بر حیات ذوقی ویرمک خصوصنده استفاده اولونمق قابلدلر . فقط ، بونک عکسی اولارق ، وقتنده مداخله ایدیلرزه ومناسب وجهله حرکت اولونمازسه چوجوق پک اعلا عدم انتظامه آلیشه بیلیر . بوکی براعتیاد اکتساب ایدلدکدن وکوک صالیوردکدن سوکره اوندن وازچکمک چوجوق ایچون مشکل اولور . کذلک ، یوقاریده سویلندیکی وجهله ، چوجوغی خصوصی بر ارادهیه تابع طوتمق ، هر دورلو قوه تشبیه سنی الندن آلمق ایچونده اوصوک درجه ده کی قابلیت تلقینیه سندن استفاده قابلدلر . بو صورته ، او قابلیت تلقینیه دن چوجوغی غیر شخصی بر انضباطک خلاصکار تأثیرینه معروض بر اقق خصوصنده استفاده ایدیلشمش اولور . چوجوق ، معین بر طاقم اخلاقی استعدادلری ارثی صورته اخذ ایدر دیمک ایسته میورز . طبیعتک المزه ویردیکی سلاحلر ایکی طرفی ده کسکین بر حاله درلر . هرشی بونلرک طرز استعمالنه وابسته در . چوجوغک اخلاقی یاخود اخلاقسز اولارقمی دوغدیغنه ، هیچ دکله اخلاقلیلغک یاخود اخلاقسزلغک مثبت عنصرلرینه مالک بولونوب بولونمادیغنه دائر دفعات ایله تکرر ایدن مناقشه لرک بوشلنی بوندندر . مسئله بوشکلده وضع ایدیلرسه معین بر صورت حلدن محرومدر . اخلاقی صورته حرکت ایتمک ، اخلاق قاعده لرینه کوره بر فعل وعملده بولونمق دیمکدر . حالبوکه اخلاق قاعده لری چوجوغک شعورندن خارجدلرلر . بو قاعده لر اونک خارجنده اعمال اولونمشلدر . چوجوق اخلاق قاعده لر یله تماسه حیاتنک معین بر زماندن اعباراً داخل اولور . بناء علیه ، دوغدینی زمان ، بو اخلاق حقنده بوجه پیشین بیلم ناصل بر صورت ذهنیه مالک اولماسی غیر قابلدلر . ناصل که ، کوزلرینی آچمادن اول عالم خارچی حقنده بیلم ناصل بر خیال ارثی یه ده مالک اولاماز . دوغارکن چوجوغک دنیایه کتیره بیهلجکی غایت عمومی بر طاقم احتماللره انحصار

ایدر . بونلر ، مربی نك اجرا ایده جکی تأثیره ووا استعدادلرینی موقع فعله قویق خصوصنده تعقیب ایله جکی طرزه کوره شو ویا بواستقامتده کندیلرینی کوستریرلر .

بو استعدادلرک ساحه فعله ایصال کیفیتیه عائلده و تابشیدن اعتباراً باشلا یله جکی، باشلاماسی لازم کله جکی یوقاریده سویله مشدک . چوجوغه درحال منتظم اعتیادلا کتساب ایندیرمک صورتیه اخلاق تربیه سی باشلانغی تأمین ایدیلش اولایله جکی کوسترمشدک .

ابون ، چوجوقده معنوی سلطه حقنده ده پک ایرکندن ایلک برحس تولید ایده بیلرلردی . بناء علیه ، چوجوق مکتبه کیردیکی وقت دوغدینی زمانده کی او اخلاقاً بیطرف وضعیت و حائنده بولونمادیغنی فرض ایتمک حقمزدر . بحث ایندی کمز او غایت عمومی استعدادلر برتعمین باشلانغی آلمش اولاجق دردر . بالخاصه ، شوراسی محققدرکه چوجوق ، منتظم برعائله حیاتی یاشایه یاشایه انتظام ذوقی دها قولایلقله اکتساب ایده جکدر . دها عمومی صورتده ، دنیه بیلرکه ، چوجوق اخلاق اعتباریه سلیم برعائله داخلنده تربیه ایدیلشسه مثلاًک سرائتی حسیله بوسلامت اخلاقیه دن حصه دار اولمشدر . مع مافیه ، عائله تربیه سی ، حیات اخلاقیه یه غایت ای وایلك بر حاضرلق اولمقله برابر ، مؤثریتی غایت محدوددر ، بالخاصه انضباط فکری جهتده تاثیر پک آزدر . چونکه ، بونک اک اساسلی نقطه سی یعنی قاعده یه حرمت حسی ، عائله محیطی ایچنده پک انکشاف ایده مز . فی الحقیقه عائله ، هله بوکون ، پک آز کیسه لردن مرکب برزمردر . بونلر بربرلرینی صمیمی صورتده طانیرلر .

هر آن بربرلرینه شخصی تماس حائنده بولونورلر . بناء علیه ، مناسبتری هیچ برعمومی ، غیرشخصی ، غیرمتحول بر اصول وقاعده یه تابع دکدر . کندیلرنده دائماً سربست ویکلرینه تابع برحال وارددر و طبیعی اولارلق بویه برحاله بولونمالری لازمدر . بوسبیله قطعی برقاعده وانتظامه قابلیتسزدرلر . عائله وظیفه لرینک شو خصوصیتی وارددرکه ، دائماً عینی صورتده قابل تطبیق ، معین احکام حائنده بر دفعه یه مخصوص اولارلق قطعی شکلده تقرر ایتمزلر . بونلر ، سجه لرک تنوعنه واحوال وشرائطه توافق ایده رک دکیسه یله جک برقابلیتده درلر . بو ، برمزاج مسئله سی ، متقابل بر اوزلاشمه کیفیتدرکه محبت وشفقتی و آلیش قینلنی تسهیل ایلر . عائله ، اوله بر محیطدرکه ، حرارت طبیعی سی اقتضاسی اولارلق ، ایلک حب غیر میلانلرینی ، ایلک تساند حسلرینی ترهر ایندیرمکه بالخاصه مساعددر . فقط ، عائله داخلنده تطبیق ایدیلن اخلاق ، بالخاصه حسیدر . وظیفه فکر مجردی اوراده محبتدن ، قلبک فوری حرکتلرندن دها آز بررول ایفا ایدر . بوکوجوک هیئت اجتماعیه نك بوتون اعضالری بربرلرینه پک فضله

یقیندرلر . بو معنوی یقینلق دولایسیله ، بربرلیه متقابلاً احتیاجلرینی پک فضله حس ایدرلر . بربرلی پک ادراک ایتدکری ایچون اشتراک مساعیلرینی بر اصول و قاعده واسطه سیله تأمین ایتمک لازم حتی فائده لی اولاماز . شبهه سزکه ، وقتیه ، عائله بویوک بر هیئت اجتماعیه وجوده کتیردیکی ، برچوق زوج و زوجیه ، اسرایی ، آزادلیری احتوا ایتدیکی وقت ایش باشقه دورلو ایدی . اوزمان ، عائله مالاسنک ، بو زمره نك رئیسک یوکسک بر سلطه یی حائز اولماسی لازمدی . عائله رئیس بر واضع قانون وبر حاکمدی . عائله نك بوتون مناسباتی حقیقی بر انضباطه تابعدی . فقط بوکون آرقق بویله دکدر . چونکه ، عائله آنجق مقداری محدود اشخاصدن مرکبر . عائله مناسباتی اوایلک غیر شخصیلکلیغی غائب ایده رک شخصی وبالنسبه منتخب بروصف آلمشدر . بو ایسه اصول وقاعده ایله پک قابل تألیف دکدر .

مع مافیه ، چوجوق ، قاعده یه حرمتی اوکر نملیدر . وظیفه سنی ، بر وظیفه اولدینی ایچون ، بوکا کنندیسی مجبور حس ایتدیکی ایچون ، حساسیت بو ایشی اوکا پک حدندن فضله تسهیل ایتمه دن ، یامای اوکر نمه سی لازمدر . عائله ایچنده پک ناتمام صورتده وقوعه کله بیله جک بو چراقلق ، مکتبه جریان ایتک اقتضا ایلر . فی الحقیقه ، مکتبه بر طاقم قواعد سیسته می واردر که چوجوغک خط حرکتی اولدن تعین ایتشدر . چوجوق صنفه منتظماً کله که مجبوردر . معین ساعته ، معین قیافت و مناسب بر وضعیتده اثبات وجود ایده جکدر . صنفده سکونی اخلاص ایتیه جکدر . درسنی از برله مش ، وظیفه لرینی یامش وکافی درجه ده اعتنا وغیرت ایله یامش اولماسی ایجاب ایدر . . . الخ . ایشه بوصورتله ، بر طاقم مجبوریتلر واردر که چوجوق اونلره تابع اولق اضطرارنده در . بونلرک هیئت مجموعه سی مکتب انضباطی دنیلن شیئی تشکیل ایدر . مکتب انضباطنه رعایت سایه سنده در که چوجوغک روحنه انضباط فکری صوفق قابل اولور .

واقعا ، جوق کره ، مکتب انضباطی حقنده اويله بر تلقی وجوده کله در که اوکا بو قدر مهم براخلاقی رول عطفنه امکان براقاز . مکتب انضباطی ، خارجی سکون وانتظامی وصفک راحتنی تأمین ایچون بر چاره دن عبارت عد ایدیلدیکی واقعدر . بونقطه نظر دن ، چوجوقلرک تابع طوتولدفلی بو آمرانه مطالباتک ، بوقاریشیق بر طاقم قواعدک استبدادی ، بحق باربار عد اولونمشدر . چوجوغی مطرد و یکدنسق بر حاله کتیره رک مملک ایشی قولایلاشدیرمقدن عبارت کبی ظن اولونان بو تضییقه قارشى اعتراض ایدیلدی . بویله

بر سیستم طلبه‌ده معلمه قارشی، آرا‌ر‌نده حکم سورمه‌سی ایجاب ایدن محبانه اعتداده مقابل، بر طاقم خصوصت حسلری او بایندیر مازمیدی ؟

فقط ، حقیقتده ، مکتب انضباطنک ماهیتی بوتون بوتون باشقه‌در ، وظیفه‌سی بوتون بوتون باشقه‌در . مکتب انضباطی ، مکتبده خارجی بر سکون تأمین ایدوب‌ده درسک راحت راحت ویریله‌سنه امکان حاضر لایه‌جق بسیط بر چاره دکدر . اصل اخلاق ناصل اجتماعی هیئت و بدنک انضباطی ایسه بوده صنفک اخلاقیدر . هراجمای زمره ، هر نوع هیئت اجتماعی کن‌دیسنه خاص براخلاقه مالکدر ، مالک اولماسی قابل دکدر . بواخلاق اوزمره‌نک تشکلاتی افاده ایدر . ایشته صنف‌ده کوچوک بر هیئت اجتماعی‌دهر . بناء‌علیه ، ترکیب ایتدیکی عنصرلرک عددی ، طبیعت و ماهیتی و ایفا ایتدیکی وظیفه ایله مناسبتدار و کن‌دیسنه خاص بر اخلاقه مالک اولماسی طبیعی ضروریدر . انضباط ایشته بواخلاقدر . بر آ‌ز اول تعداد ایتدیکمز مجبوریتلر ، طلبه‌نک وظائفیدرلر . ناصلک دولتک یاخود بر اصناف هیئت‌نک یتیشمش بر آ‌دمه تحمیل ایتدکلری وطنی یاخود مسلیکی مجبوریتلرده اونلرک وظیفه‌لرینی تشکیل ایدرلر . دیگر طرفدن ، مکتب هیئت اجتماعی‌سی بویوک آدم‌لرک هیئت اجتماعی‌سنه عائله‌دن ده‌ا زیاده یقیندر . چونکه ده‌ا کثیرالعدد اولدقدن باشقه ، بونی ترکیب ایدن فردلر ، یعنی معلم‌لره طلبه‌لر ، بر لرینه شخصی حسلر و محبت‌لره یا قلائمه‌ا مشلردر ، تماماً عمومی و مجرد اسباب ایله برلشم‌شلردر . یعنی ، بر قسمنک وظیفه اجتماعی‌لری دیگر قسمنک ، یاشاری حسیلله بولون‌دقلری وضعیت فکریه اونلری بر آ‌راه کتیر‌مشد . ایشته بوتون بو اسبابدن دولایی ، مکتبک قاعده‌سی ، عائله قاعده‌سنده‌کی قدر یوموشاقلق ایله بوتون ایجاب احواله توافق ایده‌مز . عینی مزاج‌لره ائتلاف ایله‌یه‌مز . مکتب وظیفه‌سنده ده‌ا وارد ، ده‌ا غیر شخصی برشی وارد . عقله ده‌ا زیاده توجیه خطاب ایدر ، حساسیته خطابی ده‌ا آ‌زدر . ده‌ا فضله جهد و غیرت ، ده‌ا بویوک بر ضبط نفس طلب ایدر . آ‌شاغیده سوبله‌یه جکمز وجهله ، بووصفی افراطه واردیرمقدن اجتناب لازم اولقله برابر ، بوبله اولماسی الزمدر . چونکه مکتب انضباطی ایجاب ایدن شکله اولابیلیمک و بوتون وظیفه‌سنی ایفا ایده‌بیلیمک ایچون بو ضروریدر . آنجق بو شرط ایله‌درکه عائله‌نک مشفقانه اخلاقی ایله سیویل حیاتک ده‌ا شدتلی اخلاقی آ‌راسنده برحد متوسط خدمت‌نی کوره‌بیلیر . جوجوق مکتب قاعده‌سنه رعایت صورت‌لهدرکه اخلاق قاعده‌لرینه حرمتی اوکره‌نه‌جک ، کن‌دی کن‌دیسنی تضییق ایتک ، منع و ضبط ایتک لازم کلدیکندن دولایی نفسنی تضییق ،

منع وضبط ایتک اعتیادینی اکتساب ایله جه جکدر . وظیفه نك وقار وشدته بو ایلک بر آلیشمه در . آرتق جدی حیات باشلا یورددر .

ایشته انضباطک اصل وظیفه سی . بو ، چو جوغی جالیشدیرمق ، تحصیل آرزو سو تحریک ایتک یاخود معلمک فضلہ قوت صرف ایتمه سنہ میدان ویرمه مک ایچون بسیط بر اصولدن عبارت دکلددر . اساس اعتباریله ، اخلاق تربیه سنک ، یرینه پک زورلقله باشقه بر شی اقامه سی قابل اولایله جک برواسطه سیددر . بناء علیه بونک محافظه سی ایله مکلف بولونان معلم بوباده نه قدر اعتنا کوسترسه آزددر . یالکرا وک منفعتی وراحتی موضوع بحث اولماز . بلا مبالغ ذیلہ بیلیر که صنفک اخلاقیلینی معلمک متانتنه استناد ایتمکده در . فی الحقیقه ، محققدر که انضباطسبز بر صنف اخلاقندن غائب ایتمکده اولان بر صنفدر . چو جو قورلر آرتق منع وضبط ایدیلکدن خالی قالدقورینی حس ایتدکوری زمان ، بر نوع غلیان حالنه کیرلر ، هر دورلو فره نه قارشی صبر سز لانیلر . خط حرکتلری حتی مکتب حیاتی خارچنده بیلہ بونک تأثیری آتنده قالیر . عائله تربیه سی ده پک که وشک اولدینی وقت ، عینی حال عائله ده ده مشاهده ایدیلہ بیلیر . فقط ، مکتبده ، انضباطسز لنگ محصولی اولان بومضر غلیان ، دها وخیم بر تهسکه اخلاقیه وجوده کتیریر ؛ چونکه جماعتجه مشترکدر . فی الحقیقه ، بر صنفک کوچوک بر هیئت اجتماعیه اولدینغی هیچ بر زمان کوزدن اوزاق طوتامالیدر . بو کوچوک زمره نك اعضاسندن هر بری ، دیمک که ، یالکر باشنه اولدینی وقتکی کبی حرکت ایتیز . عموم طرفندن آیری آیری فردلر اوزونده اجرا ایدیلن بر تاثیر واردر که بونی پک زیاده حسابہ قائمق مقتضیدر . ایشته بو جماعتجه مشترک تاثیر ، طرز وقوعنه کوره ، اییلکی تقویه ایتدیکی کبی فنانی ده تشدید ایده بیلیر . غیر طبیعی اولدینی تقدیرده ، فردی قوتلری تحریک و تقویه ایتمه سی دولایسیله اونلری مشغوم بر استقامته دها شدتله سوق ایده بیلیر . ایشته بوندن دولاییدر که اخلاقسزلق غلبه لق بر جماعت ایچنده پک قولایلقله انکشاف ایدر ، حتی چوق کره استثنائی بر شدت درجه سنه واصل اولور . معلوم اولدینی اوزره ، بر غلبه لق پک قولایلقله قتل ارتکاب ایدر . چونکه ، غلبه لق ، بر هیئت اجتماعیه در . فقط ، غیر ثبات ، قارمه قارشیق ، منتظم صورتده تشکل ایتیش انضباطدن محروم بر هیئت اجتماعیه در . هیئت اجتماعیه اولدیفندن دولایی ، غلبه لنگ انکشاف ایتدیردیکی احتراص قوتلری بالخاصه شدید اولور که معلوم بر کیفیتدر . دیمک که بو غلبه لق جماعتلر افراطلره غایت سرعتله وارییلرلر . بو احتراصلری طبیعی حدودلر داخلنده طوتمق ، بوشانمارینه میدان ویرمه مک ایچون شدتلی

و قارشیق بر اصول و قاعدهیه احتیاج واردرد. فقط، تعریفی مقتضاسی اولارق، بر غلبه لقمده، برجم غیرده نه متشکل بر قاعده نه ده انتظام بخش بر عضو موجود دکلدر. بو صورتله وجوده کلن قوتلر دیمک که تماماً کندی باشلرینه ترك ایدیشلدر. بناء علیه، هر دورلو حدودک خارجهه جیقملری، آرتق هیچ بر اولجو طانیاملری، ولوله لی، تخریبکار انتظامسزلق حالنده یاسیلمالری و نتیجه ده هان هان ضروری اولارق غیر اخلاقی بولونمالری نا قابل اجتناب اولور. ایشته انضباطسز بر صنف بویه بر غلبه لق کیدر. بر صنف داخلنده بر مقدار طلبه یان یانه بولونقلرندن دولای بوتون فردی فعالیتلرده، مشترک حیاتدن کله بر تحریک و تنبیه واردرد. هر شی طیبی صورتده جریان ایتدیکی، کوزلجه سوق و اداره اولوندینی زمان بو، بالکز، هر طلبه نك آیری آیری چالشدینی وقته نسبتله شمدی ده ا زیاده غیرت و شوق خواهش ابله کندیسنی اظهار ایدر. فقط، معلم، ایجاب ایدن سلطه یی احراز ایده مه مشسه اوزمان بو فضله فعالیت قاعده دن خارجه جیقار، مرضی بر قارشیقلق حالنده تردی ایدر و حقیقی بر اخلاق بوزولماسی وقوعه کلیر. صف نه قدر غلبه لق ایسه بو نتیجه ده او قدر وخیمدر. اخلاقك بوزولقمده اولماسنی اوزمان اك زیاده بللی ایدن کیفیت، صنفده قیمت اخلاقیه سی اك آز اولان عنصرلرک مشترک حیاتده غالب بر موقع آمالریدر. ناصل که، سیاسی هیئت اجتماعیه لرده ده، بوتون تذبذبات دوره لرنده حیات عمومیه نك سطحنه بر طاقم مضر عنصرلرک چیققلری کورولور. بونلر، حال طبعیه ده قاراکلقمده کیزلی بر حالده قالیرلر.

بناء علیه، بر قاج سنه دن بری انضباطك دوشمکده اولدینی بر نوع اعتبارسزلغه قارشی بر عکس العمل کوسترمک لازمدر. شبهه سز که، محافظه سنه معلمک دقت ایتمه سی لازم کلن خط حرکت قاعده لری، حد ذاتلرنده و تقراتلریله تدقیق اولونجه، بونلرک لزومسز یره معجز اولدقلری کورولور. چو جوقلغك پك طیبی صورتده الهام ایتدیکی خیر خواهلرک بزه بو قاعده لرک شدتی پك مبالغه لی کوستریر. غایت ابی بر جوجوق اولوب ده معین ساعتده مکتبه کله مه مک، وظیفه می یا خود درسی ایچون معین زمانده حاضر اولاماق ... الخ. قابل دکلدر؟ فقط، بو مکتب اصول و قاعده سنك ماهیتی، تقرات اعتباریه تدقیق ایدیله جک یرده، هیئت مجموعه سیله، طلبه نك وظائف قانوننامه سی شکندنه نظر ملاحظه یه آلیرسه ایشک رنگی تماماً دکشیر. اوزمان بوتون بو کوچوک مجبوریتلری ایفاده کی اعتنا بر فضیلت کی منظور اولور. چو جوقلغك فضیلتی بودر. او چاغده سورولن طرز حیات

ایله یکانه مناسبتدار و بناءً علیه چو جوقدن ایسته نه بیهلک یکانه فضیلت بودر . بونک ایچوندرکه نه قدراعتنا ایله تقویه به چالیشیلسه ینه آزدرد . معین بر صنفده انضباطک صار صلماسی اخلاقک قسماً بوزولماسی نتیجه سی حاصل ایتمشه بونک موقت برشی اولاجنی امید ایدیه بیلیر . فقط ، صار صیتی عمومی ایسه ، صنفک افکار عمومی سی و بالذات معلملرک نظر نده بوتون سیستم کوزدن دوشمش ایسه ، اوزمان عمومک اخلاقی ال جانلی بر منبعنده خللدار اولمش دیمکدر .

چو جوقلرک ضعفنه قارشنی پک مفرطانه بر مساعدده کاراغه قولایجه ترک نفس ایتمکدن بزی منعه یاردیم ایتمه سی لازم کلن شیلردن بری ، این بر انضباطدن ال اول چو جوقلرک استفاده ایتملری کیفیتدر . چوق کره سویلندیکی وجهله ، قوملر ، مسعود اولوق ایچون کندیلرینک میتینانه اداره ایدیلدکلرینی حس ایتمکه محتاجدرلر . بویوکلر حقنده بویه اولدینی کی چو جوقلر ایچونده بویه در . اولرده کندی اوزرلرنده ، کندیلرینی ضبط ومنع ایدن و کندیلرینه بر مظاهرت وجوده کتیرن بر قاعده بولوندیغنی حس ایتمکه محتاجدرلر . انضباطی غایت یولنده بر صنف صحتلی ونشئه لی برحاله مالکدر . هرکس کندی یرنده در و بوندن مستفید اولمقده در . انضباط فقدانی ، بالعکس ، اویله بر قاریشیق تولید ایدرکه بوندن استفاده ایدرکی کورونلره بیه ضرر ویرر . نه این اولان شی بیلیر نه فنا اولان . نه یاللق نه یالمامق لازم کله جکی ، جائز ایله غیر جائزک نلر اولدینی مجهولدر . ایسته بوندن بر سیکرلیک هیجانی ، متقابل بر آتشنمه حالی حاصل اولورکه چو جوق ایچون الیدر . اوزمان ، چو جوقک خوینده کی قابلیت تحوکل اعظمی درجه یی بولدینی کورولور . بر اوجدن او بر اوجه ، قهقهه دن کوز یاشنه ، یاخود عکسنه ، پک قولایقله کچه بیلیر . چونکه چو جوقده ، بویوکلر آدم کی ، کندی خارچنده کنیدیسی تحدید ایدن ، اعتداله صوقان وطیعتندن دیشاری چیقمامغه مجبور ایله یین برشی حس ایتیه جک اولورسه طبیعی شرائط دااخلنده بولونما یور دیمکدر . کندیلر نده اولچو واعتدال احتیاجی هنوز فوری صورتده ایفای وظیفه ایدیه بیهلک طرزده تشکل ایتمکه وقت بولامش چو جوقلر حقنده بوسوز بوتون بوتون دوغرودر .

مع مافیه ، مکتب انضباطی کنیدیسندن بکله مکه حقمز اولان بوتون اوافنده لی نتیجه لری آنحق کنیدیسه بعض حدودلر دااخلنده قالمق شرطیله حصوله کتیره بیلیر . فی الحقیقه ، صنفک حیاتی ، خطوط عمومی سی اعتباریه تثبیت ایدیش اولوق الزمدر . دیگر طرفدن ، قاعده و اصولک ، ال اوافق تفرعاته قدر شامل اولماسی ده مقتضیدر . بویابده قاعده لر

بولونماسنه قطعياً احتياج واردر . فقط هرشيئك قاعده آلتنه آلتاسى ده فنادر . بويوك آدمك بوتون افعال وحركاتى اخلاقك قواعدينه تابع دكلدرلر . بعضيلرى واردر كه فرد بونلرى ياپىق ياخود ياپماق ، ياخود ايسته ديكى كى ياپىق صلاحيتنى حازدر . حاصلى ، بوافعال وحركات اخلاق نقطه نظرندن تقدیر كيفيته معروض وتابع بولونمازلر . بونك كى ، مكاتب انضباطنك ده بوتون مكاتب حياتنه شامل اولماسى اقتضا ايدر . چوجوقلر ك طور وحركتلى ، ناصل دوراجقلى ، ناصل يورويه جكلرى ، درسلى ناصل اوقويه جقلى ، وظيفه لر ناصل قلمه آلا جقلى ، دفترلى ناصل طوته جقلى ، الخ ... اولدن پك فضله برصراحت ايله تعيين ايديله مليدر . چونكه ، باطل اعتقادلر اصل دينك منافعه نه قدر مغاير ايسلر بوقدر واسع برانضباطده حقيقى انضباطك منافعه اوقدر مخالفدر . بونك ده ايكي سببى واردر . بركره ، چوجوق بومطالباتى صرف كنديسى ازعاج ايتمكه ، صيغمه مخصوص برطاقم منفور ياخود بى معنا تدبيرلر عد ايتمكه ميالدر . بوايه قاعده نك سلطه سنى چوجوق نظرند اخلا ايدر . ياخود ، چوجوق بوشدتنى انضباطه ، مطاوعتكاراه وبلامقاومت عرض ايقاد ايدر سه ، آراتى هرشيئى امر ايله ياپمغه آليشير . بوده كنديسنده هر دورلو قوه تشبيهى اولديرر . حالبوكه ، بالخاصه شمعديكى شرائط معنويه داره سنده ، فرد جماعتجه مشترك حياتده كندى كنديلكندن حركتده بولونمغه وشخصى بر رول ايفا ايتمكه مجبور اولديغى جهتله ، بوقدر مستوليانه بر اصول وقاعده چوجوئك معنويانى اوزرنده فايت فنا برتائير اجرا ايتكندن خالى قالا ماز . اونك ايجون ، بو طرزده كى قاعده واصللر ، چوجونى برعاصى حالته كتير مزلرسه معنا بيتكين برحاله صوقارلر . مع مافيه ، بوسوه استعمالك نتيجهلرى بوقدر وخيم اولمقله برابر ، معلملر پك قولايقله بوخطاى ارتكابه ميالدرلر . بونقطه نى ادراك ايتهلرى پك لازمدر . هيچ برشيئك منع وضبط ايتمديكى هر قوت ناصل بى پاين صورتده انكشافه ميل كوسترير سه معلمك النده قاعده واصل وضع ايتك يولنده موجود اولان صلاحيتده تحديدايديلمكه محتاجدر . حالبوكه ، صنفك داخلنده چوجوقلر ك قارشيسنده معلم ياپه يالكزدر . چوجوقلر او كاقماومت ايدمه يه جك حالده درلر . بناء عليه ، معلم كندى كنديسنه قارشى مقاومت ايدمه بيلمليدر . هيچ شهبه سز برچوق سنهلر مكاتب اصول وقواعنده پك افراطه واريلش اولديغندن دولايدير كه بوافراط ، انضباطه قارشى بر آز اول بحث ايتديكم عكس العملى توليد ايتش اولاجقدر . فقط بوعكس العملده دوغرو درجه نى تجاوز ايتك تهلكه سنى عرض ايديور .

شمدی آرتق مکتب انضباطنك نه اولديغی ، نه وظیفه کوردیکنی آکلادقن صوکره ، چوجوقلری بوانضباطی تطبیقه سوق ایچون نه یولده حرکت ایتک لازم کله جکمه باقلم . فی الحقیقه ، چوجوقلره بوانضباطی جبراً وضع ایتک ، اونلری انضباطه بر ماکنه کبی آلیشدرمق ، انضباط ذوقی ویرمک ایچون کفایت ایتمز . چوجوق ، قاعدهده کنديسنی مطیعانه تبعیته سوق ایده جک شیشی کندي کنديلکندن حس ایتلیدر . تعبير دیکرله ، چوجوق ، قاعدهده بولونان وقاعدهی شایان حرمت یاپان معنوی سلطه یی حس ایتک لازم کایر . چوجوغك اطاعتی ، بوباطنی حرمت حسنك ظاهری برترجهسی دکلسه حقیقهٔ اخلاقی عد اولوناماز . فقط اوکا بوحمی ناصل تلقین ایتلی ؟

قاعده چوجوغه معلم واسطه سیله بیلدیریلدیکی جهته ، هرشی معلمه تابعدر . قاعده ، معلمك اوکا ویردیکی سلطه دن یعنی ، چوجوقلره فکری تلقین ایتدیکی سلطه دن باشقه بر حکم ونفوذی حائر اولاماز . بناء علیه ، ایراد ایتدیکمز سؤال شوکا منقلب اولور : معلم ، اطرافنه سلطه نشر ایتک ایچون نه کبی شرائطی ایفا ایتلیدر ؟

شبهه سزکه ، بونك ایچون بعض فردی اوصاف لازمدر . بالخاصه ، معلمك ، فکرنده قطعیت وقرار بولونماسی واراده سنده اولدجه قوت موجود اولماسی ایجاب ایدر . چونکه آمرانه احکامك اك اساسلی وصف میزلی شبهه وترددلری صوصدیرمقدن عبارت اولدیغی ایچون ، چوجوق ، قاعدهك قرارسزقله تطبیق ایدلیکنی ، قاعده یی کنديسنه بیلدیرمک وظیفه سیله مکلف کیسه نك قاعده نه دن عبارت اولاجقنه دائر دایما امین بولونمادیغی کوره جک اولورسه ، قاعده یی مجبوری دییه تلقی ایده مز . فقط بونلر ، ایکنجی درجهده شرطلدر . هرشیدن اول حائر اهمیت اولان جهت ، معلمك ویرمکه ، حسنی تلقین ایتکه مجبور اولدیغی سلطه یی کنديسنده حقیقهٔ موجود حس ایتمه سیدر . سلطه اويله بر قوت تشکیل ایدرکه معلم اوکا جدأ مالک ایسه بوقوت نمایان اولایلیر . بوسلطه معلمه زره دن کله بیلیر ؟ مجهز اولدیغی مادی قوتدن ، جزا ومکافات ویرمک خصوصسنده حائر اولدیغی حق دن می ؟ جزا قورقوسی سلطه یه حرمتدن باشقه رشیدر . جزا قورقوسنك بروصف اخلاقی یی ، برقیمت اخلاقیه یی حائر اولماسی آنحق جزا بوکا چارپیلان کیسه طرفندن حقلی دییه تلقی ایدلیک شرطیه قابلدر . بوده ، جزا ویرن سلطه نكده مشروع دییه تصدیق وقبول اولونماسی تضمن ایدر . حالبوکه موضوع بحث اولان مسئله بودر . معلم ،

سلطه سنی خارجدن ، القا ایتدیکی قورقودن آلمایه جقدر : کندی کندیسندن آلا جقدر . سلطه اوکا آنجق ایچدنز کله بیلیر . معلمک ، شه سزکه کندی نفسنه دکل ، ذکاسنک یاخود اراده سنک یوکسک مزیتلرینه دکل ، وظیفه سنه ووظیفه سنک بویوکلکنه ایمان ایتمه سی لازمدر . راهبک اوضاعنه وسوزلرینه اوقدر قولایقله او سلطه یی ویرن شی وظیفه سی حقنده بسله دیکی یوکسک فکدر . چونکه موجودیتی ایچنده دویدینی بر الله نامنه سوز سویلر . هر حالده ، بوالله کندیسنی ، توجیه خطاب ایتدیکی کیمسه لردن دها یقین حس ایدر . ایشته غبررو حانی معلمده بو حسدن برپارچه مالک اولابیلر واولماسی لازم کلیر . اوده کندیسنک حدودلری خارجه طاشان وجووجه نسبتله آرارنده دها بالواسطه بر اشتراک بولونان بویوک برشائیت مغنویه نك عضویدر . چونکه چوجوق اوشائیت مغنویه ايله کندی واسطتی سایه سننده مناسبتدار بولونور . راهب ناصل اللهک ترجانی ایسه معلمده زماننک وملككتنک بویوک اخلاقی فکرلرینک ترجانیدر . بو فکرلره مربوط اولسون ؛ اونلرک بوتون بویوکلکلرینی حس ایتسون ؛ اوفکرلرده موجود اولان وکندیسنی طرفندن ادراک ایدیلن سلطه ده بالضروره اوکا ، اوندن صادر اولان هر شیئه سرایت ایدر . چونکه چوجوقلرک نظرنده بوفکرلری افاده ایدر واونلره بر مثال مشخص وجوده کتیریر . بوقدر غیر شخصی بر منبعدن انبعاث ایدن بوسلطه ده نه کبر و غرور ، نه نخوت ، نه معلوما تفرو شلق ایچون یروقدر . بوسلطه ، تماماً معلمک ، وظیفه سی ، حتی تعصیر جائز ایسه وظیفه روحانیه سی حقنده بسله دیکی حرمتدن وجوده کلشدر . سوزلری ، اوضاع واطواری واسطه سیله بو حرمت معلمک شعورندن چوجو غك شعورینه کچر واوراده انطباع ایدر . شه سزکه بر وظیفه یی آکلاتمق یاخود بر درسی ایضاح ایتمک ایچون بیلیم ناصل بر طور راهبانه طاقتمق لازم کله جکنی ادعا ایدیور دکلم . تأثیر حصوله کتیرمک ایچون بو حسک دائماً فعال اولماسنه حاجت یوقدر . ایجاب ایدن زمانده کندیسنی کوسترمه سی وحتقی بر حالده قالدینی ، آچیقندن آچیغه کوزه چاربه جق صورتده نمایان اولمادینی زمان بيله معلمک وضعیتنه صورت عمومیه ده بررنک ویرمه سی کافیدر .

فقط ، دیگر طرفدن ، بو حسک تولدنده معلمک حائز اولدینی حصه عظیم ، ایفا ایتدیکی شخصی رول ، اوکی آلماسی لازم بر تهلکه تشکیل ایدر . فی الحقیقه ، چوجو غك ، معلمک شخصیتی فکرینه قاعده فکرینی پک صیتی بر صورتده تتمریک اعتیادیخی اکتساب ایتمه سندن ،

مکتب اصول وقواعدینی پک مادی برشکل آلتنده ، معلمک اراده سنک افاده سی کی تلقی و تصور ایله مسندن قورقولا بیلیر . قوملر ، من القدیم ، خذ حرکت قانونی شخصیت الهیه طرفندن تاسیس ایدلمش کی تصور ایتمک احتیاجنی دویمش لردر . بویه برتلقی ، واصل اولمق ایسته دیکمز غایه به مخالف اولور . چونکه ، قاعده ، غیر شخصی دکلسه ومفکره لرده غیر شخصی دیه تصور اولونماورسه هویتی غائب ایدر . بناء علیه ، معلمک قاعده نی کنديسنک شخصنه تاند بر اثر کی دکل کنديسنه فائق معنوی بر اقتدار کی کوسترمه ، او قاعده نك صانی دکل اوقاعده نی تطبیقه مأمور بر عضو اولدیغی آکلاتمه غیرت ایتمه سی لازمدر . معلم ، بوقاعده نك طلبه به اولدیغی کی کنديسنه حاکم اولدیغی ، اونی برطرف یاخود تعدیل ایدمه جگنی ، تطبیقه مجبور بولوندیغی ، چوجوقلری ناصل تحت مجبوریتنده طوتیورسه کنديسنه حاکم وجبر ایتدیگنی ایضاح ایتلیدر . چونکه بوشرط ایله ، یالکیز بوشرط ایله درکه طلبه ده ، زمکی کی ده موقراتیک برهیئت اجتماعیه ده شعور عمومینک تاملنده بولونان یاخود بولونماسی ایجاب ایدن بر حسی اویانیدیراییلیر : بوده قاعده واصوله رعایت ، حکم ونفوذنی غیر شخصیلکندن آلان غیر شخصی قانونه حرمتدر . چونکه ، مادامکه قانون آرتق معین بر آدمده تشخص ایدوبده او آدم قانونی محسوس ومادی برشکلده کوزاوکنده اراده ایتمه ور ، بناء علیه ، ذهنلرک ، قانونی عمومی ومجرد برشکل آلتنده تصورایتمکه واوکا بوحالده حرمت کوسترمه آلیشه لاری مطلقا لازمدر . فی الحقیقه ، قانونک غیر شخصی سلطه سی ، صنوف وخاندان نفوذ واعتبارینک آرتق قالمادیغی برهیئت اجتماعیه ده یکانه ذی حیات قالان وصورت قطعیه ده ذی حیات قالماسی لازم کلن سلطه دکلیدر ؟ چونکه جماعتجه مشترک بوتون انضباط گوشه مه دن بوسلطه نك ضعف کسب ایتمه سی قابل اولاماز . مع مافیه ، بوفکرک ، عصرلردن بری کولکشمش قدیم اعتیادلره چارپدیغی ، بونی ذهنلره صوقق ایچون قوجه برتهذیه احتیاج بولوندیغی کنديمزدن کیزله مه ملی یز . مکتب بو وظیفه یه لاقید قاله حق اولورسه الک باشلی وظیفه لرندن برنده قصور ایتمش اولور .

مکتب انضباطنک نه اولدیغی ، بونده بولونان سلطه نی چوجوغه حس ایتدیرمک مصل قابل اولاجغی صیرا ایله ایشته کوردک . قاعده یه مربوط اولان قوه مؤیده لره متعلق هیچ برفکری ایشه قاریشدرمادن هر ایکی مسئله نی ده تدقیق ایده بیلدک . بو ، انضباط فکرینک تشکلنده قوه تأییدیه لره ، بعضاً کنديلرینه عطف اولونان اوفاتق رولی حائز اولمادقلرننددر .

اون برنجی درس

مکتب جزاری

مکتب انضباطنك اخلاق رولى نهدن عبارت اولديغى ، چو جوغه ناصل غير شخصى و مجرد قاعده يه حرمت حسنى ، نفسنه حاكم اولمق و نفسنى منع و ضبط ايتمك اعتيادى و يرمكه خدمت ايتمه سى لازم كله جكنى كوستردكدن صوكره ، حكمت وجودى اولان بو غايه يه نه صورتله و نه كې شرائط دائره سنده واصل اولاييله جكنى آراشديردق . چو جوق ، قاعده نك او امرينه كندى كندىلكندن اطاعته آليشه بيلمك ايچون ، اونده شايان حرمت اولان شئي يئنى موجود معنوى سلطه يى حس ايتمه سى لازمدر . بو قاعده يى طائيمه يى معلم واسطه سيله اوكرنديكندن ، اونى كنديسنه معلم آكلانديغندن دولاييدر كه قاعده آنجق معلمك ويره بيلمش اولدينى سلطه يى حازر اولاييلير . چونكه قاعده نك امر ايتديكى فعل و عمل ، ده ايديره جان صيقيجى و مزعج اولان بو حركت ، حد ذاتنده كنديسنى اراده يه مطلقا قبول ايتديرمك بروصفه مالك دكلدر . قاعده نك ، محتاج اولدينى حكم و نفوذ ديمك كه كنديسنه آنجق خارجدن كله بيلير . ايسته بونى اوكا ورن معلمدر . شو حالده ، بوتون مسئله ، بو سلطه نك معلمه نرهدن كله بيله جكنى بيلمكه انحصار ايدر . كوردك كه معلمك بونى اقتباس ايديره بيله جكى يكانه منبع كندى ايچنده در ، يئنى ، وظيفه سى حقنده بسله ديكي فكرده در ، مربوط اولدينى و چو جوقلرى ده ربطه چاليشدينى اخلاقى مفكورده در . بر آدمك سلطه يى حازر اولارق سوز سويله مه سنى احباب ايدن شى ، قناعتلرينك آتئينلكيدر . يالكز افاده ايتديكى فكرلارك حقيقت مجرده سى دكل ، بالخاصه قيمت اخلاقى لرى حقنده بسله ديكي ايماندر . چونكه معنوى سلطه ، يئنى بى ، عملى empirique شخصيتمرك و هم جنسلر يمزك حد وسطلرينك فوقه يو كسلتن اوصافك او هيئت مجموعه سى ، انجق بزم فوقزده كى اويكانه شائيتنه يئنى شائيت معنويه ده صيقي ، ده ا صميمى صورتده مربوطيتمزدن ايلرى كله بيلير . خارجى اشارتلى نقصان و قصورلى اولاييلير . داخل حى موجود و جانلى ايسه ، هيچ دكلسه جوق كره كنديسنى بللى ايديره بيلير و سرايت قوتى كوستره بيلير . بونك ايچوندر كه سلطه يى معلمك اك برنجى وصفى عد ايدرلر . يالكز خارجى انتظامك شرطى اولديغندن دولايى

دكل صنفك حيات معنويه سى اوكا وابسته اولديغندن دولايى بوتلقى وجود بولمىشدر . شېه . سزكه معلمك نفسنده حائر اولدينى بوسلطة ، ساده جه معلمك ، وظيفه سنى ، بويوكلكنى ادراك ايمه سى يوزندن ، چوجوقلرله حال تماسه كيرير كيرمز ، اولنره تلقين ايتديكى حرمكارانه اعتماد - ايه سنده آرتار . معلم ، ياديني شېه ده فاضله اينانير . چونكه بوكا اينانمقده يالكز دكلدر ، چونكه چوجوقلرده كنديسيله برلكده اينانيرلر . چوجوقلر ك ايمانى معلمك ايمانى تحكيم وتاييده كليرلر . بردولت آدمى ، آنجق افكار عموميه كنديسنه طرفدار اولقى شرطيله برقوى اداره ايدم بيلديكى كى ، معلمده آنجق صنفى كنديسنه ايمان ايتك شرطيله صنفى اداره ايدم بيلير . فقط ، اوكا مظاهر اولان وجماعتجه مشترك حس ، كنديسنده بولونان سلطه نك برمحصوليدر . چوجوقلر ك بوباده مالك اولدقلى حس و صوريله كنديسنى بيلدريمىشدر . معلمك سلطه سى ، معلمك فعاليتدار بولوندينى بوتون او كوچوك شعورلره انعكاس ايتديكندن دولايى ، اولردن ، بويومش برحاله ، تكرار كنديسنه عودت ايدر . نتيجه سبب اوزرنده عكس تاثير اجرا ايلر وشدتى آرتيرر . فقط ، معلمك مالك اولدينى سلطه ، بونك سبب ابتدائيسى اولمقدن خالى قالماز . هرشيئى حركته كترين بويوك موتور اودر . بوانكاسلر ، اهميتلى نه اولورسه اولسون ، آنجق ايكنجى درجه ده حائر اهميت بررحادته تشكيل ايدرلر .

معلمك سلطه سندن ، بونك لزومندن بحث ايتديكمز وقت ، برصنفى هيچ برزمان بر طابور كى اداره ايتك لازم كله جكنى ادعا ايمه ديكمى علاوه حاجت وارمىدر؟ شېه سزكه انضباط فكرينى پك خوشه كيده جك طواهر آلتنده كزله مك قدر اوكا مغايرهيچ برشى يوقدر . مونته نك توصيه ايتديكى كى ، بو انضباط فكرينى خوش وقولاي برشى طرزنده تصوير وارائه ايتك ، ماهيتنى تغيير ايتك اولور . حياتده هرشى بر اوبونجىاق دكلدر . چوجو غك جهد وغيرته ، زحمته آليشاسى لازمدر . بناء عليه ، هرشيئك ، اوبون اوينار كى بايلا بيله جكى قناعتنى چوجوغه ويرمك فلاكت انكيزبر كيفيت اولور . فقط ، بركره ، اجتماعى حيات برعسكرى قرارگاه حياتى دكلدر . ديكر طرفدن ، چوجوق جدى حياته آليشديريلقى ايجاب ايدييورسده شوراسى كوزدن هيچ برزمان اوزاق طوتاماليدركه موضوع بحث اولان مسئله آنجق بوحياته ايلك برآديم آتديرمادر ، باشلامادر وچوجوق بويوك برآدم دكلدر . بوچوجوق فطرت وطبيعتنه كوره كنديسنه معامله ايتك لازمدر . بناء عليه ، معلمك سلطه سى ، متانت خوشونته وشدته تردى ايمه جه صورتده خيرخواهلقه

كسب اعتدال ايتك اقتضا ايلر . وظيفه نك ايكي منظره لي اولديني چوق كرد سويله دك :
 بريوزينه باقيلنجه شديد و آمرانه كورونور . ديكر يوزي اونى شايان آرزو و جاذب كوسترير .
 عالمده بوايكنجي عنصر پك غالبدر . مكتبد ، بالعكس ، برنجي عنصر كسب اهميت
 ايتليدر . مع مافيه ، چوجو غك معنوي تشكلى هنوز پك كه ورمك ، پك مترددانه اولديني
 ايچون وظيفه نك اوخاتني جديت و شدتي ايله مفيد بر صورتده فارسلاشماسي قابل دكلدر .
 وجهت نه اولورسه اولسون ، هر حالده كوروليور كه انضباطه حرمت حسنك مثنائي ،
 قاعديه تجاوزلري تاديب ايدن قواي مؤيده قورقوسنده دكلدر . في الحقيقه مكتب حياتي
 حقنده تجربه سي اولانلرك كافه سي بيلرلركه اي انضباط حسنه مالك بر صنف ، اك آجزا
 ويريلن صنفدر . جزا ايله انضباط سزلق عموميتله آت باشي يورورلر . چونكه ، انضباطك
 ايفاي وظيفه ايمه سنده - حياتده اولديني كي مكتبدده - قواي تاييديه ، برطاقم نظريه جيلرك
 بعضاً كنديلرينه عطف ايتدكلري او فائق روله مالك دكلدرلر . مع مافيه ، ديكر طرفدن ،
 قاعده فكري ايله قاعديه تجاوزي تاديب ايدن جزا فكري آراسنده صيقي بر ارتباط بولونمق
 لازم كله چكي محققدر . چوجو غك خط حركتنى تعين ايدن قاعده لره ، - بويوك آدملرك
 خط حركتلىرى تعين ايدن قاعده لر كي - دائماً قواي تاييديه ربط ايديلش اولماسي سببسز
 دكلدر . بوايكي حدى يكديكيرينه برلشديرن رابطه ندر ؟ تعبير ديكرله ، نهدن جزا و يرمك
 لازمدر ؟ يكنظرده بسيط كي كورونمىلن بو سؤاله بر برلرندن پك فرقلي حنى يكديكيرينه
 ضد صورت حللر تكليف اولونمشدر . بونلري ، صرف عملي بر مقصدله تدقيق ايتك حائر
 اهميتدر . چونكه طرز تجزئه ، بديهدركه ، مكتب جزاسي وايضا ايتديكي وظيفه حقنده
 بسله ن فكره تابعدر .

بو نقطه ده ايكي نظريه موجوددر .

بعضيلري نظرنده ، جزا ساده حه قاعده نك عدم رعايتنه ميدان و يرمه مك اوزره بر
 واسطه دن عبارتدر . چوجو بر ده فنا حركتده بولونماق ، ديكرلرينك كنديسنى تقليد
 ايتمه لرينه مانع اولمق ايچون جزا و يرمك لازمدر ، ديرلر . موضوع بحث اولان يكانه
 مسئله شودر : ذهنلرده هر خطا فكرينه اويله بر الم ربط ايتكى كه بونك دائرة احتمالده
 كورونمى ، ممنوع فعل و عملك عودتنه ميدان و يرمسون . تعبير ديكرله ، تجزئه نك رولى
 اساس اعتباريله بر وظيفه مانعدر . بو تأثير مانعده تماماً جزا تهديدندن انبعاث ايدن
 قورقو سايه سنده وقوعه كلىر .

شبهه یوق که ، تجزیه ، کندیسنه عطف ایدیلن تاثیر بر درجهیه قدر حصوله کتیرمکدن خالی قالماز . جزا قورقوسنک بعض اراده لر اوزرنده نجات بخش بر تاثیر اجرا ایتهمی بوجه پیشین انکار اولونه ماز . فقط تجزیه نك نه یکانه نهده الک اساسلی حکمت وجودی بو دکدر . چونکه ، باشقه غایه سی اولماسه ایدی ، ایفا ایدمه حکم خدمت پک ایکنجه درجه ده حائر اهمیت اولوردی و باشقه جهنده عرض ایتدیگی غایت وخیم محذورلری بو فائده نك تلافی ایدوب ایتهمیه جکی . سی سؤال کوروله بیلردی . فی الحقیقه جزا خارجدن وخارج اوزرینه تاثیر ایتدیکندن دولاییدرکه حیات معنویه نك تا منبعنه قدر واصل اولاماز . بر آزدن تعیین واره ایدمه حکمز بر نسبت داخلنده ، جوجوغی بعض افعال و اعمالدن اجتناب ایتمه ماکنه کبی آلیشیدیراییلیر . فقط ، جوجوغی فنا صورتده حرکت ایتمه سوروکله بن میلانه قارشى ، جوجوغی ایلیک طرفنه اماله ایدمه جک ضد بر میلان تولید ایدمه . قورقوتمه ، مؤثر اولسه بیله ، حد ذاتنده اخلاق بخش بر کیفیت دکدر . بناء علیه جزانک مجرمانه آرزولری قورقوتهرق ضبط ومنع ایتمکن ، باشقه بر وظیفه سی اولماسه . ایدی بو ، خارجی ومادی بر قانونیت تأمین ایچون برچاره ، بر پولیس اصولی عداولونه بیلردی . فقط هیچ بر زمان اخلاق بخش بر آلت اولامازدی . فقط ، بوندن باشقه ، بو خصوصی نقطه نظرندنده ، جزانک مؤثریتی پک محدوددر . ایतालین جزائیونی ، کوزه چاربان مثاللر اثبات ایتدیله که جزایه پک چوق کره عطف ایدیلن اوواقی خاصه وتأثیر هر حقیقه نك فوقنده مبالغه ایدیلشدر . بو تأثیرک نندن دولای غایت محدود اولماسی لازم کله جکی آکلامق قولایدر . شبهه سزکه ، باعث اولدینی اضطراب بر فناقدر . بر آدمک دوشونجه لرندمه ، بو فناغه معروض قالمق احتمالی اجرای تأثیردن خالی قالماز . فقط ، وظیفه سی یامق ایچون کندی نفسی منع وضبط و تضییق ایتکده بر فناقدر . هر وظیفه ده بر محرومیت ، بر فداکارلق ، بر فراغت واردرکه ، هله بوکا طبیعت اقتضاسی اولارق میال بولونلادینی زمان انسانه پک بهالییه مال اولور . بو ایکی فناقدن نیچون برنجیسی دهامدهش کی کورونه جک؟ بالعکس ، زمان اعتباریله اوزاقده اولدینی ، بر چوق احوال جزادن قورتولمق امیدینی ویره بیله جکی جهته ، زمان حالده اجرای تأثیر ایدن اغواآته مقاومت کوستریلیدیکی ، درحال تحصیل ایدمه جک بر حظ واستفاده دن واز کچیلیدیکی وقت نفسمزه تحمیل ایدمه حکمز محقق فناغه قارشى بر مقابل ثقل وجوده کتیره بیلک ایچون غایت فناشرائط داخلنده در . حاصلی ، جزاء مجرملک مسلکنک مسلکه مخصوص تهله کلرندن بریدر . بر چوق مسلکله واردرکه

بونلرده مسلك تهلكهسى بالنسبه پك دها جو قدر . حالبوكه اوکي ايشلره قولايقله طالب
 ظهور ايدیور . معدنچیلر ، تهلكهلى صنايع عمله لری ، ازلاندا بالقجیلری... الخ. اولومه
 ياخود خسته لغه اوغرايان آرقاداشلرينك ياخود سلفلرينك مثالى كوروبده اوركه يورلر.
 سودكلىرى ر مسلكدن، برشكل فعاليتدن واز كچمكدن ايسه محقق و وخيم برتهلكه يه عرض
 نفس ايميني مرجح كوروبورلر . مجرمك معروض اولدينى تهلكه نهدن اوکا ميلانلرينى
 تعقيب خصوصنده دها بويوك بر مانعه تشكيل ايديه بيلسون ؟ شبهه سزكه ، جزا ، استعدادى
 اولمايانلرى، تعبير جائز ايسه ، عادى ، قرارسز، ايكي استقامت آراسنده متردد فطرتلى
 دوردور ايلير . فقط تاثيرى بوكا انحصار ايدر . ايشته بويوك ياشده كي مجرملر حقنده
 سوياديكمز بو سوزلر مكتب مجرمى دينه بيله جك چوققلر حقنده ده حرفياً تكرار
 اولوناييلير . چوجو غك طبيعى تبليلى يالكز فارالامه جزاسنه محكوميت احتمالى ايله
 قارشىلاشيرسه بر چوق احوالده بو قورقويه قولايجه غلبه چالايلمه سندن انديشه يه محل
 واردر . بناء عليه مكتب جزالرينك بر قاچ جرمه مانع اولمقدن باشقه برحمت وجودى
 اولماسه ايدى ، بويوزدن ايفا ايديه بيله جكلرى خدمت شبهه سزكه بوتون تربيه سيسته ملرينك
 اشغال ايتدكلرى و من القديم اشغال ايتمش اولدقلرى موقع ايله متناسب برشى اولمازدى .
 بالخاصه ، جزانك مال اولدينى شيلر ، تضمن ايتديكى قوت و زمان ضياعلرى و بونلردن
 فضله ، چوجوقده اويانديرمق تهلكه سنى كوسترديكى فنا حساردوشونولورسه بو حكمى و يرمك
 قابل اولاماز .

ذاتاً جزانك ، باشقه بر وظيفه سى اولمق لازم كلدبكنى پك كوزل اراثة ايدن بر كيفيت
 واردر . هپمز بيليورزكه جزا ، قباحث ايله متناسب اولمق ايجاب ايدر . حيات حقيقه ده
 اولدينى كې مكتبده ده ، غير مساوى قباحثلره مساوى قوه تأييده مربوط اولماسنى ياخود
 بونك عكسى وقوعه كلسنى وجدان قبول ايدمه مز . حالبوكه تدقيق ايتديكمز نظريه نك
 ايجاب ايتديكى وجهله جزانك ، ممنوع بر فعلى ارتكابه تمايل ، تهديد طريقيه ضبط و منع
 ايدمه رك ، اونك تحذنه ميدان و يرمه مكدن باشقه بر غايه سى اولماسه ايدى ، جزا بو فعل
 و عملك وخامتيله دكل بو تمايلك شدتيله متناسب اولمق اقتضا ايدردي . حالبوكه كوچوك
 قباحثلره ، پك اهميتسز عد ايديلنلره تمايل بويوك مكتب جرملىنى ارتكاب خصوصنده كي
 تمايلدن چوق شدتلى ، چوق مقاومتلى اولاييلير . مثلاً ، معلملرینه قارشى آچيقدن آچيقه
 عصيانه ، اونلرك يوزلرينه قارشى حقارته ، آرقاداشلرينه فناقلده بولونمايه قوتلى صورتده

مستعد پك آز چو جوق واردر . بالعكس ، اعتنالی و دوامی صورتده چالیشماغه ، دالغینلق ایتمكه الخ ... میال اولانلر پك چوقدر . حالبوکه ، مزمن وعادتا ولادی کبی اولدی یی یرلرده ده بییط بر خفیفلکی آچقیدن آجبعه بر عصیان حرکتندن دها شدتلی صورتده تجزئه موضوع بحث اولاماز . بو قدر غیر متناسب بر جزا مجرمه حقسز کبی کورونور و کرکه معلمه کرکه تمثیل ایتدیکی نظام اخلاقی به قارشلی اونی عصیانه سوق ایتمک تهلکه سنی عرض ایلر . فقط ، اوحالده ، جزا حقلی اولوق الزم ایسه یعنی ارتکاب ایدیلن تجاوزایله متناسب بولونماسی اقتضا ایدیورسه ، بو ، یکانه غایه سی قورقوتمقدن عبارت اولمادینی ایچوندور . تجزئه ایتدیکی فعلک قیمت اخلاقیه سی ایله حائز اولدینی مناسبت ، باشقه بر وظیفه سی اولماسی لازم کله چکنه شهادت ایلر .

یوقاریکیلره معارض بر اخلاقیون مکتبنه کوره ، بو وظیفه ، ارتکاب ایدیلن قباحتنک عودتنه مانع اولوق دهل ، اونی سیلمکدن عبارتدر . جزا ، حد ذاتنده ، قباحته مندرج شر اخلاقی نی تلافی ایدیجی بر خاصیه مالکدر . قورقوتماق ایچون دکل ، تجاوزی و نتایجی تضمن ایچون جزا ویرمک لازمدر ، دیرلر . موسیو ژانه دیورکه : « جزا یالکیز قانونک اجراسنی تأمین ایدن بر تهدیددن عبارت اولمالیدر اوکا تجاوزی تصحیح ایدن بر تعمیر ، یاخود بر کفارت تشکیل ایتمه لیدر » . بو صورتله آکلاشیلان جزا ، جرمی ازاله ایدن ، وهرشی تکرار یرلی یرینه کتیرن بر نوع مضاد جرمدر . جزانک یوزی استقباله دکل ، ماضیه متوجهدر . او سایه ده ، ماضی صانکه هیچ وقوعه کلمه مش کبی اولور . قباحته ، انتظامی اخلاک ایتشدور ؛ جزاده بو اخلاک ایدیلش انتظامی تکرار تاسیس ایله مشدر . بو نتیجه ناصل واصل اولیور ؟ تضمن ایتدیکی اضطراب واسطه سیله . عینی محرر دیورکه : « خاصی بر اراده طرفندن اخلاک ایدیلن انتظام ، ارتکاب ایدیلن قباحتنک نتیجه سی اولان اضطراب واسطه سیله تکرار تاسیس اولونور » . مجرمه ویریلن اضطراب ، سبب اولدینی فناللی تعمیر ایده چک دیمکدر . اونی تعمیر ایدیور ، چونکه فنالق ایچون بر کفارت وجوده کتیریور . دیمک که جزا ، اساس اعتباریله بر کفارتدر . بو نقطه نظرده ، جزا ایله قباحته آراسنده کی متناسبک قولایجه ایضاح ایدیلر . چونکه جزانک قباحتی سیله سیلمه سی ، اوکا تقابل ایده سیلمه سی ایچون اونک معادلی اولماسی لازم کلیر . حکمدن اسقاط ایتمک وظیفه سیله مکلف اولدینی فنالق ایله مبسوطاً متناسب اولارق آرتماسی ضروریدر .

بو تلقیه ، حقلی بر اعتراض درمیان ایدیلشدرکه اوده استناد ایتدیکی بر نسپک غیر

معقول و بی معنا اولماسندن عبارتدر . اضطراب ، حد ذاتنده ، دائماً بر فناقدر، دنیلیور .
 بو صورتله مجرمه ایدیلن فناق ، اونک یادیفی فناقی هانکی نقطهده تلافی ایدر ؟ مجرمه
 ایدیلن فناقده اونککنه انضمام ایدر ، یوقه اورتده بر طرح عملیهسی وقوعه کلز .
 بو صورتله آنجق ساخته بر تناظر تأمین ایدیله ییلیر . کویونک فکرنبجه ، بو ، خسته بر
 قوی تداوی ایچون ، بردوقتورک اوتهکی قوی کسمکدن ایشه باشلاماسنه بکزر . حاصلی،
 بر کفارت شکنده تلقی و تصور ایدیلن جزا ، اسکی قصاصک پک آرتازده لشمش بر
 شکلندن باشقه بر شی دکدر . قصاص قانونی ایسه معاصرلرمزک وجدانی طرفندن آرتق
 قبول اولوناماز دنیلیور .

حالبوکه ، بو نظریهده شایان محافظه بر جهت وارددر . بونک آتلامق لازم کلن جهتی
 جزانک ، قباحتی سیلمهسی، یاخود هیچ دکسه ممکن اولدیفی قدر تعمیر ایتیمسی مطالعه سیدر .
 یالکیز ، جزایه بو تعمیر کارخاصه ، بر اضطرابی تضمن ایتدیکندن دولایی کلز . چونکه
 بو اضطراب بر فناقدر . بر فناغک دیگر بر فناقی تلافی و احا ایده بیلیمهسی بی معنا بر
 شی اولدیفی بدیدیر . فقط جزا ، تماماً ، باعث اولدیفی منده مندمج دکدر . الم، تجزیه کیفیتمده
 ظن اولوندیغنه نسبتله پک اهمیتسز بر رول ایفا ایدر . جزانک و تجزیه نیک اصل ولی
 باشقه نقطهدهدر .

جزانک ، قباحتی ناصل تلافی ایده بیله جکنی آکلامق ایچون ، ازل امرده بوقباحتک
 باعث اولدیفی معنوی فناغک نهدن عبارت اولدیغنه باقلم که اصل موضوع بحث اولان مسئله
 وونی خفیفلتمک یاخود سیلمکدر .

بویوک آدملرده اولدیفی کی، چوجوقلردهده معنوی سلطه ، بر افکار عمومیه مسئله سیدر .
 بوتون قوتی افکار عمومیهدن آلمقدردر . بناءً علیه ، مکتبده قاعده نیک سلطهسی وجوده
 کترین شی چوجوقلرک بوبابده مالک اولدقلری حسددر . یعنی ، اوئی غیر قابل تجاوز ،
 قدسی ، کندی تعرضلرندن مصون برشی کی تصور ایتهلرنددر . بوحمی ضعیفله بیله جک،
 چوجوقلری بوعدم قابلیت تجاوزک حقیقی اولمادیغنه اینانغنه سوق ایده بیله جک شیلرک کافهسی
 انضباطی تا منبعنده اخلاص ایتمکدن خالی قالاماز . حالبوکه ، قاعده ، اخلاص ایدیلدیکی
 نسبتده غیر قابل تجاوز کی کورونمکدن خالی قالیر . تجاوزه اوغرایان قدسی بر شی یکی
 بر وقعه حصوله کلوبده اوکا ، ماهیت ابتدائیهسی اعاده ایتزه قدسی [حرام؟] کی

کورو نمکدن چیقار . علی العاده بر آدمک بی پروا ، ال قالدیر ایله جکی بر الوهیه ایمان ایدیلر . بونک کبی ، قاعدهیه قارشى وقوعه کله جک هر تجاوزده ، چوجوقلرده قاعدهنک ال سورولمز و صفنه قارشى موجود ایمانی اخلاخل ایلر . چوجوقلرک قاعدهیه عرض انقیاد ایتمه لینه باعث اولان شی اوکا بر نفوذ و اعتبار ، بر نوع قوه مغنویه عطف ایتمه لیدرکه بو قوتک شدتی ، تأثیرینک قدرتیله اولچولور . قاعدهنک عموم طرفندن مطاع اولدیغی کوردیلر می ، قاعده اونلره تأثیراتنک اهمیتیه متناسب اولارق ، غایت ذی قدرت کلیر . بالعکس ، بعض اراده لرک بو قاعده دن قولایجه آزاد قاله ییلدکلرینی کورورلر سه اونى ضعیف و تأثیرسز حس ایدرلر . ایشته قباحتنک باعث اولدیغی اصل معنوی فئالق بودر . چونکه چوجوغلک مکتب قانوننده کی سلطیه قارشى ایمانی صارصار . ناصل که بویوک آدم لرده ده قانون اخلاقینک سلطه سه قارشى موجود ایمانی صارصار و بناءً علیه او سلطیه یی حقیقه آزالتیر . حاصلی ، بر اخلاق قاعده سه تجاوز وقوع بولوبده هیچ بر شی بونک تأثیراتی حکمدن اسقاط ایتمزه او تجاوز بر اخلاق بوزولماسنه سبب اولور . انضباطسزلى فعلی ، انضباطی ضعیفله تیر . بو صورته حصوله کلن فئالقنى تلافی ایچون نه یاپمالیدر ؟ تجاوز اوغرایان قانون ، شهادت ایملیدرکه ، ظواهره رغماًینه اسکی حالنده در ، کنديسنی انکار ایدن فعل و عمله رغماً قوتندن ، سلطه سندن بر شی غائب ایتمه مشدر . تعمیر دیکرله ، تجاوزک قارشيسنده قانون موجودیتنى بللی ایتمه لی ، معروض اولدیغی هجومک شدتیله متناسب بر شدت ابراز ایدمک صورته عکس العمل کوسترملیدر . ایشته جزا ، بو معنیدار تظاهردن باشقه بر شی دکدر .

واقعا ، موجودیتنى تأیید و اظهار ایدن ، عکس العمل کوسترن قانوندن بحث ایدرکن ، بر طائف تجریذاته بر حقیقت شکلی ویریور کی اداره کلام ایتمکده اولدیغی کوریورم . فقط بو سوبله دکاریمزک کافه سی غایت مادی و مشخص برلسانه قولایقله ترجمه اولوناییلرلر . شبهه سزکه عکس العمل کوسترن موجودیتنى تأیید و اظهار ایدن شی قاعده دکدر . کنديسنک عضوی اولان آدم واسطه سیله یعنی معلم واسطه سیله بو قانون بر عکس العمل کوستر و وارلقنى اظهار ایدر . فی الحقیقه ، بیلورزکه چوجوق قاعدهیه اینانیور سه بونک سببی معلمنه اینانماسیدر . چوجوق قاعدهیه دقت ایدیور ، چونکه معلمی اونک شایان حرمت اولدیغی سوبله یور و کنديسی ده حرمت کوستریور . فقط معلم ، قاعدهیه تجاوز وقوع بولدیغی کورورده مدافعه ایتمزه بومساحه ، کنديسنک قاعدهیه عینی قوتله اینانمادیغی ، شایان حرمت وصفی عینی درجه ده

حس ایتمه دیکنی آ کلاتیر . چو جوقده بونستده قاعدهیه ایمانی غائب ایدر . بر یسنک ولوکه صرف ظاهری ده اولسه بر شبهه سی دیکرینکده شبهه سنی انتاج ایلر . چو جوغک شبهه سی ایسه انضباطک تمنی صارصار . بناء علیه ، قاعدهیه بر تجاوز وقوع بولدینی زمان ، معلم ، حساباتک هیچ دیکشمه دیکنی ، دائماً عینی قوتی حائز اولدیغنی ، نظرند قاعده نك دائماً قاعده اولدیغنی ، نفوذ و اعتبارندن هیچ برشی غائب ایتمه دیکنی ، معروض قالدینی تجاوزده رغماً حرمتیه عینی درجه ده لیاقتی محافظه ایله دیکنی ترده محل اولمیه جق صورتده بللی ایتمه لیدر . بونک ایچون ، ارتکاب ایدیلن فعل و عملی علنی صورتده تقبیح ، شدتله مؤاخذه ایله مسی لازمدر . شدید بر مؤاخذه : ایشته جزایی اصل تشکیل ایدنشی بودر . حاصلی ، جزانک اساسلی وظیفه سی مجرمه اضطراب ویره رک جزاسنه بر کفارت استحصال ایتک یاخود جرمی تقلید ایتمه لری محتمل اولانلری جزا تهدیدیه قورقوتمی دکلدر ؛ قاعدهیه وقوع بولان تجاوز اوزرینه ، کنیدیلری ایجه فرقه وارماسه لر بیله ، ایمانلری صارصیلا بیلن ، بالضروره صارصیلمش اولان شعورلری تطمین ایتمکدن ، اونلره بوايمانك دائماً حکمت وجودی بولوندیغنی کوسترمکدن وبالخاصه مکتبدن بحث ایدرسه ک ، چو جوقلره او ایمانی ویرن معلمک دائماً اونی محافظه وحس ایتدیکنی آ کلاتمقدن عبارتدر . بناء علیه ، مکتب اخلاقنک ایقاي وظیفه ایتمه سی کیفیتنده جزا مهم بررون ایفا ایدر . شبهه سزکه ، اثبات ایتدیکمز وجهله ، انضباطه سلطه سنی ویرن شی جزا دکلدر . فقط انضباطک بو سلطه یی غائب ایتمه سینه مانع اولان سبب ، جزادر . ارتکاب اولونان تجاوزلر جزاسز قالا جق اولورلر سه ، تدریجاً سلطه یی احما ایدرلر . اونک ایچون ، قباحندن تولدایدن فنالنی جزانک تلافی و تصحیح ایتدیکی سوزی پک دوغوردر . فقط ، کوریلدورکه بوتلافی وجوده کتیرن شی جزا دیده اولان کیمسه یه ویریلن اضطراب دکلدر ؛ حائز اهمیت اولان نقطه ، چو جوغک اضطراب چکمه سی دکلدر ، ارتکاب اولونان فعلک شدتله تقبیح و مؤاخذه اولونماسیدر . تعقیب ایدیلن خط حرکت حقده سرد ایدیلن تعیب و مؤاخذه در که فنالنی تعمیر ایدر . تعیبک ، تعلق ایتدیکی چو جوغی مضطرب ایتمه سی ضروری اولاجنی شبهه سزدر . چونکه یاپیلان بر فعاک تعیبی ، یاپان کیمسه نك تعیبینی تضمن ایدر . بر یسنک تعیب ایدیلدیکنی کوسترمک ایچونده یالکمز بر یول واردر : اوده ، تقدیر اولونان کیمسه لردن باشقه دورلو بر معامله یه تابع طو توماسندن عبارتدر . ایشته بوندن دولاییدرکه جزا همان همان ضروری اولارق ، اوکا معروض بولنان کیمسه یه شدتلی و بناء علیه الیم بر معامله تطبیقی تضمن ایدر . فقط بو ، جزانک

برعکس تأثیر ندن عبارت در . اساسی اولان نقطه سی بود کدر . ارتکاب ایدیلن فعل و عمل قارشینده کندیسنی اظهار ایتمه سی لازم کلن حسمزک خارجاً افاده سنه واسطه اولان بر اشارت در . قباحتک باعث اولدینی تشوشی حکمدن اسقاط ایتک خاصه سنه مالک اولان شی ایشته بوافاده اولونان حیدر ، اونک واسطه افاده سی اولان اشارت دکدر . بناءً علیه شدتلی معامله کوسـترلمه سی ، ارتکاب ایدیلن فعلک تقبیح ایدیلدیکی هیچ شبهه محل قالمایه جق صورته آ کلاشلماسی ایچون ایجاب ایدن نسبت ودرجه داخلده محقدر . اگر جزانک وظیفه اصلیه سی تهدیددن یاخود استحصال کفارتدن عبارت اولسه ایدی و تون جزایی اضطراب تشکیل ایتک اقتضا ایدردی . حالبوکه اضطراب ، حقیقته ، ایکنجی درجه ده بر عنصر در . حتی تماماً مفقود اولماسی بیله قابدر . نه مکتبه قارالامه یازدیرمق ، نه سیویل حیاتده اصل جزا ، اساس اعتباریله عاصی اولان فطرتله هیچ اضطراب ویرمز . مع مافیه ، بونک اهمیتی یوقدر . بوجزالر حکمت وجودلرینی محافظه ایتکدن حالی قالمالزر . رجزا سلسله سی تأسیس ایتک ، ماهرانه درجانه تابع طوتولمش اشکنجه لر تصور ایتک دکدر . شیمیدیکی حالده یالکزر بوفکری اشارت ایله اکتفا ایدیورم . آشاغیده عمومی نتیجه لرینی کوره جکزر .

شیمیدی جزانک نه یه یارادیغنی ، وظیفه سی نه اولدیغنی آ کلادقدن صوکره ، غایه سی تامین ایده بیلمه سی ایچون ناصل اولماسی لازم کله جکنه باقم .

الآن مهم مدافعه مالک اولان بر نظریه کوره ، تجزئه ، شایان تویسیخ اولان فعل و عملی ، منطقی نتیجه لرینی تولید ایتکه براقفه انحصار ایتلیدر .

بو نظریه نك ابوتی روسویه عطف ایدیورلر . فی الحقیقه ، أمیلک ایکنجی کتابنده بو نسبی قبول ایدر کبی کورولن بعض مطالعاته تصادف اولونیور : « چوجوقلره هیچ برزمان ، جزای جزا اولاراق یاپمالمایدر . جزا اونلره دائماً فنا حرکتلرنک طبیعی بر نتیجه سی شکنده ترتب ایتلیدر . دیکر برقرده شو مطالعه یی اوقوبورز : « چوجوقلری یالکزر اشیانک تابعیتی آتنده براقکزر . تربیه نك اصل ترتیب و صیراسنی تعقیب ایتش اولورسکزر . أمیل اوطنه سنک جاملرینی قیردی . یاپیلاجق شی ، باعث اولدینی خساری تعمیر ایتمه مکه انحصار ایتلیدر . کیجه نك صوغوغنی اونی نزله یه اوغراته جقدر . بوتون جزاسی ده ایشه بوزله اولاجقدر . « باقکزر ، روسو بواصولی چوجوقلنک ایلک دوره سی ایچون ، اون ایکی یاشنه قدر اولان مدت ایچون توصیه ایدر . اوزمانه قدر بواصولی قابل

تطبيق بولماسى ، حیات اخلاقىك اوياشدن سوكره باشلادىنى فكرنده بولونماسنددر . اوياشه قدر چوجوق ، بدايده انسانده اولدىنى كى ، هر دورلو اخلاقی فكره بيكاهه در . حيوان كى تمامامادى بر حیات ياشار . حالبوكه حيوانلر صنى بر قوه تأييديه سيسته منه معروض دكلدرلر . اونلر ، اشيانك تأثيرى آلتده تربيه اولورلر . تجربه نك و يردىكى درس لر دن باشقه درس كورمز لر . چوجوق ده صرف « حيوانى » بر حیات ياشادىنى مدتجه ، باشقه بر انضباطه محتاج دكلد . كندى سنى بر تادييه معروض بولوندير مق ، طبيقتك ترتيب و نظامنى اخلاخل ايتك اولور . فقط ، اون ايكي ياشندن اعتباراً ، چوجوق ايچون يكي بر حیات باشلار . آرتق اصل معنايله انضباطه لزوم كورولور . « خيرى شردن تفريق ايدن اخلاق مفهوم لر نه آرتق تدريجاً ياقلاشيورز . شيمدى يه قدر يالكيز ضرورتى قانونى كوردك . شيمدى (۱۲ دن ۱۵ ياشنه قدر) مفيد اولان شينه ده اهميت ويره جكيز . چوق كجه دن (۱۵ ياشندن سوكره) مناسب و اى اولان شيلره كله جكيز . »

ايشته كورولور كه ، طبيعى عكس العمللر اصولى ، روسويه نظراً ، صرف مادى تربيه قابل تطبيقدر . اصل اخلاقی دنيلن تربيه باشلار باشلاماز ، سيسته م دكيشمك و مربى دوغرودن دوغرويه مداخله ايتك لازم كليور .

اسپنسر ايله بونظريه بوتون تربيه به تشميل ايديلشدر . مسللك پر نسيپي شودر . اسپنسر دييوركه : « هانئى فرضيه دن حركت ايديله سه ايديلسين ، هر اخلاق نظريه سى اوزاق يقين نتيجه لرى ، خلاصه الامر ، خيركار اولان برخط حركتك اى برخط حركت اولديغى ؛ يقين اوزاق نتيجه لرى ، خلاصه الامر ، مضر اولان برخط حركتك فنا برخط حركت اولديغى تسليم ايدر . نتيجه امرده انسانلره خط حركتلى حقنده حكم و يرمكه خدمت ايدن معيار ، بوخط حركتلك حصوله كتير دكلرى سعادت يا خود فلاكتدر . سرخوشلى فنا تلقى ايدىيورز . چونكه بوكا مترافق بولونان مادى و مضموى ترديدر ، كرك سرخوش كرك طائله سى ايچون عياشلك توليد ايتديكى نتيجه لردر . سرفت ، مالى غائب ايدن آمده ده جالان آدم قدر خوش كله ايدى جرملر ليسته سى اوزرنده بولونمازدى . بوقبول اولونورسه ، چوجوغى اخلاق نقطه نظرندن تربيه ايتك اوزره صنى بر مجازات سيسته منه مراجعت ايتكه حاجت يوقدر . وقايعى كندى حالنه برافق كافيدر . خط حركت فنا اولورسه ، بونى يابان ايچون اليم بر عكس العمل وقوعه كله جكدر . بوضورتله قباحتى اوكا خاطر لالتش اولاجقدر . جزا بواليم عكس العمل خاطره سى آرتق تكرار بر قباحث ياپلما سنه ميدان بر اقايه جقدر . جزا

خصوصندہ معلمک رولی دیمک کہ غایت بسیط اولاجقدر : صنعی مداخله لک چوجوغه ، خط حرکتک طبیعی نتیجه لرینی حس ایتدیرمکه مانع اولمالرینه میدان ویرمه مک اوزره متبفظ بولونماسی کافیدر . اسپنسره نظراً ، بویله براصول ، علی العاده تعقیب اولونان سیستمه ملره قارشی ایکی محسناتی حائزدر . برکره ، چوجوغاک مزاج اخلاقینه دها صاعلام برتمل تامین ایدر . بر انسان یابدینی حرکتک ابی و فنا نتیجه لرینی آکلارسه ، یالکز باشقه لرینک روایتنه نظراً بوکا قانع اولدیی زمانده کنه نسبتله حیاتده دها ایجابی وجهله حرکت ایتهمسی تحت تأمینه آلینیر . حالبوکه چوجوق ، صنعی برجزادن اجتناب مقصدیله برحرکتده بولوندینی یاخود بولونمادینی زمان ، خط حرکتی لایقوله تقدیرایتمدن صرف سلطهیه حرمت حسیله اویله داوورائش اولور . اونک ایچون ، بر یاش کلوبده بوسلطه آرتقی تأثیرینی حس ایتدیرمکدن خالی قالنجه ، بویک آدم اولمش اولان چوجوغاک ، صرف کندیلکندن ابی بر خط حرکت تعقیب ایتهمسی قورقوسی واردر . ثانیاً ، جزا ، اشیادن کلدیکی ، خط حرکتک طبیعی و ضروری نتیجه سی اولدینی ایچوندرکه چوجوق بوندن دولایی کیمسهیه قیزاماز . آنجق کندی کندیسندن شکایت ایده بیلیر . بوصورتله ، اوبین ایله چوجوقدر ، معلم ایله طلبه آراسنده چوق کره وقوعه کلن و آرالرنده کی مناسباتی اخلاص ایله یین حدث غلیانلرندن ، اغبرار حرکتلرنده اجتناب ایدیش اولور . غیرشخصی بر جزاده بویله شیرله محل یوقدر . بناء علیه ، مداخله ایده جک یرده ، ارتکاب ایدیلن فنا حرکتک ، مضر نتیجه لرینی کویستمه سنه انتظار ایتمکدن باشقه برشی یاغمالیدر . بر چوجوق هیچ برزمان کزیمکه کیدیه جک ساعتده حاضر لائش اولما یورمی ؟ اونی اوده بر اقوب کزیمکه کیتلمی . کندیسنک اشیاسنی بوزیورمی ؟ یرینه یکیسنی آلامالی . اویونجاقلرینی یرلی یرینه قویما یورمی ؟ سز یرلشدیرکز . فقط ، چوجوق بردها اونرله اوینامق ایسته دیکی زمان ، بولاماملی ... الخ ایشته سیستم بودر . استناد ایتدیکی پرنسپیی تدقیق ایتهدن اول ، بوسیستمه عطف اولونان محسناتک ، خیالی اولماسه لر بیله غایت مشکوک اولدق لرینی نظر دقته عرض ایتمک فائده دن خالی اولاماز . دنیلورکه ، جزا ، ابویذک ومعلملرینک اثری اولمادیقندن دولایی چوجوق اونرله داریلایمه جقدر . فقط بو ، چوجوغاک ، ضرر کوره جکی تجربه یی دوغروجه تفسیر ایده بیله جت بر حالده اولدینی فرض ایتمکدر . بویسه حقیقتده آنجق تهذیب فکرینک اولدقجه ایلریله دیکی زمان قابلدیر . چونکه بر حادثه ایله سببی آراسنده ،

تجربه سز کوزلرک بيله محقق مشاهده ایده بيله جکلری درجده آشکار، ماده قابل اراة بر رابطه یوقدر . چوق یمک ییین برچوجوق سوء هضمه اوغرار . راحتسز اولور . او ، بونی بیلیر . فقط راحتسزلی نهدن کلیور ؟ بو اویله بر مسئله درک بویوک آداملر بيله عینی وضعیته دوشدکلری زمان هر وقت در حال چارچابوق حل ایده مزلر . دورلو دورلو ایضاحات بولمق اوقدر قابلدیرک ! چوجوقلرده ایسه اولویته بویله اولاجقدر . تجربه سزلکی دولایسیله وقعی محق کوره جک برسبی قولایچه بولاجقدر . ابتدائی انسانلر ، باشلرینه کلن ناخوش وقایی ، قوانین طبیعی نك ضرورته عطف ایتمه یی عقللرینه کتیر مزلر . چونکه طبیعی رقاون نه اولدیغنی بیلمز لرک . مضطرب اولدقلری دردی ، یقینلرنده کنگ وقاتنی اوبڑ کتیف و غیر شخصی برسبه دکل ، کندیلرندن نفرت ایدن بر آدمه ، بر سحر بازه ، بردشمنه عطف ایدرلر . چوجوقده عینی سبیلردن دولای عینی وجهه محاکمه یوروتمکه پک میالدر . حقیقتده یالکز کندیسنگ مسئول اولدیغنی اوفاق تفک مزعج شیلری اطرافنده کی کیمسه لره عطف ایتدیکنی هر زمان کورورز . بناء علیه بواصول ایله ، اجتناب ایدیلک ایسته ن فنا حسلره محقق صورته میدان ویریله می پک مستبعدر . دیگر طرفدن ، تجربه نك تفسیری هیچده قولای اولمادیغنی ، کینی و عندی تفسیراته بویوک بریر بر اقدینی ایچوندیرک حیاتده فاصل داورانه جغنی چوجوغه اوکرتمک اوزره یالکز اوکا کووه نك غیر قابلدیر . حقیقتده ، اسپنسر بيله بونکله اکتفا ایده میور . وضع ابتدیی قاعده یه مخالف اولمق اوزره ، کیزلیجه ابوی ایشه مداخله ایتدیره رک پک آز تبدیل قیافت ایتش اصل جزالره مراجعتدن کری قالمایور . چوجوق ، اویونجاقلری دارمه داغینیق بر اقوبده ابوی ، یرلشدیرمک بهانه سیله چوجوقدن اویونجاقلری کری آلدقلری وقت ، بصورتله اوکا تحمیل ایدیلن محرومیت حقیقی ، تماماً صنعی بر جزانشکیل ایتمی ؟ چونکه ، اشیانک طبیعی نتیجه لرینی تولید ایتمه سی بکنمش اولسه ایدی اویونجاقلر کندی کندیلرکندن اورته دن غائب اولمایه جقلردی . چوجو غك بر اقدینی قاریشقلق ایچنده دورا جقلردی ، چوجوقده بو قاریشقلغه قولایچه آلیشه جقدی .

فقط ، نظریه نك تا پرئسپنه قدر چیقالم . اسپنسر دییورک فنا بر فعل و عمل ، چوجوق ایچون یاخود هرایکسی ایچون مضر نتیجه لری اولان حرکتدن عبارتدر ، منع ایدیله سنک حکمتی ده بو مضر نتیجه لردر . بناء علیه ، بو نتیجه لری تجربه ایدن چوجوق نهدن دولای او حرکتدن اجتناب ایتک لازم کلدیکنی آکلار . اگر ضرر کورن بالذات کندیبی ایسه حس ایتدیکی الم در حال بونی اوکا ایضاح ایدر . محیطی ایسه ، عکس ضرباتی کندیسنه

قدر کایر . بونلرده دوغروندن دوغرویه حس ایتدیکی الم قدر معنیداردرلر . مناقشه‌یی لزومسزیره اوزاتمامق ایچون ، مهم بر طاقم قیود احترازییه محل کوسترمکله برابر ، بو پرنسپی قبول ایدلم . هیچ دکلسه واسع بر معنا ایله ، فی الحقیقه دنیله بیلیرکه ، فنا بر فعل و عمل هر وقت مضر تأثیرات وانعکاسات تولید ایدر . یالکیز ، بو انعکاسات ، دائماً چوجوق طرفندن مشاهده ایدیله بیه‌جک بر ماهیتده اولمقدن چوق اوزاقدرلر . چونکه ، چوق کره بونلر چوجوعک کوزندن اوزاق قالیرلر . ایچنده یاشادینی دأثره دن ، اوکوچوک دنیادن خارجده وقوعه کلیرلر . چوجوعک نظری او دأثره دن دیشارییه حیقاماز . او حالده ، بو نتیجه‌لری چوجوعه ناصل حس ایتدیرملی ؟ مثلاً ، پدرینه حرمت ایتمه‌سی لازمدر . نیچون ؟ چونکه بابا سلطه‌سنه حرمت ، بالطبع مشروع بولوندینی دأثره داخلمده قالمق شرطیله ، مآله انضباطنک و مآله روحنک ادامہ‌سی ایچون بهمه‌حال لازمدر . دیگر طرفندن مآله روحنک وخیم صورتده ضعیفه‌سی جماعتجه مشترک قوه حیاتییه ایچون فلاکت انکیز نتیجه‌لر تولید ایدر . بونک ایچوندرکه هیئت اجتماعیه ، اولادک بابایه حرمتی قطعی بر وظیفه عد ایدره‌ک چوجوعی بوکا مجبور ایتشدیر . فقط چوجوق ، فعل و عملنک بو دورا دور عکسی ضربه‌لری نه صورتله مشاهده ایدیه بیه‌جکدر ؟ کوستردیکی اطاعتنزلک ایله نظام اجتماعی‌نک پرنسپیلرندن برنی صارسمنه سبب اولدینی ناصل آکلایه بیه‌جکدر ؟ بویوک آدم بیه چوق کره بونی ادراک ایدمه‌یه‌حک بر حالده‌در . چونکه اخلاق ، اسپنسر تخیل ایتدیکی قدر بسیط برشی دکلدر . بزمنکی قدر کرفت هیئت اجتماعیه‌لرده مناسبات اجتماعیه‌یی تنظیم ایچون یاپیش اولدینی جهتله کندیسیده کرفتدر . تقبیح ایتدیکی افسال و اعمال ، بووصفارنی بوواسع عضویتک بوتون ساحه‌سند و جوده کتیردکلری انعکاساندن آلمشلردر . بو انعکاسات علی‌العاده کوز ایله کوروله‌مز . باقکیز علم ، مالک اولدینی خصوصی اصوللر و خصوصی استخبارلر سایه‌سند اولری تدریجاً کشفه موفق اولور . اسپنسرک پرنسپی بالخاصه مکتب اخلاقی موضوع بحث اولدینی زماندرکه غیر قابل تطبیق کورونور . فی الحقیقه ، بر مکتبلینک معروض بولوندینی مجبوریتلرک بر چوعی حد ذاتلرند بر فایه دکلدرلر . حتی ، یقین بر استقبالدده فایه اولامازلر . چونکه ، بونلر ، بویوک آدم اولدینی زمان امرار ایده‌جکی حیاته آلیشدیرمغه مخصوص ساده‌جه تمرینلردن عبارتدرلر . چوجوقدن منتظماً چالیشما‌سی ، تنبلیکنه ، فطری دافینلغنه ترک نفس ایتمه‌سی طلب اولونیورسه بو ساده‌جه ایی وظیفه‌لر یاماسی ، معلم ایله صنف ایچون مدار افتخار اولاجق موفقیتلر احراز ایتمه‌سی

ایچون دکلدر. مؤخرآ مستفید اولاجنی تهذیبی اکتساب ایتمهسی، چالیشه حق برکیمسه نك هیئت اجتماعیه ده کندیسنه بر موقع تأمین ایده بیلمك ایچون محتاج بولوندینی جهد و غیرت اعتیادینی قازانماسی ایچوندر. بناء علیه، آنحق مکتبدن چیقدینی زمان، جدی حیات ایچنه آتیلدینی زماندرکه بر مکتبلی ایکن تعقیب ایتمش اولدینی خط حرکتك نتایجی کندیلرینی کوستره جکلدر. افعال و اعمال حقنده بر فکر ایدینك اوزره اووقته قدر بکله مهسی لازم کلیرسه پك کچ قالمش اولاجقنه حاجت وارمیدر؟ دیگر طرفدن، بونی زماننده ادراك ایده بیلمهسی ایچون اشیانك روش طبعیسنه تقدم ایتك ایجاب ایدر. لازم کلیرکه، مربی ایشه مداخله ایتسون و انضباط قاعده لرینه اصل حیاتك قواعد تأییدیه سنی ده ایشیمدین تطبیق و اراؤه ایدن بر طاقم قواعد تأییدیه ربط ایله سون. بناء علیه، اسپنسر طرفندن توصیه اولونان اصول، آنحق پك خصوصی احوالده فائده ویره بیلیر و مکتب جزالرینك اساس پرنسپینی بزه اراؤه و تأمین ایده مز.

اون ايكنجى درس

مكتب جزارى (مابعد)

مكتب انضباطى نه اولديغى ، ماهيتك ووظيفه سنك نهدن عبارت بولونديغى تعيين ايتدكن صوكره ، بونك حسنى چوجوقله ناصل ويرمك يعنى اونلرى ، قاعده ده مكنوز اولان سلطه يي ، كندى كنديلكلرندن او قاعده يه حرمت و رطابت ايده جك صورتده ، تصديق وتسليمه ناصل سوق ايتك مناسب اولاجى آراشديرى . كوردك كه بو حس اونلره ، طائد بولونديغى افصال وحركاتى تاذيب ايدن جزالر تهديديله دكل ، دوعرودن دوعرويه و كنديلكلندن ويريك قابلدنر وبويله ياپيلمق لازمدر . قاعده يه حرمت ، جزا قورقوسندن وبونلردن اجتناب آرزوسندن بوتون بوتون باشقه برشيدر . مكتبده كى خط حر كته تعلق ايدن احكامده اونلرى ال سورولمزحاله كتيرن برشى بولونديغى حسيدر ، اراده نك تجاوزه جسارت ايده مديكى برحكم ونفوذدر . بواحكام بو سلطه يي معلمدن آلرلر . سلطه يي اونلره ويرن معلمدر . ويرمه سوده كنديسنك اونى حس ايتمه سندندر ، يعنى وظيفه سنك اهميتى تقدير ايله مسندن ، مكتب انضباطنك بو متعدد قاعده لر يي تعقيب ايتدىكى يوكسك مفكور يه وصول ايجون الزم واسطه لر عد ايتمه سندندر . معلم ، دويدىغى بو حسى ، سوز ايله ، اوضاع واطوار ايله ، مثال ايله طلبه يه تلقين ايدر .

اوحالده ، جزالر نه ايشه يارار؟ بونلر برنوع طفيل و مرضى علاوه لر قبيلندن شيلر ميدر يوقسه ، بالعكس صنفك حيات معنويه سنده طبيعى برول ايفا ايدرلر مى؟ صوك درسده ايشته بومستله يي تدقيق ايتدك . كوردك كه قاعده نك سلطه سنى و حوده كتير شى جزا دكلسده هر حالده قاعده نك ، سلطه سنى غائب ايتمه سنه مانع اولان واسطه اودر . چونكه ، هر كون قاعده يه قارشى وقوعه كلن تجاوزلر ، جزاسز قالاچق اولورلرسه ، تدريجاً اونك سلطه سنى ازاله ايدرلر . قاعده نك سلطه سنى وجوده كتيرن شى ، چوجو غك اونى غير قابل تجاوز كى تصور ايتمه سيدر . حالبوكه ، قاعده يي اخلاص ايدن هر فعل و عمل ، بوغير قابليت تجاوزك حقيقى برشى اولمادىغى ظنى ويرمكه ميالدر . چوجو قله قاعده يه انقياد و حرمت كوسترييورلرسه ، بونى ، قاعده يي شايدان حرمت ديه تايمين ايدن معلملرينك سوزينه اينانه رق ياپارلر . فقط ،

معلم بو حرمتده قصور ایدیلدیکنی کورورده مدافعه ایتمسه مسامحه آرتق معلمک اونى عینی درجهده شایان حرمت بولمادیغه دلالت ایدر یاخود اویله کورونور (که ایکیمیسه برقاپییه چقار) . معلمک وضعیتى میدانه اوران تردده، شههله، اوفاق برقناعت بالضروره جوجوقلرده سرائیت ایلر. اونک ایچون، ارتکاب ایدیلن بر قباحث قارشیسندن، معلم، صنفک ایمان اخلاقیسنده کی بوضعه مانع اولمق لازمدر. بوده هیچ شبهه محل بر اقایه حق صورتده، حیساتنک دیکشمه دیکنی، نظرندده قاعدهنک دائماً مقدس اولدیغنی، ارتکاب ایدیلن تجاوزده رغماًینه عینی حرمت شایان بولوندیغنی اظهار ایتمک صورتیه اولور. معلم کوسترملیدر که بوتجاوز ايله هیچ برتساند قبول ایتمه یور، اونى رد ایدیور، کندیسندن اوزاقلاشدیریور، یعنی، خلاصه، جرمک اهمیتیله متناسب بر تعیب ايله اوحرکتی مؤاخذه ايله یور. ایشته جزانک اساسی وظیفه سی بودر. تجزئه ایتمک، تقبیح و تعیب ایتمکدر بونک ایچون، جزانک باشلیجه شکلی من القدیم مجرمی « آفروز، ایتمکدن، اوزاق طوتمقدن، تجرید ایتمکدن، اطرافنده بر بوشلق وجوده کتیرمکدن، ناموسلی آدم لردن آییرمقدن عبارت بولونمشدر. بریسی تعیب ومؤاخذه ایدوبده تقدیر ایدیلن کیمسه لره نسبتله کندیسنه فنا معامله کوسترهمک قابل اولامایه جنی ایچون، تقبیح ایدیلن فعل و عملک تلقین ایتدیکی حسی ترجمه وافاده ایچون باشقه برطرز بولونمادینی ایچون، هر تقبیح عمومیتله بوکا معروض اولان کیمسه یه براضطراب ویرمکه منجر اولور. فقطبو، جزانک آرزوق طارضی واحتمالی برعکس ضربه سندن باشقه برشی دکلدردر. اساسی طرفی بودکلدردر. جزایه معروض اولان بر کیمسه اونى الیم اولارق حس ایتمسه بيله جزا تکمیل حکمت وجودینی محافظه ایدر. تجزئه ایتمک، برینه بدننده یاخود روحنده اشکنجه یا یق دکلدردر. قباحث قارشیسندن، قباحث انکار ایتمش اولدیغنی قاعده یی تأمین وتأیید ایتمکدر. ایشته جوجوغک تربیه سی ايله حیوانک تربیه سی (dressage) کیفیتنده جزانک ایفا ایتدیکی روللر آراسنده کی فرق عظیم بودر. حیوانی تربیه ایتمک ایچون یاییلان جزالر، آنجق حقیقه حس ایدیلش اضطراباندن عبارت اولمازلرله تاثیرلری حصوله کتیره مزلر. جوجوق ایچون، بالعکس، جزا، باطنی برحالتک افاده سنه واسطه اولان مادی بر اشارتدن باشقه برشی دلدردر. بو بر اشارت، بر لساندر که یا هیئت اجتماعیه نک شعور عمومیه سی یاخود مکتبده معلمک وجدانی، شایان مؤاخذه فعلک تلقین ایتدیکی حسی او واسطه ايله افاده ایدر.

جزانک اساسی رولی بصورتله تعیین ایدیلنجه، حکمت وجودی اولان غایه یه مواصلت

ایده سیلمک ایچون، جزانک نه دن عبارت اولماسی ونه وجهله تطبیق ایدیله سی لازم کله جکفی آراشدیر ایله جک بروضیته کلیوردق. ایشته بوقطعه ده، اول امرده، بر نظریه تصادف ایتدک که جزایی منحصرأ مجرم فعل و عملک کندی کنسیدیلکنندن حصوله کتیردیکی طبیعی نتیجه لره حصر ایتک ایستر. بوء، بالخاصه اسپنسرک در میان ایتدیکی شکاده، طبیعی عکس العملر نظریه سیدر. بومساکک تولید ایتدیکی اعتراضره تکرار عودت ایتکده بر فائده یوقدر. بونظریه نك نقطه عزیمتی تشکیل ایدن شایان دقت ودوغرو فکری نظر دفته عرض ایتک بجه دهافید کورونیور. بوفکری محافظه ایده بلیرز. یالکز، سبسته منی رد ایتدی کمز پداغوژی متخصصنک یادیغی کبی استعمال ایتمه مک شرطیله.

بحث ایتدی کمز بوفکر، انسانک صنعی هیچ بر مداخله سی وقوعه کلمکسزین اشیا نك تأثیری آلتنده ذکاتک واراده نك دوغرو دن دوغرویه تربیه سی تأمین ایدیله بیهل جکندن بو فوری، عادتا میخانیک تربیه نك اصلی رنمونه تشکیل ایده رک بوتون پداغوژی سیسته منک بونمونه یه یاقلاشماسی لازم کله جکندن عبارتدر. چوجوق، سوزسویه مینی و اطرافنده کی شیار آراسنده یول بولوب یورومه یی کندی کنسیدیلکنندن اوکره نیر. اعضا لرینی قلد اتمق ایچون نالر یاماسی لازم کلدیکنی، خارجی شیرک آز چوق قینقلقرینه کوره اونلره تقرب یاخود اونلردن تباعد ایچون نه مقدارده قوت صرف ایتمه سنه لزوم اولدیغی چوجوغه اوکره نلر ابونی دکدرلر. حقیقته غایت قاریشیق اولان بوتون بو علمی چوجوق، کنسیدیلکنندن، شخصی تجربه سیله، بوقلایه یوقلایه، خفیفجه تماس ایده اکتساب ایله مشدر. بوشنه کیتمش، غایه یه اویمامش بر لئراک نتیجه سی اولان الم، چوجوغی موفقیتسز لکاردن و تکرار باشلامق ضرورتندن خبردار ایدر. ناصل که حظده موفقیتک طبیعی مکافات اولدیغی قدر عینی زمانده علامتیدر ده. چوجوق دیلنی ده عینی صورته اوکره نمشدر. لقی تشکیل ایدن کله لر ایله برابر، لسانی تمیز ایدن صرف ونحوی وبوصرف ونموده مکنوز بونان منطقی ده تحصیل ایدر. فی الحقیقه، بزم طرز تکلمیزی، طرز تلفظیزی، کله لر ی طرز ترکیمیزی، طرز اعمالیزی چوجوق کندی کنسیدیلکنندن تکراره چالیشمشدر. اصل تحصیلنک صوکره اوکا اوکرتدیکی شی دوغرو لقی، ظرافت، اصابت کی خصوصاته انحصار ایدر که بوتون بونر، آنجق کندی کنسیدینه مدیون اولدیغی اساسی معلوماته نظرأ هیچ مشابه سنده قالیرلر. دهافضله سی وار: اشیا واسطه سیله بوتربه کیفیتی چوجوق لقدن وایلک کنج لکدن اوتلره قدر امتداد ایدر؛ بوتون حیات مدتجه بیتمز. چونکه بویوک آدم لره داغما

اوکر نه جک شیلری واردر . فقط بونک ایچون حیاتدن باشقه برخواجه مز بولونماز . تثبت و تجربه ایتدی کمز افعال و اعمالک یکانه قوه مؤیده لری اونلرک نتیجه لرندن عبارتدر . اوتینی بری بی یوقلایه رق ، تجربه لر یاپه رق ، موفق اولامایه رق ، سوکره تکرار باشلایه رق ، یاواش یاواش طرز حرکتمزی تصحیح ایده رک نهایت مسلکمزک ته فیکنی ، ومعنیدار برکله ایله ، «تجربه» دنیلن او حکمت عملیه دن اله کچیره بیله جکمز شیلری اوکره نیزر . فقط او حالده ، بواصول بودرجه مؤثر ایسه ، بشریت بواصوله بوقدر مدیون ایسه نه دن بوتون تربیه قابل تطبیق اولماسون ؟ نیچون چوجوق ، معنوی تربیه یی بویوک آدملرک ته قیک حرثی اکتساب ایتدکلری طرزده اله ایده مسون ؟ بناء علیه ، برطاقم درجاته منقسم ماهرانه برجزا سیستمی ترتیبینه حاجت یوقدر . طبیعی اجرای تاثیر برافق کافیدر . براقالی ، چوجوق اشیا ایله تماس ایده ایده تربیه اولسون . بواشیانک کندیلری ، چوجوق آلداندینی وقت یعنی ، افعال و اعمالی ایجاب ایدن طرزده اولمادینی ، طبیعت اشیا یه توافق ایتهدیکی وقت اونی خبردار ایده جکدر . تولستویک پداغوژی می ده عینی اصول اوزرینه مؤسسدر . فی الحقیقه ، تولستویه کوره اصل نمونه ، غایه کمال عد ایدیه بیله جک تدریس ، انسانلرک کندیلکلرندن موزهلرده ، کتبخانه لرده ، لابوراتوارلرده ، قوفرانسلرده ، عمومی درس لرده یاخود ساده جه علما ایله الفتده آرایه جقلری تحصیلدر . بوتون بومثاللرده هیچ بر تضییق اجرای حکم ایتمز . حالبوکه نلراوکره نمیز ! او حالده ، نه دن چوجوق عینی حریتدن مستفید اولماسون ؟ بناء علیه ، چوجوغه مفید اولاجنی ظن ایدیلن معلوماتلری اونک الی آلتنده بولوندریمقدن باشقه یاباجق برشی یوقدر . چوجوغه بونلری ساده جه عرض ایتلی ، اکتساب ایتمه سی ایچون هیچ زورلامامالی . اکر بومعلومات حقیقه کندیسنگ ایشنه یارایورلرسه ، تجربه اونلرک لزومنی چوجوغه حس ایتدیره جکدر . آرتق اونلری آرامغه کندیبی طالب اولاجقدر . بونک ایچوندرکه یاسناپاولیانا مکتبنده جزا محمول برشیدر . چوجوقلر جانلری ایسته دکلری وقت کلبرلر ، ایسته دکلرینی اوکره نیرلر ، ایسته دکلری کبی چالیشیرلر .

مسلکک بو صوکره درجه یه واردیرلش نتیجه لری بزه بحق نه درجه ده حیرت بخش کورونورسه کورونسونلر ، انبعاث ایتدکلری پرنسپ ، حد ذاتده غیر قابل انکاردر ، محافظه ایدیلکه لایقدر . آنحق محیطک تأثیری آلتنده کندی کندیمزی اداره ایتیه یی اوکره نه بیله جکمز محققدر . افعال و حرکاتمزک غایه سی بزی بو محیطه توافق و تطابق ایتدیرمکدن عبارتدر . چونکه فعالیتمزک زنبکاری بزم ایچمزددرلر . بونلری آنحق

کندیمز ، ایچمزدن حرکتیه کتیره بیلیرز . خارجدن هیچ کیمسه بزه هانکیلرینی تصنیق ویا منع ایتک ، هر برینه نه مقداره قوت تخصیص ، حرکتلرینی ناصل مزج و ترکیب ایله مک لازم کلدیکنی سویله یه مز . بونی حس ایتک بزه دوشر . بزایسه بونی آنجق محیط ایله یعنی افعال و حرکتلرک هدف اتخاذ ایتدیکنی شیلرله تماس کیرمک و تجربه لر یا عمق صورته حس ایدیه بیلیرز . محیطک بزم تأثیر مزه یاپدینی عکس تأثیردرکه بزنی حقیقتدن خبردار ایدر . چونکه بو عکس تأثیر ، فعلمزک موافق اولوب اولمادیغه کوره ، یاخوشدر یا ناخوشدر . بناء علیه ، بر صورت عمومیه دنیه بیلیرکه اطرافزنی احاطه ایدن دورلو دورلو اشیانک یاخود موجوداتک فوری عکس العمللری ، خط حرکتمزک طبیعی قوه تأییدیه لرینی تشکیل ایدرلر . فقط ، بو پرنسپ برکزه قبول اولونورسه ، اصل جزانک یعنی ابون طرفندن ، مکتب خواجه سی طرفندن جوجوغه ویریلن جزانک بزم اخلاق تربیه سی سیستمه ملرندن قالماسی لازم کله جکنی هیچده تضمن ایتمز . فی الحقیقه مغایر اخلاق فعل و عملک طبیعی نتیجه سی شعورلرده تولید ایتدیکنی قبیح حرکتی دکلده ندر ؟ قباحی تعقیب ایدن تعیب ، اونک ضروری بر نتیجه سیدر . مادامکه ، بر طرفدن ، جزا بوتعلیک خارجی بر تظاهرندن باشقه بر شی دکلدر ، جزاده قباحک بر نتیجه طبیعیه سیدر . بو ، مجرمانه بر فعل و عمله قارش محیطک فوری صورته عکس العمل کوسترمه سیدر . شبهه سزکه ، یکنظرده ، بویکی حدی بر برینه باغلایان رابطه نک کورولمه سی قابل اولابیلیر . بر جزا ایله بر قباح آراسنده مشترک اولان نه واردر ؟ بونلر صنی صورته بر برینه ربط ایدیش غیر متجانس ایکی شی کی منظور اولورلر . فقط بو ، اولرلی برلشدیرن ، برندن دیکرینه کجه بی تأمین ایدن حد وسطک کورولمه مسندندر . یعنی ، آرالرنده ، قباحک او یاندیردینی بر حس واردرکه جزا اوندن انبات ایدر . بو ، فعل و عملک نتیجه سی و جزانک روحی اولان حسدر . برکزه بو فرق ایدیه جک اولورسه وقعه لر آراسنده کی غیر منقطع ارتباط بدهاتله نمایان اولور . اسپنسرک بوتمادی بی تقدیر ایتمه سی و بناء علیه تجزیه کیفیتنی آنجق صنی بر سیستم عد ایله مه سی ، قباحک فنانی بالکزر کرک بالذات مجرم کرک اطرافنده کی کیمسه لر ایچون تولید ایدیه بیلجکی مضر و الم نتیجه لره انحصار ایتهدیکنی آکلاما مسندندر . جرم تشکیل ایدن فعل و عملک ، تجاوز و انکار ایتدیکنی قاعده نک ، سلطه سی ضعیفلا تمه سنده دهه فضله هم پک وخیم بر فنانق واردر . ایشه جزایی تولید ایدن ، ضروری قیلان شی بو فنانقدر .

بالذات اسپنسرک کوسنردیکی مثالی اله آلام : جوجوق ، او یونجیاقلرینی قیرمقله بر قباح ایشله یورسه بو ، کندیسنی بوسورتله هم ده احمقجه ، برا کلنجه واسطه سندن محروم ایتدیکنی دوشونمه سندن ایلری کلش دکار . لزومسز یره برشیئی تخریب ایتمه یی ، اکلنمک ایچون تخریب ایتمه یی منع ایدن عمومی قاعده یه رعایت ایتهدیکندن دولای قباحلیدر . اونک ایچون ، کندیسنه یکی او یونجاق آلامقله ، قباحتنک بوتون وسعتنی ادراک ایده مز . بوسورتله اوکا تحمیل ایدیه جک محرومیت ، دوشونجه سز حرکت ایتدیکنی ، کندی منفعتی . تقدیر ایتهدیکنی آکلاتیر ، فقط کلمه نك اخلاق معناسیله فنا بر حرکتده بولوندیغنی او کره تمز . اخلاق بر قباح ارتکاب ایتدیکنی آنجاق اخلاق نقطه نظرندن مؤاخذه ایدملکه حس ایده بیلیر . آنجق مؤاخذه اوکا ساده جه دوشونجه سز حرکت ایتش دکل ، فنا بر حرکتده بولونش ، حرمت ایتمه ک مجبور اولدیغنی بر قاعده یه تجاوز ایلهمش اولدیغنی اخطار ایده بیلیر . حقیقی نتیجه طبیعه کی حقیقی قوه تأییدیه ده مؤاخذه و تقبیح در .

مع مافیه ، بوعراضک تولستویه قارش بر حکمی یوقدر . چونکه بوتون سوبله دیکمز شیلر بر مکتب قاعده سی ، بر مکتب اخلاق بولوندیغنی و جزانک اون حایه و اوکا تلقین حرمت ایلهدیکنی تضمن ایدرلر . چالیشمق جوجوق ایچون بروطفه اولد یغندن دولایدر که بنملک ، اهل ، تجزیه ایدیه سی لازم بر اخلاق قباح تشکیل ایدرلر . حالبوکه ، تولستویه کوره ، بو اخلاق ، جوجوغه تحمیل ایدیلن مجبوریتلرک بوهیت مجموعه سی حکمت وجوددن عاریدره تماماً صنعی بر مؤسسه در ؛ انسانلرک ، طبیعت اشیاده تملی اولمادن وجوده کتیردکاری بر بنادر . تولستویه کوره ، چالیشمه یی ، تحصیل بر مجبوریت اخلاقیه ، قوه تأییدیه مالک بروطفه عد ایتمه محل یوقدر . آرزونک کندی کنندن اویانماسی کیفیتی مرشیته کافی کایر . علمک جبراً قبول ایتدیریلکه احتیاجی اولاماز ؛ کندی کندیس ایچون آرانه حق درجه ده فائده سی آشکاردر . جوجوغک یاخود انسانک ، علمی آرزو ایتهلری ایچون نه اولدیغنی تقدیر ایتهلری کافیدر . تاریخک بوتون بزه او کر تدیکی شیلره بوقدر آشکار صورته ضد اولان بر تلقینی مناقشه ایچون وقت غائب ایده جک دکل . انسانلر کسب معلومات ایتشلر سه بو ، کندی کندیلرکلرندن ، بیلکی و چالیشمه عشق ایچون وقوعه کله مشدر . مجبور اولدقلری ایچون او کر نمشلردر . کندیلرینی هیئت اجتماعیه بوکا اجبار ایتمشدر . هیئت اجتماعیه کسب معلوماتی انسانلر ایچون کیتدکجه دهآمرانه بر وظیفه حالنه کتیرمشدر . هیئت اجتماعیلر متصل دهآ جوق علمه محتاج اولدقلرندن دولایدر که اعضالرندن دهآ جوق

علم ایستلر . هیئت اجتماعیلر ده مرکب و گرفت بر حاله کلدکجه ادامه موجودیت ایچون ده فضلہ قوته محتاج اولدقلرندن دولاییدرکه هر بریزدن ده فضلہ چالیشمه طلب ایدرلر . انسانلر ، وظیفه تهذیب نفس ایتمکله ، انساب معلومات ایله مشغولدر . چالیشمه اعتیادینه ، وظیفه اولدینی ایچون مالک اولمشلردر . بشریتک اوایلک عطالت ورخاوندن چیمق اوزره صرف ایتمک مجبور اولدینی اوزون جهد و غیرتده کی الیم وزحتلی حالی تورات منقبه سی خرافه آلود بر شکل آلتنده افاده ایتمکدن باشقه برشی یاپما یور . تاریکک بدایتنده انسانک آنجق وظیفه اولدینی ایچون یابدینی شیئی چو جوقده حیاته کبرکن آنجق بر وظیفه اولارق یاهیلیر . شیمدی بودرسده ، بو وظیفه نك وقیله نه قدر زور و المناک اولدیغی ، نه قدر آغیر آغیر خفیفلشدیکی کوره جکز . حاصلی ، هرشی بزى عینی نتیجه یه سوق ایدیور : جزانک اساسی ، تقبیح و مؤاخذه در . جزانک وظیفه سی نه اولدینی تحلیل طریقله آرانه حق اولورسه ، حقیقی حکمت وجودینک تضمن ایتدیکی تعییده مندرج بولوندینی کورولور . جزانک ، فعلدن متولد بر نتیجه طبعیه اولماسی ، فعله صوکرده دن اعتباری صورتده علاوه ایدیش بر تدبیر اولماسی لازم کله چکی فکرندن حرکت ایدیلرک اولورسه ینه عینی نتیجه یه مواصلت اولونور . چونکه ، مؤاخذه و تعیب ، محیطک قباحث قارشیسنده ، کندی کندیلکندن کوستردیکی عکس العمل طرزیدر . کرک مکتب اصوللری کرک سیویل حیات قانونلری ، بوفوری عکس العمللری بر مجله قوانین حالته کتیرمکدن ، تنظیم ایتمکدن ، منتظم بر اصوله صوفقدن باشقه برشی یاپما مشلردر . دیمک که بوصورته المرده اوله بر پر نسب بولونور که ، مکتب جزانسنک نه اولماسی قعیمین ایچون اوکا کوه نهیلیرز . چونکه ، جزا و یرمک ، تعیب ایتمکدر . اک ای تجزیه بونی اک معنیدار صورتده افاده ایده نیدر . فقط عینی زمانده ، ممکن اولدینی قدرده آز کلفی موجب اولمالیدر . شبهه مزکه ، ایضاح ایتدی کمز سبیلردن دولای ، بر تعیب ، شدتلی بر معامله یه منجر اولور . فقط بوشدید معامله لرک غایه سی ، کندیلری دکدرلر ، بونلر آنجق بر واسطه دن عبارتدرلر . بناء علیه حکمت وجودلری اولان غایه یه اصل اولق یعنی چو جوغه خط حرکتک تولید ایتدیکی حسیات حقنده ممکن اولدینی قدر تام و موافق بر انطباع ویره بیلیمک ایچون الزم بولوندقلری درجه و نسبت داخلنده قانق شرطیله محق کوستریلیرلر . اضطرابده بیله م ناصل تصوفی بر فضیلت وارمش ، یا خود اک اساسلی نقطه تهدید ایتمک و یا دهشت القایله مک ایمش کی ، چو جوغه اضطراب جکدیرمک موضوع بحث دکدر . هرشیدن اول موضوع بحث اولان جهت ، تجاوزده اوغرا دینی اثناده وظیفه یی تکرار تأیید ایتمکدر . بوندن ده مقصد هم

عجرمده هم قباحته شاهد اولوبده بوقباحث یوزندن اخلاقلری بوزولوق تهلکهسینه معروض اولانلرده وظیفه حسنی تقویه ایله مکدن عبارتدر . جزاده بوغایه خدمت ایتمهین شیلرک کافهسی، بونتیجهینی تولید اشتراک ایتمهین شدتلیک هبسی فنادرلر، منع ایدیلرلری اقتضا ایدرلر . بو پرنسپیی بویله وضع ایتدکدن سوکره ، شیمدی تطبیقانه کچلم . اول امرده ، مکتب جزالرینک تمکنه قویدیغمز احکامی بلا مشکلات محق کوسترمک خصوصنده بزه یاردیم ایدم جکدر . بو پرنسپیده محازات بدنیهنک صورت قطعیده ممنوعیتی کیفییدر . جزا ، برکفارت شکلنده تلقی ایدیلیرسه دایاغه ومنتظم اصول دائرهسده تطبیق ایدیلن فنا معاملهلره عقل ایره بیلیر . چونکه اوزمان جزانک اک باشلی غایهسی اضطراب ویرمک دییه قبول اولونمشدر . فقط ، هرشیدن اول غایهسی تقبیح و تعیب ایسه ، چوجوغه معروض بولوندینی تعیب و تقبیحی حس ایتدیرمک ایچون بو اضطرابلرک مطلقاً لازم اولدیغنی اثبات ایتک لازم کلیر . حالبوکه ، برکون چوجوغه بو حسی ویرمهنک باشقه طرزلی واردر . شهسزکه حرکت کتیرلهسی مشکل اولان فردی حساسیتلرک آنحق غایت شدید محرکثر تاثیریه عکس العمل کوستره بیلدیکی غیرمنرقی هیئت اجتماعیهلرده تعیب و تقبیحک ، قوتلی صورتده حس اولونمق ایچون ، بو شدید شکل آلتنده افاده ایدیلهسنه لزوم واردر . بو صورته تاریخک بعضی دورهلرنده غایت مبذول صورته مادی جزالری استعمال ایدیلهسی قسماً - فقط برآزدن کوروله جکی اوزره ، آنحق قسماً - ایضاح ایدیله بیلیر . فقط ، اولدجه برتهذیب درجهسنه واصل اولان، ده نازکلهشن جمله عصیهلری اک کوچوک مخرشلره قارشى بیله حساس بولونان قوملرده بوقابا اصوللره آرتق لزوم بوقدر . فکر ، حس قارشیسنده کنه ویرله بیلیمک ایچون ، بوقدر قابا صورتده مادی اشارتله ، بوقدر مفرط قوت تظاهراتیه افاده ایدیلکه محتاج دکدرلر . بوکا مراجعتده حق اولابیلیمک ایچون، هیچ اولمازسه ضررسز اولمالری ایجاب ایدر . حالبوکه ، فعلیاند بون بومادی جزالری غایت وخیم برمحذور اخلاقی عرض ایتکده درلر . فیالحقیقه ، بونون اخلاقلرک تمکنی تشکیل ایدن برحسی رنجیده ایدرلر . بوده ، شخص بشریه قارشى بسله دیکمز حرمت دیندارانه حسیدر . برآدم اوزرنده پاییلان هر جبروشدت بو حرمت دولایسیله بزه ، پرنسپ اولارقی، برکفر کبی کورونور . بناء علیه دایاقده ، سائر دورلو دورلو شدید معاملهلرده بزه نفرت ویرن ، وجدانمزی عصیان ایتدیرن ، حاصلی ، قیسهجه ، غیراخلاقی برشی واردر . بونک ایچون، اخلاقی ، ردو تقبیح ایتدیکی واسطهلهلره حمایه ایتکه قالمق پک ضریب بر واسطه اولور .

چونکه برطرفدن تقویه ایدیلک ایسته نیلن دیکر طرفدن صغفه اوغرا نیلیر. اخلاق تربیه سنک غایه لرندن بری ، چوجوغه ، انسان صفتیه بر حیثیت حسی ویرمکدر. حالبوکه بدن جزالر بوحسه قارشی دائمی بر تجاوز درلر. دیمک که بواعبار ایله اخلاق بوزوجی بر تاثیر لری واردر. ایشته بونک ایچوندر که قانونلر مزدن کیتدجکه فالقیورلر. مکتب جزالری آراسندن ده اولویتله رفع ایدیلر لری اقتضا ایدر ! چونکه ، تعبیر شبهه سز پک ظالمانه یا کلش اولق ایله برابر ، دنیله بیلیر که مجرم ، بر درجه یه قدر بر مخلوق بشری دکدر. کندیسینی انسان عد ایتمه مکه بر درجه یه قدر حقمز واردر. فقط هیچ بر زمان ، چوجوگک حیاته هنوز یکی آدیم آتان شعورندن امید کسه میز و کندیسینی دها شیمیدین بشریتک خارجی عد ایده میز .

محازات بدنیه ، آنجق چوجوق هنوز کوچوک بر حیوان اولدینی زمان قابل قبولدر . فقط اوزمانده موضوع بحث اولان شی حیوان تربیه سیدر (dres-age) ، انسان تربیه سی دکدر . بو طرز تجزیه بالخاصه مکتبلرده منع ایدیلک لازم کلیر . طالعده ، بونک فنا تأثیری ابوبن ایله چوجوقلر آراسنده لایق قطع تعاطی ایدیلن شفقت تظاهراتی ایله ، محبانه جریانلر ایله ، بوشدید معامله لرک علی العاده حائر اولدقلری معنای ازاله ایده جک صمیمیت حیات ایله قولایجه تخفیف اولونابیلیر. فقط ، مکتبده خشونت وشدتی تخفیف ایده بیله جک هیچ برشی یوقدر . چونکه ، جزالرک اولدجقه غیر شخصی صورتده تطبیق ایدیله سی قاعده دندر . دیمک که ، مادی معاملات شدیدنه ک اخلاقاً شایان نفرت اولان جهتلری مکتبده هیچ بر تعدیلکار تأثیره معروض دکدرلر . بونک ایچوندر که بلا قید و شرط اونلری منع ایتمک مناسب اولور .

فقط ، محازات بدنیه نک هانکی سبیلردن دولایي تماماً منع ایدیلر لری لازم کله جکنی کوستردکن صوکره ، ماضینک تربیه سیسته ملرنده نیچون بالعکس غایت مهم بر موقع طوتمش اولدقلری اراه ایتمک فائده دن خالی اولاماز . بو نحریاتک هیچ بکنمنه دک بر طاقم نتیجه لر ویره جکی بر آزدن آکلاشیلا جقدر .

قبل التدقیق ، ظن اولونابیلیر که ابتدائی اخلاق و عاداتک خشوتی ، ایلک دورلرک باربارلنی ، بوجزا سیسته منی تولید ایتمش اولاجقدر . فقط بوفرضیه یکنظرده نه قدر طبیعی کورونورسه کورونسون ، وقعه لره توافق ایتمکدن جوق اوزا قدر . موسیو شتا نیچ نامنده براتوغرا فیما تخصصی Zeitschrift für Sozialwissenschaft (آغستوس ۱۸۹۸ ، صیفه ۶۰۷) ده و Ethnologische Studien zur ersten Entwicklung der Strafe اثرنده (۲نجی جلد ،

مخبره ۱۷۹ ، لایډن ، ۱۸۹۲) ابتدائی دینلن قوملرده تربیه مسئله سنه دأثر بر جوق وثیقه طوبیلامشدر . واصل اولدینی پك شایان دقت نتیجه کوره ، اکثریت عظیمه احوالده ، انضباط غایت ملایمانه در . قانادا یرلیری جوجوقلرینی پك مشفقانه سورلر ، اونلری هیچ بر زمان دو کز لر ، حتی آزارلامازلر بیله . آمریکا یرلیرینی پك ابی طانیان اختیار میسیونر لوژون ، مونتانیه یرلیری حقنده شویله دیور : « جوجوقلرک دو کولدیکنی حتی آزارلانیدیگی کورمه که تحمل ایده مزلر . آغلایان بر جوجوغک ایسته دیکنی دریغ ایتمه لری قابل دکلدر . عینی مشاهده کوره ، آلفونکن لرده بویله در . سیورؤساندن بری بیاض آدم لری جوجوقلری دو ککلرندن دولای باربار بولیوردی . شمالی وجنوبی آفریقا قبیله لرینک پك چوغنده مجازات بدنیه نك مفقود اولدینی کورولور . فقط آمریکا هیئت اجتماعیه لرینک ، اکثریسی بزم درجه مزدن ، حتی قرون وسطاده کی بزم مملکتلر درجه سندن پك آشاغیده اولقله برابرینه اولدقچه بر حرثه یوکسلمشلردر . مدنیت درجه سنده بر درجه دها آشاغی اینه لم . آوسترالیایرلیرینی ابتدائی انسانلرک نام ومکمل بر نمونه سی عد ایتمک جائز دکلسه ده هر حالده ، طانیدیغمز فوتلرک الک آشاغی طبقه سنده بولونانلر میاننه ادخال ایدیلهلری لازم کله جکی محققدر . ایسته آوسترالیاده جوجوغه سوء معامله ایدیلک شویله دورسون ، بالعکس پك جوف یوزویریلیر . قوبورغ (شمالی آوسترالیای) شبه جزیره سنده « جوجوقلره غایت مشفقانه معامله کوستیریلیر . بونلره هیچ بر زمان نه جزا ویریلیر ، نده آزارلانیرلر . نووهل نورسیده ابوین جوجوقلرندن هیچ برشی دریغ ایتمزلر . اولسه اولسه ، جوجوغک ایسته دیکنی یابدقن صوکره ، فنا حرکت ایتمکندن دولای کندیسنه بعض اخطاراتده بولونورلر . به مور تونده کی یرلیرده جوجوعی دوومک فکری حقیقی بر جاوارلق کی تلقی اولونور . الخ بوصورتله ، یکدیگرله مقایسه ایدیلن یوزدرت هیئت اجتماعیه دن آنجق اون اوچنده تربیه نك اولدقچه شدتلی اولدینی کورولمشدر . مع مافیه بو شدتده هیچ مفرطانه بر حال یوقدر . تطبیق ایدیلن الک شدتلی معامله یا توقات آتمقن ، یادکنکله وورمقن یا بیه جکدن محروم ایتمکدن عبارتدر . فقط ، الک شایان حیرت اولان فقط ، تربیه لری بو وصفی حائر اولان اون اوچ قومک مدنیتده بالذنبه مترقی اولمالیردر . یرلیرک هیئت مجموعه لرینه نسبتله بونلر ، جوجوقلره ، بدیکمز کی ، صوکر درجه ده مساحه ایله معامله ایله بن سائر قوملره نسبتله نهذیجه دها ایلری کیتمشلردر . مدنیت انکشاف ایتمکجه شدتک بو آرتماسی باشقه مثاللرده ده مشاهده ایدیلهلیر .

روماده تربیه نك تاریخی بر بردن آری ایکی دوره یی احتوا ایدر : اوغوستدن اول و اوغوستدن صکره . اوغوستدن اول ، تربیه غایت حلیانه کورونیور . روایت اولوندیفنه کوره سفسطایه دن بری ، در سده او یویان طلبه سندن بری بریومروق اورارق او یاندیردینی ایچون بوروماده هیچ ایشیدیلهدك بر زالت تشکیل ایتشدی . دیمك که دایاق ، جاری دکلدی . قانونه کوره ، قاریسی یاخود چوجوغنی دومك حقیقی برکفردر . فقط چوجوقلر بابالری طرفندن تربیه ایدیله یوبده پداغوغ دنیلن مربیلر طرفندن یاخود مکتبلرده (ludimagister) تربیه اولونمغه باشلاندینی زمان ، بوحلم وملایمك یرینه غایت عظیم بر شدت قائم اولدی . او آندن اعتباراً ، دایاق قاعده حالنه کلدی . هوراس ، اثرلرینك بر طرفنده بزه مکتب خواهجهمی اوربیلوس دن بحث ایدرکن اوکا پك معنیدار Plagosus لقبی ویریرکه دایاق آنجی دیمکدر . پومپینی ده بردیوار اوزرنده کشف ایدیلن بر رسم (بوواسیانك ۱۵ مارت ۱۸۸۴ تاریخنده ره وو دو دومند رساله سنده یازدینی مقاله یه باقکز) بزه او زمانك مکتب حیاتندن بر صحنه یی ارانه ایدر : بر مکتب چوجوغنك اثوابلرینی چیقارمشر ، آرقداشلرندن برینك آرقه سنه بیندیرمشر . آرقداشی اللرندن طوتمش . باشقه بری ده آیاقلرینی طوتمش دیگر بر آدمده دکنکی قالدیرمش ، اورمغه حاضر . الك خفیف جزا « ففرولا » ایله تطبیق ایدیلردی . بونكه اللره اورولوردی . الك بویوك قباحتر « فلاجلوم » ایله استمرار ایدیلردی . بو ، بر نوع قیرباچ ایدی . اسیرلره تطبیق اولونوردی . شبهه سزکه چیچهرروف سه تهك وبالخاصه قوینتیلیان بعض اعتراضات درمیان ایتمکدن کری قالمادیلر . فقط بونلرک فعلیاته تأثیرلری اولمادی . ذاتاً فعلیاتك ، قریسیپ کی رواقیه دن مواقع نظریه جیلری ده واردی . قریسیپ تربیه خصوصنده دایاق جزاسنی مشروع عدایدیوردی .

فقط بواصول نه قدر سرت اولورسه اولسون ، قرون وسطاده تأسس وتعمم ایدن اضوله نسبتله هیچ صایلیر . اغلب احتماله کوره ، خرستیانلئك ایلك زمانلرنده ، شاهه ایچنده تربیه غایت ملایمانه ایدی . فقط کیش مکتبلری تأسس ایدر ایتر قیرباچ ، صوبا ، اوروج الك مستعمل بر جزا حالنه کچدیلر . بوراده ، شدت ، ابتداری صوکره کی زمانلره نسبتله ده خفیف اولمشر . جزائک بو حد اعظمی شدتی اون اوچنچی عصره دوغروده اوزمانده دارالفنونلر ، قولله زلر تأسس ایدیور ، بر جوق طلبه بولیوردی . قرون وسطانك مکتب حیاتی او دوره ده الك یوکسك انکشاف وتشکیلاتی نقطه سنه واصل اولیوردی . اوتاریخده مجازات بدنیه اوقدر اهمیت کسب ایتدی که هر طرفده بونی بر قاعده آلتنه آلتق لزومی

حس اولوندى . مجازات بدنیه چکمک ایسته دکری حدودلر ، ارتکاب ایدیغیمکه اولان سوءاستعمالاتی پک کوزل ارائه ایدر . چونکه ، جائز اولان شیئه باقیلنجه ، موقع مرعیتده اولان شیلرک نلر اولدیغنی آکلامق قابل اولور . نه اقران شپسکل (۱۲۱۵-۱۲۱۸) اوست اوسته اون ایکی قیرباچ ضربه سنه مساعده ایدر . دورمسی مکتبنک تعلیماتنامہ سی یالکز حقیق برپاره ، یاپه حق یاخود اعضادن بری قیراجق ضربه لری منع ایلر . اک باشلی تأدیب طرزلری توقات ، تکه ، یومروق ، صوباء ، قیرباچ ، حبس ، اوروج ، ده لیلیاتیو و دیزچو کدیرمه ایدی . بالخاصه قیرباچ او یله بررول ایضا ایدردی که عادتاً برنوع صنم اولشدی . بعض مهرلرک اوزرینه حک ایدیلدیکی کورولور . آلمانیاک بعض مکتبلرنده قیرباچ شرفنه هر سنه بریورطی یاپیلردی . طلبه لر مراسم ایله اورمانلره کیده رک کندیلرینی دوکک ایچون قولانیلاجق صوبالری کسرلردی . اک غریب اولان جهت ، بومکتب اخلاق و عاداتنک طائد اخلاق اوزرنده ده عکس تأثیر یامیش و اونیده خشین برحاله کتیرمش اولماسیدر . طائله ایچنده ده تربیه ده اشدید بر طرز کسب ایتدی . لوتهرک حکایه سنه کوره صاحب لری اون بش صوبایه قدر یردی .

روئنه نس دورنده اعتراضلر شدتله باشلادی . رایالنک ، آراسمک ، مونته نیک چیقاردقری نفرت فریادلرینی هرکس بیلیر . فقط ، روماده اولدینی کی ، بو بلیغات مطالبات ، فعلیات اوزرنده یویوک بر تأثیر یامقدن عاجز قالمشلردر . هر حالده تطبیقاتده آنجق صوگدرجه ده بطائت ایله بر اثر ملایمت حس ایدلشدر . جزویتلر راتپوستودوروم ، لرینه دایاغه مراجعت کیفیتنک ممنوع اولدیغنی قید ایتیشلر سده پک وخیم احوال مستثنا اولق اوزره ، قیرباچ ، ۱۸ نجی عصر اورتلرینه قدر اک مقبول برواسطه تأدیب وصفی محافظه ایله مشدر . راومر ، Gechichte des Caedagogik (۲ نجی جلد ، ۶ نجی طبع ، ۱۸۸۹ ، صحیفه (۲۴) نده بزه ۱۸ نجی عصر اورتلرنده ، حیات تعلیمیه سی اشناسنده ۲۲۲۷۳۰۲ مجازاتده بدنیه تطبیق ایتیش اولدیغنی سوبله یهرک افتحار ایدن بر معلمدن بحث ایدر . آنجق ۱۸ نجی عصر نهایتلرنده روکه بودرو تحقیق ایتشدر . اوتاریخدن صوکره ، مجازات بدنیه نک قانوناً منعی کیفیتی کیتدکجه تأیید ایتشدر . مع مافیه ، شوراسنی کوزدن اوزاق طوتمامالیدرکه الیوم انکلتیره ، باد دوقه لنی ، ساقسونیا ، روسیا هنوز مجازات بدنیه یی صورت قطعیده منع ایتیش دکلدردر . آلمانیاک اک باشلی پداغوژی متخصص لری ، تام برپداغوژی سیستمی منطقی صورت تلقین ایچون صرف مساعی ایدنلر ، راین ، یامایشلر ،

حالا ، بوطرژ تجزیه‌ی تماماً منع‌ایتمه‌نك مناسب اولمایه‌جنى مطالعه‌سنده‌درلر . قانونك یاخود نظریه‌نك چیزدیكى حدودلرك تطبیقاتده بول بول تجاوز ایدیه‌جکنده هیچ شبهه یوقدر . ذاتاً ، فرانسه‌ده بیله ، تعلیماتنامه‌نك بوتون ممنوعیتلرینه رغماً ، اسکی خطا صوكن مکتب تجدداًتمزه قدر پایدار قالمشدر .

ایشته وقعه‌لر بونلدر . شیمدی وقعه‌لردن چیقان درس‌لره باقلم .

مجازات بدنیه طرفدارلری ، چوق کره ، سوزلرینی تأیید ایچون ، عائله تربیه‌سنده دایاق « بحق » اولدیغی ، برابانك ، چوجوغی مکتبه کوندرمکه کندق حقى کندیسنك مثلى حالنده کلن معلمه نقل وتودیع ایتدیكى سویله‌ورلر . چوجوقلره تطبیق ایدیلن جزا حقنده ویردیكمز مختصر تاریخ معلوماتی اثبات ایدرکه کافه اطاعتده ، مکتبه‌ده کی حاللری جزالری ایضاح ایتك وعق کوسترمك ایچون سویله‌ن بوسوزلر هر دورلو تاریخی عقلدن محرومدرلر . بو جزالر ابتدا عائله‌لر داخلنده تشکلی ایدوبده ، صریح یاخود ضمنی بر توکیل معامله‌سی نتیجه‌سنده مکتبه انتقال ایتش دکلدلرلر . منتظم صورتده تشکلی ایدیلش برسیتهم اولوق اعتباریه تماماً ، منحصر آ مکتب محصولیدرلر . تربیه صرف عائله داخلنده جریان ایتدیكى وقتلر مجازات بدنیه ، آنحق داغینیق بر طرزده ، منفرد حادثه‌لر حالنده موجود ایدی . عمومی قاعده ، دها زیاده ، صوكن درجه‌ده مسامحه‌کارلقدن عبارتدی . عائله داخلنده کی تربیه دوره‌سنده فنا‌معامله‌سی نادردرلر . بونلرك برقاعده شکنه کجه‌لری ، برانضباط اصولی وجوده کتیرمه‌لری مکتبلرك تأسیسیله باشلار . عصرلرجه‌مدت بواصولده مکتبلرکی ، توسع و انکشاف ایتمشدر . جزالرك نوعی چوغلادی ، تطبیق‌لری صیق صیق وقوعه کلمکه باشلادی . مکتب حیاتی دها متنوع ، دها قاریشیق ، دها تشکیلاتی برحاله کلدکجه جزالرده بوبله اولدی . مکتبک طبیعتنده برشی واردرکه بوطرژ تجزیه انسانلری میل ایتدیرر . بونلرده برکره تأسس ایتدکدن صوکره ، دعوت ایتدک‌لری دورلو دورلو اعتراضلره ، غایت مکرر ممنوعات قانونیه رغماً عصرلرجه مدت پایدار قالدرلر . بوجزالر ، آنحق ملتلك درجه‌ده بطائله ، افکار عمومی‌نك تضییعی آلتنده کریله مک‌باشلارلر . حقیقت بو مرکزده اولوق ایچون ، بدیهیدرکه مکتب حیاتنده ، معلمی ، اوزون‌مدت مقاومتسوز برقوت ایله شدتلی برقوت ایله شدتلی برانضباط تطبیقنه سوق ایدن برشی بولونمق لازمدر . ایشه بوسبیلرله‌لردر نیچون بریشری تهذیب منبى اولان مکتب ، عادتا تشکله‌ده کی برضرورت نتیجه‌سی اولارق ؟ برابارلق منبى وجوده کتیرمشدر ؟

تربیه نك ، مدنی انسانلرده ابتدائی انسانلره نسبتله دهاجدی وشدید اولماسی قولایمجه قابل ایضاحدر . ابتدائی انسانلرك حیاتی بسیطدر . دوشونجهلری پك آزدرد وكرفت دكلدر . مشغلهلری پك تنوع ایتمز . دائماً عینی حالده تكرر ایدر . بناءً علیه ، چوجوغنی برکون اصرار ایدهجکی حیاته حاضرلایان تربیه نكده عینی بسیطلکی حائر اولماسی طبیعیدر . حتی ، دنیه بیلیرکه ، بونوع هیئت اجتماعیلرده تربیه همان همانغیر موجوددر . چوجوق ، اوكرنمکه محتاج اولدینی شیلرك كافه سنی شخصی وبلاواسطه تجربه سیله اوكره نیر . اوکا معلمك ایدن حیاتدر . اوبینك مداخله لرینه لزوم یوقدر . دیمك كه حاكم اولان پرنسپ ایشی کندی حالته براققدن عبارتدر . بویله اولونجه بر اصول وتشکیلات دائره سنده کی شدك هیچ بر حکمت وجودی بولونماز . حقیقی تربیه ، بشریت طرفندن اکتساب ایدیلن فکری و اخلاقی حرث ، پك دها كرفت و مرکب برحاله کلدیکی ومشترك حیاتك هیئت مجموعه سنده پك مهم بر رول ایفا ایدوبده بر حرثك بر بطندن دیگر بطنه انتقالی ، بوزوق اصول وشرائطك تصادفه براقلمق قابل اولاما بینی زمان باشلار . اووقت بویوكلر، ایشه مداخله ایتك بوازم نقل وتودیع کیفیتی، کسدرمه یوللرله کندیلری یایمق ، شعورلرینك فکریلرینی ، حسلرینی ، وقولرینی کنجلك شهورلرینه کندیلری دوغروندن دوغرویه تحریك ضرورتی حس ایدرلر . کنجلكی کندی کندیلکدن ، حیاتك تلقیناتی آلتنده اکتساب علمه ترك ایدهجك برده اونلری بالذات تعلیم ایدرلر . ایشته ، بویله برحرکت بالضروره زهتلی وجبری برشی وارددر . چونکه ، چوجوغنی ، کندیسنك چوجوقلق فطرتی چیمکه ، او فطرتی زورلامغه اجبار ایدر . بو چوجوقلق فطرتك کندی کندیلکندن اوزون بر مدت ظرفنده یاپهجنی ایشی دها سریع صورنده کاله ایردیرمك موضوع بحثدر . آرتق چوجوغك فعالیتنی احوال وشرائطك کیفیته کوره سربست برصورته اوتده بریده دولاشمغه براقازلر . چوجوق بوفعالیتنی کندیسنه جبراً قبول ایتدیریلن موضوعلر اوزرنده اختیاری وزهت بخش برصورته طوبلامغه، تکشیف ایتمه مجبور اولور . حاصلی ، دیمك كه مدنیت ، چوجوغك حیاتی بالضروره بر درجهیه قدر مظلملشدیرمك کی بر نتیجه تولید ایتمشدرد . تولسئوك دیدیکی کی، تحصیل چوجوقلری جذب ایتمكدن چوق اوزاقدرد . دیگر طرفدن ، تاریحك برصفحه سنده شدتلی اصوللرك دائمی صورته استعمال ایدیلدیکی ، وجدانلری هیچ رنجیده ایتهدیکی، قابا فطرتلر اوزرنده بر نتیجه تولید ایده بیلمك ایچون ایجاب ایدن مؤثرینه آنجق بونلرك مالک اولدینی دوشونولهجك

اولورسه، نەدن دولایى حرئك بدایى، مجازات بدنیهك ظهوريله اشارت ایدلدىكى قولايجه ایضاح اولونور .

فقط بو ایضاحات ، مشاهده ایدیلن وقعهلری آنجق قسماً تنویرایدن، مجازات بدنیهك نیچون مدنیتك شفقتنده ظهور ایتمش اولدقلری بو سایهده آکلایهیلیرز . فقط باشقههیچ برسبب ایشك ایچنه قاریشماسه ایدی بو جزالرك استعمالی ، موقع مرعیه کیردکلی آندن اعتباراً تدریجاً آزالمق اقتضا ایدردی . چونکه ، اقوامك وجدانلری تدریجاً ایغدیکی ، اخلاق و عادات ملایمت کسب ایتدیکی ایچون بو شدید معاملهلرده کیتدکجه ده شتلهمنفور کورونمك لازم کایردی حالبوکه ، بوتادیب سیستهمنك ، کريله مك شویله دورسون ، اوزون عصرلر ائناسنده ، انسانلر ده زیاده مدنیلشدکجه ، بالعکس انکشاف ایتدیکی کوردک . اك یوکسك نقطهسنه قرون وسطانك صوکلرینه واصل اولیور . فقط ، ۱۶نجی عصر ابتدالرنده کی خرسئیان هیئت اجتماعیهلرك ، اوغوست زماننده کی روماهیئت اجتماعیهسنه نسبتله اخلاقك ده یوکسك بر سویهیه واصل اولمش اولدقلرنده شبهه یوقدر . بالخاصه ، بو باربار اصوللرك ، علیهلرنده وضع ایدیلن بوتون ممنوعیتلره قارشى قویمش اولدقلری مقاومت قوتنه عقل ایردیرمك قابل اولاماز . بناءً علیه ، مکتبک تشکلاتنده بو جهتله میل ایتدیرمش برشى بولونمق لازمدر . فی الحقیقه ، کوره جکزکه بو انضباطك ثبات ودوامی ، کلهجك درسده تعیین ایده جکمز ده اعمومی بر قانونك نتیجهسندن باشقه بر شی دکدر . بو قانون بره ، مکتب حیاتنك تشکیل ایتدیکی او نوعی شخصنه منحصر حیات اجتماعیهك اوصاف میزه و کاشفهسندن برینی میدانه چیقارمق خصوصنده امکان تأمین ایده جکدر .

اون اوچنچی درس

مکتب جزاری (مرک)

مکاتلر

محازات بدنیه اصولنک طائله ایچنده دوغوبده اورادن مکتبه انتقال ایتش اولمادیغی، بالذات مکتبده تشکل ایتدیکنی، مکتب انکشاف و توسع ایتدیجه برمدت بونکده انکشاف و توسع ایله دیکنی کچن درسده کورمشدک. بوشایان وقت ارتباطک سبیلری نهلر اولو ایله جکینی ده آراشدیرمغه باشلامشداق. شهبه سز، حرث بشریه نی بردرجه انکشافه واصل اولدوقدن صورکه، بوحرثی انتقال ایتدیرمکه مخصوص اولان اصوللرکدها شدید برحال آملاری پک قولای عقل ایرمک برکیفتدر. چونکه، حرث دها قاریشیق برشکل کسب ایتدیکندن دولاییدرکه انتظامی تأمین کیفیتی احوال و شرائطک تصادفه براقیلاماشدر. زمان قازانق، دها حیزلی یورومک ایجاب ایتدی. ایشه انسانلرک مداخله سی ضروری اولدی. حالبوکه بویه برعملیه نک غیر قابل اجتناب نتیجه سی، طبیعت اوزرنده بر جبر و تضییق اجرا ایتک اولور. چونکه، غایه سی چوجوغی صنعی صورتده تعجیل ایدیلش بردرجه ککله ایصال ایتمکدر. بناء علیه، بو آرزو ایدیلن نتیجه نی استحصال اوغورنده دها قوتلی و شدتلی واسطه لره احتیاج کورولمش اولماسی قابل ایضاحدر. اوزمانلر، شعور عمومی، شدتلی معاملاته قارشى آنجق پک خفیف برنفرت دویدیغندن، حتی قایا فطرتلر اوزرنده آنجق بو شدتلی معاملهلر برتأثیر کوستره بیلیمک قدرتی حائر اولدقلرندن، موقع استعماله وضع ایدیلهلرینه پک کوزل عقل ابریور. ایشه بو صورتله، محازات بدنیه اصولی آنجق بشریت او ابتدائی باربارلقدن حیقیدینی و بناء علیه مکتبلر تأسیس اولوندینی وقت وجوده ککشددر. مکتب ایله مدنیت معاصر شیلردر و بربرلرله صبقی برحاله متسانددرلر. فقط بو صورتله، بوانضباط اصوللرینک، مدنیت ترقی ایدهرک اخلاق وعادات، کسب ملایمت ایتدیجه عصر برجه نهدن دولایى کسب شدت ایتدکری ایضاح ایدیلش اولمايور. اخلاق وعاداتده حصوله کلن بوملایمت مستعمل اولان شدتلی معاملهلری غیر قابل تجویز کبی

کوستره رک اورته دن قالديرمق اقتضا ايدردی. بالخاصه، مورخ لک ۱۴نجی، ۱۵نجی، ۱۶نجی عصر مکتبلرنده کی اوحقیقی اشکنجه مبدولیتلرینه، معاملات شدیدۀ افراطلرینه دائر ویردکلری معلومات هیچ ایضاح ایدیللمش برحاله قالیور. مونته نیک بیاناته نظراً اوزمانلر مکتبلرده و فریادلردن، اشکنجه یه تابع طوتولان چوجوقلردن وحدتدن سرخوش اولمش معلملردن، باشقه برشی ایشیدیلنز و کورولمزدی (برنجی جلد، XXV). بعضاً، بو افراطلر کشیشلک اخلاقته، نه زاهدلک تلقیاته عطف ایدیللمش. چونکه اوتلقی یه کوره اضطراب بر نعمت ایدی واضطرابده دورلو دورلو فضائل متصوفانه واردی. حالبوکه عینی ضلالتلره پروتستان آلمانیا مکتبلرنده تصادف ایدیوروز. حتی بو کون، سیستمک پرنسیپی قانولیک مملکتلرده: فرانسه، اسپانیا، ایتالیا، بلجیقه و آوستریاده تماماً الفا اولوندینی حالده، تخفیف ایدیلش شکلر آلتنده پروسیه ده و انکلتزده باقیدر. دیمک که فلان یاخود فلان مذهبک خصوصیتندن دکل صورت عمومیه ده مکتبک تشککنده کی بر وصعدن منبعثدر. فی الحقیقه، بو، بروجه آتی درمیان ایدیله بیله جک بر قانونک خصوصی بر مثالندن عبارت اولدیغنی ادعا ایتک حقی اولابیله جکدر کی کورونیور: حرثلری غیر مساوی ایکی خلق، ایکی فرد زمره سی، متمادی بر تمس حاله نه زمان کیرلرله، اویله بعض حسیات انکشاف ایدیورکه اک چوق حرث صاحبی اولان یاخود کنديسینی بویله ظن ایدن زمره یی دیگر اوزرنده جبر و تضییق ایتکه میل ایتدیور. مستملکاتده، و آوروپا مدنیتی ممثللرینک آشاغی بر مدنیت ایله قارشیلشمش اولدقلری درلو درلو مملکتلرده بوتون بو کیفیت مشاهدۀ ایدیله بیلیر. جبر و شدتک بونی اجرا ایدنلر ایچون هیچ بر فائده سی اولمادی، حتی کندیلرینی بعض وخیم تهلکه لره معروض بیله براقه جینی و بو یوزدن مدهش مقابله بالمثللر دعوت ایدیلدیکی حالده ینه میدان وقوعه کله مه لری قابل اولمایور. کشفلرده آشاغی بر مدنیت منسوب اولدیغنه حکم ایتدکلری عرفلره قارشلی کورولن او بر نوع قانلی دلیلک بوندندر. نفسنده موجودیتنه حکم ایدیلن فائیت، صانکه کندیلکنندن، عنف بر صورتده کنديسینی کوسترهمک میل ایدیور. همده بلا سبب، بلا حکمت، صرف میدان چقمش، تأید ایتش اولق ذوقی ایچون عادتاً حقیقی بر سرخوشلق، آنانک مفرط بر جوشغونلنی، بر نوع بویوکلک دلیلکی وقوعه کلیور و انسانی الکفا افراطلره سوروکله یور. بونک منشاءلرینی آ کلايه بیلیمک زور برایش دکلد. فی الحقیقه کوردک که، فرد، کنديسینی آنجق ضبط و منع ایلش کی حس ایدرله حرمت ایتدیکی و تجاوزه جرأت کوسترهمدیکی

اخلاق قوتلر قارشيسنده بولونورسه نفسى منع و ضبط ايدر . يوقسه ، آرتق هيچ حدود طانيياز ، اولجوسز ، حدودسز انكشاف ايلر . مناسباتدار اولدينى يكانه اخلاق قوتله نظرند قيه تدن دوشدكلى ، اونلرده عطف ايتديكى اهميتسز لكدن دولاي تلقين حرمت ايدمله جك بر سلطه قسماً موجوديتنى تسليم ايتمه ديكي دقيقه دن اعتباراً ، آرتق او اخلاق قوتلر اعتدال بخش بر رول ايفا ايدمه مزلر . بناءً عليه ، آنجق هيچ بر شيله توقيف ايديله ديكنى حس ايدمه مز و هيچ بر شينك مقاومت كوسترمديكى بر مسبقه كى ، شديد معاملات اجرا سنده باشلار . بو شديد افعال ، اونك نظرند ، نفسنه تأمين ايتديكى بر اويوندر ، بر اكلنجه در ، كنديسنده موجوديتنى كوردىكي فائقه شهادت ايچون بواسطه دره احتمال كوره ، متمدن مملكتلرده اسكيلردن و يكيلردن مركب ايكي زمرة متادى بر صورتده تماسده بولوندىقلى و عيى حياته اشتراك ايتدكارى زمان دائماً بوكا بكزر بر حادثه مشاهده ايليور . فى الحقيقه ، اوزمان ، ايكي زمرة آراسنده غايت خصوصى جنسندن بر نوع مخاصمات ظهور ايتديكى كورولمكده در . بر ياد brimade [عزىلك ؛] ديدكلى بودر . بو يالكز مرضى بر كيف و هوس ، غير معقول بر مخيله محصولى دكلدر . اويله اولسه اندى بو قدر عمومى و ازاله سى مشكل بر شى اولمازدى . حقيقتده ، بو ، كنديلرينه ، مخالف استقامتمده فقط هيچ اولمازسه مساوى شدتلر باشقه معنوى قوتلر قارشى قونولماقجه تاثيرلرينى اجرادن خالى قالامايان معين سبيلرك نتيجه سيدر . اسكيلر كنديلرينى يكيلره فائق حس ايدرلر ، چونكه اسكيلدرلر ، چونكه يكيلرك بيلمه دكلى اصول و عادتلك ، عنعنلرك حامل و محافظلريدلر ، چونكه بر هيئت مجموعه روحنه مالك متجانس بر زمرة جماعتجه مشترك بر وحدت وجوده كيتيرمكده درلر ؛ حالبوكه يكي كلنلر آراسنده مشترك هيچ بر شى يوقدر ؛ بونلردها تشكىل ايتك ، تشكىلات آلتنه كيرمك بيله وقت بولاماشلردر . بو فائقت بك صاعلام بر تمه استناد ايتمه ديكي ، بوسورتله يان يانه كلن اسكى نسل آراسنده كى معنوى اوزاقلق اساس اعتباريله بك آز بر شيله انحصار ايله ديكي ، غايت موقت بر شى اولدينى ، چار چابوق اورتهدن قالمغه محكوم بولوندينى ايچوندر كه بو صورتله حصولو كلن خبر و شدتلرده بك جدى دكلدرلر . دها زياده ضررسز بر اويون وصفنى آلبرلر . مع مافيه ، شوراسى ده آشكاردر كه بو خصوصى بر اويوندر ، بو جبر و شدت و تعذيت احتياجيله تميز ايتكمده در . ديمك كه بوراده ، خفيفجه فرقى شكللر آلتنده ، عيى سبب عيى نتيجه يى توليد ايتكمده در .

معلملره طلبه لر آراسنده کی مناساتلکده بر چوق جهتلرده بونلره قابل قیاس اولمادیغی دوشونورم. فی الحقیقه معلملره طلبه آراسنده ، حرثلری غیر مساوی ایکی خلق آراسنده کی قدر بر آریلق واردر . حتی ، ایکی شعور زمره سی آراسنده بوندن دهافضله بر مسافه موجود اولایلمه سی پک زوردر . چونکه بو زمرده لر دن بری ، مدنیته بیگانه اولدینی حالده دیکری مدنیته تماماً مشبوعدر . معافیله ، ماهیتی اقتضاسی اولارق ، مکتب بو ایکی زمره یی بر برلرینه صیقی صیقی یاغلاشدیریور ، و دائمی صورته یکه دیکریله تماسده بولوندیور . او حالده ، بو تماسک ، تعریف ایتدیکمز حسیاته تماماً مشابه بر طاقم حسیات تولد ایتمه سنده هیچ بر فوق العاده لک یوقدر . ذاتاً معلملک مسلکک سبای موضوعی ایچون بر صفت کاشفه تشکیل ایدن معلوماتفروشلغک اعماقده بر نوع بویوکک دلیلیکی (mégalo manie) یوقیدر ؟ اخلاقاً و فکر آفاق بولوندیغمز کیسه لرله دائمی صورته تماس حالده یاشادیغمز وقت کندی نفسمه دائر مباغله لی بر حسه قاطماق ناصل قابل اولور ؟ بو حس ، اوضاع و اطوار ایله ، وضعیت ایله ، لسان ایله کندیسنی کوستریر . بویله بر حس ایسه چارچابوق شدید تظاهرات ایله اظهار موجودیت ایتمه کیه میالدر . چونکه بو حسه تجاوز ایدن هر فعل و عمل قولایجه مقدساته تجاوز تاثیرینی یاپار . بر برینه مساوی آدملر آراسنده کنه نسبتله ، مادونه قارشلی صبر ده زور بر حاله کیر ، نفس اوزرنده دهابویوک بر جهد و غیرت کوسترلمه سنه احتیاج عرض ایدر . حتی ، غیراختیاری مقاومتلر ، مطلوب اولان نتیجه لری استحصالده تصادف اولونان بسیط مشکلاتر بیله حیرت ویررلر ، سیکره دوقونورلر ؛ چارچابوق ، برقباحت کی تلقی اولونورلر وقباحت معامله سی کورورلر . بوندن باشقه ده ، نفسه عطف اولونان فائزیت ، سوبله دیکمز وجهله ، صرف کندیسنی کوسترمک ذوقی ایچون کندیسنی کوسترمکدن خالی قالماز . حتی عائله ایچنده بیله ، بو جنس حادثه لر یاشلری مختلف برادرلر و همشیره لر آراسنده نمایان اولدقلرینی کوریوروز . بویوکر نزدنده صانکه مزمن بر نوع صبر سزغه بکزر بر شی ، و کوچوکلره آشانی مخلوقات کی معامله ایتک تمایلی کی بر شی واردر . معافیله ، بوراده عمومیت ، عائله حسیاتی ، افراطلری منعه کافی کلیر . فقط مکتبده ایش بویله دککدر . اوراده بو فائده لی منافرت یوقدر بناء علیه ، مکتب حیاتک شرائطنده شدتلی انضباطه میل ایدمه یی برشی موجود دیمکدر . مخالف بر قوت مدافعه ایتهدیکی مدتجه مکتبک انکشافی وتشکیلات آلتنه کیرمه سی ایله متناسب بر صورتده ، بوسبیک متصل دهاموثر بر حاله کیرمه سی پک قولای

آکلاشیلیر . چونکه ، معلم کیتدکجه دهافضله راهمیت اجتماعیه کسب ایدرکن ، کندیسنده کی مسلک وصفی دهابارز برشکل آلیرکن ، بونلرله موازی صورتده ، مسلک حیانتک قوتیه آرتمقدن کری قالاماز . ذوق وسعادتک ایلک زمانلرنده دائره روحانیه مکتبلرنده معلملک وظیفه سنیده ایفاییدن او صغیر کلیسا مفتیسی ، ۱۴ نجی و ۱۵ نجی عصرده کی بوبوک قوملر کرک معلملرینه نسبتله پک کوچوک برسلطه یی حائر ایدی . ذی قدرت بر مسلک هیئتک اعضاسی اولان او معلملر ، کندی نفسلرینه شرف و حیثیتلرینک یوکسکلکنه قارشى بسله دکری ایمانده هم مساکلرینک مشترک ایمانندن مظاهرت کور یورلر ، قوت آلورلردی احتمالکله هیچ برزمان ، برآز اول بحث ایتدیکمز ، اوبو یوکک دلیلکی بوقدر یوکسک بر درجه یه وارد برلامشدر . اوزمانلرک مکتب انضباطلرینک طرز و اصولی تجدید اولدینی آرتق آکلاشلمغه باشلار ظن ایده رم .

بو حالت روحیه یی ضبط و منع ایده بیله جک ، ودها او زمانلرده بیله بو قدرتی حائر بر قوت واردرکه اوده محیطک اخلاق حقنده کی فکر و مطالعه سیدر . چوجوغی معلمک سلطه سنه قارشى حمایه ایتک چوجوقده بولونان و کندیسنى شایان حرمت قیلماسی لازم کلن وصف معنوی خاطر لایتمق اوکا ترتب ایدر . وقایه دن دها ای خبردار اولان افکار عمومیه اوزاق مملکتلرده بئریان ایدن حادثائی نظارت آلتنده طومغه وبو باده حکم ویرمه دها زیاده امکان بولایبیلجک بر حاله کلدکجه ، مدنیلرک آشاغی درجه ده کی هیئت اجتماعیه مزله مناسبته بولونورکن قولایجه ترک نفس ایتدکری سوء استعماللر ، ایشته بوندن دولای ، ضبط و منع ایدیلکله باشلامشدر . فقط قرون وسطا مکتبلری او صورتده تشکیلاته مالک ایدیلرکه افکار عمومیه اوراده هان هیچ معکس بولامازدی . معلملر برلکی ، بوتون مسلک برلکری کبی ، برنوع محدود جمعیت ایدی . خارجه قاپانمش ، کندی اوررینه طوبلانمشدی هان همان کیزلی بر جمعیه بکزرردی . دولت بیله ، پرنسب اعتباریه ، بورایه مداخله ایتمزدی . قولله ژلرک طلبه لری خارجه ی محیطدن تماماً آیرلشدردی . طلبه لرله ابونلری آراسنده کی مناسبات نادر . بعضأده ممنوع ایدی . بو شرائط دائره سنده شعور عمومینک ترقیاتی ، انضباط تطبیقاتی اوزرنده هان هیچ بر تأثیر یاپه مازدی . ایشته بونک ایچوندرکه انضباط ، اوقدیم ضلالتلرنده اوقدر اوزون مدت معنده صاپلانوب قالمشدر . یوکسه لن بلیغانه اعتراضلره رعماً (قرون وسطاده بیله بویه اعتراضلر کورولمشدر) ، حکومتدن صادر اولان اصلاحات تشبیلرینه رعماً ، سائر برلکارده اولدینی کبی ، معلملر برلککنده ده

اسکی اصول وعادتلر پایدار قالیوردی . نهایت ، برکون ، مکتب کندیسنی نظرلردن صاقلایان ظلمتدن صیریلوب چیقمه بهشلادی و آرتق خارجک حیاته ، کونک نورینه آچیلمدن قورقاز اولدی .

ایشته ، فالانک سببی ، مکتبک تشکیلاتیدر . بو مسئلهنی تدقیقه بر فائده تصور ایتمکلم یالکز تاریخی اهمیتندن دولای دکلدر . مکتب دنیلن هیئت اجتماعیه ک واوراده انکشاف ایدن خصوصی حیاتک بروصف موضوعنی ای تعین ایتمک بروسیله تأمین ایتمه سی بوک سائق اولمشدر . بو هیئت اجتماعیه طبعی اولارق بر حکمدارلق اداره سی شکافی حائر اولدیغندن دولایدرکه قولایجه مستبدلک حاله تردی ایدر . بو اوایله بر تهلهکدرکه ، کندیمزی صیانت ایچون ، دائما اوزرینه نظرمری معطوف بولوندرماضر لازمدر . معلملره طلبه لر آراسنده کی مسافه نه قدر جوق ایسه ، یعنی طلبه نه قدر کنج ایسه بو تهلهکده اوقدر بویوکدر . بو تهلهکیه میدان ویرمه مه نک اصل چاره سی مکتبک کندی اوستنه قاپانماسنه منحصر آکندیسنه خاص بر حیات ایله یاشاماسنه ، پک صیق صورتده بر مسلك وصفی حائر اولماسنه مانع اولمقدن عبارتدر . مکتب ، حائر اولدیغنی تهلهکیه قارشى کندیسنی آنجق خارج ایله تماس نقطه لرینی تزید صورتیله وقایه ایده بیلیر . کندیلکندن ، هراتشکل ایتش زمره کی ، مختاریت واستقلاله دوغرو تمایل کوستریر . قونترولی قولایجه قبول ایتیر . حالبوکه بو قونترول اوکا الزمدر . هم یالکز فکری نقطه نظرلردن دکل ، اخلاقی نقطه نظرلردنه .

مکتببرده یالکز دایقندن اجتناب کافی دکلدر ، چوجو غک صحتنه ضرر ویره بیله جک هر دورلو جزاده ممنوع اولمالیدر . بوسیدن دولای ، تفسلردن محرومیت جزاسی غایت دقتله تطبیق ایدیللی وهیچ بر زمان تام اولارق موقع اجرایه قونولمالیدر . تنفس اثاسنده اویوندن محرومیت ، عینی محذورلری حائر دکلدر ، حتی مهم محسنات بیله عرض ایدر . پرنسیب اولارق شونی قبول ایتملیدرکه ، فابرحرکتده بولونان وبویوزدن تویخه اوغرایان برچوجوق ، اویون اوینامق آرزوسنی دویماز . اویون ، تضمن ایتدیکی نشنه وانبساط ایله داخلی برمنونیت حسنک خارجی نظاهری کی تلقی اولونمالیدر . وظیفه سنده قصور ایتدیکی زمان بر طلبه بو حسی دویماز . دیملکه بو محرومیت ، مشروع ، مؤثر ، چوجوقده قباحتی تمقیب ایتمه سی لازم کلن ندامت حسنی اویاندرمه وادامه ایتمک غایت قابلیتلی بر جزادر . بوک قارشى سوبله نه جک سوز آنجق تطبیقاته طائد بعض مشکلاتدن ایلری کلیر .

فقط ضرر ویرن جزاری برطرف ایتک کافی دکلدر . تأدیه معروض قالان کیمسه یه فائده ویره یله جک جزاری ترجیحاً آرامقده لازمدر . صورت عمومیهده ، بویوک آدمیره قارشی تطبیق ایدیلن جزا انضباطی ، کیتدجه انسانیتپرورانه حسیاتدن ملهم اولمغه تمایل کوستریور . کیتدجه مجرمک برنوع پداغوژیسی حالته کلیور . بناءً علیه اصل پداغوژیده بوعینی ملاحظاتدن مستغنی قالاماز . بونک ایچوندکه اسکی زمانک هیچ بر عقل و ذکایه استناد ایتمین چوجوغنی جان صیقیجی بر ایش ایله جبراً مشغول ایدمزلک ازطاج ایتک غایه سنی تعقیب ایله این اوقاره لاهمه جزاری ، صورت قطعیده اورتدن قالمیشدر . ذاتاً اخلاقاً هیچ بر تأثیرلری یوقدی . بر جزانک ، تطبیق ایدیلدیکی کیمسه اوزرنده بیگانه بر تأثیر اولایلمه سی ایچون ، جزا کنديسنه شایان دقت کورونمیلدر . حالبوکه قاره لاهمه ، معناسز بر شیدر ، هر دورلو دلاتدن تاریدر . معناسز شیر ایسه استحکار اولونور . بناءً علیه ، بر قباحث ارتکاب ایدن چوجوغه تحمیل ایدیلن فضله سی ، هر زمانکی وظیفه لرینک عینی اوصافی اولمالی و بو وظیفه لر کبی تلقی و تصحیح اولونمالیدر .

بعضاً ، جزاری اولان بر قاج صنفه منسوب بوتون طلبه لر بر آراهه طوبلانرق ، کنديیرینه فوق العاده صورتده تمثیل ایدیلن وظیفه ، معلمک کوزی اوکنده یاپدیریلور . بواصولک بر قائده سنی تصور ایدميورم . تعلیماتنامه یه داخل اولدینی وهان بوتون مملکتلرده مستقل بولوندینی حالده ، جدی محذورلر عرض ایتمکدن خالی قالماز اخلاقاً قیمتاری ، آشاغی درجهده اولان کیمسه لری صیقی صورتده بر برلرینه یاقلاشدیرمق ، صمیمی بر تماسه کتیرمک دائماً فنادر . چونکه متقابلاً بر برینی بر باد ایتمکدن باشقه بر نتیجه ویرمزلر . تماماً کوچوک مجرملردن مرکب اولان بوضعی صنفلرده کی تماس و ارتباط ، جنس لرده کی اختلاطدن آز تهلکلی دکلدر . بورالرده دائماً کیزلی بر انتظامسزلق و عصیان روحی حکم سورر . بوندن باشقه ، چوجوقلر ، هر حالده ایچلرندن بر قسمی ، بو صنفلرده عمومیتله ، هر زمانکی معلملرینک اداره سی آلتنده دکلدرلر . بناءً علیه ، علاوه ویریلن وظیفه هر زمانکی وظیفه لر درجه سنده دقت و اعتنا ایله تدقیق ایدیلمه مک تهلکسنه معروضدرلر . بوسیله اسکی قاره لاهمه لره یاقلاشیرلر .

اویوندن محرومیت ، منضم مساعی ، ایشته ، تویسخ و تکدیر ایله برابر ، مکتب جزالرینک الک باشلی عنصرلری . فقط ، استعمال ایدیلن جزانک ماهیتی نه اولورسه اولسون بوتون مسئله یه حاکم اولان بر پرنسیپ وارددر . مجازات سیستمی فایت بویوک بر اعتنا ایله

ایله تأسیس ایدیلش برتدریج تعقیب ایتلیدر. بوجزا ممکن اولدینی قدر خفیفدن باشلامق بردرجهدن ده یوکسک دیگر بردرجه غایت بویوک براحتیاط ایله کچلمک مقتضیدر .

فی الحقیقه ، هر جزا بر کره تطبیق ایدیلنجه ، بوتطبیق کیفیتندن دولای ، تأثیرینک بر قسمی غائب ایلر . چونکه جزانک سلطه سنی وجوده کتیرن شی ، قورقولماسنی ایجاب ایدن شی ، باعث اولدینی المدن زیاده ، افاده ایتدیکی تعیب و تقبیحک تضمن و ایجاب ایله دیکی حجاب اخلاقیدر . قباحتره قارشى چوجوقلری حمایه ایدن بو اخلاقی حیا حسى ایسه غایت نازک برشیدر . آنجق صفوت ابتدائیه سندن هیچ برشینى غائب ایتهمش اولدینی چوجوقلرده قوتلیدر ، تماماً موجوددر و بوتون قدرت تأثیرینی حائزدر . ایلک برخطانک دائماً باشقه قباحترى تولید ایتدیکی چوق کره سویله نیر . فی الحقیقه ، بویله اولماسی ، بر کره دو بولدقدن صوکره بوحجاب قارشى آرتق اسکیمی قدر حساسیت محافظه ایدیلهمسنددر . بناءً علیه ، جزانک ، حیات معنویه نك الاساسلى زبرکاردن برینی رنجیده ایتهمش و بوضورتله استقبالده کندی تأثیرینی خفیفلتمه سی کبی بویوک برقصوری واردر . بوتون تأثیرینی ، یالکز ساده جه برتهدید حالنده قالدینی زمان حائزدر . بونک ایچوندر که تجربه کورمش بر معلم ، اینی برطلبه نی ، کسب استحقاق ایتدیکی زمان بیله ، تجزئه ایتمکده تردد کوستیریر . چونکه ، جزا ، اونى کورمه ک سوقه ، یاردیم ایتمکدن خالی قالماز .

بناءً علیه ، قیسه برسلسله مجازاته مالک اولمق قدر تهلکلی برنی یوقدر . چونکه ، بومجازات درجه لری چارچاق قطع اولوندیغندن ، جزانک ، آنجق کندیسنه معروض قالدینی زمان تمام صورتده حائز اولدینی قوه مانعه سی ، چارچاق نهایته ایرمک تهلکسی واردر . اوزمان آرتق چوجوغک قارشیسنده سلاحسز قالمش اولورز . شدید اصول وقاعدلرک ضعفی تشکیل ایدن جهت ایشته بودر . چونکه بواصوللر درحال صوک درجه شده چیقیویردکارندن چوق کچمهدن عینی شیئی تکرار اضطرارنده قایلرلر . بر جزا ایسه نه قدر تکرار ایدرسه اوقدر آز تأثیر یاپار . بناءً علیه ، غایت نادر بعضی استشاردن صرف نظرله ، جزانک هیچ برزمان چوق مقدارده ویریلهمس و نه قدر ماهرانه تخفیف ایدیلش برشکلده تطبیق اولونورسه اوقدر تأثیر کورمه سی غایت مهم بررئسیدر . ایشته بوسبیلهدر که جزا درجاتی جوغالتق خصوصنده صرف ذهن ایتلیدر : بونک ایچوندده اصل جزالره ، بوتون تکدیر وتوبیخ شکلرینی اتمام ایتدکدن صوکره مراجعت ایله مک مناسب اولور . بوشکلر ایسه پک متعدددر . بر کره ، فردی تعیب و تقبیح واردر که طادات کیزلیدر . دائماً

بونكه باشلامق ايجاب ايدر . صنف مواجهه سنده على تكدير، اويته خبر ويريش قبيسخ، تكررنده تطبيق ايدليك شرطيله معلق جزا، صيرا ايله ككيدر . تكدير دن اول بيله، چوجو غه اخطار انده بولونمق، قباح ايشله ديككى حس ايتدير مك و طوتدينى يولد دوردير مق ايچون بر جوق واسطه لر واردر. براقيش، بروض وطور، برسكوت، استعمال ايديله سى بيلنديكى زمان، غايت معنيدار اصوللردر . چوجوق بونلر ك معناسنى آكلاماي بيلير . حتى، اصل حقيقى جزا ره كلمه دن اول، معلمك انده بيك دورلو تاثير چاره لرى موجود در كه بونلرى نامنهاى تنوع ايتدير بيلير و آناه تابع طوتا بيلير .

ذاتاً، مجازات سلسله سنى عاقلانه بر بطنات ايله قطع ايتمى ايجاب ايله ين باشقه برسبده واردر . بوده جزا لك، نه قدر يوكسك اولور نرسه اوقدر آز تاثير ياپملى كى كيفيتيدر . فى الحقيقه، عمومى بر پسقو لوزى قانونه نظراً، بر محرك ومنهك سبب اولدينى انطباعلر، بومنه ده شديدا اولدجه نامتهاى صورتنده چوغالمازلر . بر آن كلكر كه بر حدود نقطه سنه مواصلت ايديش اولور . بونك اوزرنده يكي ترايدلر آرتق حس و ادراك اولونماز . مثلاً، اضطرابك بر درجه معنيه مى كچيلد كن صوكره آرتق اضطراب، حس ايدلر اولور . بر درجه ارتقاعى كچجه سسلر دورلماز . بوندن باشقه، بو حدوده تقرب ايديلدجه، انطباعك شدتى منهك شدتنه نسبتله كيتدجه آزالير . يعنى، منه قوتك كيتدجه دهافضه لاشان بر قسمى شعور اوزرنده بر تاثير ياپمقدن خالى قالير، بناء عليه بزم ايچون صانكه هيچ موجود دكلش كى كلكر . بك اهميتنر بر رفاه ايچنده ياشايان بر آدم اوفاجق براكتساب ثروتدن محظوظ اولور . فقط، ثروتى غايت مهم اولان بر كيسه يى عيى پاره تماماً لا قيد براقير . او كا آنجق استثنائى كارلر بر آز خط ويره بيليرلر . بو خطده، وسط درجده شرائط حياتيه ايچنده بولونان بر آدمه بالنسبه غايت آز بر استفاده نك تايمين ايتديكى خطه معادل دكلدر . جزا درختنده يوقارى به چيقيلدجه، بوجزايى ياپمق ايچون صرف اولونان قوتك كيتدجه دائماً مترايد بر قسمى غائب اولور . بر آرتاثير حصوله كتيره بيلمك ايچون بونلرى فصل تقويه ايتك لازم كلكر . بو تاثيرده، جزا نك ترايد ايدن اهميت وشديله اولان مناسباتى كيتدجه غائب ايدر . بناء عليه، جزا نه قدر يوكسك اولور سه اوقدر آزمقصدانه درلر . فائده لرى، تضمن ايتدكلرى قيام قوت ايله كيتدجه غير متناسب بر حاله كيرر . بونك ايچونندكه، بو قدر مصرفلى بو قدر تاثير سز جزا ره قولايقله مراجعت مجبوريتنده قلامق ايچون بر آرميدان بر افايدلر . جزا لرى اى انتخاب ايتك، درجته اى بولمك كافى دكلدر . فضله اولارق، بونلرى

برده تطبیق ایتمک صنعتی وارد رکه بوتون مفید تاثیر لریخی کوسترمه لرینه سبب اولور .
تجزئه نك طرزی ده بالذات مجازات قدر حائز اهمیتدر .

حادثه جزا و یرمه مك لازم كلدیكى چوق كره سویلنمشدر . فی الحقیقه چوجوق ، تأمل
وملاحظه . بز بر حدت ، عصی بر صبر سزلق حرکتی کلیر . ایچنده جزایه چارید برلش اولدینی
ظننه دوشمه ملیدر . بویله برشی ، جزایی اونك نظر نده قیمتدن دوشرمكه و بوتون معنای
اخلاقینسی ازاله ایتمكه کافی کلیر . چوجوق ، جزانك بر تأمل و محاکمه مستند اولدینی ،
اعتدال دم^۱ یله ویریلش بر قراردن انبعاث ایندیكى حس ایتمك لازمدر . اونك ایچون ،
قباحتك مشاهده و تبیین ایدیلدیكى آن ایله جزانك ویریلدیكى آنی آراسنده ، ولو كه پك
قیصه اولسون ، بر زمان كچیرمك مناسبدر . تأمل وملاحظه تخصیص ایدیلن بر زمان
اولمالیدر . بو توقف مدتی ، چوجوغه بر تأمل وملاحظه ذهانی ویرمكه مخصوص بسیط بر
آلدهتمدن عبارت دكلدر . معلومه عجبولانه قرارلردن وقایه ایتمك ایچون بر واسطه در .
چونكه بویله بر قرار ویریلدكدن صوكره اونی عفو ایتمكه تطبیق ایتمك قدر زوردر .
اویطائیلری ، اوكر فتنكیری ایله بوتون عدلی اصول محاكه لك اصل قایه سی حاكمی عجبولانه
قرار ویرمكدن توفی ایتمكه و قرارینی تماماً وافسانه ویرمكه مجبور ایتمك ایچوندر . معروده
نفسه قارشى بوكا تكرار تداییر اجتباطیه اتخاذ ایتلیدر . جزا ویرمك ایجاب ایدرمی ،
ایتمیزی وبالخاصه نه صورته جزا ویرمك لازم کلیر ؟ بو ، دائماً ایچه قاریشیق بر مشله در .
حاصلی ، ایش صوك درجه ده بسیط اولمادقچه ، مسئله یی حل ایتمك ایچون ، بر زمان كچیرمیلیدر .
بوزمان ، ویریلن حكمی اسباب موجبیه استناد ایندیرمك ، عجله به قائلقسزین صنفده کی
طلبه لره آكلا تمق ایچون استعمال اولونایلیر . چونكه اك چوق اهمیت ویریله جك نقطه ،
قباحتلییه ویریلن جزایی سائر طلبیه آكلا تمق کیفیتیدر .

نقطه ، دیگر طر فردن ، حدت تأثیر یله جزا ویرمه مك لازم ایسه ده باردانه جزا ویرمكدن ده
اجتناب ایتلیدر . اعتدال دمه ، بی حس كورونمكهده افراط ، بر فرط حدندن دهایی
تأثیر یاپه یله جك بر ماهیتی حائز دكلدر . فی الحقیقه ، دیدككه ، تجزئه ایتمك ، قبیح و تعیب
ایتمكدر . قبیح و تعیب ایسه پروستو ایتمكدر ، تعیب اولونان فعل و عملی رد ایله مكدر ،
اوفعلك تلقین ایندیكى تبعادی كوسترمكدر . بناء علیه ، جزا ، حقیقه بر جزا اولایلیمك
ایچون ، بدرجهیه قدر بر حدت و نفرت ، یا خود ، بو كهلر پك قوتلی ایسه ، آز چوق بارز
بر عدم ممنونیت ایله مترافق بولونمق اقتضا ایدر . جزادن بوتون احتیاط قالفه جق اولورسا

بوتون محتویات اخلاقیه سی ده بوشالبر . اوزمان ، مجبر بر فعل مادی به منجر اولور . هیچ برشی آرتق اوفعل مادی به ، حکمت وجودی اولان دلالتی بخش ایده مز . روحی حس اولونغانان ، فقط شکلاً رعایت وتطبیق اولونان بر آیینک نه تأثیری اولاییلیر ؟ هرشی برماکنه حرکتی ایله وقوعه کلیر . برتر رفه وجود بولور ؛ جوجوق بیلیرکه هر قباحث ایچون برشی تأدیه ایتمک مجبوردر . بو بورجنی ، آلدینی امر و اخطار اوزرینه ، مطاوعتکارانه تأدیه ایدر . فقط بر کره حسابی کورنجه کرک نفسنه کرک سائرلرینه قارشی کندیسینی آرتق هیچ بر شینه مدیون کورمز . چونکه مجازاتی مجازاتدن باشقه برشی عداوتمز . بوسورتله آکلاشیلاجق ولورسه ، انضباط آنجق حیوان تربیه سنده اولدینی کی ظاهری بر تأثیر تأمین ایدر ، باطنی برایش کورمز . حتی ، دها زیاده عاصیلر یتیشدیرمک تهلکه سنی کوستیریر . چونکه ، جوجو غنک ، کندیسینجه معناسی آکلاشلمانان ، روحنه برشی سویله مهین بر جزایی قبول ایتمه سی زوردر . بناء علیه ، معلمک ، مسلک حساسیتنی قولانه قولانه آشیندیر ماماسی لازمدر . طلبه سنه ، قباحترینی بیققین ولایقید بر نظرله کورمه به جک درجه ده علاقه دار اولماسی ، اونلرک قباحترلندن عذاب دویماسی ، شکایت ایتمه سی وحشیاتی خارجاً کوسترمه سی لایمدر .

جزانک باردانه یاییلماماسی تجزئه کیفینک ماهیتنده اوقدر داخلدرکه جزا ویرمه دن اول بر آن ملاحظه راقلماسی مفید ایسه ده ، بوقاصله نک پک چوق اولماماسی ده الزمدر . چونکه ، جزانک تملنی تشکیل ایدن ، اونی جانلی برحاله کتیرن حس ، زمان ایله صوغور و آرتق اوحسک افاده سی صنعی بروصف آلیر . اخیراً ، اورته مکتبلر مزده برنوع مکتب محکمه لری وجوده کتیردیلر . بونلر مهم اوصاف عرض ایدن مکتب جرملرینی رؤیت ایتمکله مکلفدرلر . موقت طرد کی یوکسک بر جزا تعینی موضوع بحث اولدینی وقت بپر مؤسسه مفید اولاییلیر . فقط ، علی العاده احواله کندیسندن بکله نن بوتون خدمتلی تأمین ایده جکنده شبهه لییم . فعل ایفا ایدیلدکن اوزون مدت صوکره ، رسمی تعیرات ایله ، برنوع غیر مشخص هیئت حا که طرفندن ویریلن مراسم پرورانه قرار ، قباحث اشناسنده ، بوقباحثک باعث اولدینی الیم هیجانک تأثیری آلتنده ، هر زمانکی معلمی طرفندن ، اکر بوظله معلمی سویور واونک تقدیرینه اهمیت عطف ایدیورسه ، سویله نه جک بر قاج سوز قدر جوجو غه تأثیر ایده بیلیرمی ؟ صنفک بر هیئت اجتماعیه اولدینی ، مکتبده کی مؤسسه لرک هیئت اجتماعیه ده بونلره تقابل ایدن مؤسسه لره بکزه دکبری دوغرو ایسه ده

اجتماعی مؤسسه لک تمام وبسیط بر قویپه لرندن عبارت اولما مالری ده لازمدر . چونکه بر چوجوق هیئت اجتماعی سی بر بویوک آدم لر هیئت اجتماعی سی کی تشکیلاته تابع اولما مار . مکتب جرم لری نك شو خصوصیت لری واردر که هپسی ده جرم مشهود صنفه داخلدر لر . بناء علیه ، بونلری محاکمه ایتمک اوزره قاریشیق اصول محاکمه لره حاجت یوقدر . فضله اولارق ، قباحتك تأدیی قباحتی ممکن اولدیغی قدر یقیندن تعقیب ایتمسند بر منفعت اخلاقیه واردر . بوضورتله ، قباحتك فنا تأثیر لری حکمدن اسقاط ایدیلش اولور . چوجوق ، احتیاسات ایله یاشار . قاعده به تجاوزدن تولد ایدن احتیاسه بلا تأخر مخالف بر احتیاسی قارشی قوبایلدر .

فقط ، جزا نه اولور سه اولسون و بونی ویرمک ایچون نه طرزده حرکت ایدیلر سه ایدیلسن ، بر کره ویرلدکن صوکره آرتق اونک قطعی اولما سی لازمدر . یالکیز ، چوجو غک قوری بر حرکت ایله قباحتی پارلاق بر صورتده تلافی ایتمه سی احتمالی مستنا عد ایتلدر . بوراده بر پداغوزی قاعده سی موجوددر که بوکا نه قدر مناسله وقوتله رعایت ایدیلر سه یه آزدر . فی الحقیقه ، چوجو غک ، قاعده ده قوانین طبیعتده کی ضرورته مساوی بر ضرورت و قطعیت بولوندیغی حس ایتمه سی ایجاب ایلر . چونکه ، وظیفه یی مناسب وجهله ، یعنی اراده لره مقاوم تسوز بر صورتده کندیسنی تردده قبول ایتدیرن ، مناقشه ویا مسامحه کوتورمه یی برشی ، باشقه بر طرزده اولقله برابر هر حالده قوانین طبیعتک اصالتده بی امان و قطعی برشی کی تصور ایتمک اعتیاد یی آنجق بو شرط ایله اکتساب ایده ییلر . فقط ، بالعکس قاعده نك هر دورلو احتمالاته توافق ایتدیکنی ، دائماً مترددانه تطبیق اولوندیغی کورور ، قاعده یی که و شک ، قرار سز ، هر شکله اویار کی حس ایدر سه اوده بوشکلده ذهنه یرلشدیرر و قاعده به قارشی بویله بر معامله کوسرتیر . فضله اولارق ، قاعده بی قابل انحنای بر حالده تصور ایده چی جهته ، ایجابنده کندی ایسته دیکی طرفلره اگوب بوکسند تردد ایتمه به حکدر . چونکه ، مادام که قاعده بر اویصالق قبول ایدیور ، اونی احوال و شرائطه اویدیر ابقدر تأدیک مترددانه حالی دیمک که بالذات شعور لری ده ضعیف و متردد یا بقدن باشقه بر شیه یاراماز . استقامت اخلاقیه نك شرطی اولان بر عزم و قطعیت واردر که بونی چوجو غه ویره ییلمک ایچون موقع تطبیقه قویق اقتضا ایدر .

تجزئه نك وظیفه اخلاقیه سی نه اولدیغی ، تجزئه ندن عبارت اولق ایجاب ایتدیکنی ، غایه سی تأمین ایده ییلمک ایچون نه صورتله تطبیق ایدیلک احتیاج بولوندیغی صبراسیله

ایشته کوردک . فقط جوجوقلرک اخلاق قاعده لرینه مربوط اولان قوای مؤیده یالکیز جزالردن عبارت دکلدیر . ناصل که بویوک آدملرک اخلاق قاعده لری ایچوند بویله در . جزادن باشقه مکافات ده واردر . فقط ، مکافاتلر جزالرک مقابللری و منطقی متناظرلری اولقله برابر ، بزى اوزون مدت مشغول اینزلر . چونکه تربیه اخلاقیه ده بالنسبه پک آرز بر موقع طونارلر .

فی الحقیقه ، مکافاتلرک مکتبده جوجوقلرده کی قلب و سحیه اوصاف و مزیاتى انکشاف ایتدر مکن زیاده ذکا مزیتلرینى انکشاف ایتدیرمک اوزره برحمرک ومنبه مقامنده قوللاندقلری محققدر . مکافاتلر ، مزیت اخلاقیه دن زیاده موفقیتی بیلدیرلر . آفرینلر ، موقعلر ، مکافاتلر ، صنف شرفلری الیوم شعورلری الک مستقیم یاخود نازک اولان جوجوقلردن زیاده الک ذکی طلبلره ویریلکده در . بو ، برتهذیب اخلاقى واسطه دکل ، برتهذیب فکرى آتیدر . واقعا ، مکتب مکافاتلرنده فضیله غایت اهمیتسز بر حصه آریلماق مشغوم بر غیر طبیعیلک دیه اراؤه ایدیلشدر . موسیو وهسیو دیورک : « الیوم موقع مرعیتده اولان تربیه سیستمک وصف میزى نهدر ؟ بوراده جزالرک حصه سی مکافاتلرک حصه سندن پک عظیمدر . جزالر ، جوجوقلرک ارتکاب ایدیه بیلجکلری بوتون قباحتلره شامل اولدقلری حالده مکافات ، طلبه نیک یاپه بیلجکی شایان مدح وای شیلرک هپسنه شامل اولمقدن جوق اوزاقدیر . بوندن باشقه ، هرشی فکرى رقابى تحریک ایتک قصیدله ترتیب و حساب اولونمشه بکزیور . اخلاق خصوصنده رقابتی اوایندیرمق ایچون همان هیچ برشی دوشونوله مشدر [۱] . » فقط ، اول امرده ، شوراسی سوله نه بیلیرکه حیات حقیقه ده ده جزالره مکافاتلر آراسنده عینى نسبتسزک موجوددر . اجتماعى مکافاتلر ، اصل فضیلتدن زیاده فکرى ، بدیى ، صنایى مزیت و اهلیتله ربط ایدیلشلردر . اساس وظیفه لره مغایر افعال و اعمال جزایه چارپدیریه بیلیر . فقط ، بوباده آرانان مجبورى حد اصغریدن فضله صورتده ایفای وظیفه ایدنلره آنحق غایت استثنائى صورتده معین مکافاتلر مربوطدر . متعدد احکامى ، صیقى صورتده معین قوای تأیسیدیه یی حاوی قانونلر ایله ، آراده صیراده ، بعضى فداکارانه افعال و اعماله بخش اولونان مکافاتلر ، عنوانلر ، فخرى نشان و علامتلر آراسنده نه بویوک بر تضاد وار ! حتی ، بو جماعتجه مشترک مکافاتلرک عددی کیتدجه آزالور و اهمیت و اعتبارلرینى غائب ایدیور کیدر .

عمومیتله ، مکافات ، منحصر آ عمومك تصویبده ، مدح و ستایشه ، وبالخاصه این برحر کتده بولونمش اولانلره قارشى اظهار ایدیلن حرمت و تقدیره و اعتماد انحصار ایدیور . دیمك كه وظیفه نك مثبت صورتده ایفایى کیفیتده مربوط اولان قوای تأییدیه نه عدد نه اهمیت نه تشکیلات درجه سی اعتباریله قاعده نك اخلاقه مربوط اولان تأدیب قوای مؤیده سینه مساوی دکلدرلر . مکتبکده غایه سی حیاته احضاردن عبارت اولدینی ایچون ، چوجوغه سوکره شرائط حیاتیته نك بر کون تکذیب ایدم چکی اعتیادلر اکتساب ایتدیرم چک اولورسه وظیفه سنده قصور ایش اولور . چوجوق ، مکتب حیاتنده کوردیکی تطبیقات نتیجه سنده ، این اولارق پادینی بوتون شیر ایچون بر مکافات انتظار ایتمک آیشیرسه ، سوکره ، هیئت اجتماعیه نك ، فضیلتکارانه افعال و اعمالی عینی اصابت و قطعیت ایله تلطیف ایتمیدیکنی مشاهده ایدنجه نه قدر مأیوس اولور ، نه قدر سقوط خیاله اوغرار ! بویله بر وضعیت قارشیدنده تشکلات معنویه سنی یکی باشند وجوده کتیرمك و مکتبک کندیسنه اوکرتمه مش اولاجنی فکر منفعتدن تباعد کیفیتنی اوکرتمك مجبوریتنده قالیر .

بویوک آدملرک حیاتنده ده مکافات آیریلان موقعك آزانی بر غیر طبعیلك تشکیل ایدرمی دنيله چک ؟ هیچ بر هیئت اجتماعیه یوقدرکه عینی وقعه اونده موجود اولماسون . اونك ایچون ، یوقدر عالمشمول بر اصولی غیر طبیعی کبی تلقی ایتمک پك نادردر . چونکه ، حیات اخلاقیه نك ایفای وظیفه ایتمه سی ایچون قطعاً ضروری اولان افعال و اعمالک غایت صیقى بر صورتده قید ایدیلمه سی حائز اهمیت ایسه ده ، بناء علیه ، بونلری ایجاب ایدن قاعده لره قارشى هر رطایق سزلک صریح بر قوه تأییدیه مالک اولمق لازم ایسه ده ، بونك عکسی اولارق ، اخلاقلیلق بهمه حال لازم اولان بو حد اصغریسینی کچن شیر هیچ بر قاعده تحتنه کیرمکدن خوشلانمازلر . چونکه اوراسی آرتق حریت ساحه سیدر ، شخصی تشبیلر ، حر قوه تشبیلر ساحه سیدر که بونلری اولدن تخمین بيله قابل دکلدر ، بناء علیه قاعده آلتنه آله مایه جقلری اولویتله آشکاردر . ایشه بونك ایچوندکه جزا قانونه موازی اولارق برده مکافات قانونی اولاماز . ده افضله سی وار ! بو افعال و اعمال ، بوتون قیمتلرنی حائز اولمق ایچون ، اونى یاپان آدم هیچ بر مخصص مکافات امیدنی کوز اوکنده طوتامش اولمق لازمدر . اونلرک بوتون قیمتنی وجوده کتیرن شی ، قوه تأییدیه نك بو مشکوکیتی ، بو غیر معینلکی ، اهمیت مادیه سنک آزلغیدر . اکر اولدن تعرفه لری قونمش اولسه ایدی چارچاق تجاری بر حال آیلرلو بویوزدن قیمتلرنی غائب ایدرلردی . بناء علیه ،

قباحتلرك جداً شايان تقدير افعال واعماله نسبتله دها صريح ، دها محقق ، دها منتظم
 قوة تأييده لره مالك اولمالرى طبعيدر . بو نقطه ده مكتب انضباطنك حيات انضباطنه
 بکزمه مەسى لازمدر .

مع مافیه ، نقل ايتديكمز تنقيد اتدن هيچ برى نظر اعتباره آلاماق لازمدر ديمك
 ايسته ميورز . شه سز كه طلبه لرى ناموسكارلق ، دوغرولق ، الح . . . كى خصوصات
 ايچون مسابقه صوفق موضوع بحث اولاماز . فضيلت مكافآتى فكرى دائماً خنده ايله
 قارشيلانه جقدر . يالكز يكيك ، دشمنلى سوقيه دكل ، اوصورتله يان يانه كتيريلن ايكي
 مفهومك بر آرا ده كيمه مەسى بوكا سبب اولاجقدر . مرتب اخلاقه نك اهليت وقابليت
 طرزنده نائل مكافات اولديغى كورمك بزه پك فنا كلير . بو ايشده بر تضاد وارد كه بزه
 فنا كورونمەسى سببسز دكلدر . فضيلتك حقيقى مكافآتى باطنى ممنونيتده ، بزه تأمين ايتديكى
 تقدير ومحبت حسنده و بوندن تولد ايدن حضور و اطمئنانده مندجدر . فقط ، قبول
 ايديله بيلير كه مكتب حياتمزه ، تقدير پك فضله برنسبتده فكري مزيتلره مصروف اوليور .
 قيمت اخلاقه ده دها بويوك بر حصه آيريلق ايجاب ايدر . بونك ايچون امتحانلر مزه يكي
 امتحانلر ، توزيع مكافات جدوللرينه يكي مكافاتلر علاوه ايتك لازم دكلدر . هر كونكى
 مكتب حياتنده چوق كره ايكنجى درجه ده برشى كى تلقى اولوندقلرى بديهي بولونان
 بعض اوصافه معلمك دها فضله اهميت عطف ايتمه سى كافيدر . معلمك چاليشقان فقط دها
 اى مواهبه مالك آرقداشلىرى قدر موفق اولامايان بر طلبه يه قارشى كوستره جكى شفقت ،
 دوستلق حد ذاتنده مكافاتلرك الكايسى اولور ، بوكون حقسز يره اخلال و تشويش ايديش
 اولان بر موازنه يي اعاده ايديله بيلير .

اون دردنجي درس

چو جو قده حب غير

شيمدی ، چو جو قلدرد اخلاقيلفك ايكنجى عنصرينى تشكيله امكان تامين ايدى چك واسطه لرك تحريسنه كليورز . بو ايكنجى عنصر ، صورت عموميه ده اجتماعى برزمره يه ، فقط بالخاصه وطنه مربوطيتدن عبارتدر ديمشك . يالكز شو شرط ايله كه وطن صيق صورتده خودكام ومتجاوز بر شخصيت كې تصور ايديله لرك بشريت فكرينى ساحه فعله جيقارمغه خدمت ايدن عضولردن برى كې تلقى اولونمايدير .

حيات اخلاقيه نك بوتون بو قسمنك منبى ، نفسمك غيرى شيلره تشريك حس وافكار ايدى بيا مكم يولنده حائز اولديغمز مله كده يعنى حب غير تمايللرى وفكر منفعتدن طارى تمايللر نامى ويريلن تمايللرده در . بناء عليه ، كنديمزه اراد ايدى چكمز ايلك سوال چو جو قلدرد بو تمايللرك موجود اولوب اولماديني وموجود ايسه نه شكده بولوندينى در . چونكه ، تطبيق ايديله چك اصولر ، چو جو غك ولادى تشكلا تنده بوتأثيرك استناد ايدى بيله چكى بر نقطه ، قوللانه بيله چكمز بر مانيوه له بولوب بولمايه جغمزه امنيت كتيرديكمزه وحى ، بولونورسه بيله ، بو مانيوه لك ماهيته كوره بالضروره باشقه دورلو اولاجقلردر . چو جو غى ، خالص بر خودكام ياخود ، بالعكس ، تولد ايتكمده بولونان وانكشافى تامين ايتكم كافي كان بر حب غير حسنه قابليتلى بر مخلوق كې تلقى ايدى لك ايجاب ايتديكنه كوره ، متوجه بولونماز اقتضا ايدن غايه يه كنديسى كوندردى چك يوللر بوتون بوتون دكشيرلر . بونك ايچون ، چو جو قده اخلاقيلفك برنجى عنصرينى يعنى انضباط فكرينى تمهيه ناصل تشب ايتكم لازم كله چكنى آراشد برمادن اول ، مطلوب نتيجه يه مواصلت ايچون چو جو قده يارديمنه مراجعت ايدى بيله چكمز طبيعى صورتده موجود فكرى حائلر نه اولديغنى تحرييه باشلا دق . او زمان تدقيق وتتبع ايتمش اولديغمز مسئله بوكون مشغول اولاجغمز مسئله ايله تاماً متناظر در .

فقط ، بونی حل ایچون ، هر شیدن اول ، حب غیر تمایللری ، فکر منفعتدن اوزاقلق تمایللری و بناء علیه خودکاملق تمایللری تعبیرلری ایله نه قصد ابدیلک لازم کله جکنی بيلمک ایجاب ایدر . چونکه ، بونلر بربرلرینه مخالف اولدقلرندن دولاییدرکه بر قسمی موجود اولدقجه دیگر قسمی زورقلقه تعریف اولونایلیر ایکی مفهوم یکدیگرینه مربوطدر . دیگر طرفدن ، قبول اولونه حق تعریفه کوره چوجوقلرده خودکاملق و حب غیر مسئله سی غایت فرقی بر صورتده حل ایدیلیر .

علی العاده ، غایه لری فاعلک حظندن عبارت اولان تمایللره ، خودکامانه دینیر . فاعلدن باشقه برینک حظنی تأمینه معطوف اولان تمایللرده حب غیره مستند تلقی اولونور . بونفطه نظرندن ، تضاد ، صوگ درجه ده تامدر . چونکه بنم خظم ایله بکا بیگانه اولان بوجودک خطی ، آرارنده ، کورونشه ، هیچ برحدوسط اولارق ، بربرلرینه جذری صورتده محالقدرلر . حتی آراده کی مسافه اوقدر عظیمدرکه بو ایکی نوع حسی عینی برمنتشادن حیقمش کبی کوسترمک غیر قابلدر . بونک ایچونددرکه برنخی تمایللر یعنی خودکاملق ، انسانک شکل طبیعیسه استناد ابتدیریلمک ایسته نییور . ایکنجی نوع تمایللر ایسه حرثک و تربیه نک بالنسبه مؤخر برمحصولی تلقی اولونیور . دنیلیرکه ، انسان ، سوق طبیعی ایله ، طبیعتی حیوان کی ، یالکز کندی حظنی بیلیر و بونی آرار : انسان تماماً خودکامدر . وحشیلره بیهنم ناصل مدھش بر خودکاملق عطف ایدوب بو حسک مدنیت تأثیری ایله غایت بطی بر صورتده خفیفه مش اولدینی ادعاسی آرتق مبتذل رحاله کلشدر . ایشته ، حیاته داخل اولان چوجوق ، بشرینک تا بدایتده تاریخه داخل اولدینی دوره کی شرائطک عینی شرائط ایچنده در . چوجوقده ، بناء علیه ، خالص بر خودکامدر . منشأده کندیسند موجود اولمایان حب غیره استعدادلری ، تربیه یکی باشند تشکیل ایدم جکدر . دوغروسو آرانیرسه ، نهایت اولان حقیق بر یوقدن یارتمه کیفیتنی تضمن و ایجاب ایدن راستحاله نک ناصل قابل کوروله جکی جاءسوال عداولونایلیر . چونکه نه تکامل تاریخی انساندن ، نه تربیه چوجوقدن ، هیچ اولمازسه کندیلرنده تخم حالنده موجود اولماسی ایجاب ایدن برشیدن باشقه محصول استخراج ایدم مز . صرف خودکام اولان بر مخلوقک ، منفعتدن اوزاقلاشه بيلمک قابلیت نه کبی وسائط ایله اکتساب ایدم جکنه پک عقل ایرمز . فقط ، بومعجزه یی عقل ایدن برحاله صووق ایچون ، اخلاق و بسیقو لوژی متخصصلرینک تخیل ایتدکلری نظریه لری بوراده تدقیق و تحقیقه حاجت یوقدر . دوغرودن دوغرویه ،

بو فرضیه‌ی ضروری والزم بر حاله کترین تلقی ایدیلن خودکاملق ایله حب غیری برینک دیکری ایله مناسبتدار اولایلمه‌سی غیر قابل وایی ضد حالت روحیه حاله صوقان تعریف ایله مشغول اولق ده‌ا ایدر . فی الحقیقه ، کوره جکرکه ، بوتعریف حس سلیم نظرنده نه قدر بدیهی کورونسه‌ده برچوق اعتراضلی دعوت ایتمکده در .

برکره ، فکر منفعتدن عاری اولان بوتون تمایللرک ، فاعلک غیری بروجود حساسک خطی غایه‌سی تعقیب ایتدکلرینی سویله‌مک دوغرو دکدر . فی الحقیقه ، بعض تمایللر واردرکه غیر حساس وجودلره ، صرف فکری وجودلره تعلق ایدرلر . علمی سون عالم اونو کندیلک‌کنده ، کندیلکی ایچون سور ، یالکز مساعیسنک سائر آدملرک مقدراتی اوزرنده حائر اوله‌یله جکرکی خیرکار تاثیردولایسیله سومز . شبه‌سزکه فلان یاخود فلان کشفک بشریته ایفا ایده‌یله جکی خدماتک ، وقوعه کله‌دن دیویلان حسی تحریاته ایکنجی درجه‌یه برحرک تاثیرینی یامقمده ، اونی فلان استقامته دکل‌ده فلان استقامته توجیه‌ایله مکده در ، فقط علم عشقنک ایچنه ده‌ا باشقه برچوق عنصرلده کیر . طانیق وآکلامق آرزوسی ، صرف تجسس : ایشته حقیقه‌آ ایلک باشلانغی تشکیل ایدن سائق . فلاکت بشریه‌ی مهم صورتده تحیف ونسکین آرزوسی ، باستور ایله شاگردلی ، آشی پرنسپینی قودوز ، قوش بالازی کبی وخیم خسته‌لرله تطبیق اتمک سوق ایدیلشدر . فقط مسلکک ، تطبیقاتک اصل آنا فکری تماماً نظریدر : بو ، حیاتک طبیعتی حقنده بر مطالعه‌دن حتی ، بلکه‌ده اونلر نامتناهیلره تعلق ایدن خصوصیات ایچون ، صرف مقدری بر تجسس ابتدائیدن عبارتدر . ذاتاً ، چوق کره اوله اولورکه تحریات ندیده‌ده هر درلوفائده اندیشه‌و آرزوسی هیچ بولونماور . حتی مورخ ، متبحر ، فیلسوف ، مساعیلرینک ایفا ایده‌جکرکی خدمتلی معین بر شکل آلتنده تصور بیله ابد مزلر . اولسه اولسه ، هم جنسلرینی ده‌ا فضله معلوماتدار بر موقعه چیقاراجقدر . حتی ، بر اصولیات قاعده‌سی اولارق دنیله بیلیرک : پرنسپ اولارق ، بر عالم ، اشیایی صرف طانیق و بیلیمک ایچون بیلیمک جالیشمالی ، کشفیاتندن تولد ایده‌یله جک عملی نتیجه‌لری هیچ عقله کتیرمه‌ملیدر . علم عشقی حقنده سویله‌دیکمز بوشیلر صنایع نفیسه عشقی حقنده تکرار اولونابیلیر . فقط ده‌اسی وار : حتی حساس وجودلره تعلق ایدن تمایللر آراسنده بیله بعضیلری کورولورکه فکر منفعتدن آچقندن آچیغه عاریدرلر بویله اولقله برابر ، غایه‌لری باشقه‌لرینه خط دکل الم ویرمکدن عبارتدر . اوقدر آز خودکامانه کچنلر واردرکه بویله بر کین بسله‌ین بر آدم کندیسنده کی بو حسه

چوق كره حیاتی فدا ایدر . حالبوکه بو حاك غایه سی بر ایقاع ضرر ایتمکدر . عائله وی قان دعوالرینك جاری قالدینی یرلرده عائله کینلری ایشته بو قییلندیر . جنایت و جان کینی ده بویله در . شبهه سز که بونلرک فکر منفعتدن عاری تمایللرک پک شایان توصیه شکلری اولمادینی مقام اعتراضده سویله نه بیلیر . فقط نه اولور لر سه اولسونلر ، بوحسار موجوددر لر و فکر منفعته مستند اولمادقاری ده غیر قابل مناقشه در .

حب غیر تمایلاتی ، مطلقا ساثرلرینك خطی غایه سی تعقیب ایتمه دکلری کبی خودکام تمایلات ده همه حال بزم کندی خطمزی هدف اتخاذا ایتمز لر . مثلاً ، ایچمک و چالمق احتیاجنه بر دورلو مقاومت ایدینه جک صورتده خسته اولان کیمسه لر ، پادقاری فعل و عملدن کندی لری ایچون باش بولاسندن واضطراردن باشقه برشی تولد ایتمه یه جکنی پک اعلا بیلیر لر . بویله اولدینی حالده ، کندی لری سور و کله ین میلانه مقاومت کوستره مز لر . بناء علیه اونلرک خط حرکتلری تعیین و ایجاب ایدن شی ، بکله ین برخط دکلدر . ایچله جک و یا چالینه جق شی ، دمیری جذب ایدن مقناطیس کبی ، باعث اولدقاری ناخوش نتایجیه رغماً ، حقیقه مادی بر مجبوری و ضرورت ایله ، کندی کندی لکلرندن اونلره جلب ایدر . دنیله بیلیر که ، بونلر مرضی حالدر در . فقط ، معاوم اولدینی اوزره ، خسته لق ، صحت حاله مخصوص اوصافی ده اویومش بر شکله ارا نه ایتمکدن باشقه برشی یاماز . فی الحقیقه ، حال طبعیمده بولونان کیمسه لره ده عینی جنسندن افعاله تصادف ایتمک نیدن برشی دکلدر . خسیس ، بر خودکامدر . فقط ، حقیقی خسیس ، آلتونی صرف آلتون اولدینی ایچون سور و آزار ، آلتونک تأمین ایتدیکی خط ایچون دکل . دلیلی شودر که آلتونی محافظه ایچون ، هر دورلو تطمین احتیاجاتدن کندی سی محروم ایدر . حتی ، بر یکدی ردیکی خزینه یه ال سور مکدن ایسه اونک یاننده اوله یی ترجیح ایلر . ثروتی هیچ استعمال ایتمه دیکی حالده ، بو ثروته مالکیت حسندن طولایی بر حظ دویدینی کبی ادعا اولونه جق ؟ شبهه سز ، هیچ بر تمایل یوقدر که تطمین ایلدیکی زمان حظ ایله مزاقی بولونماسون . فقط ، بو نقطه نظر دن ، حب غیر تمایلاتی خودکاملق تمایلاتدن آیرلماز لر . بر والده کمال نمونیتله نفسی اولادینه فدا ایدر . حالبوکه ، اونک بوفدا کارلقده بکله دیکی شیک فدا کارلق ذوقی اولمایوب چوجوغنک صحتندن عبارت اولدینی پک آشکار در . بو نمونیت و ذوق فضله اولارق کلیر ، فدا کارلنی تسهیل ایدر ، فدا کارلنی حالی کوستریر . فدا کارلغک نه سبب اصلیدر نه غایه سیدر . آلتونی ایچون نفسی فدا ایدن حسیس ده مسئله باشقه دورلو دکلدر . بر والده

ناصل چو جوغونه مربوط ایسه اوده آلتوننه ربط نفس ایتشدر . اکر مالک اولدینی احتیاصک ، باعث اولدینی ظاحدن باشقه بر غایه سی اولماسه ایدی بوکا عقل ایرمزدی . اقتدار عشق حقهنده عینی شی سویله نیلیر . اقتدار ، چوق کره ، اوکا مالک اولانلر ایچون ، مرارتلره و کدرلره سبب احضار ایدر . بویه اولدینی حالده ، اقتداری اجرا و تطبیق ایتک اوقدر زورلی و زحمتلی اولسنه رغماً ، بوکره بو اعتیاد اکتساب ایدیلیرسه آرتق اقتدار سهویلیر ، اوکا خواحش و تمایل کوستریلیر . اوندن واز کچله من . الذابتدائی تمایلاتده عینی اوصافه تسادف ایدیلیر . آجقیدیغمز وقت هضمه رفاقت ایدن حظه دکل ، عذابه تمایل کوستریز . تمایلنک غایه سی غدادر . حظ بوکا انضمام ایده بیلیر . فقط آنجق ، یاپدیغمز فعل و عملک طوزی ، بوبری مثابه سنده در ، اونک هدفی دکلدر . دهها عمومی صورت ، خودکامانه تمایل نمونه سی ، پک دوعرو اولمایان بر تعمیر ایله بقای نفس سوق طبعیسی ذیلین شیدر ، یعنی هرذی حیات وجودک حیاتده قالمق یولنده کی تمایلدر . حالبوکه ، بوتمایل ، حیاتک بزه تأمین ایده بیله جکی حظوظاتی دوشونمیدیگمز حالده ، حیات بزه المدن باشقه برشی وعد ایتمیدیکی و بوده بزم معلومنز اولدینی حالده تأثیرینی حس ایتدیرر . یأسندن کندیسنی صویه آنان بر آدم ، بوندن دولاییدرکه ، قور و تلق ایچون بوتون غیرتی صرف ایلر . حالبوکه ، صویه آتئاسنی ایجاب ایدن شرائط دیکشمه دیکی کبی بو باده کی فکری و تلقیسیده تبدله اوغرامامشدر . فقط ، حیاتی نقدر سفیل اولورسه اولسون ، او حیاته ظن ایتدیکندن زیاده مربوط اولدینی ایچوندرکه قور تولغه چابالار . دیمک که حیاتی ، حد ذاتنده ، صرف حیات اولدینی ایچون ، بزه بر منبع اضطرابدن باشقه برشی تشکیل ایتمیدیکی حالده بیله سهوهرز . شبهه سزکه ملک بو تمایله هیچ بر زمان غلبه ایده میه جکی اداسنده بولونیور دکل . فقط ، الم ، قوتلی اولدینی وقت ، حیات عشق پک کوک صالمش بولوندینی وقت ، حیاتک حقندن کله بیلمک ایچون پک الیم وقایع مستثنا بر صورتده بر آرایه طوپلانمق اقتضا ایدر . لافونتک شو مصراعی البته تخطر ایدیلیر :

نهایت یاشایا بیله میم ، بو قدری کافی .

بوسوز ، ایشته او تجربی وقعه نک بر افاده سندن باشقه برشی دکلدر . نهایت ، بر طاقم تمایلاتده واردرکه غایه لری ، فاعلک ذوقی دکل اضطرابیدر . رونه سانس دورینک مشهور بر آدمی ده زهر ورم فاردان ، کندی ترجمه حاله دائر یازدینی اثرده ؛ « اضطراب چکمکدن صرف نظر ایده مدیکنی ، سویلیور . » اضطرابسز قالدینی واقع اولونجه ، ایچنده اوقدر

غلیان حس ایدردی که باشقه مرهانکی برالم کندیسنه بر سکونت شکنده نمایان اولوردی. اونک ایچون، بوزمانک کوزلرندن یاش کلنجه بو قدر بدننه اشکنجه ایتهمی عادت ایدینشدی. نوراسته نی مبتلارلنده عینی جنسدن بر جوق وقایع مشاهده ایدیلشدر. حتی، حال طبیعیده کی انسانلرده بو وقعه لره تصادف ایدیله ییلیر. خسرت والم ابتلا سنده (مه لاقه لی) مرضی هیچ برشی یوقدر. مغمومیت قارشى کورولن بر نوع محبت بوندن باشقه نه نام ویریله ییلیر؟

ایشته کورولیور که، تمایلاتی بزه تامین ایتدکاری حظلرک مختلف ماهیتلریه کوره یکدی کیرندن تفریق ایتک قابل دکلدر. چونکه، بوتون خودکامانه تمایللرده سائر تمایللر کی، کرک بزم ایچون کرک سائرلری ایچون کندیلرندن انبعاث ایدیه یله جک نتیجه لردن بوتون بوتون باشقه غایه لره مالکدرلر. صورت طبیعیده، بزم سودیکمز، آرادیفمزشی، تمایل کوستردیکمز اشیانک کندیلرندن عبارتدر. بو، حیاتدر، صحتدر، ثروتدر، باشقه سنک شخصیدر، بالذات المدر. شبهه سزکه بر تمایل تطمین ایدیلدیکی وقت بوندن بر ممنونیت، دیوارز. فقط بو ممنونیت، تمایلک ساده جه برر فیضیدر. تمایلک راحت ایفای وظیفه ایتدیکنک، مقاومت مصادف اولقسزین انکشاف ایلهدیکنک، غایه سنه واصل اولدیفنک برنشلن سیدر. فقط تمایلک نه غایه سیدر، نه حکمت وجودیدر. اونک ایچون، بو حظ، نه اولورلرسه اولسونلر بوتون تمایللرک، کرک حه غیره کرک خودکاملغه مستند تمایللرک، ایفای وظیفه ایتهلرینه مترافق بولوبور. بناء علیه بو خط کیفیتده تمایللری یکدی کیرندن تفریق ایچون براساس موجود دکلدر. واقعا، غایه می حظ اولان بر میلان واردر. بوکا حظ عشقی، یا خود دهها دوعروسی، حظوظات عشقی، تجدد وتکرر ایدن خوش حالتلر دویمق احتیاجی دیر. ناصلکه غایه می اضطرابدن عبارت اولان بر میلانده واردر. فقط بو، غیر عمومی، خصوصی فردلره کوره غایت غیر مساوی صورتده انکشاف ایتش بر میلاندر. بوتون میلانلرک اساسلی نمونه می بودکلدر. حتی، الم عشقی استنا ایدیلرسه، ایچارنده بو قدر قولایقله مرضی بر حال کسب ایدنه یوقدر. حظ عشقنده بوتون اخلاقیلرک بحث ایتدکاری بر تهله که اخلاقیه موجوددر. حظی حد ذاتنده بر غایه حاله چیقارمقده، صرف کندیمی ایچون حظی آراشدیرمقده مرضی برشی بولوبدیفنی حس ایدهرز. چونکه حظ، آنجق بر نتیجه، بر عاقبت، مترافق بر حال اولق ایجاب ایدر. یاشماق ایچون محتاج اولدیفمزشی، حیاتمک متساند بولونیدی اشیادر، اونلری تعقیبدن دویابیله جکمز خوش

انطباعلر دکلدر . آراشدیرلغه دکه جک قیمت و مزسته مالک اولان یکانه شی ، حظدن عبارت عد ایدیللمیلدر .

بناء علیه ، تمایللری ، کندیلرندن انبعاث ایدن حظوظاته نسبتله یکدیگرنندن تفریق ایتمکدن واز حکمک اقتضا ایدر . تمایلاتک بزی ربط ایتدکلری دورلو دورلو شیرلی حدفاتلرنده نظر ملاحظه آلمالی ، باعث اولدقلری انطباعلردن قطع نظرله ، اونلری تصنیفه چالیشمالیدر . ایشته ، بوتون بوشیلر ، کندی کندیلکلرندن ایکی بویوک صنفه آیریلیرلر . بونلرک تفریقی ، آرادیفمز تقریبی بزه تأمین ایدمکدیر . بعضاً ، تمایلتک غایه سی بزم فردیتیمزک عنصردیر ؛ بدتمزد ، صحتمزد ، ثروتمزد ، شرائط اجتماعیه مزدر ، شهرتمزد ، بو شخصی غایله وصول ایچون بالواسطه بزه خدمت ایده بیله جک شیرلک کافسیدر . حیات ، ثروت ، شان و شرف عشقی ، الح ، بوندن ایلری کلیر .

بوتون بو تمایللر بزی آنجق کندی وارلغمزک مختلف منظره لرینه ربط ایدرلر ؛ بناء علیه ، بونلره بحق خودکامانه دنیله بیلیر . فقط ، باشقه تمایللرده واردرکه غایله لر بزم فردیتیمزک خارجنده درلر . بونلر ماهیتی اعتباریله « بزم » دکلدرلر . اولاً بزم هنوز پک یقینمزد ، شخصیمزک حدودلری اوزرنده ، حیاتیمزک کچدیکی برلده ؛ بزه مألوف اولان درلو درلو شیرلدر . دها اودهده هم جنس لرمزک شخصی و بوکا تعلق ایدن شیرلدر ؛ نهایت ، دها اوزاقد ، اعضاسی اولدیفمز اجتماعی زمره لر ، هائله ، مسلك هیئتلری ، وطن ، بشریت و جماعتجه مشترک حیاتک ادامه سنه خدمت ایدن خصوصاتک کافسی ، علم ، صنایع نفیسه ، مسلك ، اخلاقلیق ، الح . . . واردر . بوتون بو اشیا آراسنده مشترک بر وصف واردرکه اوده بعضی رابطه لرله بزه ویرمیشه لر بیله بزمکنندن آیری بر حیات و موجودیت مخصوصه یه مالک اولمالیدر . اونلری سومک ایسته مک آرامق ابله کندیمزدن باشقه بر شیء سومش و آرامش اولورز . آنجق کندی وارلغمزدن چیه رق ، بزم موجودیمیزی تشکیل ایدن شیدن آیریلارق ، علاقه مزی کسه رک اونلرله مربوط اولابیلر . بناء علیه ، بو میلانلره حب غیره مستند وصفی تخصیص ایتک ایجاب ایلر . حاصلی ، حب غیری خودکاملقدن تفریق ایدن شی ، فعالیت حسیه مزک بو ایکی شکلنه رفاقت ایدن حظک ماهیتی دکلدر . هر ایکی شقده بو فعالیتک تعقیب ایتدیکی مختلف استقامت اونلری یکدیگرنندن آیریمغه خدمت ایدر . فعالیت خودکامانه اولورسه صادر اولدینی فاعلن خارجه چیقماز ، مرکز متوجه بر ماهیتی حائر اولور . حب غیره مستند اولورسه فاعلن خارجه

طاشار . منجذب اولدینی مرکز لر فاعلك خارچنده کاشدر لر . بو فعالیت ، مرکز دن متباعد بر ماهیتی حاضردر .

بو تقریق کیفیت بر کره قبول اولونورسه ، بدایت امرده خودکامانه تمایلاتی حب غیره مستند تمایلاتدن آیرر کی کورون او ناقابل مرور مسافه اورته دن قالقار . بو آژدری بو ایکی نوع تمایل آراسنده هرایکیسی عینی منشأه ربط ایتمک قابل اولامایه حق درجه ده بر عدم تجانس وار کی کلیوردی ؛ فی الحقیقه بنم حظم تماماً بنده در ، باشقه سنک حظی تماماً اونده در . بناءً علیه ، غایه لری بر بردن بو قدر اوزاق اولان بو ایکی شکل فعالیت آراسنده هیچ مشترک بر شی بولونامازدی . حتی عینی بروجوده بونلرک یکدیگریله ناصل برلشه بیله جکاری جای سؤال کوروله بیلردی . فقط د بو ایکی میلانلری آیران مسافه فرددن خارج بر شی مفهومی ایله فرده مکنوز بر شی مفهومی آراسنده موجود مسافیه انحصار ایدرسه آرتق ایش دکشیر . چونکه بو مسافه ده مطلق هیچ بر جهت یوقدر . فی الحقیقه زدن خارجه بولونان بر شیشه ربط نفس ایتدیکمز وقت حب غیر موجوددر دیدک . فقط ، ماهیتی نه اولورسه اولسون ، خارجی بر شیشه ربط نفس ایدوبده اوشی دهنمزده تصور ایتمه مکلمکز ، اوکا دائر ، ولو صوک درجه ده مبهم اولسون ، بو فکر ، بر حس بسله مه مکلمکز قابل دکلدر . ایشته اوشی حقتده مفکره مزده ساده جه بر سورت ذهنیه بولونما یی اونوی بعض نقطه نظر دن بزم ایچمزده بر حاله کنیر . اوشی بزم باطنمزده کنیدیسی افاده ایدن ، کنیدیسی انعکاس ایتدیرن ، کنیدیسیله صقی صورتده متساند بولونان بر صورت ذهنیه شکلی آلتنده موجود اولور . بو صورت ذهنیه بولونماسه ایدی بزم ایچون بر هیچ حالنده قالیردی . ایشته بو صورت ذهنیه درجه سنده اوده بزم وار لغمزک بر عنصری ، شعور مرک برحالی اولور . بناءً علیه ، بومناجه ، بزیه کنیدی وار لغمزده ربط نفس ایتمش صایلیرز . یقینلر مزدن برینک وفاتندن دولای اضطراب دویمامز بر اقربامزک مادی ومعنوی سیاسی بزم ایچمزده افاده ایدن صورت ذهنیه ایله اوکا طائد سائر دورلو دورلو صورت ذهنیه لک ایفای وظیفه ایتملری خللدار اولماسندن نشئت ایدر . موجودیتنک بزه باعث اولدینی طاتلی احتسائی آرتق تازمه یلر ، تکلیفسزجه محاوره لک انبساطی ، بوندن دویدیغمز حضور وفرح ، آرتق بونلرک هیچ بری وقوعه کله مز . بناءً علیه ، شعور مزده بر بوشلق حصوله کلیر . ایشته بو بوشلق حسیدرکه بزم ایچون الیدر . مربوط بولوندیغمز ، سودیکمز وجودلرک کافه سنک قوه حیاتیه سی خللدار

ایدن شیر بزم قوه حیاتیته مزده خلل ویرر . اونلری سومکله کندی وارلغمزك بر قسمنه ربط نفس وقلب ایتیش اولورز . دیمک که حب غیرک سینه سنده خودکاملق واردر . بونک عکسی اولارق / خودکاملغک ایچنده حب غیر موجوددر . فی الحقیقه بزم فردیتیز بوش برشکدن عبارت دکدر . بزم خارجدن کلن عنصرلردن یایمشد . منشألری خارجی اولان شیلرک کافه سنی کدی وارلغمزدن چیقاروب آتمه ، بزم نه قالیر ؟ آلتونی ، اقتداری ، شان وشرقی سوه رز . فقط ، آلتون ، اقتدار ، شان وشرف بزم ایچون خارجی شیردر . اونلری فتح ایدمیلیمک ایچون کندی بئلکمزدن خارجه جیقماق ، جهد و غیرته بولونماق ، کندیمزی صرف ایتیمک ، وارلغمزك بر قسمنی خارجه برافق ، مرکزدن تباعد ایدمک بر فعالیت کوستریمک اقتضا ایدر . ینه بزم داخلمزده اولان اومختلف غایه لری استحصال ایچون صرف اولونان فعالیتده صرف خودکاماقدن . باشقه برشی بولوندیغنی پک اعلا حس ایدم رز . انسانک نفسندن یر ویریشی ، نفسنی ویرمهک ، دیشاری به یاییلمه ، صبق صبقی کندی اوزرنده حتی یاشامه بر استعداد واردر . ده بر جوق مثاللرده ذکر ایدیله بیلیر . فردیتیزك عنصرلرنی تشکیل ایدن اعتیادلر مزه مربوطر . بوتایل نفسه محبتک بر صفحه سندن باشقه برشی دکدر . فقط ، بالنتیجه ، داخلنده بر اعتیادانک تشکل ایتدیکی ، اونلرک انعکاس ایتدیردیکی محیطه ، بو محیطی دولدیران واونکله متساند بولونان شیرلده مربوطیت حس ایدم رز . ایشته نفسه محبتک دیگر بر شکلی ده که بزی کندی بئلکمزدن خارجه جیقماق مجبور ایدر . بر آزاوول تام ، خالص بر خودکام اولارق یاشامق پک زور اولدیغنی سوبله یوردق حتی بوکا امکان یوقدر بیله دنیله بیلیر . سببی ایشته شیمدی آکلایورز . چونکه ، بزم شخصیتیز مابعدالطبیعی بر جوهر مجرد دکدر ؛ معین بر نقطه ده باشلایوب معین دیگر بر نقطه ده بیتن ولاینچک « مونا » لری کی کئانه آچلمش نخجهرلری وقاییلری اولمایان برنوع وجود مطلق دکدر . بالعکس ، عالم خارجی ایچمزده عکس صدالر او یاندیرر ، بزم ایچمزده دوغر واوزانیر ، کذلک بزده خارجه طاشارز خارجه کی شیرلر ، وجودلر بزم شعور مزه کیرلر ، باطقی وارلغمزده قاریشیرلر . بزده وارلغمزی اونلرک وارلغنه قاریشدیرز . فکرلر مز ، حسلر مز بزم دماغزدن باشقه لرینک دماغنه ، اونلر ککندن بزم دماغزه کچر . بزم ایچمزده کندی بئلکمزدن باشقه برشی واردر . بزم وارلغمز تماماً کندی ایچمزده دکدر . حیاتمه تشارک ایدن یاخود طرفزدن تشریک ایدیلن شیرلده بئلکمزدن بر حصه واردر . دیمک که فردیتیز تمامیه نسبی برشیدر . بئلکمزك بعض عناصری واردر که ده مرکزیدرلر ، بونلر عاداتا

بنلکمزك اك قطعی صورتده فردی اولان پارچه سنك اك ایلری کان اقسام مرکبه سیدرلر . بزم وارلغمزك نشانه سنی اك چوق بونلر جامعدرلر ، بزم هویتیزی وجوده کتیرن ، بزی باشقه بر شخص اولمقدن چیقاران قسملر بونلرده بدنمك شكلی ، شرائط اجتماعیه مز ، سبجیه مز ، الخ . ایشته بواقسام مرکبه در . فقط باشقه پارچه لده واردرکه بدرجیه قدر مرکزدن اوزاقده درلر ، شخصیتمك قوه مرکزیه سنه ده آز یقیندرلر . بدرجیه قدر بزم بنلکمزك اقسامی اولمقله برابر بزدن آیری وجودلره تعلق ایدرلر و بو سببله باشقه آدمترلر آرازده مشترک بولونورلر . مفکوره مزده دوستلرمزی ، اقربالرمزی ، طائلی ، وطنی ، الخ . افاده ایدن صورت ذهنیه لر الخ ایشته بونلدر . بو عناصردن برنجی قسمده کیلره مربوط اولورسه قدها زیاده کندی بنلکمز . مربوط اولمش صاییلیرز . چونکه ده شخصی بر وصفلری واردر . ایکنجی قسمده کیلره مربوط اولدیغمز تقدیرده کندی بنلکمزدن باشقه شیئه مربوط اولمش عدایدیلیرز . چونکه برنجیلره نسبتله ده غیرشخصی بروصفه مالکدرلر . بوندن دولای ، ایکی نوع تمایل موجوددر . فقط هریکیمی آراسنده آنجق بر درجه فرقی واردر .

اساس اعتباریله خودکاملق ایله حب غیر ، هر دورلو ذی شعور حیاتک عینی زمانده موجود و بربرینه قاریشمش ایکی تظاهریدرلر . فی الحقیقه ، شعور باشلادینی آندن اعتباراً بر فاعل واردرکه کندیسنك غیری اولان شیلردن کندیسنی آیری اولارق دوشونور ، بر فاعل واردرکه « بن » کلمه سنی تلفظ ایدر . بو طرزده دوشونجه سنی و فعالیتنی بو صورتله تصور ایدیلن وارلنی اوزرنده تمرکزانه بر دسی اعتباریله خودکامانه حرکت ایلر . فقط ، دیگر طرفدن ، بر شعور ، کندیسنی احاطه ایدن وجودلره ذهنده آز چوق مبهم اولارق بر صورت ویرمکدن خالی قالاماز . یوقسه بوشلق ایچنده دوشونمه سی ایجاب ایدر . خارجی وجودلری خارجی دییه تصورایتمه سی و بونلری فعالیتنه غایه اتخاذا ایله مه سی اعتباریله ایشك ایچنده بر حب غیر بولونور . فقط ، بو فعالیت شکلرندن بری دیگرى اولمقسزین موجود اولاماز . آلمانلرک Selbstgefiihl دیدکلری کندی بنلکمزحسی ، هیچ برزمان تفکر مزدن خارجده بولونان شیلر حقنده مالک اولدیغمز حس ایچنده اریوب زائل اولماز . دیگر طرفندن ، کندی بنلکمز حسی کافی دکلدر . دائماً ، بنلکمزك تصور ایتدیکی و کندیسنه قارشى تلقی ایله دیدیکی برشی حسنی ده تضمن ایدر . بناء علیه ، خودکاملق و حب غیر ، خالص و صاف حالده موجود اولمایان ایکی تجربه ایدیش بر کیفیتدر . بری دائماً دیگرینی ، هیچ

اولمسه بر درجه‌یه قدر تضمین ایدر. مع مافیه، عینی بر حسک ایچنده هیچ بر زمان عینی در حده انکشاف ایتش بر حالده بولونمازلر. بناء علیه، اولدن شوکا امین اولابیلیرزکه چوجوق بزه تصویر اولوندینی کبی خالص بر خودکام دکلدرد. شعوری نه قدر ابتدائی بر حالده اولورسه اولسون، ساده‌جه ذی شعور بر وجود اولوق اعتباریه بعض حب غیر تمایلاسه قابلیتیدر. بوقابلیتی تا بدایت حیادت اعتباراً حائزدر.

فی الحقیقه، چوجوغک، محیطی دولدوران دورلو دورلو شیلره نه قدر قولایلق و قدر قوتله ربط نفس ایتدیکنی بیلیرز. حتی یوقاریده بوکا دائر بعض مثاللر بیه کوسترمشدک. چوجوق، کندیسینک اولمایان بر باردادن ایچمکدن ایسه هیچ ایچمه مکی ترجیح ایدر. آلیشقین اولمادیی بر اوطه‌ده اویومقدن ایسه هیچ اویومامایی مرجح بولور. دیمک بو مختلف شیلره اوقدر مربوطدرکه اونلردن آیریلیرسه مضطرب اولیور. شبه‌سزکه بو، آشایی جنسدن بر مربوطیتدر. بویه اولقله برابر چوجوغک کندی بئلکندن باشقه برشی ایله نسانده برقابلیتی بولوندیغنی تضمین ایتکدن خالی قالماز. بحس ایله اخلاقی و حب غیره مستند اوصافی کیمسه‌نک اعتراضی دعوت ایتمین مسقط رأسه، ایچنده دوغدیغمز محیطه، بابا اوینه محبت آراسنده بر درجه فرقندن باشقه برشی یوقدر. چوجوق، یالکز اشیایه دکل اشخاصه‌ده عینی وجهله ربط نفس ایدر. سوت نه تبدیلنک بعضاً الیم واندیشه بخش بحرانلر تولید ایتدیکی معلومدر. چوجوق، یابانچی برقادیندن سوت اتمکدن امتناع کوسترر، یابانچی برینک باقاسانه مانعده بولونور. دیمک که کندیسندن آیریلان کیمسه‌یه بر مربوطیت حس ایدیوردی. حالبوکه هنوز اونک حقنده پک مبهم بر صورت ذهنیه پیدا ایده بیلیمشدی. ابوینده، پک ایرکندن بوکا مشابه حسیاته بر غایه تشکبل ایدرلر. سوللی دیورکه :

« اون اوج آیلوق بر قیز چوجوغی، آلتی هفته والده سندن آیریلشدی. والده‌سی عودت ایدنجه سونجندن صامت قالدی. برمدت، کری کلن آتیه سندن بر آن بیه آیریلغه تحمل ایده‌یوردی. کوچوک م. اوز یدی آیلوق ایکن، بش کونلک بر غیبوتدن صوکره باباسنی محبت مخصوصه آثاری ایله قارشیلادی، اوکا دوغرو قوشدی، یاواشجه یوزینی اوقشادی، اوطه‌ده کی بوتون اویونجاقلری باباسنه کوتوردی، (Etudes sur l'enfance) فرانسجه ترجمه‌سی، ۱۸۹۸، صحیفه ۳۳۴). بوتون بو مثاللرده واضح صورته کورولیورکه چوجوق کندی موجودیتنی باشقه برینک موجودیتنه ربط ایتک احتیاجنی دیور و بورابطه قیریلنجه مضطرب اولیور.

بو شکل آلتنده ، چوجوڭك حب غیری ، یوقاریده باوسیه بحث ایتمش اولدیغمز
چوجوق فطرتك بر وصفندن ایلری کلكده در . بوده چوجوقلرده کی غننه جیلکدر ،
تشکل ایدن اعتیادلره مربوطیتلریدر . چوجوق بر دفعه بر طرز حسر و حرکت آلیشیرسه
بوندن زورقله واز کچر ، اوکا مربوط قالیر و بناء علییه ، اونک شرطنی تشکیل ایدن اشیایه ده
مربوط بولونور . متصل عینی انطباعاتی آرادیفندن دولاییدر که کندیسنده بو انطباعاتی
اویاندیران اشیایه ده ایستر . فقط چوجوقده مشاهده ایدیه ییله جک یکانه حب غیر حسیاتك
منبئی بودکدر . باشقه بر منبع ده واردر که اوده کوزلرینك اوکنده جریان ایدن شیلرک
کافه سنی غایت بویوک بر قولایقله و مسارعتله تکرار ایتمه سیدر . چوجوق ، اطرافنده کی
انسانلرک چهره لرده کوردیکی افاده لری تقلید ایدر . اونلر آغلارلرسه کندیدی ده آغلار ، اونلر
کولرلرسه اوده کولر . عینی کله لری ، عینی اوضاع و اطواری تکرار ایدر . بو اوضاع
و اطوار ایله بو کله لر اونک ایچون معین بر طاقم فکرلرک و حسلرک تمثالی حانه کلنجه چهره لرده
اوقودیفنه یاخود قوللانیلان کله لر ایچنده آکلادیفنه ذاهب اولدینی فکرلری ، حسلری
اوده میدانه قویار . ایشته بو صورتله ، نظرله احاطه ایده ییله جکی عالم خارجی اقسا منده
جریان ایدن شیلرک کافه سی شعورنده بر معکس بولور . سبیلری ده شودر : چوجوڭك
حیات باطنیه سی غایت فقیردر . سریع الزوال و مقداری آز بر طاقم عناصردن ترکب ایدر .
بناء علییه ، بو حیات ، یابانچی عنصرلرک ایجرییه قاریشماسنه مقاومت ایده ییله جک بر حالده
دکدر . ده قوتلی صورتده تشکل ایتمش بر شخصیت ، بر بویوک آدم و بالخاصه اولدقجه
حرث صاحبی بر آدم شخصیتی بوقدر ، قولایقله استیلایه معروض بولونماز . یابانچی نفوذ
و تأثیراتك بزلر اوزرنده نشانه بر اقالری آنجق باطنی استعدادلر مزله هم آهنگ اولمالری ،
میلانلر مزك صورت طبیعی ده متوجه اولدقلری استقامتی تعقیب ایتمه لری شرطیه قابلدیر .
کوزمرك اوکنده تظاهر ایدن بر هیجان حالی ، صرف اوراده شاهد بولوندیغمز دن دولایی
بزه سرایت ایتمز . بوندن فضله اولارق ، بزم کیف مزله ، شخصی حسلر مزله هم آهنگ
اولماسی ده لازمدر . یوقسه بزه هیچ تأثیر ایتمز ، یاخود پك سطحی بر تأثیر حصوله کتیریر .
بر فکر ساده جه بزم قارشیمزده در میان ایدیش اولقله بزم فکر مز اولماز . بزم ذهنیت مزك
آهنگنه اویمایه جق اولورسه اونی رد ایدرز . یاخود ، هیچ دکسه ، بو فکر نهایت کندیسنی
بزه قبول ایتدیرمه بیلیمک ایچون غایت قوتلی بر تضییق معنوییه ، غایت قناعت بخش دلائل
و محاکمه ، سور و کله یی و ساری بر حرارت احتیاج کورولور . فقط ، چوجوق بو طاری

تأثیراته بالنسبه چوق فضله آچققدر . چونکه هنوز صاغلام ومعین بر تشکلات فکریه به مالک دکلدر . چوجوقده ، ناکهانی برانطباعتك اخلاص ایدهمیهجکی قوتلی اعتیادلر چوق بولونماز . شهسزکه ، برآز اول کوردیکمز وجهله ، چوجوقدرده بعض اعتیادلر واردر . وبونلر قوتلیدرلر . فقط مقدارلری آزددر . چوجوغك شعوری بالخاصه سیال ، نباتسز حالتلردن یاپلشدر ؛ بونلر متصل بربرلری ایتلر ، پك فضله برسرعتله کچوب کیتدکلری ایچون قوتلشمکه وقت بولامازلر ، خارجدن کلش برآز قوتلی برتلقینه مقاومت کوسزدمزلر . ایشته ، غایت یاکلیش برتعصیر ایله تقلید سوق طبیعی به استناد ایدن هیچ برشی یوقدر . انساجك صمیمیتنده صانکه محکوك کبی برتقلید احتیاجنه تصادف ایدیلهمز . چوجوق ، تقلیدایدر ؛ چونکه تولدایتمکده اولان شعوری هنوز پك بارزفطری انجذاب ورباطله مالک دکلدر . بناء علیه ، خارجدن کلن برآز قوتلی انطباعاتك کافهسنی بلامقاومت وبلازحمت تمثل ایتدیرر . ایشته بوتکرار قابلیت و بناء علیه باشقلرینك حسنه اشتراك استعدادی ، غایت حب غیره مستند واجتماعی برشی اولان ، باشقه برشیه اشتراکه استعداد دکلده ندر ؟ فیالحقیقه ، بوسایهده ، چوجوغك شعوری ایله یابانجی شعورلر آراسنده دائمی برمناسبت واشتراك تأسس ایدر . یابانجی شعورلرده وقوعه کلن شیرچوجو پك شعورنده انعکاس ایدر . چوجوق اونلرک حیاتیه یاشار ، اونلرک حظلرندن متلذذ اولور ، اونلرک اضطرارلرندن ألم چکر . بوندن دولایی ، باشقلرینك آلامنی تخفیفه یاخود اولدن منعه طبیعی صورتده مجلودر . د برسنه ایکی برچوجوق یرده سوروکله نیوردی . آلتی یاشنده همشیره سی قاترین ، النده اوردیکی یوک ایشده پك موفق اولامادیغندن ، آغلامغه باشلادی . بیک اوکا باقدی . پارماقلری یوقازیدن آشاغی به دوغرو یوزینه سوروشدیره رک خومورداندی . تیزه سی ، قاترینک نظر دقتی کوچوک چوجوغه جلب ایتدی . بوده قاترینی تکرار آغلادتی . بونک اوزرینه ، بیک خفیف خفیف صیجرا به رق قاترینک یانه قدر کیده بیلدی . خوموردانملرینی ، اومضیدار اشارتلرینی دفعات ایله تکرار ایدیوردی . بو قدر شفقت واعتنادن متأثر اولان قاترین ، بیک قوجاغنه آلدی وکولدی . درحال ، بیکده اللریف چیرمغه ، همشیره سنک یاناقلرنده کوز یاشلرینک ایزلرینی پارماغیه تعقیب ایدهرک دورلو دورلو شیر مرلداغمه باشلادی (سوللی ، عینی اثر ، صفیحه ۳۳۶) . چوجوق ، کوردیکی واشتراك ایتدیکی کدری تسلیه به چالیشدینی کی حظ و ممنونیت تولید ایتمکده صرف غیرت .

ایدر . فقط ، اغلب احتمالہ کورہ ، مفید اولمق ایچون بوصورتله ایفا ایتدیکی مثبت افعال و اعمال برآز دها ایلرله مش برچاغده نمایان اولمق اقتضا ایدر . چونکه دها انکشاف ایتش بر ذهنیت تضمن ایتمکده درلر . تخفیفه چالیشیلان بر الم زمان حالده موجوددر . شوآنده کی احتساستک بیلدردیکی بر کیفیتدر . اوکدر ، کندیلکنندن ، کندیسنی ازاله یاخود تخفیفه خادم اولاجق حرکتلری تحریک ایدر . فقط تولید ایدیله جک برحظ ، استقبالده اولاجق برحادثه در . بونی اولدن کورمکه ، پیشین تصور ایتمکه لزوم واردر . اونک ایچون ، چوجوغک انکشاف فکریمی ، افعال و اعمالنک مستقبل نتیجه لرینی تعین قابلیتنی کندیسنه ویرمش اولمق مقتضیدر . حالبوکه ، تدقیق و مشاهده ، اوچ یاشندن اعتباراً ، حتی دها اول ، چوجوغک بو بصیرتکارانه محبتہ قابلیتلی اولدیغنی اثبات ایدیور . « ایکی سنه ور آیلق برکوجوک ارکک چوجوق ، دادیسنک شوسوزلری سوبله دیکنی ایشیدیر : آن ، اویون اوپه سنده کی ابریکی دولدورماسنی اونوماسه ایدی ! بوسوزلر چوجوغک دقتی تحریک ایتشلردی . اوزاق اوپهلردن برنده اوچاغنی تمیزلین آنی کیدوب بولدی . اوکلکنندن چکمکه باشلادی اونی اویون اوپه سنه کوتوردی ، صوقایینه جق ابریکی پارماغیله کوسترمه رک : کیت اوکا ، کیت اوکا دیدی . خدمتچی قیز آکلادی و ایستهن شیئی یاپدی » (عینی اثر ، صیفه ۳۳۸) .

حاصلی ، حب غیر ، نفسدن باشقه برشینہ مربوطیت ، بعضاً ذنیلدیکی کبی ، بر نوع اسرار آلود ، فوق العاده ، همان همان غیر قابل ایضاح بر ملکه دکدر . انسان بوملکه ایله اصل فطرتنه برحبر اجرا ایتمز واونی تغییر ایتمز . رنان ، فضیلت مکافاتلرینه دائر برنطقنده مربوطیت و صداقتدن ، فداکارلق و تساند فکرنندن کوزل بر معناسزلق ، شایان ستایش برمنطقسزلق دییه بحث ایتمکه کندنده برحق کورمشدی . حقیقتده بونده اسرار آلود ، غیر طبیعی هیچ برشی یوقدر . موجودتی ادما اولونان بوسری ازاله ایچون : لاروشفوقو ایله فائده جیلر کبی حب غیری خودکاملفک تردی ایتش برشکلی حالنه ارجاع ایتمکه حاجت یوقدر . چونکه بوتون اوصاف ممیزه سنی رفع ایتش اولورز . حقیقتده ، بویکی دورلو حسیات هیچده بربرلردن انبعاث ایتزلر . ایکیسنکده تملی بزم فطرت فکریه مزده در . بوفطرتک بربرینی تضمن وایجاب ایدن ، بربرینی اتمام ایله این ایکی منظره سنی افاده دن باشقه برشی یامازلر . ایشته بونک ایچوندرکه چوجوغده دها ایلک حیات سنهلرندن اعتباراً حب غیره تصادف ایتدک . شهبه سزکه ، چوجوغک حب غیری نه پک واسعدر ، نده پک کرفندر .

بونك ده سببی فكري افقنك غایت محدود اولماسیدر . در حال وبلا واسطه كندیسنه تماس ایدن شیلردن اوتده چوجوق ایچون مجهول برطالم باشلار . چوجوغك، احوال وحسیاته اشتراك ایتدیکی وجودلرك دائره سی، بر نقطه نظر دن، بویوك آدمك دائره سندن دها واسع اولدیغنی كوزدن قاجیر ماملیدر . چونكه چوجوق ذی حیات اولمالان شیلری بیله حساسیت ایله تجهیز ایتدیکی ایچون ، اونلركده حیاتلرینه اشتراك ایدر ، اونلركده خیالی الملرندن مضطرب اولور ، حظلرندن ذوق آلیر . یارالانمش بېكسه ، یرتيلمش، بوروشمش كاغده، عینی موقعده دائمی حرکت دوران طاشلره آجیر . بوندن باشقه ، شوراسنی كوزدن اوزاق طوتماملیدر كه چوجوغك خودكاملنی، كندیسنده کی حب غیر حسیاتی ایله مناسبتداردر . شخصیتی پك آز مغلق اولدیغندن دولاییدر كه خودكامانه حسیاته پك آز ارتباط نقطه لری عرض ایلر . چوجوغك دویدینی یكانه خودكامانه حسیات ، مادی حیاته و اویونلرینه تعلق ایدرلردر . بویوك آدمك خودكاملنی دها كرفتدر . مع مافیه ، حرثك بزم فطرتمزده کی حب غیر صفحه سنی خودكاملق صفحه سندن بالنسبه چوق دها فضله انكشاف ایتدیردیکی انكار اولونه ماز . فقط شوراسی ده عینی وجهله دوغرودر كه چوجوقده كندیسی اوزرنده اجرای تاثیر ایتمه مزه خادم اولاجق مانیومه نی آرتق بولمشز دیمكدر . شیمدی یالكز بوندن ناصل استفاده قابل اولاجقنی آراشدیرمق جهتی قالیور كه كله جك درسده اونكله مشغول اولاجقز .

اون بشنجی درس

ملکب بمطنتك نفوذ و تائیری

حب غیری ، نفسدن باشقه برشیته مربوطیتی جوق کره اسرار آلود ، فوق العاده ، عادتاً غیر قابل ایضاح برملکه شکنده تصویر ایتشلدر . انسان بو ملکه ایله فطرت ابتدائیه سنی زورلار و تغیر ایدر دیورلر . حالوکه بونده اسرار آلود ، غیرطبیعی هیچ برشی بولونمادیغنی صوگ در سده کورمشدک . وجودی ادما اولونان بو اسراری اورتهدن قالدیرمق ایچون لاروشفوقو ایله فائده جیلرک یابدقلمی کبی ، حب غیری خودکاملغک تبدیل قیافت ایتش برشکلی حالنه ارجاع ایتمکه محل یوقدر . چونکه بویله بر حرکت ، عقل ایرر برحاله کتیرمک بهانه سیله وجودینی انکار ایتمکه چیقار . حقیقته ، حب غبرده ، محالنی بولونان خودکاملق حسی قدر ، انسانک پسیقولوژی فطرتنه استناد ایتمکده در . بویکی نوع حسیات هر دورلو فکری مقانیزمه نك آیری فقط ناقابل تفریق ایکی منظره سنی افاده دن باشقه برشی یامازلر . فعالیتمز بزم کندیمزک اوزرنده ، فردیتمز وجوده کتیرن و خار جمزده کی اشیا و وجودلردن بزى آیران شی اوزرنده تمرکز ایتدیکی تقدیرده ، خودکاملق واردر . بالعکس ، فعالیتمز بزدن خارچ ، بزم شخصیتمزک صفت ممیزه سی میانه غیر داخل غایه لر تعقیب ایدر سه حب غیر موجوددر . فقط ، بز بو خار جمده کی شیلره آنجق کندیلرینک بروجه ایله صورت ذهنیه لرینه مالکیت سایه سنده ربط نفس ایده ییلدی کمز ایچون ، بونلر ، خارچی اولمقله برابر بر مضاجه بزم بندک کمزک عنصر لیدرلر . چونکه کندیلرینی افاده ایدن صورت ذهنیه شکلی آتنده بزم ایچمزمده موجود اولورلر و یاشارلر . حتی بز دوغرودن دوغرویه بو صورت ذهنیه یه مربوط اولورز . ذهنمزمده صورتی موجود اولان شی آرتق وار اولمادینی یاخود تبدیل ماهیت ایتدیکی زمان ، بزجه اکسیکلکی دو بولان شی بو صورت ذهنیه در . بناء علیه ، هر حب غیر حسنده خودکاملق واردر . فقط ، بونک عکسی اولارق ، بزم انا مز ، خار جیدن ۱ استعاره ایتدی کمز عنصرلردن یاپلادینی ، شعور مز منحصر آ کندی کندیسيله تغدی ایده مدیکی ، بوش بوشنه برشی دوشونه مدیکی ، کندیسنه آنجق عالم خار جیدن کله بيله جک

بر ماده و اساس لازم اولدینی ایچون ، بزم ایچزده بئلکمزدن باشقه برشی واردر . بناءً علیه ، خودکاملق ایچنده بیله حب غیر موجوددر . بالخاصه کوردک که فعال ، مرقی خودکاملق ، غایه سی وجودمزی توسیعدن عبارت اولان خودکاملق ، اولدقه بر انبساطی ، بر فعالیت خارجه صرفی ، نفسی و یرمک و کندیمزی صرف ایتک یولنده برقابلیت و استعدادی تضمن ایدر . حاصلی ، ماهیتی اقتصادی اولارق ، شعور ، همزمان اولارق ، ایکی استقامته بردن توجهه مجبوردر . باطن و خارج نامنی و یردیکمز بواسطه استقامتلی بربرینه مخالف کی تلقی ایتک بزجه عادت اولمشدر . شعور ، نه تماماً کندندن خارجه اولابیلیر ، نه تماماً کندی کندینک ایچنه قاپانمش اولابیلیر . بونلرک هانکیسی تحقق ایتسه ذی شعور حیات معطل قالمش اولور . تام و خالص وجزده ، کذلک هند فقیرلینک کندی کندیلری اوزرینه قاپانملرنده ، فعالیت ایله برابر تفکرده دورور . بونلر موت فکرینک ایکی شکلیدرلر . فقط خودکاملق ایله حب غیر یکدیگرینه نفوذ ایدمک درجهده بربرلینه تقریب ایدیش اولقله برابرینه یکدیگرندن فرقی شیلر اولمقدن خالی قالمازلر . آرتق بربرلینه مخالف اولماقله امتزاج ایدوب عینی شی حاله کلملریده ایجاب ایتز . چونکه ، هرایکی شقده ربط نفس ایتدیکمز شیلر آراسنده برفرق موجوددر . بو ، یالکز بردرجه فرقی اولقله برابر ، هر حاله حقیقی بر فرقددر . حب غیر تمایلاتی تطمین ایدیلدکاری وقت بزه ممنونیت بخش ایتدکندن دولای اونلرکده سائر تمایللر کی خودکامانه اولدقلری سویله نه بیلیر . فقط آراده دائماً مهم برفرق موجود قاله جقدرکه اوده شودر : خودکامانه حیاستده ، بزم شخصمزه طائد اولان غایه لرک تعقیبنده بر ممنونیت بولورز . حب غیر تمایلاتنده ایسه شعورمزده صورت ذهنیه لری موجود اولقله برابر شخصیتیمزک عناصر کاشفه سی تشکیل ایتمین غایه لرک تعقیبندن حظ دویارز .

بوراسی تثبیت ایدیلدکن صوکره ، چوجوق شعورینک ، ساده جه ، بر شعور اولق دولایسیله ، بوانی نوع حیساته بالضروره آجیق اولاجفنه صورت قطعیده احتمال و یرله بیلردی . فی الحقیقه ، چوجوقده بزرحب غیر منبعی بولدق . برکره ، اوزرنده اعتیادک حائر اولدینی حکم و نفوذ دولایسیله ، چوجوق مألوف اولدینی محیطک انسانلرینه و شیلرینه ربط نفس ایدر . صرف تکرر و تکررک چوجوق فطرتی اوزرنده مالک اولدینی تأثیرات سایه سنده کندیسینه اونلر آراسنده بر رابطه حاصل اولور . ثانیاً ، چوجو غک ، خارجی تأثیر و نفوذلی اخذه پک بویوک برقابلیتی موجود اولدیفندن دولای ، کندی

اوکنده افاده ایدیلن حسیات قولایجه اونک ایچنده رهمعکس بولورلر . چوجوق بو حسیانی کندی ده حصوله کتیریر و بناء علیه اونلره اشتراك ایدر . افاده ایدیلدیکنی کوردیکی اضطراباتدن مضطرب اولور ، اطرافنده کی نشئه دن نشئه دو یار . حاصلی ، سائرلرینک حسیاتنه اشتراك ایلر . بو اشتراك یالکیز مطاوع برشکلده دکلدر . چو حوغه مثبت افعال و اعمالده تلقین ایدر .

فقط ، او یله ایسه ، چوجو غلک یارادیلش اقتضاسی حب غیره قابلیتسز اولدیغنی اثبات ایدر کی کورونن وصیق صیق ذکر اولونان وقعه لرك معناسی نه در ؟ اول امرده ، چو حوقلر چوق کره حیوانلره قارشى فطرى برظالملاک ایله اتهام ایدیلشلردر . چوجو قلق چاغی و مرحمت طانیماق ، ایله معروفدر . چو حوقلر ، یالکیز باعث اولدقلری اضطراباته اشتراك ایتمه مکله قالمالار ، اونلردن متلذذ بیهله اولورلر . بو ، کنیدیلرنده حقبی برکوتولک سوق طبعیسی بولوندیغنک دلیلی دکلدر ، دیورلر ؟ فقط چوجو قلر حقنده بو قدر شدتلی بر حکم ویره یلمک ایچون ، بصورتله ارتکاب ایتدیگری افعال و اعمالک حقیقه قارشیسینده کنه اضطراب ویرمک احتیاجندن انبعاث ایتدیکنی اثبات ایتش اولمق لازم کلیر . حالبوکه ، چوجو غه باربارلغه دوغرو بیهلم ناصل برطبعی میلان اسنادینه حق ویردیره جک هیچ برشی موجود دکلدر . اونى بویه شدید معامله لره سوق ایدن عامل ، حدذاتلرنده هیچ مغایر اخلاق اولمایان برطاقم تمایللردر . چوق کره بو ساده جه برتجسسدن عبارتدر . حدذاتنده بو حسده شایان مؤاخذه هیچ برشی یوقدر . چوجوق اشیانک ایچنده نه اولدیغنی کورمک ایچون اونلری بارچه لار . بونک ناصل یاپلش اولدیغنی ، بحثی ایشیتدیکی قانک زده بولوندیغنی ، قانادلرك بدنه ناصل طوتدیریلدیغنی ، الخ . او کرمک ایستر . حیوان اوزرنده حاکمیتی کوسترمک ، فائیت حقوقتی تأیید ایتمک ایسته دیکی ده تخمین ایدیلشدر که احتماله یقیندر . سوللی دیورکه : « کدی یاورولرینی چیکنه مسی احتمالکه اونک نظر نده ساده جه بر تصرف و تملک کیفیتندن عبارتدر ، (صحیفه ۳۲۹) . چوق دفعه ، بوتخریب حرکتلری هیچ برغایه سز وقوعه کلیر . چوجو قلدردن تراکم ایتش فعالیت قدرتنه بکزر برشی وارد که دائمی بر کرکینلک حالنده بولونور . بو فعالیت ، منتظم مسافه لره آیریش کوجوک بوشانمه لره منتظم صورتده صرف اولونماز . بردن بره انفلاق ایدر . بو انفلاقلر بالضروره شدید و مخربدرلر . چوجوق ، ایچنده کی حرکت احتیاجلرینی تطمین ایچون ناصل صیجرار ، ناصل کورولتو ایدر سه اونک کی قیرارده . دیگر طرفدن ، باعث اولدیغنی اضطرابات حقنده آنجق مبهم ، مشکوک بر

صورت ذهنيه مالكدرد. حيوانك شعورنده جريان ايدن شي حقنده واضح بر فكري بو قدر. چونكه حيوانلر دويديني شيبئي انسانلر طرزنده اظهار ايتزلر. بو قدر مبهم، بو قدر مشكوك بر حس، چوجوغي بو ظالمانه اويونلره سوق ايدن اولدقجه قوتلي ميلانلري ضبط ومنع ايدم بيله جك بر حالده دكلدر. چوجوق، ظالملكلي حس ايتمز. بناء عليه، حيوانك حسياتنه اشراك ايتمه يورسه بو، بيله نم ناصل بر فطري فساد اخلاقدن، فئالق ايجون سوق طبيعيه مستند بر ذوقدن منبعث دكلدر، ياديني ادراك و تقدير ايتمه مسنددر.

عائله فلاكتلرینه قارشى چوجوغلر عدم حسايتى حقنده عيني شى سويله نيلير. بو، بر نوع طبيعى برودتن نشئت ايتمز. چوجوغلر بر سنه واصل اولمادقجه، اويوندن برينك وفاتنك كنديسى ايله اطرافنده كيلر اوزرنده توليد ايدم جك نتايجي تصور ايدم بيله مكدن عاجزدر. چونكه، اولومك نه اولديني حقنده بر فكر پيدا ايدينه بيلمك ايجون تأمل وملاحظه احتياج واردر. موجوديتك فنا بولماسى كبي جذرى برتبدل، تام بر محو اولما، حتى بويوك آدملر ايجون بيله قولايجه قابل تصور بر كيفيت دكلدر. حتى چوجوغلر، وفات ايدن كيمسهي آرتق بردها كورمه يه چكي سويلانس بيله كنديسنده درين بر تأثر توليد ايديله مز. چونكه «هيچ بر زمان، كلمه سى، «دائما، كلمه سى كبي، اونك ذهننه صريح بر معنا افاده ايتمز. بناء عليه بو قطعى آيريلنى موقت بر آيريلقدن تفريق ايله مكدن عاجزدر. بوندن باشقه مناسبتدار اولديني آيري شخصيتلر حقنده، والده سى وسوت ننه سى كبي كنديسه پك يقين بولونانلر، دوزرودن دوزر، يه تماس ايدنلر مستثنا اولق شرطيله، پك واضح بر مفهومه مالك دكلدر. اوقبيل شخصيتلر كينه باشقه شخصيتلر اقامه سى چوجوق ايجون قابلدرد. اولنلر حياتلرنده حاصل اولان بوشلق بو صورتله قولايجه دولدوريلير. مألوف اولديني سيالردن برى، اورتدن زائل اولان كيمسهنك يرني آلير، چوجوق بوكا هيچ مقاومت كوسترمز. بوكو چوك تحولدن حصوله كان خفيف بر تشوش زائل اولدقدن صوكره، حيات ينه جريانى تعقيه باشلار. برده، چوجوغلر طبيعى اولان ثباتسزلى اونى آوونمغه ده قايىلىلى بر حاله صوقار. جوال تفكرى كدر بخش بر موضوعدن زحمتسزجه اوزاقلاشير. اونك ايجون، معلوم اولديني اوزره، چوجوغلر نه قدر ذكى ايسه لر، نه قدر جانلى بر خيله يه مالك ايسه لر، فنا بر تريه خودكامللرني تحريك وتنبيه ايتمه مش ومحببت ملكلرني اويوشدر مامش اولق شرطيله، اويونلرينك ودوستلرينك وفاتندن اوقدر چوق و اوقدر ايركن متحسس و متأثر اولورلر.

بناءً عليه مشاهدہ ایدیلن بوقمہ لردہ چوجوغہ جوق کرہ عطف اولونان تام و قطعی خودکاملغہ دلالت ایدم جک هیچ برشی یوقدر . شہہ بوق کہ حب غیرہ عائد تمایلاتی هنوز ابتدائی بر حالہ در . فقط بونکہ ده اساسی سببی کوریورز : اودہ ، صورت عمومیدہ ، شعورینک دہ عینی وصفی حائر اولماسندن عبارتدر . شعوری هنوز تشکل ایتکہ باشا دیفندن دولایدر کہ اطرافندہ کی یقین محیطدن اوزاقدہ و بناءً علیہ کنڈیسندن خارجدہ بولونان وجودلرک آز بر مقدارندن باشقہ لرینہ شامل اولاماز . ابوی ، آرقداشلی ، آلیشقین بولونڈینی اشیاسی : ایشته بوتون طانیدقیری . حتی ، سائر شیلر ، اوزاققلری حبیلہ ، آنجق سابع ووضوحسز بر صورت ذہنیہ ایچندہ کنڈیسنہ نمایان اولورلر . بورادہ ، اشیانک فردیتلری آز جوق سیلیدکر . جوجوغک اک شدتلہ حس ایتدیکی شی کنڈی عضویتی و عضویتنک حایلدر . بناءً علیہ ، حیاتک ایلک سنہلری اثناسندہ ، شخصی احتساسلر (چونکہ عضوی احتساسلردن زیادہ بووصفی اک جوق حائر اولاجق باشقہ احتساسات یوقدر) جدآ فائق و حاکم بر موقع احراز ایدرلر . خط حرکت اوزرندہ اک جوق حائر تأثیر اولانلر بونلردر . جوجوق حیاتنک مرکز ثقلتی ، دہا اوزماندن اعتبارآ باشقہ برنوع مرکز ثقلت بولونقلہ برابر ، ینہ او احتساسلر تشکیل ایتکہ درلر . بناءً علیہ ، جوجوقلردہ حب غیردن زیادہ خودکاملق تمایلاتی واردر دنیلہ بیلیر . فقط حب غیر حسنہ یا بائجیدرلر دنیلہ مز . ذاتآ ، بوندہ بیلہ ، بو ایکی نوع تمایلاتی یکدیگریہ برلشیدین صیقی تساندی مشاهدہ قابلدر . حب غیر حسی جوجوقدہ بویوک آدملر ککنہ نسبتلہ دہا آزانکشاف ایتمشہ ، خودکاملق دہ باشقہ دورلو دکلددر . جوجوق شعورینک ساحہ سی دار اولق ، عالم خارجینک آنجق کوچوجک پارچہ سی اورادہ بر انعکاس یا ، بیلیمک ، مع مافیہ واضح انطباعات بر اقامق دولایدسیلہ ، جوجوغک شخصیتی فقیردر . چونکہ غدا سزدر . آنجق پک آز مقدارده عناصری احتوا ایدر و بناءً علیہ ، خودکامانہ حسلرہ آز مقدارده ارتباط نقطہلری تأمین ایلر . جوجوغک منافع شخصیه سی دائرہ سی غایت محدوددر . غدارندن و اویونجاقلردن اوتیہ کچمز . بویوک آدمک خودکاملنی ایسہ تمامآ کرفت بر حالہ در . ثروت عشقی ، اقتدار عشقی ، شان و شرف عشقی ، شهرت عشقی ، تووالندہ ، حیاتی تنظیمدہ ظرافت ذوقی ، بوتون بونلر ، انسان ، افقی کنیشلہ تہرک دہا جوق انسانلر و شیلر ایلہ مناسباتہ کیردکجہ نمایان اولورلر . حسی فطرتنک بو ایکی منظرہ سی عینی سبیلرک تأثیری آلتندہ ، مساوی آدملرلہ دکلسدہ ہر حالہ موازی صورتدہ ترقی ایدرلر .

چو جوقده تربيه نك انكشاف ايتديرمكن باشقه برشی یا پاماسنه لزوم اولمایاجق برنوع حب غیر حسایاتی بولاجغمزه امین اولقی لازم کلدیکی کبی ، عینی زمايده یوقاریده سویله ن شیلر ، بو انكشافك نه کبی وسائط ایله استحصال ایدیله بیله جکئی تعینده ده امکان تأمین ایدرلر . حیاتك باشلانغچنده حب غیر حسیاتك ضعیفی ، چو جوق شعورینك دارلغندن انبعات ایتدیکی جهتله ، بونی ، بدایتده آنجق . مشكلات ایله وپك آرزو تجاوز ایدیه یلدیکی عضویت محیطندن خارجه تشمیله چالیشمق لازم دیمکدر . چو جوغه ، ابتدا آنجق مهم صورته مشاهده ایتدیکی وجودلری طاقمق ایجاب ایدر . بالخاصه ، فرقله اولمادن منسوب بولوندینی اجتماعی زمره لر حقنده کندیسنه ممکن اولدینی قدر واضح بر فکر ویرمیدر . مربی نك رولی بو نقطه ده غایت عظیمدر . چونکه ، چو جوق کندی حالته ترك ایدیله جك اولورسه بو هیئت اجتماعی لر حقنده آنجق پك زحمتلی و پك کچ بر فکر ایدینه بیلیر . بو هیئت اجتماعی لر غایت واسع ، غایت قاریشیق اولدقلری ایچون چو جوق اولنری کندی کوزلریله کورمه ز . یالکیز حائله مستشادر . او کوجوک بر هیئت اولدینی جهتله نظرله احاطه ایدیله بیلیر . فقط چو جوغی ، تربیه اخلاقیه نك صوك غایه سی اولان ، بو زمره لر ربط ایدیه بیلیمک ایچون بوبایده کندیسنه راست کله بر صورت ذهنیه ویرمک کافی کلز . بوندن باشقه بو صورت ذهنیه نك غایت ثبات واصرار ایله تکرار ایدیله رك بوتکرار کیفیتی یوزندن اونك بیلکینك اجزای متممه سندن بری حالته کیرمه سنه و آرتق اولنن صرف نظر ایدمه مسنده غیرت کوسترمک لازمدر . چونکه برکره ده سوبیلورز ، بز اشیا یه آنجق حقلرنده مالک اولدیغمز انطباعر واسطه سیله ربط نفس ایدیه بیلیرز . اولنله متساند اولدیغمز سویله مک اولنرك حقنده بسله دیکمز فکرک ، شعورمك قسم متباقیدی ایله متساند حاله کیردیکنی ، بزده الیم بر بوشلق براقادن زائل اولامایه جغنی سویله مک دیمکدر . یالکیز بو صورت ذهنیه یی تکرار ایله ده اکتفا ایتمه ملی . تکرار ایدرکن اوکا چو جوغی قولایجه حرکتیه سور وکله یه بیله جك درجه ده رنك ، اهمیت و حیات ده ویرمیدر . بو صورت ذهنیه ده قلبی آتشلندیره جك و اراده یی حرکتیه کتیره جك برشی بولونمق لازمدر . چونکه ، موضوع بحث اولان مسئله ، مفکره یی نظری بر مفهوم ایله ، تصویری بر تلقی ایله زنکینلشدیرمک دکلر . ذهنه بر فعل و حرکت پرنسپی ویرمک و بو پرنسپ الزم و قابل اولدینی درجه ده مؤثر بولونمق کیفیتدر . تعبیر دیکرله ، بو صورت ذهنیه ده هیجان ماهیتی حائر برشی ده بولونمالی ، بر تصور و تلقی وصفندن زیاده بر حس وصفنی حائر اولمالیدر .

سهایت الامر، انسان آنجق برشی یاپه یاپه برشی یاپی اؤرندیکی ایچون چوجوغه بوسورته ویریلن حسلرک افعال و اعمالی ایله تظاهر ایدم بیلجکری وسیله لری تعدد ایتدیرمک اقتضا ایلر . جماعتجه مشترک حیاتی سومکی اؤکره مک ایچون ، بومشترک حیاتی فکرده وخیالده دکل حقیقته ده یاشامالیدر . چوجوقده بر ربط نفس ملکه سی احتمال و امکان حالنده تمیه ایتمک کافی دکلدر . بو قابلیتی حقیقه میدانده حقیقه تحریک ایتلیدر . چونکه آنجق تمرین ایله تمیه ایدم بیلر ، قوت بولایلیر .

حاصلی ، چوجوق شعوری ، چوجوغک داخل اولدینی یاخود اولاجنی اجتماعی زمره لری یاواش یاواش ایچنه ادخال ایدم جک صورتده کنیشلمک ؛ بوسورت ذهنیه لری ، ممکن اولدینی قدر چوق سائر حالات شعور ایله دائمی صورتده ذهنه کله جک صورتده صبیق صبیق برلشدیرمک ایچون تکرردن استفاده ایتمک . بو صورت ذهنیه لر مفکرده اوله بر موقع آلمالیدرلرکه چوجوق اونلری محافظه و هر درلو تاقصدن مصون طومغه اهمیت ویرسون . سوزک حرارتی ایله ، حس ایدیلن وافاده اولونان هیجانک صمیمیتی ایله اونلره اوله برهیجان قدرتی ویرمک که بو سایه ده مؤثر وفعال بر قوت حالته کلسونلر . تمرین واسطه سیله بو تأثیر اقتدارینی انکشاف ایتدیرمک : ایشته چوجوغی ، تعقیبه مجبور اولدینی جماعتجه مشترک غایله ره ربط ایچون تطبیقی اقتضا ایدن عمومی اصول بودر . کورولیورکه بونده مربی بک قوتی خارچنده هیچ برشی یوقدر . چونکه نتیجه ده موضوع بحث اولان شی ، چوجوغه اشیا حقده موجود اولدقاری شکله ممکن اولدینی قدر جانلی ، ممکن اولدینی قدر قوتلی برانطباع ویرمکدن عبارتدر . بناء علیه ، آرتق بزم ایچون بو اصولک مکتبه ناصل و نه شکل آلتنده تطبیق ایدیله سیله جکنی آراشیدیرمقدن باشقه یاپه جق بر شی قالمایور . ایشته بوراده ، چوجوق اوزریده اجرای تأثیر ایچون مالک اولدینمز واسطه لر ایکی دورلودر : اول امرده ، بالذات مکتب محیطی واردر ، صوکره مکتبده ویریلن مختلف درس لر واردر . بو تأثیر واسطه لرینک توصیه ایتدیکمز غایه یی تأمین امرنده نه دورلو فعالیت کتیریله سی ایجاب ایتدیکنه باقالم .

۱ - مکتب محیطنک عمومی تأثیر و نفوذی

مکتب محیطنک اخلاق تربیه سنده ایفا ایدم بیلجکی وایتمه سی اقتضا ایدم جکی مهم رولی کوزلجه آکلایه بیلیمک ایچون ، اوله ، چوجوغک ، مکتبه کلدیکی زمان نه کی شرائط

داخلىندە بولوندىغى دوشونىڭ لازىمىدۇر. اوزمانە قدر چوچوق آتېقى ايىكى زمىرە طائىمىشدر. ابتدا ، طائىلەسى واردۇر . بورادە تىساندە حىمى قرا رابىلەلرندىن وبونىڭ نىتىجەلرى اولاند معنوى مناسباتىدن بولد ايدىر . اشتراك ايتىش بوتون شعورلۇك صىمىمى ودائىمى بر تىماسلرى ، حىاتلرىنىڭ برىرىنە مۇقابىلا نىفوز ايتىمەسى كىفىتى بو حىمى تقوىە ايدىر . صوكرە ، كوچوك دوست ، آرقداش زمىرەلرى واردۇر كە طائىلە خارچىندە سىرىست براتىخاب وترجىيىح عملىيەسى نىتىجەسىندە تىشكىل ايتىمىشلىرىدۇر . خالىبو كە سىياسى هىئت اجتماعىيەدە بو اوصافىك هېچ برى موجود دىكلدىر . بر مىللىكىتىڭ وطنداشلىرىنى يىكدىكىرىنە باغلايان رابىلەلر ، نە قرايتىدىن نەدە شەخسى مىلاندىن انىبات ايتىمەشلىرىدۇر. دىمىك كە چوچوغىڭ ، طائىلەدن چىقىدىغى زامانىكى حالت معنوىيەسىلە كىندىسىنى اىصال لازىم كىن حالت آراسىندە بويوك برىمسافە واردۇر. آرادەكى يول برىمىلەدە قىطع اولوناماز . بر طاقم متوسط مىرحلەلرە احتىياج واردۇر . ايشىتە مەكتىب مىحيطى آرزو ايدىلەبىلەجىڭ خەد مىتوسطلۇك اك ايسىدىر . بو ، طائىلەدن وكوچوك دوست هىئت اجتماعىيەلرندىن دىھا واسىع برىجمىتىدۇر. قرايتىدىن وسىرىست بر ترجىيىح واتىخابدىن وجودە كەلمەشلىرىدۇر . ياش اعتبارىلە و شىراىط اجتماعىيە خىصوصىندە برىرىنىڭ ھامان ھامان عىنىيە حالەد بولونان چوچوقلر آراسىندە نىصادفى و غىرىقابل اجتناب بر ياقلاشمە كىفىتىڭ مىخصولىدىر . بو اعتبار ايلە سىياسى هىئت اجتماعىيە بىكزىر . فقط ، دىكىر طرفدىن ، پىك مىحدود اولدىغى جەھەتە بورادە شەخسى مناسبتلر تاسىس ايدىلەبىلىدۇر . مەكتىب مىحيطى پىك فۇضلىه واسىع بر افق تىشكىل ايتىمىز. چوچوغىڭ شعورى بو افقى قولايلىقلە احاطە ايدەبىلىدۇر . بو نۇقتە نىظردىن طائىلەيە و آرقداش هىئت اجتماعىيەلرىنە ياقلاشىر . مىنفلردە مىشترك حىيات اعتادى ، بر مىنفلە مىربوطىت، ختى مىنفلە برىجزە اولدىغى مەكتىبە مىربوطىت، چوچوقدە تولىد ايتىمىك ايشىتەدىكىمىز دىھا يو كىلىك حىسات اىچون طىبىى بر حاضىرلامە كىفىتى وجودە كىتىدۇر. بو پىك قىمىتدار بر آلتىدركە چوق آز قوللانلىيور . خالىبو كە غايت عىظىم خىدمىتىر اىفا ايدە بىلىدۇر .

بو فائىيە و مىصول اىچون مەكتىبىدىن استفادە ايتىمىك پىك طىبىى برىخالىدۇر. چونىكە مەكتىب هىئت اجتماعىيەسى تىشكىل ايدىن كىنچىلە آز چوق مىشابه كىنچىلر زمىرەلرىدركە طائىلەدن دىھا واسىع هىئت اجتماعىيەلر كە تىشكىلە امكان تامين ايتىمىشلىرىدۇر. حىوانات آراسىندە ، موسىو اسىپىناسك اثبات ايتىدىكى و جەھەل ، حىاتلرىنىڭ بر دورە مىندە ياورولر آرتق طائىلە هىئت اجتماعىيەسىلە هېچ مىناسبتى بولونمايان يىكى جنس بر طاقم هىئت اجتماعىيەلر تىشكىل ايتىمىك اوزرە ابونىلرندىن آيرىلماستىلردى قوشلر وممىلى حىواناتلر قىبىلەلرى تىشكىل ايدە مىزدى . فى الحقىقە ، نىزدە طائىلە.

افرادینی کندی زدند آلبو یارسه قولایلقه کندی کندیسنه کافی کلیر . بونک نتیجه سی اولارق ، هر خصوصی مائه کندیسنه خاص ، مستقل و مختار بر حیات سورمکه ، تأمین غذا و حیات دهاقولایلقه موفق اولایلمک اوزره دیگر مائه لردن تجرد ایتمه میل کوستریر . بو شرائط داخلنده ، دها واسع و باشقه نوعدن بر هیئت اجتماعیه نك تشکلی ایده بيلمه سی غیر قابل اولدینی آشکاردر . کوچوک کوچوک قوملر (Peuplade) ، آنجق یکی نسللرک ، بر کره بویونجه ، مائه قادر و سندن خارجه چیقارق یکی جنسندن جماعتجه مشترک بر حیات سورمکه باشلادقلری یرلرده وجوده کله یلیر . کذلک ، تا بدایتده آشاغی درجه ده بولونان انسان هیئت اجتماعیلری ، اک حقیر شکلری آلتیده متعدد مائهلری احتوا ایتسه لر بيله ، یالکزر او خلقنه منحصر دکدرلر . بوده ، بوراده تعمیقه لزوم اولمایان بر طاقم احوال و شرائط تأثیر بيله چوجوقلرک تربیه اخلاقیه لریک هر اوجین طرفندن آیری آیری کندی چوجوقلریه و یرلک صورت بيله تأمین ایدیلیره ک ، سمیه نك اختیارلری طرفندن جماعتجه مشترک بر صورتده عینی بر نسل افرادی نه اعطا اولونماسندن نشئت ایله مشدر . اختیارلر ، معین بر پاشه کلش اولان کنجلیر طوبلایه برق اولنری هپ بردن اعتقادات دینییه ، آیدلره ، عنعنلره ، حاصلی زمره نك فکری و اخلاقی میراثی تشکیلی ایدن شیلره آکام ایدرلر . ایشته بو صورتله ، مائه خارچنده کی هیئت اجتماعیلر آنجق قرابت رابطه سنه کوره دکل ، یاش اعتبارینه کوره تشکلی اتمش خصوصی زمره لر حالنده کنجلیرک بر آرایه طوبلایماسی قابل اولمق سایه سنده وجود بولایلمشلر و دوام ایتشلردر . ایشته مکتبده بوجنسندن بر زمره در . افرادی عینی پر نسیپه کوره طوبلاینیر . اودرجه ده که ، ابتدائی هیئت اجتماعیلرده مشاهده ایدیلن و اختیارلرک تحت اداره و تعلیمه مودوع بولونان کنجلیردن مرکب جمیتلر حقیقی مکتب هیئت اجتماعیلریدرلر ، مکتبک ایلمک شکلی کی تلقی اولونایلیرلر . مکتبندن ، چوجوقلری مائه حیانتندن ده یوکسک بر حیات اجتماعیه حاضر لایمینی طلب ایتمه که دیمک که ماهیتنه نوافق ایتمه چک برشی بکله ور دکلز .

فقط ، مکتبک رولی بالخاصه مهم والزم بر یروارسه اوده بزم مملکت مزدر . بو خصوصه بر غایت خصوصی شرائط داخلنده بولونیورزکه بولنری تقدیر ایتک لازمدر . فی الحقیقه ، احوالده یزکه ، مکتب بر طرف ایدیله چک اولورسه ، بزده مائه ایله دوان آراسنده متوسط هیچ بر هیئت اجتماعیه یعنی صنعی و صرف ظواهره منحصر بر حیات ایله یاشامیان هیچ بر هیئت اجتماعیه موجود دکدر . و قتیله ، مائه هیئت اجتماعیه سیله سیاسی هیئت اجتماعیه

آراسنده طبقه طبقه اخذ موقع ایدن و حیاتلرینه هرکس طرفندن ضروری صورتده اشتراك اولونان ولایتلر ، ناحیهلر ، اصناف هیئتلری کبی زمره لر یا تماماً الفا اولونمشلردر ، یاخود پک سونوک برحاله دوشمشلردر . ولایتلر و اصناف هیئتلری آرتق برر خاطر مدن عبارتدرلر . ناحیه حیاتی فقیرلشمشدر . مفکره لرمزده آرتق پک ایکنجی درجه ده بر موقع اشغال ایتمکدر . بو وضعیت سبیلری بوکون پک اعلا معلومدر . دها حکمدارلق اداره سی ، مملکتک سیاسی و معنوی وحدتی ساحه فعله ایصال ایده بیلیمک ایچون محلی خصوصیتلر شکلرینک کافه سنه علیهدار بولونمشدی . حکمدارلق اداره سی ناحیه لره و ولایتلرک مختاریتی تنقیصه ، شخصیت معنویه لرینی ضعیفلاتمه چالیشمشدی . مقصده بوپوک فرانسه شخصیت مشترک سی ایچنده کنیدیلرینی دها قولای ، دها تام بر صورتده اریتوب برلشدیرمکدن عبارتدی . انقلابده بونقطه ده حکمدارلرک باشلادینی ایشی تعقیب واکالایتدی . انقلاب حرکتک تشکیل ایتدیکی اوپوپوک ملی تمرکز حرکتنه مانع اولان بوتون زمره لر ، جمهوریتک وحدتنه و غیرقابلیت تجزیسنه مانعه احداث ایدن شیلرک کافه سی پارچه لاندی . حتی ، انقلاب آدم لرینی تحریک ایدن روده ، متوسط زمره لره قارشی بوسورتله کیریشیلن مبارزه دن ، بوتون خصوصی جمعیتلره قارشی حقیقی برتباعده ، اعتقاد باطلی آکدیرر بر نفرت حسی پیدا اولدی . ایشه بوندن دولاییدرکه پک یقین زمانلره کلنجه یه قدر حقوقز بوقیل جمعیتلره قارشی آچیقندن آچیفه محاصم داورانیوردی .

حالبوکه بو وضعیت صوک درجه ده وخیم بر بحران تشکیل ایدر . فی الحقیقه ، اخلاقلیق تا منبعنده تأمین ایدیه بیلیمک ایچون ، وطنداشلرده جماعتجه مشترک حیاتدن بر ذوق آله قابلیتی موحود اولمالیدر . چونکه یالکیز بوشروط ایله درکه ، اک برنجی درجه ده اخلاقی غایه لر اولان اوجاعتجه مشترک غایه لره ایجابی وجهله ربط نفس ایده بیله جکلردر . فقط بو ذوق ده آنجق ممکن اولدینی قدرتمادی بر تمرین و تطبیقات سایه سنده اکتساب ایدیه بیلیر وبالخاصه خط حرکتی تعیین وایجاب ایده بیلیمک ایچون کافی قوته بوسایه ده مالک اولابیلیر . جماعتجه مشترک حیاتدن ، آرتق اوندن صرف نظر ایده میه جک درجه ده ذوق آلا بیلیمک مشترک صورتده حرکت و تفکر اعتیادی پیدا ایتیش اولمه متوقفدر . الفت و انسیت قابلیتندن محروم بر انسان ایچون آغیر بر زنجیر تشکیل ایدن بواجتماعی رابطه لری سومکه آلیشمش اولق اقتضا ایدر . مزویانه ، منفردانه حیاتک ذوقلری بالنسبه نه قدر صوغوق ، صولوق اولدینی تجربه ایله اوکرنمش اولق لازمدر . بوراده بوتون بر تشکلات فکریه ،

بر مزاج مسئله سی وارد در که آنحق مکرر تمرینلر سایه سنده تشکلی ایدیه بیلیر ودائی صورتده متیقظ بولوندیلمغه احتیاج کوستیریر . اکبر بالعمکس بز ، اجتماعی بر مخلوق اولمق افعسال واعمالنی اجرایه آنحق پک سیره ک صورتده دعوت ایدیلیرسه ک ، بوشرائط داخلنده آنحق ناتمام صورتده تطابق وتوافق ایدیه بیلجکمز بر حیاته قارشى پک فضله بر ذوق دویمایز غیر قابل اولور . حالبوکه حیات سیاسیه آنحق متقطع بر صورتده اشتراك ایتمه مز او حیاتک ایجاباتندندر . دولت بزدن اوزا قدر ؛ دولته تعلق ایدن ، دولتی متأثر ایله بن وقایع آراسنده آنحق الک مهملری نایزه قدرکه چک عکس ضربله مالک اولابیلیرلر . کمال مراق واحتراض ایله مشغول اولابیلجکمز ، کندیمیزی تماماً ویره بیلجکمز بویوک سیاسی غایله ره مرکون ، هر آن تصادف ایتمه بز . بناء علیه ، عائله استئنا ایدیلک شرطیله ، اشتراك ایدیه بیلجکمز جماعتجه مشترک بر حیات بولونمازسه ، فعالیت بشریه نک علمی ، بدیعی ، مسلی ، الح . بوتون شکللری ایچون ، یعنی وار لغمز ک الک اساسلی جهتلرینی تشکیل ایدن بوتون شیلر ایچون کندی باشمز . حرکت ایتمک اعتیادییه مالک اولورسوق ، اجتماعی مزاجز کندیسینی کوسترمک وانکشافه نائل اولمق فرصتی نادر آ بولور . بناء علیه ، هیچ دکلسه عائله محیطی خارجنده کی حیاته قارشى آز چوق متوهمانه بر ازوا وانفراده میل ایتمه مز غیر قابل اجتناب اولور . فی الحقیقه ملی مزاجزک اوصاف کاشفه ومیزه سندن بری بوجعیتلر عقد ایتمک ، برلشمک روحنک ضعفیدر . متوحشانه بر فردجیلک ایچون بارز بر میلانه مالکیز . بوندن دولای ، مشترک بر حیاتک ایجاب ایتدبکی مجبوریتلر بزه غیر قابل تحمل کورونورلر واو حیات مشترک لزومی آ کلامامزه مانع اولورلر . کندیمیزی بر زنجیر ایله باغلامادن ، اوفالمش برحاله کله دن بر جعیته داخل اولامایزظن ایدهرز . بونک ایچوندرکه ممکن اولدینی قدر آز کیره رز واستکراه ایله کیره رز . بونقطه نظر دن ، آلمان طلبه حیاتی ایله فرانسز طلبه حیاتی مقایسه ایتمک قدر شایان استفاده برشی اولاماز . آلمانیا ده هر شمی مشترکاً یاپیلیر . بر آرا ده شرقی سویله نیر ، بر آرا ده کزمکه کیدیلیر ، بر آرا ده اوینانیر ، بر آرا ده فلسفه ، علم یا خود ادبیات یاپیلیر . فعالیت بشریه نک هر دورلو شکلرینه تقابل ایدن دورلو دورلو جمعیتلر یکدیگر لرینه موازی صورتده ایضای وظیفه ایدرلر . بصورتله ، بر دلیقانی دائماً بر قادرو داخلنده قالیر . جدی مشغله لرینه زمره حالنده حصر حیات ایدر . ینه زمره حالنده دیکله نیر واکله نیر . فرانسه ده ، بالعمکس ، ده پک یقین زمانلره کلنجهیه قدر پرنسب ، ازوا وانفرا د ایدی . مشترک حیات ذوق وجوده کلکه باشلا یورسه ده درین اولمقدن هنوز پک اوزا قدر . حالبوکه بویوک آدملر

حقن‌دهده مسئله کمنجلرده اولدینی کیدر. بر آز میلان که ستردیکمزیکانه اجتماعی مناسبتلر، بئلكمزك آنجق اك سطحی قسملرینی ایشه ادخال ایده بيلمه مزله اکتفا قابل اولایيله جك خارجی مناسبتلردر. بوندن دولاییدرکه بزده سالون حیاتی بو قدر اهمیت وانکشاف کسب ایتشدرد. چونکه، بو، هر شیده رغماً ایجمزده بایدار قالان الفت و انسیت احتیاجنی ینه برشکده تطمین ایتمک یاخود ده دوغروسی آلداتماک بر طرزیدر. مشترک حیاتک بو شکلی آنجق بر او بوندن عبارت اولدینی، جدی حیات ایله مناسبتی بولونمادینی ایچون بوصالون حیاتنده دویولان ممنونیتک پک خیالی برشی اولدینی اثباته حاجت وارمیدر؟

بو وضعیته چارم‌ساز اولق غایت لازم ایهده ماضینک زمرملرینی جانلاندیرمق یاخود اونلره اسکی فعالیتلرینی اعاده ایتک عقله بيله کله مز. چونکه، مادامکه اورتدن قائم‌شلردر، دیمک که جماعتجه مشترک حیاتک یکی شرائطی ایله حائر مناسبت دکلدیلر. یاپئاسی لارم اولان شی شیمدیکي نظام اجتماعی ایله واستناد ایتدیکي پرنسیپلر ایله هم آهنگ بکی زمرملر وجوده کتیرمکه جانیشمقدن عبارتدر. فقط، دیگر طرفدن، بوکا واصل اولماک یکانه چاره‌سی ده تشارک و جمعیت فکیرینی احیا ایتمکه انحصار ایدر. چونکه بو زمرملر زورله تشکیل ایدیله مزلر. بونلرک حقیقی برحیات ایله معمر اولایيلمه‌لری ایچون افکار عمومیه‌نک کنیدیلرینه لزوم کوسترمه‌سی، انسانلرک اوابده بر احتیاج دویمالری، بر زمره تشکیلی ضمننده طوپلانمغه میل کوسترمه‌لری لازمدر. ایشته بوصورتله بردائرة ایچنده محصور قالمشه بکزییورز. چونکه بزده اکسیک اولان بو جمعیتلر، بو اشتراک آنجق تشارک روحی، زمره حسی او یا نیرلرسه وجوده کله بیلیرلر. دیگر طرفندن، بو حسک آنجق تطبیقات و فعلیات سایه‌سنده، اولجه تشکیلی اتمش جمعیتلرک سینه‌سنده اکتساب ایدیله بيله جکینی کوردک. جماعتجه مشترک حیاتی جانلاندیرمائی، مستغرق اولدینی رهاوتدن قورتارمائی آنجق او حیاتی سومک شرطیله عقلمزه کتیرمیلیرز. فقط اونو سومه‌سنی ده آنجق اوحیاتی امرار ایتک سایه‌سنده اوکرمه بیلیرز. بناءً علیه اساساً وار اولماسی لازمدر. ایشته تام بونقطه‌ده مکتبک غایت بویوک بررولی اولابیلیر. چونکه احتمالکه بو دائرة فاسده‌نک ایچندن چیقا بيلمک ایچون یکانه چاره مکتبدر. فی‌الحقیقه، مکتب حقیقی، موجود بر زمرمدر. چوجوق، طبیعی و ضروری صورتده بوزمره‌یه داخلدر. بو، عاقله‌دن آیری برزمرمدر. عاقله‌کی، هرشیدن اول، قبلرک آچیلماسی، حساباتک دوکوله‌سی ایچون یاپلامشدر. مکتب زمره‌سی داخلنده فکری فعالیتک بونون شکللری جنین حالنده

کندیلرینی کوسـتـیرلر . بـنـاء علیـه ، مـکـتـب واسطه سیله چوجوقلری عائله حیاتندن باشقه
 برمشترک حیاته آیلشدیرمق چاره سنه مالکیز . چوجوغه اویله برطاقم اعتیادلر وره ییلیرز که
 بونلر برکرم اکتساب ایدیله جک اولورلر سه مکتب دوره سندن صوکرده ده باقی قالیرلر
 و تطمین ایدیلک ایچون مطالباتده بولونورلر . بـنـاء علیـه ، مـکـتـب دوره سنده قطعی ، مثلی
 بولونماز ، یربـنـه باشقه سی قونمق غیرقابل برآن موجوددر . اوزمان ، تشکیلات اجتماعیه مزک
 نقصانلری ، چوجوغک فطرت و طبیعتنی هنوز اخلال ایتمه ش و حیات مشـترکـیه قسماً
 عاصی بر حاله صوقه جق حساری اونده اویاندرمغه وقت بولامش اولدینی صیراده چوجوق
 بزم المزد دیمکدر . بوهنوز باکر برطوپراقدر . ایسته دیکمز تحملری اورایه اکیلیلر .
 اونلر برکرم کولک صالقدن صوکره کندی کندیلکرندن انکشافه میل ایده جکلردر .
 شهبه سز که تربیه ک بوفالغه چاره ساز اولمغه کافی کله جکنی ، وضع ایدیله جک قانونلر موجبنه
 بعض مؤسسسلر یایمغه لزوم اولمادیغنی ادا ایدیور دکلم . فقط قانونک تأثیری مشمر اولایلمک
 ایچون ، افکار عمومیه استناد ایتمه لی . حقیقهً دویولان احتیاجلر طرفندن طلب اولونمالیدر .
 ایشته بوصورتله ، هر زمان ، چوجوقلرده حس اجتماعی بی تمیه ایچون مکتبدن صرف نظر
 ایدیله سی غیرقابل اولمقله برابر ، بونقطه ده مکتبک هیج بر زمان آزاده قلامایه جنی و طبیعی بر
 وظیفه موجود بولونمقله برابر ، بوکون ، بالخاصه بولوندیغمز مشکل وصعیت دولایسـیه ،
 بومسئله ده مکتبک ایفا ایده سیله جکی خدمت قیاس قبول ایتمه جک درجه ده عظیمدر .

اون آلتنجی درس

مکتب محیطی (مقام)

علملرک تدریسی

صوک درسک نهایتلرنده ، ملی مزاجلرک بر خصوصیتی اولوق اوزره ، جمعیتلر عقد ایتمک فکرینک بزده اوغرادینی ضعفدن بحث ایتمشدم . جماعتجه مشترک حیات ، بزم ایچون پک جانلی بر جاذبه یی حائر دکدر . بز بویله بر حیاتک تحمیل ایتدیکی مجبوریتلری ، حریمزه وضع ایتدیکی قیود تحدیدیه یی پک آغیر بولیورز . بونک نتیجه سی اولارق ، زمهرلره بئلکمزک آنجق اک سطحی قسملرنی صوقارز ، یعنی ، دها دوغروسی ، زمهرلره ممکن اولدینی قدر آز داخل اولورز . حائله ایله دولت آراسنده متوسط زمهرلره قارشى دویدیغمز تساعد حسنک اک اینی دلیل ، یقین وقته کلنجهیه قدر ، بوزمهرلرک تشکلی خصوصنده حقوق قواعدمزک احداث ایتدیکی مانعمرک کثرتیدر . بوصف ، پک درین واوزاق اسباب تاریخیه دن منبعث اولدینی جهتله غایت اساسلی و کولکیدر . فی الحقیقه ، فرانسر حکمدارلغنک ، کندى وارلغنی ورولنی ادراک ایدر ایتمز باشلادینی وفرانسر انقلابنکده تعقیب واکمال ایلدیکی تمرکز ومعنوی توحید حرکتنک بر نتیجه سیدر . فرانسه نک شخصیت معنویه سنه ، کندیسینی تمیز ایدن وحدتی ویره ییلمک ایچون ، ناحیه لر دن ، ولایتلر دن ، اصناف هیئتلر دن عبارت اولان دورلو دورلو آیریلق وخصوصیت شکلری علیه نه مبارزه ایتمک لازم کلدی . شهسزکه مملکتیمزى آوروپاده اک جابلق واک تام صورتده وحدتی بولش بردولت حاله کترین بر حرکت تاریخیهیه اسف ایتمک موضوع بحث اولاماز . چونکه هیئت اجتماعیه لرده ، صورت عمومیه ده ذوی الحیاتلر کبی ، تشکلاتلری نه قدر وحدت حاله کلش اولورسه اوقدرده یوکسلمش بولونورلر . بویله اولقله برابر ، شوراسی ده میدانده درکه اورته دن قالقانلرک یرینه یکی جنس دن بر طاقم زمهرلر قائم اولادن بوتون بواسکی زمهرلرک محو اولماسی اخلاق عمومیه یی اک جانلی منبعلر دن برنده خللدار ایتمشدر . چونکه تحصیل ایدن شرائط دائره سنده ، فعالیت بشریه نک اک باشلی شکلری هر دورلو زمره خارچنده

انكشاف ايتديكى جهته، انسانلر، مشترك برحیات سورمك فرصتی دها نادراله کچیریورلر. حیات مشترک اعتیادی کندیلرنده آز اولونجه اویاتدن خوشلانمهلری ده آز اولاجقدر. مشترك حیاتلر لطافتلری دها آز حس ایدم جکار، آغیرلقلری دها شدید، دها الیم صورتده دویاجقدر. حالبوکه، جماعتجه مشترك غایه لره ربط نفس ایدم یلمك ایچون، هرشیدن اول جماعت حیاتی ذوقته وحسنه مالک اولمه لزوم واردر. انسان کندیسینی برزمره یه ویره یلمك ایچون زمره حالنده حیاتی سومه سی اقتضا ایدر.

معافی، بوقضاتلر ووخامتلك حس وقه دیر اولونماسی تعم ایتمه باشلامشدر. برقاج سنده دن بری متوسط برطاقم جمعیتلرک تشکلی ایتمه لرینه شاهد اولیورز. صنایع وتجارت طالنده سندیهلر، حیات فکریه ده علمی جمعیتلر وقونفرملر، دارالفنون حیاتنده طلبه زمره لری بوسایده وجوده کلیور. حتی بعض جمعیتلر، اورته دن قالمش اولان محلی حیاتلری آز جوق بهوده برامک ایله جانلاندیرمه چالیشیورلر. ناحیه حتی ولایت اساسی اوزرینه مستند برعدم مرکزیدن صبق صبق بحث اولونیور. مع التأسف، بو مختلف تشبثلرک غایت غیر مساوی قیمتلری حقنده بر فکر بیانه قالدیشمقسزین دییه بیلیرزکه بومؤسه لرک قسم اعظمی واضع قانونک اراده سنک کندیلرینه ویردیکی وارلقدن فضله بر واراهه هان هان مالک دکدرلر. هنوز اخلاق وعاداتزه پک درین برصورتده کیرمه مشلدر. بونلر، جوق کره، قسم اعظمی اعتباریله خارجی برطاقم ترتیباتدن عبارت قالیورلر. بوباده حس ایتدیکمز احتیاجه برشهادت تشکیل ایدیورلر، فقط شدتلی وقوتلی برحیات ایله یاشامایورلر. فی الحقیقه، بونلرک ذی حیات بررشأیت حالنه کله بیلیمه لری آنجق افکار عمومی طر فندن ایسته نمه لرینه، لزوم کوسترلرینه وابسته در. یعنی، جمعیتلر یایمق روحی، یالکیز بعض منور محافله دکل خلقلک درین کتله لرنده بر آز قوتلنمک ایستر. ایشته، صوک درسده بحث استدیکم کی، بونقطه ده ظاهراً بدائرة ایچنده محصور کی کورونیورز. چونکه، بر طرفدن جمعیتلر، آنجق جمعیت روحی او یانیرسه وجود بولایلرلر. حالبوکه بوروح، آنجق اساساً موجود جمعیتلر داخلنده اویانق قابلدیر. بودائرة دن چیقمانک یکانه چاره سی، جوجوغی طائله سندن آیریلوبده مکتبه کیردیکی ائاده یاقه لامق واونده جماعتجه مشترك حیات ذوقنی او یاندیرمقدر. چونکه، مکتب بر هیئت اجتماعیه در، طبیعی برزمره در. حتی، اطرافنده، مشتق زمره لر شکلنده دورلو دورلو شعبه لر تشکانه ده امکان تأمین ایدم بیلیر. اگر جوجوق بوآن قطعه ده حیات اجتماعیه جریاننک ایچنه سور وکله نه جک اولورسه، آرتق بوتون حیاتی مدنجه بویه براسقامت تعقیب ایتمه سی

احتمالی وارد. جوجوق اوزمان، فعاليتك مختلف شكللريني زمره حالنده اظهار اعتيادي آلاچق اولورسه مكتبدن صوكره كي حياتدهده بوني محافظه ايدم جكدرد. او وقت، واضع قانونك تشبث وحركتي حقيقه مشر اولابيلير. چونكه، تربيتك حاضرلاديني برزمين اوزرينه مصروف اولش اولور. ايسته بوكون مكتبه تماماً استثنائي براهميت اجتماعيه ويرن كيفيت بودر. ايسته بونك ايچوندركه افكار عموميه معلملردن پك جوق شي بلكه پور. بو، يالكز معلمك تامين ايدم بيله جي تهذيب فكريدن دولاي دكدرد. افكار عموميه بر حس قبل الوقوع ايله آكلانوركه جوجوغل اوزرنده باشقه هيچ بر شيدك يريني طوتامه ينجي بر نفوذ وتأثير اجرا ايتك ايچون مكتب زماني مثلي بولونماز بر فرصت تشكيل ايدر.

بوانتظاري بوشه چيقار ماق ايچون مكتب ناصل اولمايدير؟ صنف ناصل اولمق لازم كلير؟ بوتون مسئله، عيني بر صنفه داخل بوتون جوجوقلر وجوده كتيرمش اولدقلري جمعيتدن استفاده ايله اونلره، آليشقين بولوندقلري حيات مشتركدن دها واسع ودها غير شخصي بر جماعت حيات مشتركسي ذوقني ويره بيلمكدن عبارتدر. بونده كي مشكلات ايسه هيچ غير قابل اقتحام دكدرد. چونكه، حقيقتده، كنج ياشدن اعتبار آ آليشمش اولمق شرطيله، جماعته مشترك بر حيات قدر خوش بر شي يوقدر. في الحقيقه بويله بر حيات هر فردك قوه حياتيه سني آرتيرمق كي بر نتيجه توليد ايدر. انسان، كنديسني يابه يالكز حس ايتزه نفسه قارشى جوق اعتماد بسلر، كنديسني دها جوق قوتلي كورور. هر مشترك حياتده قلمي ايصيدان، اراده ي تقويه ايدن آتشين بر شي وارد. ديني اقليتلر، قوتلي صورته متجانس بر زمره نك كندى اعضالرينه ويرديكي او شدت حيات، او سجيّه متانتنه پك شايدان دقت بر مثال تشكيل ايدرلر. زده بر مذهب اقليته ايسه، محيطك خصوصته ياخود بدخواهلفنه قارشى مبارزه ايدم بيلمك ايچون كندى كنديسنك اوزرنده طوپلانغه مجبور اولور. او مذهب مؤمنلري آراسنده بوراده تشكّل ايدن تساند رابطه لري او مذهبك آرتق خارجي مقاوملردن آزاده قالارق كال سربستي ايله انبساط ايدم بيله جي يرلرده كي رابطه لردن جوق ضعيفدرلر. اوندن دولاي، او خارجي مقاومتلر اورتدن قالديني موقعلرده اجتماعي شبكه نك نسجي كهوشر. حالبوكه، بو مترايد تركز كيفيتدن بر اطمئشان وفرحلق حسى، بيله م ناصل حيات بخش بر شي چيقار و حياتك مشكلاتنه قارتنى بر مظاهرت وجوده كتيرر. بونك ايچوندركه بر مذهب ديني ايجده اتحار تمايلاقي، او مذهب بر ملكتنك اكثري ياخود اقليتي طرفدن قبول ايديلش اولماسنه كوره، جوق ياخود آزدرد.

« بن » ديهك یرده « بز » ديمكده بر حظ واردر . چونكه « بز » ديمك حقی حائر اولان بر كيمسه ، آرقه سنده بر شی ، بر استنادكاه ، اعتماد ایدیه بیله جکی بر قوت حس ایدر . بو ایسه ، منفرد فردلرك مالك اولایه جكارى قوتدن چوق فضله و شدیددر . نه قدر امنیت و اطمینان ایله « بز » ديه بیلیرسه كه بو حظده او نسبتده زیاده لیشیر . چوجوغه بو ذوقی طانديرمق ، اوکا بوبابده بر احتیاج ویرمك كیفیتی موضوع بحثدر . چوجوق بو نقطه نظرده ، بوكا بویوك آداملردن زیاده قابیلی اولدینی ایچون مقصد قولایلقه تأمین ایدیه بیلیر . فی الحقیقه ، مشترك بر شعور سینه سنده مختلف شعورلرك بو امتزاجه ، بو اشتراكنه اك بویوك مانعه ، فردلرك شخصیتلیردر . بو شخصیت نه قدر چوق بارز اولورسه ، محیطی نه قدر واضح صورته تقرر ایتش بولونورسه كندی كندیسندن غیری بر شيتك ایچنده أریوب كیمه سی او قدر زور اولور . « بز » ديمكده بر ذوق دویار بيلمك ایچون « بن » ديمكده میل ایتك ایچون بر چوق سبیلر اولمالیدر . خصوصی شعورلرك فردیتلری بارز اولدقلری نسبتده آنجق پك كرفت بر تساند دائره امكانده اولاییلیر . بو ، اجزائك هر برینه مختاریت و استقلالنی برافقله برابر ، كلك مختلف اجزائی یكدیكرینه ربط ایدیه بيلمك اوزره اولدقجه ماهرانه بر تشکیلاته احتیاج کوستیرر . بو ضد ضرورت و ایجابلرك ناصل تألیف ایدیه بیله جكارینی بوراده آرشدیراجق دكلز . مسئله نك زور اولدقنی حس ایتمه مز کافیدر . فقط ، چوجوغه كلنجه ، اوراده مشكلات یوقدر . چونكه وقتیه اولدینی کبی بو کونده ، باشی حسیله آنجق مبهم و سیال بر شخصیته مالکدر . فردك اوصاف کاشفه سی کلوبده كندیسنده نوعك اوصاف عمومیه سنی ستر ایتمه مشدر . مشترك حیات ، چوجوقدن فردیتك فداسنی طلب ایتمز . اوکا ، ایسته دیکسندن فضله سنی ویرر ، بناء علیه ، بو مشترك حیات چوجوق ایچون دهها جاذبه داردر . عائله سی ایچنده یالکز ناشنه بو یوتلدكدن صوكره ایلک دفعه اولارق جانلی وائی تشکیلاتلی بر صنفه کیرن بر چوجوقده حصوله كلن معنوی استحاله نی کوز اوکنه کتیرمك بوبابده بر قناعت پیدا ایتك ایچون کافیدر . چوجوق تماماً دكیشمش بر حاله کلیر . باشك دوروشی ، جهرنك جانلیلی ، سوز سوله مه نك سرعتی یاخود حرارتی ، عمومی بر نوع تهیج ، چوجوغك ایلک دفعه اولارق یکی و او وقته قدر بیلدیکندن دهها شدتلی بر حیات یاشادیغنه و بوندن و ممنون اولدیغنه شهادت ایدر . چونكه چوجوق آرتق یالکز كندی قدرته استناد ایتمه مکده در ؛ اونك كندی قوتلرینه مكتب محیطندن كلن باشقه قوتلرده انضمام ایتشلردر ؛

جماعتجه مشترك بر حیاتدن حصه دار اولمقددر . ایشته بوندن بوتون وارلغنده عمومی بر یوکسلمه نتیجه سی حاصل اولور (چوجو غك ، حیاتی قازارتمنی کندینه وظیفه ایده جك بر معلمه تصادف ائمه مش اولدیغنی فرض اییدیورم . آشاغیده بوموضوعه عودت ایده جكم). فقط بویله اولابیلک ایچون ، صنفده حقیقه جماعتجه مشترك بر حیات بولونق لازمدر . بناءً علیه ، معلم ، بوتون قوتیله بو حیاتی تولید صرف غیرت ایتلیدر . صنف ، صنف روحی ، صنف شرف و ناموسی ، مفکره لر ایچون برر مجرد افادادن باشقه برشی حالنه گلش اولق لازمدر . هرکس بیلیرکه ، هیچ کیمسه مداخله ائمه دن ، کندی کندیلکندن هرصنفک بر سیماهی مخصوصی ، بر طرز مخصوصی ، بر طرز حس و تفکری ، بر مزاج خصوصیتی واردرکه هرسته بوکندیسی محافظه ایدر . صنفده شخصی بروجوددر ، حقیقی بر فرددر . اودرجه ده که هوتی برقاج سنه فاصله ایله بیله طائنه بیلیر . برصنف حقنده اینی یاخود فنا ، اینی بر روحه و یا فنا بر روحه مالک ، غلیانی و جانی یاخود که و شک و مستغرق رخاوت دنیلیدیکی زمان ، جماعتجه مشترك فردیت حقنده بر حکم و بریلور ، اوفر دیت توصیف اولونیور دیمکدر . برصنفک اوصافی تشکیل ایدن شی نه شرائط داخلنده طوبلاندیغیدر ، آز جوق عظیم اخلاقی و فکری تجانسیدر . برصنف ، کندیسی تشکیل ایدن عنصر لر عینی بر منشادن چیقدقلرینه یاخود ، بالعکس ، متضاد منشالردن کلدکارینه کوره بوون بوتون باشقه دورلو اولور (مثال : ابتدائی حساب صنفلری) . فقط کندی باشنه حصوله کلن ، بریره جمع اولونان چوجو قکر آراسنده کی تعاطی افکار و حسیاتدن چیقان بوجامت حیاتی تصادفک محصولیدر . فنا حسیاتلر آراسنده کی اشتراکدن انبعاث ایتدیکی قدر دوغرو فکریلرک وایی اعتیادلرک اشتراکندن ده نشئت ایده بیلیر . بونی طبیعی اولاجق صورتده سوق و اداره ایتک معلمه ترب ایدر . بونک ایچون نه یاپمالی ؟

هیچ شبهه یوق که ، بر آزار اول سوبله دیکمز سوزلردن آکلاشیلاجنی اوزره ، برصنفک ایسته نیلیدیکی طرزده صوقولایله جکنه ، ایسته نیلیدیکی وجهله بر خور کی یو رولایله جکنه احتمال ویرمکدن حذر ایتلیدر . برقرال برملتک روحنی ناصل کندیسی و . ه کتیره مزسه بر معلمده صنفه بیلیدیکی کی برووح ویره مز . یوقاریده کوستردیکمز وجهله ، برصنفک اوصافی قسم آ اونک طرز تشکیلی تعیین وایجاب ایدر . اونک ایچون ، برملک الندن کچن هرصنف اونک تمفاسنی حامل اولقله برابر یکدیگرکندن ده فرقلی بولونورلر . بناءً علیه هیچ یوقدن خلق ایدیله مه یه جك ، یرینه هیچ برشی اقامه ایدیله مه یه جك فوری قوجه

بر حیات مشترك موجوددر . معلمك رولى ، بويله تحديد ايديلمكله برابر ينه ايجه مهم اولان رولى ، اوحیات مشتركى سوق و اداره ايتمكدن عبارتدر . معلمك تأثيرى ، بالخاصه ، مشترك افكار و حسیاتك سربستجه وجوده كلهيله جكي احوال و شرائطى تكثیر ايتمكدن ، بونك محصوللرینی میدانه چیقارارق تنظیم و تثبیت ايله مكدن عبارتدر . فنا حسلرك سرائقه مانع اولمق ، بونلك افاده لرینه میدان ویرمه مك ، دیگر حسلری حائر اولدینی بوتون سلطه سنك قوتيله تقویه ایتك ، بوايى حسلرك تثبیت ایدیلش بر حاله كچه لری ، بر عنفه وجوده كتبرمه لری ایچون مكتب حیاتك بوتون حادثاتندن استفاده ايله اونلری او یایدیرمق : ایشه معلمك انده بولونان اجرای تأثیر واسطه لری . حاصلی ، معلم عبنی بر صنفك بوتون طلبه لرینی مشترك بر حرکت ايله هپ بردن اهتزازه كتیره بيله جك شیلرك كافه سنه كوزلرینی دیگرلك اونلری بکكر بروضعیتده بولونمق لازمدر . بونتیجه یی استحصال ایچون ایجاب ایدن مساعد شرائطه كننجه ، معلم بر آرز آرایه جق اولورسه اونلری بول بول بولور . مثلاً ، موثر بر حكاية اوقونمق صورتيله بوتون صنف مشترك بر هیجان ایچنده قالمشدر ؛ یاخود ، قیمت اخلاقیه سی ، شمول اجتماعیی حقنده هپ برلكده مناقشه یوروتولن بر شخصیت یاخود بر يوم تاریخی مناسبیله بر حکم ویرلمشدر ؛ یاخود مشترك حیاتك بیک دورلو وقعه لرندن بری ، ارتکاب ایدیلن بر قباحه ، ایشله ن شایان تقدیر بر حرکت بر تقبیح و یا تقدیر حسی او یایدیرمشدر . ایشه بوتون بونلر معلم ایچون او آرانان شرائطی تشکیل ایدرلر . صنفی ، كندی افرادینك خط حرکتلری حقنده حکم ویره جك بر نوع محكمه حالته كتبرمك بيله تكلیف ارلومشدر كه معلم بوراده یالكنز ریاست وظیفه سنی ایفا ایدمكچكدر . صنفك حیات معنویه سنده معلمك ایفا ایتمه سی لازم كلن فائق و حاكم رول ايله بو فكر غیرقابل تالیفدر . فقط ، دیگر طرفدن ، بر صنفده عدالت یالكنز معلم طرفندن ایفا ایدیلبرده افكار عمومیه كندیسیله متحد بولونمازسه او صنف ، حسیات عمومیه نك تقبیح ایتدیكى جرملر حقنده حاكملری محكومیت قرارى ویرن بر هیئت اجتماعیه بکزر . بو قبیل قرارلر سلطه سز و تأثیرسز اولورلر . بناء علیه معلم ، كرك جزا كرك مكافات ویردیكى وقت ، صنفی ، اعطا ایتدیكى بو حكمه اشراك ایتدیرمك یولنى بیلمه سی ایجاب ایدر . صنفك جماعتجه مشترك حیاتك منبعلری نه قدر متعدد اولدینی كورولور . فقط ، بو كوچوك محیط ایچنده پایلان دورلو دورلو هیجانلر ، كندیلرندن هیچ بریز براقفسزین بر آن صوكره اورته دن غائب اولاجق اولورلر ، بو مشترك حیات بك قارمه قاریشیق ،

غیر ثابت بر شکله کبر، چو جو غی قوتلی صورتده پنجه سنه آلاماز . بونک ایچوندرکه صنفک جماعتجه مشترک حسیاتنک ، کچیجی انطباعات حالده ، چو جو قنرله رابطه سز و فرداسز قالماسی مناسبدر . بوحسیاتدن دواملی و کندیلرینی خاطر لاته جق برشی قالماسی لازمدر . بر تاریخی حکایه نك یاخود مکتبه کی وقعه نك او یاندر دینی فکر لر ایچنده دائماً ، اویصوصی وقعه نك دائره شمولندن خارجه طاشسان برشی بولونور . بوندن استخراج ایدیه جك بر عمومی نتیجه اولور . ایشته اونیجه یی استخراج و تثبیت ایملی . بوشرط ایله جو جو ق یالکز آری آری بر طاقم حادثات سلسله سی دکل وحدته مالک متادی بر حیات بولوندینی حسنه مالک اولور . عینی زمانده ، استقبالده ، جماعتجه مشترک صورتده یاپیش خط حرکت نمونه لرینه یاخود افکار و مطالعات نمونه لرینه توفیق حرکت ایتک کی اجتماعی نقطه نظر دن غایت حائز قوت بر اعتیاد کسب ایدر . ایشته بوسورتله ، بویوک آدم لک جمعیتلرنده ، جماعتجه مشترک حسلر خلق ضرب مثللری ، جل حکمی و سائر شکنده تبلر ایلر لر . کذلک ، هر صنفک ، هر کونکی حیاتی ائناسنده یاپیش بر مجموعه احکامی بولونمالیدر . بو ، جماعتجه مشترک تجربه لرینک متکشف بر خلاصه سی مقامنده اولاجقدر . بودستور لک طرز افاده سنده معلک و صنفک روحی پک طبیعی صورتده کندیلرینی بللی ایدر . ناصلکه بر قومک روحی ده حقوننده ، مألوف اولدینی احکامده ، ضرب مثللرنده ، الخ . کندیسینی کوستریر .

چو جو قنده تساند حسیاتی او یاندر مغه عینی وجهله یاردیم ایدیه جك دیگر بر واسطه ده جماعتجه مشترک جزا و مکافات لک غایت معتدل و معقول بر طرزده استعمالیدر . بویله برسوز ، واقعا ، بعض افکار باطله ایله چارپشیر . هر دورلو مسئولیتک همه حال فردی اولماسی لازم کله جکی محقق بر کیفیت کی کورونور . فقط صبقی صورتده فردی بر مسئولیت ، آنجق فرد یاپدینی حرکتک تماماً و یالکز باشنه فاعلی اولق شرطیله محقدر . حالبوکه ، فعلیاتده ، منسوب اولدیغمز جماعتک بزم بوتون یاپدیلریمزدن آرزو ق حصه سی بولونماسی ، بناء علیه ، مسئولیت مزه اشتراک ایتمه سی همان همان محالدر . بزم نه مزاجمز ، نه تربیه واسطه سیله آلدیغمز فکر لر و اعتیادلر شخصی بر اثر مز دکلدر لر . بناء علیه ، جماعتجه مشترک مسئولیتک اورته دن قالمش اولماسی و آنجق بر دها عودت ایتمه جك دوره لک خاطر مسی کی تلقی ایدیه بیلیمه سی چوق اوزا قدر . بالعمکس ، افرادینک اخلاق لیلقلرنده کندیسنه عاڈ اولان حصه یی جماعتک ادراک ایتمه سی حائز اهمیتدر . ایشته ، سیویل هیئت اجتماعی حقنده دوغرو اولان بو کیفیت عیناً بر صنفده قابل تطبیقدر . حتی ، مکتب هیئت

اجتماعیه سنک کو چوکلکی و بوندن تولد ایدن یا قلاشمه و بو یا قلاشمه اوزرینه هر چو جوق عموم هیئت مجموعه کی تلقی ایدیه بیلجه حاله کلمه سی نتیجه سنده ، اجتماعی سرایت حادثه لری اوراده ده اقولای کییدر . بناء علیه ، جماعتجه مشترک مسئولیتک اهمیت باشقه برلرده کندن ده افضله در . مکتبلرده بر جوق قباحتر یا خود مزیتلر واردرکه صورت مخصوصه ده هیچ بر کیمسه یه قابل عطف اولمایه جق عمومی بر حالتدن انبعاث ایدرلر . بعض کره ، بر صنفده مشترک بر غلیان کورولورکه هر دورلو انضباطه قارشى جماعتجه مشترک بر تحملسزلك تولید ایلر . جوق کره ، بو تحملسزلك ، اونى تولید اک آرز سبب اولمش اولانلرده کندیسنى کوزه چار په جق بر صورتده کوستیرر . حالبوکه اصل تشبث کندیلرندن کلمه مکه برابر ، تمایل ، بونلرک ایچنده انعکاس ایتمکه بویور ، افراطه قاچار . اک قباحتلیر بونلر اولمادقلری حالده جزایه اک جوق بونلر معروض قالیرلر . بونک عکسی اولارق ، بر سخت اخلاقیه هوای عمومیسى واردرکه اینی شا کردلر وجوده کتیرمک خصوصنده یاردیمی دو قونور . بونک بوتون مزیتی بالذات طلبه لرک دکلدیر . هرکس بونده حصه داردر . حاصلی جماعتجه مشترک قوه تأییدیه لره ، طبیعی صورته ، صنفک حیاتنده مهم بر موقعی حائزدرلر دیمک اولیور . ایشه چو جوقلره کندیلرینی آرقداشلرینه ربط ایدن تساندحسنی ، مشترک حیات حسنی ویرمک ایچون بوندن ده ا قوتلی بر واسطه نه اولابیلیر ؟ فی الحقیقه ، چو جوقلره هر فردک قیمتی عمومک قیمتک بر وظیفه سی [افعوله] اولدیغی ، بزم افعال و اعمالزک ، شخصیتزک دائره سنى تجاوز ایدن هم سبیلری هم نتیجه لری بولوندیغی حس ایتدیرمک قدر اونلری اودار فردی تحیل کلرندن چکوب چیقارمفه خدمت ایدیه بیلجه برشى یوقدر . کندی کندیمزه کافی کلن بر کل تشکیل ایتمه دیکمزی ، بزى احاطه ایدن ، ایچمزه نفوذ ایله ین ، بزى کندیسنه تابع بولوندیران برکک جزئى وجوده کتیردیکمزی بزه بوندن اینی هیچ برشى حس ایتدیره مز . فقط ، بو پرنسیپ بر کره قبول اولوندقدن صوکره اولچو وتمیز ایله تطبیق ایدیلکه احتیاج کوستیرر . هر فردى قباحث ایچون مسئولیتی مجرم ایله صنف آراسنده تقسیم ایتمک موضوع بحث اولاماز . جماعتجه مشترک مسئولیت ، یالکیز باشنه نظر اعتباره آلان وسائرلرندن تفریق و تجرید ایدیلن هر خصوصى فعل و عملده پک کوچوک بر شیئه انحصار ایدر . بو ، حقیقی تأثیرى آنجق معین بر زمان دوره سی ائاسنده عموم طرفندن ایفا ایدیلش افعال و اعمالک هیئت مجموعه سنده ، صنفک عمومی حال و طورنده حس ایتدیرر . بوباده بر حکم ویره بیلیمک ایچون ، منتظم فاصله لرله ، تعبیر جائز ایه ، فلان یا خود فلان

طلبه‌نك دگل هیئت مجموعه‌سیله نظر اعتباره آلمان بوتون صنفك اخلاقی بی‌انجوسنی یا‌مق، صنف حقنده هیئت عمومیه‌سیله بر حکم ویرمك و بو حکمه معین قوای تأییدی‌بی ربط ایتمك لازمدر . مثلاً ، هر هفته ، یا‌پیلان ای و فنا شیرك بر جدولی تنظیم اولونور، کونی کونه قید اولونان نوطلر و ملاحظه‌لر نظر اعتباره آلیئر و بو خلاصه‌دن چیقاجق انطباعه کوره ، بوتون صنفه فلان یاخود فلان مکافات ویریلیر ، یاخود دریغ اولونورکه بوده خوشلرینه کیدن بر او یوندن ، فضله بر تنفسدن ، بر حکایه قرائتندن ، بر تزه‌دن عبارت، اولابیلیر . مکافات عمومه عائد اولور، چونکه عموم طرفندن اوکا کسب استحقاق ایدیلشدر، بونده فردیت فرقی کوزمه‌تلز . بو تقدیر کیفیتك اجرایی ایچون تعقیب اولونا‌جق قاعده‌لرک تفرعاتی ، مشترك قباحتلرک و خامتنه یاخود شایان تقدیر حرکتلرک اهمیتنه وصیق صیق وقوعه کله‌لرینه نه اولجو تطبیق ایدیله‌جکنی بوراده تعمیق و تحلیل ایتمه‌یورم . بونلر ، تطبیقاتك قولایجه حل ایده‌جکی مسئله‌لردر . مهم اولان جهت ، چوجوغك ، یولك هر نقطه‌سنده کندیسك عموم ایچون و عمومك کندیبی ایچون چالیشدیغنی کوزلجه حس ایتسیدر . احوال و شرائطه کوره ایسته‌نلدیگی کبی اعطا و یا دریغ اولونایان بوجاعتجه مشترك مکافاتلرک موجودیتی ، بعضاً معلمك وجداتی مشکلاته اوغرا‌تمقدن خالی قالمایان مسئله‌ مشكله‌بی حله یاردیم ایدر : تك بر چوجوغك قباحتی یوزندن ، حقیقی مجرم کندینی بالی ایتمه‌دیگی زمان ، بوتون صنفه جزا و یرمه‌لی می یوقسه بوندن واز کچمه‌لی می ؟ قباحتی جزائز برافق وخیم برشیدر . معصوملره جزا و یرمكده پك ظالمانه برحرکندر . حالبوکه ، آنجق هرشی طبیعی بر صورتده جریان ایندیگی وقت حکمت وجودی تحقق ایده‌جك بر لطفی بخش ایتمه‌ك قدر طبیعی بر حرکت اولاماز . مشترك بر مکافاتدن محرومیت ، فاعل‌لری مجهول قالش جرملر ایچون اك ای بر قوه تأییدیه تشکیل ایدر . مشترك حسلر ، مشترك فکرلر ، مشترك بر مسئولیت : ایسته‌ صنفك جماعتجه مشترك حیاتی تقویه ایتمه‌ك کافی خصوصات . فقط ، بر صنف ، عینی یا‌شده ، عینی نسله منسوب چوجوقلردن مرکب بر زمره‌در . هیئت اجتماعیه ایسه دائماً سینه‌سنده بربری اوزرینه موضوع و یکدیگرینه مربوط متعدد نسل‌لری احتوا ایدر . حیانه‌کیردیگمز وقت ، اطرافزده ، بزدن اولکیلرک قبول و اجرا ایتمکده اولدقلری بر طاقم فکرلر ، اعتقادلر ، اصول و عادت‌لر هیئت مجموعه‌لری بولورز که بویوکارمزک میراثیدرلر . بونلر بزم فردی حیاتمز مدتجه‌ده همان همان هیچ دکیشمه‌یه‌جکلردر . بونلر واسطه‌سیله ، یا‌لکمز

معاصر لریمزه دکل سلفلرمزمده مربوط اولورز . بوسورتله ، زم اوستمزده غیر شخصی بر قوت بولوندیغی ، بزدها دوغماندن بونك تشكلی ایتدیکی ، بز اولدکدن صوکرده باقی قانه جنی ، بوقوتك اوزرمزمده اجرای تأثیر ایله مکده اولدیغی حسنه مالک اولورز . ایشته بوقوت ، هیئت اجتماعیه در . نسللری بر برینه باغلایان ، اولنری عینی بروجودك یعنی جماعتجه مشترک وارلنك انكشافك متعاقب صفحه لری حالته کتیرن بورا بطله حسی اولماسه ، اجتماعی تساند پك اساسسز رشى اولوردی . چونکه بالکیز بر انسان حیاتی قدر دوام ایتمه سی محقق کوروله بیلیردی ، هر یکی نسلده یکی باشند وجوده کلمه سی ایجاب ایدردی . بناء علیه چوجو غكده صنفه کبررکن ، منسوب اولدیغی زمهرنك بردن بره وجود بولمادیغی ، اولدن تشكلی ایتیش اولان ، تاریخ وجودی درسارک باشلادیغی زماندن یوقاریلره چیقان منوی بر محیطه کیردیکی حس ایتمه سی پك اینی اولور . بوغایه یی تأمین ایچون ، هر صنفك اسکی نسللردن بعضی خاطرلر محافظه ایتمه سی فائده ویره بیلیر . اسکی طلبه لر طرفندن پاپلش اك اینی وظیفه لری احتوا ایدن شرف دفترلری ، حالی ماضیه ربط ایچون برواسطه تشکیل ایدم بیلیر . اولکی سنه لرده ، صنفك حیاتنده مهم برموقع اشغال ایدن بوتون حادثه لر ، اینی حرکتلر ، فوق العاده مکافاتلر ، امتثنائی اککنجه لر ، الخ . ده بردفتره قید اولونا بیلیر . حاصلی ، هر صنفك بر تاریخی اولماسی و بوتاریخك اوکا بر ماضیه مالک اولدیغی اوکرتمه سی و اوماضی بی بیلدیرمه سی لازمدر . عینی سبیدن دولای ، هر معلمك کندیسنه یکی کلن صنفده ، اولکی سنه ندرده کچمش اولان وقایعی بیلیمه سی ، او صنفك تاریخنه واقف بولونماسی ، طلبه لری و مکتب حیاتلرینك باشلیجه وقعهلری حقنده بی خبر قالماسی ایجاب ایدر . بوشرط ایله ، چوجوق هر سنه نهایتنده قیریلان بر رابطه ، هر سنه ابتدا سننده یکی وجود بولان فقط اوده آنجق موقت بر مدت دوام ایده جك اولان بر رابطه حسنه مالک اولماز . بوتون مکتبک ، بوتون کچدیکی صنفلرک ، متادی برکل تشکیل ایتدیکی ، هپ عینی محیط معنوی بی وجوده کتیردیکی آکلار . اطرافنی دها چوق محاط ، کندیسنی دها چوق نائل مظاهرت کورور . تساند حسی بوسورتله تقویه ایدیلیر . واقعا ، مکتب حیاتنك بر فیصل وجوده کتیرمه سنه مانع اولق ایچون عینی صنفی عینی معلمك نهایته قدر کوتورمه سی بعضاً توصیه اولونمشدر . بعضی مؤسسه لرده بواصول تطبیق اولونمقده در . بونك محذورلری و تهلکه لری سوبله دك . معلمك سلطه سی پك عظیم اولدیغی ایچون ، چوجوقلری بوتون صنفلرده عینی معلمك تأثیری آلتنده براقق جائز کوروله مز . بر برینی تعقیب ایدن معلمك بر برلردن فرقلی بولونوبده

ایچلرندن برینک پک غالب بر نفوذ و تاثیر اجرا ایتمه سنه و بناء علیه چو جوغک فردیتنی تضییق ایله مسنه میدان قالمالیدر . فقط ، بومتعاقب تأثیرلرک متقابلاً بر برلرینی نفیض و اخلال ایتمه لری ده لازمدیر . بر درجه به قدر بونلرک آزارلنده بر رابطه اولمالی ، چو جوغ ، معروض بولوندیغی تأثیرک دیکشمکه برابر عینی حالده تمادیسنی حس ایتملیدر . بومتادی و اتصالی تأمین کیفیتی بالخاصه مکتب مدیرینه ترتب ایدر . او ، بونی هیچ یوقدن وسلطه سنه استناداً تأسیس ایدم جک دکلدر . ناصل که معلومه مکتبک روحنی هیچ یوقدن خلق ایتمز . مدیر ، مختلف معلملری بر برلریله تماس ایتدیرملی ، هر برینک کندی وظیفه سنی کندیسنه کافی کان بر کل کی تلقی ایتمه سنه مانع اولمالیدر . چونکه بر معلم عینی وظیفه لرده دوامدن وعینی ایشلری احضاردن باشقه برشی باعاز . حاصلی ، صنفک روحنی ، وحدت معنویه سنی تمثیل ناصل معلمه عاید ایسه مکتبک روحنی ، وحدت معنویه سی تمثیلده مدیره طاندیر .

ایشته بوصورنله ، مکتب ، چو جوغلرده نساند روحنی ، زمره حالنده حیات حسنی او یاندیرمق ایچون لازم کان شیلرک کاهه سنه مالکدر . فقط ، بر شاکرد ، صوک صنفک اشیکنی آتلا دقندن صوکره ، مکتبه خاص اولان جماعتجه مشترک حیات بردن بره انقطاعه اوغرامق لازم کایرسه ؛ چو جوغلنی مدنجه کندیسنه برملجاً اولان بوصبق صیق قابلی محیط اجتماعی بی ترک ایدنجه ردن بره هیئت اجتماعی نك او عظیم تنهائیس ایچنه آتیلش بولورسه ، مکتبدن آلدینی قابلیت موانست نخلملری جورومک ، هیئت اجتماعی نك بو عظیم ساحه لرده اسن صوغوق وشدید روزکارلرک تأثیریه دونمق تهلیک سنه معروض قالیر . چوق شکرکه ، برمدتن بری ، مکتب هیئت اجتماعی سی کندیسندن خارچنده بر طاقم تشعبات انکشاف ایتدیرمک احتیاجنی دویمشدر . بوسایده مکتب بویوک آدملرک هیئت اجتماعی سی ایچنده سیله تأثیرینی ادامه ایده ییلور . بونلر ، ماذونلر جمعیتلری ، هایه جمعیتلری کبی مکتبدن صوکره طاند ایشلردرکه اوراده یکیلر واسکیلر بر برلرینه تصادف وعینی حیاته تشارک ایدرلر . بونلر بالکنز غایت اعلا فضائل وطنیه مکتبلری تشکیل ایتمزلر . عینی زمانده ، چو جوغه ، مکتبی ترک ایتدیکی میراده ، کندیسنی قبول ایدن ، قادروسی ایچنه آلان ، اوکا مظاهرت کوسترن ، اونی متیقف بولوندیران ، حاصلی معنوی بالکنزلفک او ازیجی تأثیرندن کندیسنی قورتاران یکی بر زمره تأمین ایتمک کبی قیمت ییچیلمز برفانده لری اولور . صورت عمومیه ده ، متعاقب نسللر آراسنده تماسلری چوغالته بیلن هرشی (« مکتبدن صوکره » مؤسسائی ایشته بونلری تأمین ایدرلر) غایت عظیم

برفائده اجتماعیه بی حائزدر . فی الحقیقه ، هر نسلک کندیسنه کوره بر مزاجی ، خصوصی بر
 طرز تفکر وحشی ، خصوصی احتیاجلری ، امللری واردر . بو اویله بر کیفیتر که سبیلری
 هنوز تماماً معلوم دکلدرد ، فقط موجودیتی غیر قابل انکاردر . هر نسلده اسانده بر دیکشکلک
 اولیور . مودالرده ، بدیی ذوقده ، افکار فلسفیهده بر دیکشکلک وقوعه کلپور . قوزموپولیت
 بر نسله صیقی صورتده ملی بر مفکورهده عاشق بر نسل خلف اولیور ، یا خود بونک عکسی
 مشاهده ایدیلور . بدینلری نیکیمنلک تعقیب ایدیور . دینی عقیده جیلک آنارشیستلکه
 موقعی براقیور . الخ . نسللر آراسنده بو معنوی فیصل دیک که مختلف نسللرک ، بر برلینه
 نفوذ ایدمک زالرینی آیران معنوی مسافه بی ممکن اولدینی قدر آراتلجه ق طرزده
 در حال وغایب بر صورتده یکدیگرینه تقریبلی ایچون تداییر احتیاطیه اتخاذ ایدیلجه جک
 اولورسه ، تامل اجتماعی بی ناکهانی وانسجامسز بر طاقم وویع ساسله سی ، صدمه لر
 و صارصینتیلر حالنه کتیرمک وتاریخه بر رینه غایت ضد استقامت لر ویرمک تهلکه سنی عرض
 ایدیور .

۲ . تدریساتک عمومی تاثیر

مکتبک ساده جه ، تشکل ایتش بر زمره اولق اعتباریله ، چوجوغه زمره حالنده
 حیات اعیاداتی ، جماعتجه مشترک قوتلره ربط نفس ایتک احتیاجنی نه صورتله ویره بیله جکنی
 ایشته کوردک . فقط بو یک عمومی تاثیردن باشقه ، مکتبک ، اوراده وقوعه کلن
 مختلف تدریسات سایه سنده عینی استقامتده اجرا ایده بیله جکی دیگر بر تاثیردها واردر .
 شهره سزکه ، یکنظرده ، تدریساتک تربیه اخلاقیهده خدمت ایده بیلمه سی شایان حیرت
 کورونور . فی الحقیقه ، تدریسات ، نظریه و تصورات ساحه سنه عائددر ؛ اخلاق ایسه فعل
 و حرکت یا خود تطبیقات ساحه سنه منسوبدر . فقط ، افعال واعماللرک تعلق ایتدکلری اشیا
 حقنده ذهنمزه بسله دیکمز فکرلر خط حرکتمز اوزرنده اجرای تاثیردن خالی قمارلر .
 عقل ایله متصف بر وجود اولق اعتباریله ، اخلاقیتمز عقل و ذکاده کندیسنه بر تامل بولور .
 بالخاصه ، شأنت اجتماعیه حقنده قبول ایده جکمز تلقیه کوره ، اوشانیته آرزو قو ربط نفس
 ایده بیله جک بر قابلیت احراز ایده رز . بر وجوده ، حقنده بسله نن فکرده کوره آرز یا خود
 چوق ارتباط حس اولونور . ایشته ، شأنت اجتماعیه حقنده کی بو تلقی ایسه نظری بر

شیدرکه اونی تشکیله مختلف ندریسات خدمت ایدر . علوم حکمیه وطبیعه تدریساتی بومسئله ده مهم بررول ایضا ایتمکده در .

فی الحقیقه ، اوپله بروضعیت فکریه واردرکه تساند حسیاتنک تشکنه غایت جدی برمانعه وجوده کتیرر . بونی ازمک ایچون ، علمی تدریسات بالخاصه اویریشلیدر . بو وضعیت فکریه بسیط عقلجیلق rationalisme sir pliste نامی ویرله بیلیر . بو حالت روحیه نك وصف میزی ، دنیاده آنجق تام صورتده بسیط اولان شیئی حقیقه وار دییه تلقی ایتمکدن عبارتدر . بو شی اوصاف وخواص جهتنده اوقدر فقیر اولاجقدرکه عقل ، برنظرده اونی ادراک ایدمیهلجک وریاضیات شیلرنده اولدینی کی ، درحال ، بو بایده پارلاق بر صورت ذهنیه وجوده کتیره یله جکدر . بونقطه نظرده ، شأیتک حقیقی بر عنصری قارشیسنده بولوندیغمزه حکم ایدمیهلکم ایچون ، بو عنصر بلا واسطه بدیهی بر حدس ایچنده احاطه وادراک اولونابیلمی ، کندیسنده قاراکلق ، مشوش هیج برنقطه قالمالیدر . مثلاً ، دنیلیورکه ، اجسامده حقیقه وار اولان ، شأنی اولان شی ذره در ، بسیط ذره در ، غیر قابل تقسیم ذره درکه رنکی یوقدر ، لذتی یوقدر ، تصوتدن محرومدر ، شکسزدر ، بعدسزدر ، مجرد فضاتک بسیط برتمینندن عبارتدر . فقط اوحالده ، بزجه یالکز قاریشیق احتساملرداخلنده معلوم اولان او کرفت صوت ، لذت ، شکل ، الخ . اوصافی نلردن عبارتدر ؟ بونلر ، دیورلر ، اشیایی کورمک ایچون فنا بر وضعیتده بولوندیغمزدن دولایی تولد ایدن ساده جه ظواهردن باشقه بر شی دکلدر . اشیایی ، اوزاقدن و خارجدن ، محسوس متوسططر آراسندن کوردیکمز ایچون بزه ابتدا برر کهکشان حالنده منظور اولورلر ، ایچلرنده معین هیچ رشی فرق ایتمیز . فقط ، بر کره ادراکک تحلیلنه عرض ایدیلیرلر ، او زمان ، بو تشویش ایدیچی اورتو بیرتیلیر ؛ شأیتی اورتن و آنجق بزم خصوصی طرز رؤیتزدن حصوله کلن بولوت زائل اولور ؛ او زمانه قدر تقسیم ایدیلیمش ، آیریلیمش ، قاریشیق بر حالده کوردیکمز کتله ، برلرندن آیری وتماماً بسیط برر عناصر برجلری حالته کیرر . بربرینک ایچنه قارمه قاریشیق بر حالده کیرمش ، ایچندن چیقیلماز بر هیئت مرکبه رینه آرتق ، تعبیر جائز ایه ، بر نقاط ریاضیه منظومه سی قارشیسنده بولونورز . ایشته صوک عصرلرده اک مشهور نمائی واک یوسک افاده سی ده قارتده بولان وضعیت فکریه بودر . فی الحقیقه ، معلوم اولدینی اوزره ، ده قارتک نظرنده آنجق مفکره ایچون واضح ، براق بر فکره موضوع بحث اولایلن شیلردن باشقه حقیقی ، شأنی هیچ بر شی یوقدر . ریاضی بر

بسیطلکی حائز اولمایان هیچ برشی ده قارت نظر نده بویله بر داهته موضوع تشکیل ایده مز. اکر بو وضعیت فکریه ، الملرک و فیلسوفلرک محافنه منحصر قالمش اولسه ایدی ، بوراده اوندن بحث محل اولمازی . فقط ، مختلف تأثیرات دولایسیله ، بسیطلکه بوابتلاء فرانسز مفکوره سنک لایفک بر عنصری حالته کچمشدر . اشایی بو صورتده تلقی ایتک ، پرنسپنده نظری اولقله برابر تاریخ اعتباریله پک مهم تأثیرات حصوله کتیردیکی کبی فعلیات و بالخاصه اخلاقیات اوزرندهده عظیم تأثیرلر کوسترمشدر . فی الحقیقه ، هیئت اجتماعیه صوک درجهده کرفت برکدر . اونک ایچون ، بسیط عقلجیلق پرنسپنی بوکا تطبیق ایده جک اولورسهق ، بو کرفتکک حد ذاتنده هیچ بر وجودی اولمادیغنی ، شأیندن محروم بولوندیغنی ، هیئت اجتماعیهده آنجق بسیط ، واضح ، مفکرده قولایجه قابل تصور اولان شیک حقیقی اولایله جکنی سویله مک مجبوریتنده قالیرز . بوتون بو شرائطی حائز اولان یکانه شی ایسه فرددر . دیمک که فرد ، هیئت اجتماعیه ایچنده اک حقیقی و شأنی اولان شیر . بونک معناسی ده هیئت اجتماعیه کندیلکندن هیچ برشی دیمک اولدیغنه ، نوعی خاص ر شأینت تشکیل ایتمه دیکنه ، فردلرک یکونئی افاده ایدن بر تعیر مشترکدن عبارت بولوندیغنه چیقار . فقط اوزمان ، فعالیت اخلاقیه مز آرتق هر دورلو موضوع و غایه دن محروم قالیر . هیئت اجتماعیه یی سوم بیلیمک ، اوکا صادق و فداکار اولای بیلیمک ، اونئی خط حرکتلره بر غایه اتخاذا ایده بیلیمک ایچون ، ساده جه بر لافدن ، مجرد بر تعیردن باشقه بر شی اولماسی لازم کلیر . جانلی ، کندیسنی ترکیب ایدن فردلرک وارلغندن فرقلی بر حیات مخصوصه مالک بر شأینت اولماسی مقتضیدر . آنجق بو شرط ایله درکه هیئت اجتماعیه بزی کندیلکمزدن چیقاراییلیر ، بناءً علیه اخلاق بر هدف وظیفه سنی کوره بیلیر . شأینتی بو یاکلاش طرزده تصور ایتمه نک افعال و اعمال اوزرنده ناصل حائز تأثیر اولایله جکی ، بناءً علیه بو خطایی دوزلتمک ایجاب ایده جکی ایشته کورولور . علملری تدریس بوخصوصه بزه یاریم ایده بیلیر . بونک نه صورتده وقوعه کله جکنی آشاغیده کوره جکیز .

اون یدنجی درس علمدك ندرسانی (صوك)

صوك درسده، اشیاي بعض تلقی طرز لرینك، بعض فكري وضعيتك اقوام و افرادده اخلاق تشكیلاتی ناصل اخلاص ایده بیله جككری کوسترمشدم : بالخاصه ، بسیط عقلجیلوق نامنی ویردیکم خصوصی طرز تفکر و تلقی بوکا باعث اولابیلیر . صورت عمومیهده دینه بیلیرکه ، اشیا نه قدر بسیط ایسه لر بز اونلری اوقدرانی آکلایه بیلوروز . ریاضی شیلره تام بر صورتده عقل ایردیرمه مز ، صوك درجهده بسیطسککری سایه سنده در . مرکب بر شی ایسه بالعکس ، مرکب اولوق اعتباریه عقل ایچون آنجق مشوش و مبهم بر صورتده قابل تصوردر . ایشته بوندن دولایی ، هر دورلو حقیقتدن ، شأیندن محروم اولدیغی انکار ایتمك ، اونی ساده جه ظواهر حاله ایندیرمك ، صرف ملکات فکریه مزك ضعفندن حصوله کلن بر ذهاب باطل محصولی تلقی ایله مك ایچون بر تمایل پیدا اولبور . مرکب بر شینك بزه مرکب کورونمسی ، تشکل ایندیگی غایت بسیط عنصرلری یکنظرده تفریق ایتمك یولنی بیلمه مکلکمز دندر . فقط ، حقیقتده اوشی بسیط عناصردن مرکب بر هیئت مجموعه در . عقل ایرر برلسانه ناصل ترجمه ایدیه بیله جککی تعیین مسئله سی بویوزدن اورته دن قالدیور . ایشته بونك ایچون ، مثلاً ده قارت نظرنده ، ماده نك ایکنجی درجهده کی بوتون خواصی ، شکل ، رنگ ، تصوت الخ . ، حقیقتده تملسز واصلمز شیلردن عبارتدر . حقیقی اولارق موجود اولان شی ریاضی حیزدر . اجسام ، حیزك اقسامندن مرکب برر هیئت مجموعه دن باشقه برشی دکلدردلر .

اگر بو طرز تلقی یالکز برقاج فیلسوفه انحصار ایته ایدی ، بوراده اونکله اشتغاله لزوم اولمازدی . فقط بزم ملی مفکر مزه درین صورتده کوك صالمشدر . حتی ، هیچ دکله بصوك سنه لره کلنجهیه قدر ، فرانسز مفکره سنك اوصاف ممیزه سندن بری حاله کلشدر . فی الحقیقه بو تلقینك اك چوق منتظم اصول دائره سنده ویر سیسته مه کوره ده قارتخیلقده . کندیسنی کوستردیکی میدانده در . صورت عمومیهده ، دینه بیلیرکه ، بر فرانسز مستور ویا غیر مستور صورتده ، بدرجهیه قدر همه حال ده قارتخیلدور . ده ای ملیمزی تمیزایدن

وضوح و تفریق احتیاجی ، فی الحقیقه ، بزی آیری آیری مفهومی شکی آلتند دهند . قولایجه قابل تصور اولامایه حق درجه ده گرفت و مرکب اولان شیردن انظارمزی جویرمه به سوق ایدر . کورمه مک ، باقامه میل ایدیلن بر شیئی انکار ایتکه ایسه انسان بالطبع مستعد بولونور . حتی لسانمز بیل ، موجودیتی حس ایده بیلدیکمز فقط واضح صورتده عقلمه صوقامادیغمز اشیانک بو مظلم ایچ طرفلری تعریف و افاده قابلیتلی دکلر . لسانمز تحلیلی اولدینی جهته آنجی تحلیل ایدیش یعنی عنصرلینه آیریش شیلری حقیقه افاده ایده بیلر . بو عنصرلردن هر برنی صریح ، معناسی واضح صورتده تعین ایتش بر تعبیر ایله قید و اشارت ایلر . فقط مشخص و مادی شأنتک بو عنصرلرینک ، بر آرایه کلرک ، بر برلرینه نفوذ ایده رک ، بر برلرینک ایچنده مزج اولارق وجوده کتیردکلری مرکب و جانلی وحدت لسانمزک دائره افاده سندن خارج قالیر ، چونکه تحلیل ایدیشک قابلیت بو قدر . لسانمزک آزادینی شی ، بسیط اولان شیدر . لسانمز ایچون غایه کمال ، شأنتک غیر قابل تقیم هر پارچه سی ایچون برکلیه ، یالکز برکلیه مالک اولق و مرشیدک وجوده کتیردیکلی کلی بو عناصره عائد تعبیراتک میخانیک بر محصول ترکی ایله افاده ایده بیلمکدر . بوکلک برکل صفتیه آلدینی منظره به ، اونک وحدتی ، تمادینی ، حیاتی وجوده کتیرن شیده کنبه ، لسانمز اوکا بویوک نسبتده بر علاقه سزلق اظهار ایدر . ایشته ادبیاتمزک ، مجرد وصفی حائر اولماسی بوندندر . اوزون مدت ، شاعرلرمز ، رومانچیلرمز ، اخلاقچیلرمز بزه صورت عمومی ده انسانی یعنی بر مخلوق بشرینک اک مجرد ملکاتی تصویر و ترسیم ایله اکتفا ایتملردر . درام شاعرلرمز طرفندن تخیل اولونان قهرمانلر متعدد ، موج ، متضاد ، بر برلرینک ایچنه قاریشمش ، تعداد قابل اولامایه حق قدر چوق برطاقم اوصافه مالک معین بر شخصیت دکلدر . تاریخی یا خود خیالی برکیمسه ده تشخیص ایتش فلان یا خود فلان حسیاتدن عبارتدیلر . بونکده سببی ، حقیقی فردک ، بزم وجوده کتیردیکمز فردیتلرک ، غایت مرکب و معلق اولمازدر . هر بریمزده نامتناهی استعدادلر ، خاصه لر واردر . بونلرک کیمی حال فعالیتده در ، کیمی رشیم حالده در ؛ بعضیلری تشکل دوره سنده بویاکی حالتک اورته سنده بر موقعه درلر . حالبوکه ، عمومی اولان شی ، بالعکس ، بسیطدر ، اوصاف اعتباریه غایت فقیردر . چونکه کنديسنی وجوده کتیرمک ایچون حقیقی وارلق ، منتظم اصول دائره سنده ، فقیرلشدیرلشدیر . محررلرمزک بزه تصویر و ترسیم ایتدکلری بوبسیط و مجرد حیاتیات آرقه سنده ، گوته نک فائوسنده یا خود شکسپیره رک هاملتنده اولدینی

کبی ، سزلمش فقط کشف و تعریف ایدیللمش او بی پایان دریندکلری کورمه یز . هرشی ، شعورك تماماً ضیائی آلتنده جریان ایدر . هرشی بویوک برآیدنلق ایچنده در . ذاتاً علمده بیله و تمایلك دلیلنه قولایجه تصادف ایدم بیلیرز . ملتزمك ، سائر بوتون اقوام ایچنده ، یقشیدریدی ریاضی داهیلرك یاخود ارباب اقتدارك كثرتی و اهمیت ایله تمیز ایتمه سی سبب دکلدر .

شبهه سزكه ، بوتلقینك تلمنده موجود اولان عقلجیلق مصدره سندن واز چككم موضوع بحث اولاماز . چونكه بزده تدریس آتمك اساسی اولارق ارمصدره بی قبول ایتدك . اشیا ایچنده عقلی اولمای قطعیاً قبول ایتمه حك برشی بولوندیغی ادعاسی تصدیق ایتمكه هیچ بر سبب اولمادیغی بیانده اصرار کوسترمه من لازمدر . بالکیز ، عقلجیلق ، همه حال ، بو بحث ایتدیكمز مفرط ساده لکی قبول ایتمه بی ایجاب و تضمن ایله من . « مرکب » ك ایجابات عقله تابع اولماسی زور اولوق ، بوبانده قولایجه عقله ایرر بر صورت ذهنه پیداسی مشکل واوزون بولونق و بو صورت ذهنیه دائماً آزجوق ناقص قالمق ایله کنديسندن هر دورلو شأنی چكوب آلمق ایجاب اتمز . حتی بویله بر حرکت بر تضادی بیله تضمن ایدر . چونكه ؛ « مرکب » دیدیكمز شی هر حالده واردر . بوبر وقعه دركه انکاری غیر قابلدر . موجود اولان برشی معدوم حاله کچیرمك الدن كله من . بونك برظواهر دن عبارت اولدیغی سویله نیور . بولگی بی موقتاً قبول ایدم . فقط بر « ظواهر » ، بر « عدم » دکلدر . اوده ، سائر لری کی حقیقی بر حادثه در . بر آینه ده کوردیكم بر شبنك خیالی اوئی ایله عینی شأنی حائر دکلدر ، فقط باشقه نوع بر شأنیته مالکدر . اجسامك ترکیب ایتدیکی ذره لرده رنگ یوقدر ، لذت یوقدر . حرارت یوقدر دنیلور . بونی قبول ایدم . فقط ، بواجسامه تناس ایدنجه حس و ادراك ایتدیكم رنگار ، لذت لر ، قو قولر ، حرارت پك حقیقیدر لر . بن بو شأیتلرله یاشارم . بونلرك بزم ایچون ماده نك ایچنده جریان ایدم بیلمه سی ملحوظ اولان غیر شخصی و مجرد حرکتلردن پك فضله اهمیت و علاقهلری واردر . ماده نك غیر مرئی عنصر لرنده تمللری بولونمادیغی فرض ایدیلر سه ، بوندن ، باشقه یرده باشقه صورته بر تمللاری اولدیغی نتیجه سی چیقارمق لازم کایر . بزه دنیلور كه اوبز قتیف باقیلاجق اولور سه ، حرارت ، حرکتدن باشقه برشی دکلدر . بو صورته صوك درجه ده مرکب و گرفت ، سیال ، کثیر الاشكال برشی ، حادثه جهتنده اك بسیط برشیده ، حرکت ارجاع ایدیلش کی کورونیور . فقط ایسته نلیدی قدر اوغرا شلسون ، حرارت ، حرکت دکلدر . حرارت حادثه سنك حصوله کلمسند بعضی حرکتلر نه قدر رول ایفا ایدر لر سه ایتسونلر ، بوقدر فرق لی ایکی شأنی بر برینك عینی عد

ایتمک قابل دکلدر . تحلیل اصولی ایله مرکب‌لکاری ازاله ایدلیدی ظن اولونان سائربوتون مرکب وکرفت خواص حقنده عینی شیئی سویله یه بیلیرز . حاصلی ، احتساستمزدده مرکب وکرفت برشی وارسه بونکده سببی برطرفده کرفت و مرکب برشی بولونماسیدر . اشیائی تغییر ایدن ویزه اونلری حائر اولمادقلری برمنظره آلتنده کوسترن سبب بزم نقطه نظر مزدر ، عضویتک وشعور مرکز ماهیتدر دنیلیور . فقط بونک نه‌اهیتی وار؟ مرکب‌لکک وکرفت‌لکک سببی ها شوراده اولمش ها بوراده ، ها بزم بدتمزده اولمش ها اجسامک کندیسنده بولونمش ، حس وادراک ایدیلن مرکب‌لکک دائماً حقیقی بر سبب وار دیمکدر . حقیقی برسببک نتیجه‌لری ده حقیقیدرلر . هم برده ، مرکب وکرفت اولان شی نهدن یالکز بزم ایجمزده وبزم واسطه مزله بر موجودیته مالک اولاجقدر ؟ نهدن تملی یالکز بزم مادی یاخود فکری تشکلاتمزدده بولوناجقدر ؟ قبول ایده‌لمک دنیا تماماً بسیط بر طاقم عنصرلره قابل تفریق وارجاع اولسون . بو عنصرلر ، بربرلندن منفرد قاله‌جق یرده ، بربرلینه یاقلاشمش ، برابر امتزاج ایتش وبناء علیه یکدیگری اوزرنده اجرای تأثیر کوسترمش اولقی دولایسیله ، بوتأثیرلر وعکس تأثیرلر یوزندن اوله یکی برطاقم خواص نشه ایده‌بیلرلرکه بونلر کندیلرینک آیری آیری نظر ملاحظه‌یه آلتان اجزای مرکب‌لرینک هیچ برنده بولونمازدی . متجانس ایکی قوتی ، عینی سائقه تطبیق ایده‌لرک یکدیگرینه مزج ایدیکیز . محصله اولارق تک برقوت چیقاجقدر . بوقوت کندیسنی ترکیب ایدنلرک ایکسندنده شدت واستقامت اعتباریه تماماً فرقی اولاجقدر . باقر ایله قالایک قابلیت انحناسنی مزج ایدیکیز ، موجود اجسامک سرتلندن اولان طونجی الده ایدرسکیز . ایشته بوضورتله ، شأیتک تمکنده غایت بسیط عناصردن باشقه برشی بولونماسه‌ده بونلر ترکیب ایدرکن تماماً یکی اوصاف تولید ایتمک ضرورتنده‌درلر . بو اوصاف آرتق عینی بسیطلکی حائر اولماز و مفکرده‌کی صورت ذهنیه‌لری ده بالنسبه ده مرکب وکرفت ومشکل اولور . فقط شونی‌ده علاوه ایده‌لمک تماماً بسیط عناصر موجود اولدینی فرضیه‌سی باشند آشای کینی وعندیدر . چونکه هیچ برزمان بو بسیط عنصرلری دوغریدن دوغری‌یه بر مشاهده ایله کورمه‌دک . حتی بوبابده تمام بر مفهوم صاحبی ییله اولامایز . چونکه ، تحیل ایده‌یله حکمز الک‌تام بسیطلک ییله دائماً نسیدر . ذره حقنده غیر قابل تجزی دنیلیور . فقط بز قضائک غیر قابل تقسیم اولاجق بر پارچه‌سنی تصور ایده‌میز ذره‌نک بی‌شکل اولدینی سویله نیور . فقط بز شکلدن تاری برمادی عنصر دوشونه‌میز . برده ، هر ذره‌ده دیگر ذره‌لرک تأثیری حس اولونور . بوتون

دنیا ، دنیانك هر عنصرنده انعكاس ایدر . بوسورتله هر اصغر نامتناهیده بر نامتناهیلک واردر . « بسیط » ، تفكرك توجه ایتدیكى فکری بر حدوددرکه شأینتده هیچ بر زمان بوکا مصادف اولاماز .

بوترز تلقینك بوزوق اولان طرفی بر آرز مفصل صورتده کوسترمکه اعتنا ایدیشم ، مسئلهنك عرض ایتدیكى اهمیت نظریه دن دولایی دکلدر . قارئری ، بو وضعیت فکریه نك وخیم محاذیر عمایه سنك حقیقی منشألری آکلایه بیله جك وبمحاذیری ائی تقدیر ایدم بیله جك برحاله کتیرمك ایچونددر . انسان، خطحرکنه غایه اوله رق آنجق برجماعتی قبول ایتدیكى زمان اخلاقی صورتده حرکت ایدر، دیمشدك . فقط، بونك ایچون ، اول امرده بر جماعت بولونماسی لازم کلیر . حالبوکه، هیئت اجتماعیه بوبسیط نقطه نظر دن پیش ملاحظه یه آئنه جق اولورسه اورتده هیئت اجتماعیه نامیله یاده لایق هیچ برشی قالماز . فی الحقیقه ، هیئت اجتماعیه مرکب وکرفت برکل اولدینی جهنله، بونك بویه کورونمهی اوزمان آنجق ظواهر دن عبارت دییه تلقی اولونمق ایجاب ایدر . بو وجود مشترک بوتون شأینتی وجوده کتیره ن بسیط، معین، حدذاتنده واضح برشی بولونمق وبونی الله ایتمك اقتضایلر . هیئت اجتماعیه نك بسیط عنصری ایسه فرددر . بناء علیه بونقطه نظری قبول ایدرسهك، برهیئت اجتماعیه ده کندیسنی ترکیب ایدن فردلردن باشقه حقیقی برشی یوقدر، هیئت اجتماعیه کندی کندیلکندن هیچ برمعنایی حائز دکلدر ، کندیسنه خاص برشخصیتی ، حسیاتی ، منافی بولونماز دیمك اضطرارنده یز . بوسورتله حقیقی بر اجتماعی ذره جیلکه واریلیر . هیئت اجتماعیه آرتق براسم جمعدن، خارجی صورتده یکدیگریك اوزرینه موضوع برطاقم فردلرک یگونه ویرلش اویدورمه براسمدن باشقه برشی اولاماز . یالکیز عقلمه موجود بروارلق حاله کلیر . حالبوکه عقلی بوجود سهویه مز . صرف لفظی بوجوده بزم کی حقیقی، مادی وذی حیات بوجودی فدا ایتمك بی معنا برحرکت اولور . بز هیئت اجتماعیه یی آنجق بزدن دهایوکسك برقدرت معنویه کی تلقی ایدر وکندیمری اوکا تابع کورورسهك اوزمان کندیسنه صادق وفداکار اولایلیرز . فقط، هیئت اجتماعیه نك حقیقی اولان بوتون محتویاتی فرددن عبارت ایسه، هیئت اجتماعیه اوشرف و حیثیت وفاقیئت زدن کله بیلیر ؟ بز اوکا تابع اولمق شویله دورسون، بالعکس او بزه تابع اولمق اقتضا ایدر . چونکه، فرضیه یه کوره، بزدن آلدینی شاینتمدن باشقه بر شأینت صاحبی اولاماز . بز ناصل ایسترسهك هیئت اجتماعیه آنجق اویله اولایلیر . حتی بزدن اولکی نسللرک اراده لری بیله بزم اراده لر می ذره قدر تحدید ایتمزلر . چونکه

اولیٰ نسللری ترکیب ایدن فردیتلر آرتق اورتدن قالمشلدردر ، بناءً علیه الیوم مؤثر برر شأیت اولمقدن حیقه مشلدردر . ماضینک عنعنائی استقبالی تحت تأثیرنده بولوندره جغفی تصور ایده بیلیمک ایچون ، بو عنعنائی نسللرک متحول دالغهلری اوزرنده ادامۀ موجودیته قادر اولابیله جک صورتده فردلره حاکم دییه تلقی ایتیمک احتیاج وارددر . فقط ، اورتده فردلردن باشقه برشی یوقسه ، اوزمان تاریخک هر آنده هیئت اجتماعیته نکل وارلغفی تشکیل ایدنلری الکنز موجود فردلردر . اولنر بو هیئت اجتماعیته ایسته مشلر ووجوده کتیر مشلدردر . ناصلکه ده قارتک الاهی ده دوامک [دیمومت ؟] هر آنده ، دائمی صورتده ایسته مه سی ایله ، دنیایی خلق ایدر . هر هانکی بر سبیدن دولایی ، اراده مز بردن بره باشقه بر استقامته توجه ایتسون اوکا مربوط و معلق اولان بوتون بنای اجتماعی ییقیلیر یا خود تبدیل شکل ایدر . ایسته واضع قانونک قدرت مطلقه سنه دائر بسلمش اولان والآن پک قوتلی صورتده موجود بولونان فکر ماطل بودوشونجه دن ایلری کلیور ، بوندن دولایی دوام ایدیور . مادامک هیئت اجتماعیته فردی اراده لک کندیسنه ویردکلری وارلقدن ماشقه بر موجودیته مالک دکدر ، هیئت اجتماعیته نکل تبدیل ماهیت و طبیعت ایتمه سی خصوصنده مردلرک آرالرنده اویوشملری و قرار ویرمه لری در حال اواستجالحه نکل وقوعه کلمه سی ایچون کفایت ایتزمی ؟ بوکون آرتق هیچ کیسه هب اتفاق ایتسه ک بیله ، طبیعت ماده یه عائد قانونلری تغیر ایده بیله جک مزه احتمال ویرمز . حالبوکه بر دولتک وطنداشملری ، کرک اقتصادی کرک سیاسی بر انقلاب یامق خصوصنده تماماً متفق بولونسه لر بیله بو انقلاب او هیئت اجتماعیته نکل طبیعت و ماهیتنده ، شرائط حیاتیته سنده مندیج دکلسه تشبثک تماماً عقیم قاله جغفی ایچمزدۀ آکلامش اولانلر نادردر . آنجق برقاج عصر صوکره دائره امکانه کیره جک بر تشکیلات اساسیه یی شیمیدین فرانسه یه ویرمک ایسته مه نکل ، فرانسه یی قرون وسطا تشکیلات اجتماعیته سنه ارجاع ایتیمک قدر محال برشی اوردیغفی بو ایکی شقک بر یسنی فرانسزلرک اکثریت عظیمه سی ایسته مه بیله بوکا امکان بولونامیه جغفی آکلامش اولانلر آزدر . بر قوت اشیا ، بر طاقم قوانین ضروریه بولوندیغفی ، بونلره چارنجه اراده لر مزک قیریلاجقلرنی ، موجود نظام اجتماعیته یی تخریب المزدن کلر سده تعریفی اقتضایی اولارق محال بر ترتیب و نظامی انشایه موفق اوله مایه جقمزی قاج کشی عقتنه کتیریور ! فقط ، احوالده ، حد ذاتنده هیچ بر وارلنی اولمایان و دائمی صورتده بزم اراده لر مزک تحت تابعیتده بولونان بر ترتیباته ، بر تشکیلاته ناصل ربط نفس ایده بیلیرز ، ناصل منقاد اولابیلیرز ؟

بو تهلكه نك خيالى برشى اولماديغنى فرانسده جريان ايدن احوال پك كوزل اثبات ايدر . ۱۷ نجى عصر ك بسىطلكه مفتون فكرى ، ابتدا ، يالكز عالم مادي يه عائد اشيا ايله مشغول اولور . اوزمانلر اجتماعى و معنى عالم حقنده تصورات يوروتوليوردى . بو عالم هنوز پك قدسى تلقى اولونديغى ايچون كنديسى لايىق تفكر ك يعنى علمك تجاوازاننه معروض براقعه جسارت ايديله يوردى . فقط ، ۱۸ نجى عصر ايله بو احتراز اورته دن قالدق . علم دها جسور داورانمغه باشلادى . دها حريص جاه اولدى . چونكه ترقى ايتدجكه دها قوت كسب ايتمشدى . اجتماعى شيلره آرتق قاريشير اولدى . اجتماعى و سياسى بر فلسفه تأسس ايتدى . يالكز ، ۱۸ نجى عصر ك علمى ، طبيعى اولديغى اوزره ، ۱۷ نجى عصر ك علمنك اولادى ايدى . اونده ده عيى روح واردى . بناءً عليه ، قارشينده كوردىكى يكي مسئله لك يعنى عالم اجتماعينك تدقيقنده ، كنديسندن اولكى عصر ك عالم مادي تدقيقاتنده اراز ايتدىكى بسىط دوشونجه اثرى كوستردى . بونك ايچوندر كه ۱۸ نجى عصر ك فلسفه اجتماعيه سى ، اساس اعتباريله ذوه جيدر . اودوره نك انك برنجى نظريه جيسى كى تلقى ايديله بيله جك اولان روسونك نظر نده ، هيئت اجتماعيه نك ايچنده فرددن باشقه حقيقى برشى يوقدر . اونك ايچون ، هيئت اجتماعيه نك نه اولماسى لازم كله جكنى بيلمك موضوع بحث اولونجه ، روسو تاريخى تدقيق ايتمكه ، ناصل تشكىل ايتديكى ، هانكى استقامتمده انكشافه ميل كوستردى كنى ، الح ، تحرى ايله مكه هيچ اهميت ويرمز . هيئت اجتماعيه نك نه دورلو اولماسى انسانك ايسته مى لازم كله جكنى دوشونمك اوكا كفايت ايدر . روسونك نظر نده ، نظام اجتماعى ، آنجق قانونلرى تعين ايديلديكى نسبتده سوق و اداره سى قابل بر تكامل تاريخينك محصولى دكلدر . بو ، فردى اراده لك بر فعل و عمليدر . بوفردى اراده لر بر مقاوله ايله يكديكرينه باغلامشلردر . مقاوله نك شرائطى سربست بر صورتده مذاكره ايديش و بوضورتله ، مقاوله اجتماعيه وجوده كلكشدر . بناءً عليه ، بوفردى اراده لر ، نياپمالارى لازم كله جكلربنى بيلمك ايچون ، كندى كنديلربنى كوزلجه ادراك ايتمكدن و وردكلرى قرارداد عزم و متانت كوسترمكدن باشقه بر شينه محتاج دكلدرلر . واقعا ، بو تمايل ، مخالف ديكر بر تمايل طرفدن قسماً ممانعته اوغرايوردى . فرانسز هيئت اجتماعيه سى ، دها اوكوندن اعتباراً ، كندى بئلىكى و وحدتى حقنده پك جانلى بر حسه مالكدى . ايشته بوندن دولايدير كه انقلاب حركتنك قسماً بويوك بر مى تمرکز حركتى اولديغى سويله مشدك . انقلاب آدملينك معنى و سياسى خصوصيتجيلكه تعلق ايدن

شيلرك كافه سنه قارشى بسله دكلى نقرت بونى اثبات ايدر . جماعتجه مشترك منافك منافع
 فرديه فائقى ، فردلر غلبه لغنه بوتون حشمتيله آمر بولونان قانونك حاكيتى هيچ بر زمان
 او وقتكى قدر شدتله حس ايديلهدى . بو حس او دورك دولت آدملىرنده اولدينى كې
 نظريه جيلرنده موجوددر . روسو ، مادي قانونلر درجه سنده عيني ضرورت و قطعيتله
 وطنداش . كنديسى قبول ايتدين بر قانون ، غيرشخصى بر قانون تخيل ايدر . بونده
 اويله بر قوت بولوناقدركه ، قواى طبيعتك ياپدينى كې فردى اراده لرى كنديسى رام
 ايده جكدر . يالكىز ، اوبسبىط پرستلك فكر باطلده عيني زمانده كنديسى مفكرلره
 قبول ايتديره رك ذهنلى ، اشتغال ايتدكلى مسئله لرى حل ايده ميه جك بر حاله كتيب .
 يوردى . چونكه مسئله لر ، حدلى اعتباريله متضاد ايدلر . فى الحقيقه ، ابتدا بديهى
 اولارق قبول ايديورلردى كه هيئت اجتماعيه درلدن باشقه حقيقى برشى يوقدر ، هيئت
 اجتماعيه بوتون وارلغى درلدن آلير ، فردلر ناصل ايسترسه هيئت اجتماعيه اويله اولور .
 فقط اوزمان ، فرددن فردلى تجاوز ايده جك بر نظام اجتماعى ناصل جيقاريلابيلير ؟ فردى
 اراده لرده ، فردى اراده لر حاكم اولاجق بر قانون ناصل استخراج ايديلير ؟ قانون درلدن اثرى
 ايسه فردلى ناصل اجبار ايده بيلير ؟ قانون ناصل اولورده دائمى صورته اونلرك تحت حكم
 وتابعيتنده قالماز ؟ بو غير قابل تاليف نقطه لرى تاليف ايچون مراجعت ايدلن فكر
 اويونلرلى بوراده ايضاح و تدقيقه كيريشه جك دكاز . فقط ، بو اساسلى تضاد هيچ شبهه
 يوق كه انقلاب ايشنى فلجه اوغراتان و كنديسى ن بلكه نه بيله جك بوتون نتيجه لرى توليد
 ائمه سنه مانع اولان سببلردن برى تشكيل ائمشدر .

ايشته ، بو فرانسى وضعيت فكر يه سنك نه وخيم عملى محذورلرى اولابيله جكنى
 تاريخ كوستريور . بالخاصه ، بزم لاييك نقطه نظر مزدن ، تهلكه پك قوتلدر ، بوكا قارشى
 قومى لزومى ده پك عاجلدر . زيرا ، اونوتمايه لم كه ، بر لاييك تربيه تاسيس ايده بيلمه من
 ايچون ، همه حال ، فرد كندى حدودلرلى آشه جق برغايه زمين ائمه كه ، حيات اخلاقيه
 مركز كوكنى تشكيل ايدن او ربط نفس و فداكارى احتياجه بر هدف بولمغه محتاجز .
 هيئت اجتماعيه ، ظواهردن باشقه برشى دكلسه ، بناء عليه ، شأيت اخلاقيه فردده نهايت
 بوليورسه ، فرد هانكى شيئه ربط نفس ايده جك ، صادق و فداكار اولاجقدر ؟ حالبوكه ،
 هيئت اجتماعيه نك ساده جه بر ظواهردن باشقه برشى اولدينى ، منحصرأ درلدن تركب
 ائمه كه برابر ، كنديسى خاص بر وارلغى بولوندينى ، سه ويلىكه و خدمت ايدىلكه لايق بر

وجود تشکیل ایده دیکنی حس ایده بیلجک حاله کلمک ایچون ، او بسیط پرستلک فکر باطلنی سلیکوب آتمق ایجاب ایدر . اشیانک درجه شاینتلری ، بسیطلکری درجه سیله اولچوله دیکنی آکلایه حق یاخود هیچ دکلسه بویله بر انطباعه مالک اولایله جک بر سوبیه چیقمه احتیاج واردر . دیمک که کمال عزم ایله مبارزه ایدیله سی لازم کن بر حالت روحیه قارشیسندنه بولونیورز . چوجوغه اشیانک حقیقی مرکبلی وقاریشقلنی حسنی ویرمیدر . بو حس چوجوقده عادتاً عضوی ، طبیعی بر حاله کله رک مفکره سنک مقولاتندن برنی تشکیل ایتمیدر . بونک ایچوند ، عملی بر منفعت نامنه اوزون بر تربیه فکریه ایستر . علومک ابتدائی تدریساتی ایشه بو تربیه خدمت ایده بیلیر وایتمه سی لازم کلیر . شبهه سز که بو وظیفه نی علوم ریاضیه ایفا ایده جک دکلدر . اونلر ، پرنسپ و اصول اعتباریله بسیط پرستدرلر . بوایشی علوم حکمیه وطبیعیه دن بکله ملیدر . هیچ شبهه سز ، بو علملر ، اشیانک مرکبلی و کرفلکی حسنی آنجق عالم مادی حقنده تقویه ایده بیلیرلر . فقط بو حسک عالم اجتماعی ده شامل اولماسی ایچون ، اول امرده ، بر کره وجوده کله سی ، طبیعتک آشاغیکی درجه ده کی تقسیمی مناسبته کافی بر قوت و صلاحیته مالک اولماسی لازمدر . بوراده صرف نظر ایدیله سی غیر قابل احضاری بر تربیه واردر . تربیه اخلاقی ده علملرک رولی ایشه بوکا انحصار ایدر .

بورولک نهدن عبارت اولماسی لازم کله جکنی ده صراحت ایله آراشدیرالم . «مرکب» ک صرف بر ظواهر دن عبارت اولدیغنه ، اساس اشیانک «بسیط» بولوندیغنه حکم ایدیلدیکی زمان ، عینی درجه ده بسیط اصوللرله بونلرک بر علمی وجوده کتیریله بیلجک نه حکم اولونیور دیمکدر . چونکه ، بسیط اولان شی قولایجه قابل ادراکدر . بسیط اولان برشی حقنده ، ریاضیاتک تملی تشکیل ایدن مواده اولدینی کی ، واضح ، آیری ، تام بر مفهوم صاحبی اولابیلیرز . بو مفهوم بر کره اله ایدیلنجه ، آرتق ایچنده بولونان شیرلی محاکمه واسطه سیله استخراج ایتمکدن باشقه یاپه حق برایش قالماز . ناصلکه ریاضیات ده ، حقایق علمیه نک آرقه سنی کتیرمک ایچون بو صورتله حرکت ایدر . بناء علیه ، بسیط پرستلک ، محرد عقله ، محاکمه یوروتن عقله قارش بر ایمان تضمن ایتمکده در . مفکره نک ، علمی صنمی صورتده احتوا ایدن ایلمک مفهوملری بر کره وجوده کتیردکن صوکره آرتق علمی یالکز باشنه استخراج ایده بیلجکنه احتمال ویریلیر . آرتق ، طبیعتک سرلرینی کشف ایتمک ایچون زحمتی وقاریشیق اصوللره هیچ حاجت قالماز . طبیعتده اوقدر اسرار

آلود برشی ، بزم ادراکزی شاشیره حق بر حال یوقدر . چونکه ، ادراکز کی اوده بسیطدر . بوبسیطلکی اورتن پرده برکره ازاله ایدلدکن صوکره هرشی غایت آیدینلق بر حالده میدانہ حیقاقددر . بوتایل ، بسیط پرستلک روحنده اوقدر مکنوزدر که ده قارتحیلق ، نہایت الامر ، علم دنیایی جهانشمول بر ریاضیات حالہ ارجاع تشبثدن باشقہ برشی دکدر . ۱۸ نجی عصر فیلسوفلری ، ده قارت پرئسپلرینی اجنہائی خصوصاتہ تطبیق ایتدکری زمان ، کیرشدکری یکی علمی ، تعریف واستدلال طریقیلہ برحلمده انشا قابل اولاییلہ جکنی ، تدقیق ومشاہدہ یعنی تاریخہ مراجعہ حاجت اولمادیغنی دوشونیدیلر . بناء علیہ ، بسیط پرستلک روحیلہ محجادلہ ایتک ، بوکا میدان ویرمہ مک ، ہرشدن اول ، چوجوغنی بو انشا آتہ وبو استدلالاتہ قارشی متیقظ بولونیدیرمق دیمکدر . بونک ایچون ، طبیعت علملرینک نہ اصول دائرہ سندہ حرکت ایتدکری حسنی ویرمکہ وبو علملرک باعث اولدقلری مساعی ومزاحمک ، ترقیاتلرنده کورولن بطائت ومشکلاتک بوارتجالی صورتہ وجودہ کتیریلویورمش شیلرلہ نہ قدر تضاد تشکیل ایتدکرینی چوجوغہ کوسترمکہ جالیشمق اقتضا ایدر . چوجوغہ فلان وفلان کشفیادن ، مثلاً ضیانک انتشاری قانونلرندن می بحث اولونیور ؟ کندیسنہ نتیجہ لری ہب بردن بیلدیرہ جک یردہ ، بوکشفک زحمتی تاریخی مختصراً آکلاتمالی ، بشریتک بوتیجہ نہ ناصل برطاقم تجربہ لر ، جالیشملر ، دورلو دورلو موفقیتسزلکمر صوکنندہ واصل اولدیغنی سویلہ ملی . بربرینی تعقیب ایدن فرضیہ لری ، بولاردن ہر برینک نہ مزاحمہ مال اولدیغنی کوسترملی . بوکونکی نتیجہ لرکدہ موقت اولدقلرینی ، احتمالکہ یارین یکی بروقمہ کشف ایدیلہ لرک مسئلہ یی یکی باشند اورتہ یہ حیقارہ . جغنی وھیچ اولمازسہ قسماً تصحیحہ مجبوریت حس ایتدیرہ جکنی ایضاح ایتلی . حقیقت ، بردن برہ کشف ایدیلویورمش اولمقدن جوق اوزاقددر . حقیقت ، تمام تمامنہ بزم ادراکزک اولچوسنہ کورہ اولمقدنہ جوق اوزاقددر . حاصل ، تجربہ نک ، تدقیق ومشاہدہ نک ، یعنی اشیایی آکلامق ایستہ یورسہ ق کندی کندیلکمزدن حیقارق مکتب اشیایہ دوام ایتہ نک لزوم وضرورتی چوجوغہ حس ایندیرمک ایجاب ایلر . چوجوق آنحق بوسایہ دە بزم مفکرہ مزک بسیطلکی ایہ اشیانک مرکبکی وکرفتکی آراسندہ کی عظیم مسافہ یی تقدیر ایتکہ باشلاہ بیلیر . چونکہ انسانلر آرادہ کی بومسافہ یی نہ درجہ آکلامشرسہ تجربی اصوللر لزوم وضرورتی دە اوقدر تصدیق ایتملردر . تجربی اصول ، محاکمہ یورون

عقلك كندی حدودلرینی ادراك ایدرهك بدایتده نفسنده توم ایتدیکی قدرت مطلقه‌دن ال چکمه‌سندن عبارتدر .

بو حسی تلقین ایتمه‌ك دیگر بر واسطه‌سی‌ده چوجوغه ، چوق کره تحربات علمیه‌ك نتیجه‌سی ، عقلدن باشقه بر شینه اعتماد ایدلسه ایدی احتمال ویریله‌سی لازم کله‌جك شیدن بوتون بوتون باشقه ظهور ایتمش اولدیغنی کوسترمکدن عبارتدر . دالامبر ، لطیفه طرزنده بر طاقم حکمت طبیعی قواءدی درمیان ایتدی . بونلر ، بروجه پیشین ، بزه غایت مقارن حقیقت کبی کورونیورلردی . یاکشلقلرینی ایسه یالکنز تجربه میدان قویار . مثلاً : بارو متره ، یاغور یاغجغنی خبر ویرمک اوزره ترفع ایدر . فی الحقیقه ، یاغور یاغجغنی وقت ، هوا بخار ایله ده‌ها چوق مشبوعدر ، بناءً علیه ده‌ها آغیردر . بناءً علیه ، بارو متروده‌کی حیوا ستوتنی یوکسکتمه‌سی لازم کلیر . قیش ، دولونك اك چوق یاغماسی ایجاب ایدن بر موسمدر . فی الحقیقه ، هوای نسیمی قیشین ده‌ها صوغوق اولدینی ایچون ، بالخاصه بوموسمده یاغور دامالارینك هوای نسیمیدن کچرکن سرتلشه‌جك درجده دونمالری اقتضا ایدمک بدیه‌در . (دالامبر ، محرری : ژوزف برتران ، صیفه ۱۷) . ده‌ها بیکلرجه مثال : ارضك شکل ، کونش اطرافنده‌کی دوری ، قبه‌سا تلقیسی ، الخ . بوتون بومثاللرده ، محاکمه یوروتن عقل ، کندی کنددن شبهه ایتیمی اوکره‌نیر ، چونکه صرف محاکمه ایله نه‌کی خطالره دوشدیکنی کورور . عقلك ، غیر قابل اعتراض بر طاقم شأنی‌تلری انکاره بزی سوق ایدمک بیلمه‌سی نه قدر چوق قابلدیر ! فی الحقیقه ، قورقاندن چوجوغه اوکرتملیدرکه موجودیتلری شبهه قبول ایتمین ، تدقیق ومشااهده استناد ایدن بر طاقم وقعه‌لر واردرکه مألوف اولدیغمز منطقه پك مغایر کورونورلر ؛ ایلك حرکتمز بونلری ساده‌جه ، تماماً انکار ایتمه‌ک قالمق اولور . اینوتیزمایه عائد ایلك کشفیاتك طرز تلقیسی ، بونلرک انکاری بونقطه‌ده بالخاصه قناعت بخش بر دلیل عرض ایدرلر .

فقط ، اشیانك نه قدر مرکب وکرفت اولدقارینی و بوکرفتلك تماماً حقیقی بولوندیغنی چوجوغه بالخاصه حیات علملری آکلاته‌بیله‌جك بر حالده‌درلر . هر عضویت عینی بر عنصردن مرکبدر . بو عنصر ، آز چوق مهم برمه‌ارده تکرر ایدر ، اوده هجره‌دن عبارتدر . بناءً علیه هجره‌بی کورنجه بسیط بر شیده دوغرودن دوغریه واصل اولمش اولدیغمز احتمال ویره‌بیلیرز . حالبوکه بوبسیطلكك آنجق ظاهری برشی اولدیغنی ایضاح

ایتمک پک قولایدر . حجره قدر مرکب و گرفت برشی یوقدر . چونکه بوتون حیات اوراده کوچولوش بر حالدہ موجوددر . فی الحقیقہ حجرہ ، جالیشیر ، خارجی تحریکات وتنہیاتہ قارشئ عکس العمل کوستریر ، حرکت حصولہ کتیریر ، تمثیل ایدر ، مضاد تمثیل یاپار ، یعنی تعدی ایلر ، تعدی نتیجہ سندنہ بوپور ، تکرر ایلر . طبقی ، الک یوکسک درجہدہ انکشاف ایتمش ذوی الحیاتلرکی . بوتون بووظیفہلر ، بوتون بوفعالیت شکلری بربرلرنی صیقی صیقی تضمن ایدرلر ، کوچوک برمسافہ ایچندہ یکدیگرلریلہ صیقی صیقی منشارک بولونورلر ؛ هیچ برینہ بر موقع مخصوص ، آیری بر عضو ارانہ اولونہ ماز . اوصورتدہ کہ ہربری ہر یردہ موجود فقط هیچ بر نقطہدہ غیر قابل ارانہ کی بر حال عرض ایلر . ایشته بوتون بونلرک مرکبکی وکرفتکی احتمالکہ مفکرہ بہ یوکسک حیواناتک یکدیگرندن تمام صورتدہ فرقی بر حالہ کلش اعضالرنندہ مشاہدہ ایدیلن مرکبکدن وکرفتکدن چوق فضلہ وجانی برحالدہ مفکرہ بہ چارہ جق برکیفیت تشکیل ایدر . حتی ، دہا ایلری بہ کیتمک وبو ملاحظاتدن دہا استفادہ بخش بر درس چیقارمق دہ قابلدر . بوکوجوک جانی کتلہ ، نہایت الامر ، جانسز عنصرلردن ، مولدالماء ، مولدالموضہ ، آزوت وقاربون ذرلرندن یالپشدر . ایشته ، یاشامایان بر طاقم جزؤلر ، امتزاج ایتمکہ ، بربرلرینہ یافلاشمقلہ ، تشارک ایتمکہ ، بردن برہ ، تماماً یکی اوصاف وخواص ارانہ ایدہ بیلورلرکہ بونلر حیاتک بر وصف ممیزی اولورلر . ایشته چوجوغہ ، بر اعتبار ایلہ ، بر کلک ، اجزاسنک یکوننہ مساوی اولامایہ جقنی آکلاتہ جق واونی ہیئت اجتماعینک سادہ جہ کندیسنی ترکیب ایدن فردلرک یکونندن عبارت اولمادیغنی آکلامفہ سوق ایدہ جک بر درس (چوجوق بونلری پک کوزل تقدیر ایدہ بیلر) .

یالکسز ، بوتدریسات تفکر و افعال اوزرنندہ غایت اینی برتائیر اجرا ایدہ بیلر سادہ غایت بویوک براحتیاط ایلہ اجرا ایدیلک لازمدر . فی الحقیقہ ، چوجوغنی پک قولای بر عقلجلقدن حذر ایتدیرہ جک بر موقعہ قویق حائر اہمیتدر ، فقط کندیسنی تصوفندنہ عینی احتیاط ایلہ محافظہ ایتمکہ لزوم واردر . اوکا ، بسیطلکہ عاشق اولان ادراکزک ایستہدیککی کی اشیانک بسیط اولمادقلری انطباعنی ویرمک اقتضایددر . فقط اشیانک اعماقندہ بیلہ ہم ناصل عقل ایرمیہ جک بر حال ، عقلک هیچ برزمان نفوذ ایدہ میہ جکی براساس ظلمت بولوندیننی حسننی چوجوغہ ویرمہ ملیدر . مفکرہ نی ، تحصیلک لزوم سزلغنہ اقناع ایچون ، وقایعہ ومخلوقاتدہ مظلم برشی بولوندیننی نقطہ سندنہ پک اصرار ایدیلدیکی واقع اولمشدر و آلاندمہ

اولمقدمه در . عقل ، يالکز باشنه كندى كنديسنه كافى كلمكه تشبث اينديكى وقت ، بيله م ناصل يوكسك بر پرنسپ نامنه ، اعلان عجز ايمهسى واشيا ايله اشتغالدن واز كچمهسى ايچون ضعفى كنديسنه خاطر لاتيلىور . چوجوڭك ذهنى بو ايكي اوچورومه دوش-سكدن وقايه ايتك اقتضا ايدر . چوجوڭه ، اشيا نك بردن بره تنوير وايضاح ايديله ميه جكلىرى ، حتى ، انسانك هيچ بر زمان حقيقتى تماماً تنويره موفق اولامايه رق تماماً قارا كلكده قاله جفى آكلا تمق لازمدر . فقط ، عيى زمانده ، اوكا ، تاريخه استناداً كوزلجه كوسترمليدر كه بو ظلمت كيتدجه ، آزاليور ، بو ترقيه آشامايه جنى بر حد تعين ايتك غير قابلدر . ترقى ، ده ابد ايت تاريخدن اعتباراً باشلامشدر و بى پايان صورتده دوام ايمهسى پك ملحوظدر . عقل جيلقى ، بهمه حال ، بوكون علمك آراتق وجوده كله جكنى ، نهايته ايره جكنى تضمن ايتز . عقل جيلغك بوتون تضمن اينديكى ، بوتون تأمين ايله ديكي شى ، علمك ترقياته بر حدود چيزه رك كنده يسنه : سن بورايه قدر كيده بيليرسك ، ده اوزاغه كچه مزسك ديمك ايچون هيچ بر سبب بولونماديغندن عبارتدر . عقلجى اولاق ايچون ، يقينده بر زمان كله جك و علم تماماً نهايته ايره جك ديه اعتقاد ايتكه لزوم يوقدر . سرارئك ، غير عقلى شيلرك باشلاديفنى صريح بر نقطه بولونماديغنى ، فكر علمينك بورايه صورت قطعيده عاجز بر حالده كلوب چارچماسى ايجاب ايمهيه جكنى قبول ايتك كافيدر . بناءً عليه ، قائمزه ايشله . مش اولان ده قارتخيلقدن تماميله كندى عى محروم بر اققى موضوع بحث اولماور . قويو بر عقلجى اولارق قلامز ايجاب ايدر . فقط عقل جيلغمز اوبسيط پرستلكدن صيبريالى ، قولاي و شكلى تجربه لره اعتماد ايمه ميه ي اوكرنملى ، اشيا نك مر كبلكى و كرفتلكى حسنى ايچزه ده فضله سيند يرمليدر .

جوق كره ، وبالخاصه صوك زمانلرده ، مثبت علمى هر دورلو اهميت اخلاقيه دن محروم اولمقله اتهام ايتمشلدر . اجسامك ناصل سقوط ايتدكلىرى ، معدنه ك هضمى ناصل ياديفنى اوكرنمكله سائر آدم لره قارشى نه دورلو بر خط حركت تعقيب ايمه مز لازم كله جكنى اوكره نه جك دكلز ، دينلشمشدر . يوقارى سويله دكلر مز بومواخذنه ك حقسز اولديغنى اثبات ايدر . مثبت بر صورتده آكلا شملالرى و افعال و اعمال خصوصنده انسانه ره برك ايتمه لرى قابل اولان معنوى موجودات علمندن هيچ بحث ايمه دن ، ايشته كور يورزكه مady دنيا علملرى بيله اخلاقى سجه نه ك تشكىلى خصوصنده مهم بر رول ايضا ايتمكدن خالى قالمماور لر .

فی الحقیقه ، بو علملرک بی لزوم اولمالری ، آنجق حیات معنویه ایله طبیعتک اقسام سائره سی آراسنده بر فیصل بولوندینی ، بر اوچوروم موجود اولدینی تقدیرده قابلدیر . حیات معنویه تماماً ، بیلیم ناصل علوی ، مافوق تجربه بر عالمه متوجه بولونسه ایدی و بودنیایی دنیای جسمانییه هیچ برشی ربط ایتسه ایدی اوزمان بومادی علمی تدقیق و تتبع ایدن علملر ، فی الحقیقه ، نه وظیفه لر می آ کلامق خصوصنده بزه یار دیم ایده بیلیرلردی نه ده اونلری تطبیق ایتک خصوصنده . فقط ، بز عالم مادی ایله عالم معنوی آراسنده کی بوایکیلیک رد ایتدک . کائنات بر در . فعالیت اخلاقیه هیچ شبهه سز که فردک فوقنده بر طاقم غایه لره مالکدر . فقط بو غایه لرده معدنیات یا خود ذوالحیات کی عملی و تجربیدرلر ، طبیعیدرلر ، یعنی هیئت اجتماعیه لرده عبارتدرلر . هیئت اجتماعیه لر طبیعتک اجزاسنددرلر . طبیعتک ، خصوصی بر ساحه سندن عبارتدرلر . بالخاصه کرفت و مرکب بر قوتدرلر . بناءً علیه ، طبیعت مادیه علملری نوع بشری ده کوزلجه آ کلامغه بزی حاضر لایه بیلیرلر ، بزه دوغرو مفهوملر ، ای فکری اعتیادلر و بریرلر که بونلر خط حرکت می حسن اداره خصوصنده بزه خدمت ایدرلر .

اون سگزنجی درس

بریدی تهذیب - تاریخی ندرسات

صوك درسده ، تربیه اخلاقیهده علملوك تدریساتك رولی نه اولدیغی کوستربركن ، بونك ، صنایع نفیسه نك و ادبیاتك ایفا ایده بیله جکاری رولدن دها مهم اولدیغی علاوه ایدیوردم . استطراد قیلندن بیان ایدیلن بو حكمك بر اثر غرابت عد ایدیله سنی ایسته مم . سبیلرینی سسویله مکه اهمیت وریسورم . بدیی تهذیب ، ایلك مکتبلرده پك آز بر موقع اشغال ایتمکه برابر ، اونی تماماً مسكوت كچم غیر قابلدر . بدیی تهذیبه چوق كره اخلاق سجه نك تشكکل و تمیه سننده مهم بر حصه عطف اولوندینی ایچون ، بونی ، بحث ایتمك ایسته مز کی کورونوبده ینه بحث ایتمك صورتیله تدقیق و تنبع ایتمك ایسته مم . هیچ اولمازسه ، تربیه اخلاقیه بحثده نهدن دولایی بدیی تهذیبه ایکنجی درجهده ، نالی بر موقع عطف ایتدیكمی ایضاح ایتملیم .

شبهه سزكه ، ادبیاتیده محتوی اولق اوزره ، صنایع نفیسه نك بحق بر تربیه اخلاقیه آلتی کی تلقی ایدیله بیله جك بر طرفی واردر . فی الحقیقه ، صنایع نفیسه ، اساس اعتباریله فکرجیدر . واقعا ، بوادعا ، بکنظرده بر طرفدن فکرجیلک ایله دیگر طرفدن حقیقتجیلک ، یاخو طبیعتجیلک آراسنده دانا حل ایدیله مش دوران اختلافی ، قبل التدقیق کس دیروب آثار کی کورونه بیلیر . فقط هیچده بویله دکلدرد . چونکه طبیعتجیلرده ، کندیلرینه کوره ، فکرجیدر لر . بر کره ، طبیعت هیچ بر زمان عینی عیننه قوپه ایدیله مز . طبیعتده موجود کوزللكك یانسنده چرکینلک وعادیلکده واردر . بناء علیه ، صنعتكارك مخیله سی بونی دکیشدریمك اقتضا ایدر . بوندن باشقه ، کوزل اولدینی نقطهده طبیعتك کوزللكنی وجوده کتیرن شی ، بزده او یانیدیر دینی نوعی کندیلرینه خاص انطباعر و هیجانلردر . صنعتك غایه سیده ایسته تماماً فکری اولان بو حالتلری طبیعتك مالک اولدینی وسائطدن باشقه وسائط ایله ترجمه دن عبارتدر . دیمك ، که هر اثر صنعت بر مفکوره نك افاده سیدر . آراده کی یکانه فرق حقیقتجیلر نظرنده مفکوره نك دوغروندن دوغرویه حقیقتك منظرده .

سندن تولید ایدیلش اولماسندن ، دیکرلرینک تلقیسنه کوره ایسه ده‌ا زیاده بر سعی باطنی اثری بولونماسندن عبارتدر . فقط بو ، آنجق بر درجه فرقلیدر . حالبوکه ، مفکوره ، تعریفی اقتضاسی اولارق ، حقیقتک ایچنده تشخیص ایدمه‌ین ، حقیقتدن خارجه طاشان ، اونک حدوددرینی کچن و بناءً علیه ، بزمده حدودلرمری تجاوز ایدن بر شیدر . ایشته ، مفکوره‌یی نه صورتله تصور ایدرسه‌ک ایدلم ، بزه نسبتله بر نوع فائقی حائرکی نمایان اولور . مالک اولدیغمر قوای طبیعییه تفوق ایدر . بناءً علیه ، بر انسان کندی نفسندن باشقه یر شیده ربط نفس ایتمش اولمقسزین ، هر هانکی بر مفکوره‌یه مربوط اولاماز . ایشته بو صورتله صنعت عشق ، بدیی نشئه‌لر ذوقی نفسدن اوزاقلاشمغه ، خارجه چیقمغه بر استمداد بولونمادن ، یعنی فکر منفعتدن بر درجه تباعد ایدیلندن قبل حصول دکلر . فی‌الحقیقه ، قوتلی بر انطباع بدیعینک تحت تأثیرنده بولوندیغمر وقت ، بزه بوانطباعی وجوده کتیرن اثره تماماً کندیمزی ویریز . اوندن آیریلق ، اونی اونوتماق المزدن کلز . اطرافزی احاطه ایدن شیلری ، هر زمانکی دردلرمری ، اوآنده‌کی منفعتلرمری اونوتورز . صنعتک او بویوک مزیت تسلیتکاریسنی وجوده کتیرن سبب بودر . صنعت بزی تسلیه ایدر . چونکه بری کندیلکمزدن اوزاقلاشدیرر . حتی ، ونفسی اونوتمه‌کیفیتی صنعتکارده حقیقتی بر وجد حالتلرینه قدر وارایلیر . افاده‌یه چالیش-بدینی فکره یاخود حسه تماماً مفتون اولان شاعر ، رسام ، موسیقیدشناس ، اونلرک ایچنه دالارلر ، کومولورلر . تصویر ایتمکه چالیشدقلری شخص وقعه ایله تماماً عینی هویتی آلیرلر . ناصلکه فلور ، بر تسمیم وقعه‌سنی تصویر ایدرکن ، حقیقهً بونتسمیم اعراضی حس ایتمشدی .

ایشته صنعتکارک یاخود ساده‌جه ، بر حظ بدیی دویان آدمک بو عملیه فکریه‌سی ، باطنی مقانیزمه‌سند او بویوک مربوطیت وفداکارلق افعال و اعمالی انتاج ایدن مقانیزمه‌یه نقطه‌سی نقطه‌سنه موافقدر . تماشا ایتدیکی کوزلکه تماماً کندینی قاپدیران بر آدم ، نفسی اوکوزلکه ویرمشدر ، اونکه مزج اولمشدر . ناصلکه منسوب اولدینی زمریه کندینی ویرن آدمده اوزمره ایله ممزوج اولور . کوزلک ذوقی او یاندیرمقله مفکوره‌یه فکر منفعتدن اوزاقلاشمق ، فداکارلق یا عقی یوللری آچیلیر . انسانی کندی نفسی نظردن اوزاق طوته‌رق کندیندن اوتیه‌یه ویوقاری‌یه باقعه ، نفسی دنیانک مرکزی کبی تلقی ایتمکه سوق ایدن هرشی ،

کندیسی قسماً تجاوز ایدن بر هدفه اونی باغلایان هرشی ، اونده ، حیات اخلاقیه‌نک تا منبعنده مصادف اولدیغمز اعتیادات و تمایلاته تماماً مشابه اعتیاد و تمایللری انکشاف ایتدیرمکدن باشقه . شیئه خدمت ایتمز . هرایکی شقده‌ده ، صیقی صورتده نفس اوزرنده تمرکز ایتمز بر حالده قلاماق ، خارجه کنیش صورتده بئلکمزی آجق ، حیات خارجه‌نک ایچمزه کیرمه‌سنه مساعده ایتک و کندیگری اونوته‌جق درجه‌ده او خارجی حیات ایله برلشمنک یولده عینی بر احتیاج و عینی ملکات موجوددر . بر معناجه ، بدیی حرث اراده‌یه اولیه بر وضعیت ویریرکه تربیه اخلاقیه سوکره بوندن کندی غایه‌لرینه وصول خصوصنده استفاده ایدمیلیر . بناء علیه ، صنایع نفیسه ، تلقین اخلاق ایچون قوتلی بر واسطه‌کی ظن اولونایلیر .

فقط بولوحه‌نک برده ترس طرفی واردر . بدیی تهذیبک اخلاقی تهذیبدن جذری صورتده مخالف بر استقامت تعقیب ایتدیکی نقطه‌سی‌ده واردر .

بوده ، صنعتک ساحه‌سی حقیقت ساحه‌سی اولمامقدن ایلری کلیر . صنعتکارک بزه تصویر وارائه ایتدیکی اشخاص ، دوعروندن دوعرویه شأنیتدن استعاره ایدیش اولسه‌بیله اونلرک کوزللیکلرینی و حوده کتیرن شی شأنیتلری دکادر . شو منظره صحرائیه‌نک فلان یاخود فلان یرده موجود اولمش اولماسنک ، بردرامده‌کی شخص وقعه‌نک تاریخده یاشامش بولونماسنک بزجه پک آز اهمیتی واردر . اوشخصی ، تیاروده تاریخی اولدیغندن دولایی تقدیر ایتمز ، کوزل اولدیغندن دولایی اوکا حیران قالیرز . اوشخص ، تماماً بر خیال شاعرانه‌نک محصولندن عبارت اولسه‌ده هیجانمز بویوزدن ذره قدر تناقص ایتمز . حتی ، پک دوعرو اولارق دینه‌بیلیمشدرکه ذهاب پک تام اولدیغنی و صنعتکارک تصویر ایتدیکی صحنه‌ی بزه حقیقی دبیّه ظن ایتدیردیکی زمان ، کوزللیک خطی زائل اولور . شبهه‌سزکه بوضورتله کوزلر مرکز اوکنه عرض ایدیلن انسانلر یاخود شیلر پک آجیق صورتده حقیقتدن اوزاقلاشسولردی . مفکره اونلره علاقه‌دار اولمازدی . بناء علیه ، بدیی هیجان دوعامازدی . فقط ، لازم اولان بوتون شی ، غیر حقیقیلکاری پک کوزه چارپه‌جق درجه‌ده بولونماقدیر . عدم امکانلری بزجه پک باهر اولمامیلیر .

برده ، هانکی آندن اعتباراً ، هانکی صریح نقطه‌دن سوکره ، بر حقیقته بکزمه‌مهمک کیفیتک پک باهر و تحمل ایدیه‌میه‌جک درجه‌ده سبکیره دوقونور بر شکل آلدیغنی‌ده

کسیرمک قابل دکلر . شاعر لر ، علماً معناسز اولان و بومعناسز لقلری بزجه ده معلوم بولونان شیلری قاج دفعه بزه قبول ایتدیرمشلردر ! حظمزی اخلاص ایتمه مک ایچون ، ادراک ایتدیکمز خطالره مع الممنونیه بر شریک جرم اولورز . حاصلی ، صنعتکار ایچون ، دائماً و کافه احوال و شرائطه مطلق مطاع اولماسی لازم کلن طبیعت ویا تاریخ قانونلری یوقدر . اثر صنعتک بووصفی ایضاح ایدن شی ، افاده ایتدیکی و بزه سرایت ایتدیردیکی باطنی حالتلرک بر طاقم احتساسلردن و مفهوملردن عبارت اولمایوب برر خیال اولمالریدر . بدیی انطباع ، صنعتکارک حواسمز اوزرنده دکل ، ادراکمز اوزرنده دکل ، محیله مز اوزرنده یاپدینی تأثیرک طرزندن ایلری کلیر . بزه اشیا یی اوصورتده تصویر ایدرکه اونلری نه بوابده او بزه کتیف و غیر شخصی بر مفهوم ایدین بر عالم کبی ، نه حیات یومیه ده اونلره حقیقه تمامده بولوندیغمز وقت کندیمزک یاپه جغمز کبی ذهنمزده دوشونمیز . صنعتکارک رولی بزه اوله بر طاقم حالتلر تولید ایتمکدرکه بونلر طرز ترکب و امتزاجلری ، تأثیر باطنیلری سایه سنده عالم حقیقی ایله مناسبتلرندن قطع نظر ، بزه حظ بدیی ذیلن خصوصی بر حظ او یاندیرسونلر . بونلر خیاللردر . حالبوکه خیاللر ، فکری ماده نک ایسته نیلن شکله صوقولماسی اک قابلیتلی اولان نوعیدرلر . بونلر قدر مقاومتی آرز برشی یوقدر . احتساسی بزه دوغروندن دوغروییه خارجی و حاضر برشی تولید ایدر . احتساس ، او خارجی شینک شعورمز داخلنده بر استطاله سیدر . بناء علیه ، بر منظره سندن عبارت اولدینی او شیئی خارجی یی ایجمزده تولید ایتک ضرورتنده در . شیئی خارجی او هویت و ماهیتده اولونجه احتساسمزده ، نه صورتله اولورسه اولسون ، اوندن باشقه دورلو اولاماز . علم طرفندن اعمال ایدیلن مفهومک وظیفه سی ده احتساسدن باشقه طرزده اولسه ده هر حالده شائیتی ترجمه ایتمکدن عبارتدر . بناء علیه ، بومفهومده شائیتی مودل اتخاذ ایتک مجبوریتنده در . خیال ایسه ، بالعکس ، خصوصی و تماماً امتیازلی بر موقع اشغال ایدر . خیال ، باطنی بر قوییه سندن عبارت اولاجنی بر شینک زمان حالده اجرا ایتدیکی بر تأثیرک محصولی دکلدر . قطعی بر قاعده آلتنه آلتش علمی بر اعمالات کیفیتک استطاله سی ده دکلدر . خیال ، حررر . بر شائیت خارجییه اسیر اولقدن ، اونک بر قوییه سندن عبارت بولونمقدن چوق اوزا قدر . همان همان ایسته نلیدیکی کبی کندیسایله اویناق ، اوکا ایسته نیلن شکل ویریلک قابلدنر . هر شیدن اول بزم کیف و حاملزه ، باطنی استعدادمز تابعدر .

بزم اونی طرز استمالمزه کوره منظره سی دیکشیر ، آیدینلانی ، قاراریر ، بزه جانلی یاخود متروک کورونور . خیالار ، اشیا آراسنده کی حقیقی مناسبتلری افادهیه مجبور اولمادقلری ایچون ، غایت کیفی بر صورتده ، بزم ذی شعور یاخود غیرمشعور آرزولرمزه تبعاً ، امتزاج و ترکیب ایدمیلیرلر . بناءً علیه ، طبیعتک منقاد بولوندینی ضرورت شدیدهدن آزاده درلر . ایشته بوندن دولایدرکه قوانین طبیعت صنعتکار ایچون عادتاً موجود دکل کبیدرلر . بوندن دولایدرکه ، صورت عمومیهده ، صنعتک ساحه سی حقیقتک ساحه سی دکلدر . چونکه ، صنعتکارک یاشادینی عالم ، خیالار عالمدر . خیالار عالمی ایسه خولیا ، ماصال ، حر تربیات فکریه ساحه سیدر .

ایشته ، بنقطه نظرده ، صنعت ایله اخلاق آراسنده حقیقی بر منافرت واردر . صنعت بزی خیالی بر محیطده باشاتیر دیمشدک . بوندن دولای ، بزی شائیتدن وشائیتی وجوده کتیرن مشخص ، فردی وجماعته مشترک وجودلردن آیریر . صنعتک بزه ایفا ایتدیکی بویوک خدمت حیات حقیقه نك منظره سی ، انسانلرک حقیقی ماهیتلرینی کوزمرك اوکندن اوزافلاشدیرمقدن عبارت اولدینی پک حقلی اولارق سویلنمه بورمی؟ حالبوکه ، بونک تماماً عکسنه اولارق ، اخلاق عالمی ، حقیقت عالمدر . اخلاقک بزه امر ایتدیکی شی ، منسوب اولدیغمز زمره یی ، بوزمره یی ترکیب ایدن فردلری ، اشغال ایتدکلری طور اقلری سومکدر . بونلر ایسه کافهً مشخص و حقیقی شیلدر . اونلری دها بوکسک یردرجه مکملیه ایصال نشبشنده بولونسق بیله اولدقلری حال حقیقی ایله کوز اوکنده طوتغه مجبورز . چونکه اخلاق افعال و اعمال ساحه سنه منسوبدر . شائیتده موحود بر شینه تعلق ایتمیه جک بر فعل و عمل ایسه قابل دکلدر . وظیفه سی بایمق دیمک ، دائماً ، موجود و ذی حیات بر وجوده مفید اولمق دیمکدر . بناءً علیه ، صنعت ، انسانی حیات حقیقه دن اوزافلاشدیرمقله حیات اخلاقیه دنده اوزافلاشدیرر . اونک ایچون ، بدیی حرثک انکشاف ایتدیردیکی اعتیادلر آنجق قسماً و بر نقطه نظرده اصل اخلاقی اعتیاداته تشبیه ایدیله بیلیرلر . بونلر ، تشکیلات داخلیه لری اعتباریه یکدیگرلرینه بکیزرلر . فردی کسندی وارلغندن خارجه جیقارمغه هرایکیمی ده تمایل کوستیررلر . یالکیز ، بر قسمی بزی یالکیز خیالاره ، صرف مفکره مرك خلق ایتدیکی شیلره ربط ایدرلر ، بر قسمی ده ذوی - الحیاتلر دنیا سنه ربط ایلرلر . انسانلری ، اولدقلری کی کورمک ، چرکینلکلرینی ، سفالتلرینی کورمک لازمدرکه بونلره چاره ساز اولمق قابل بولونسون . صنعت ایسه نظرلرینی بوتون

بونون باشقه بر طرفه جویریر . اونك استقامتی بوتون بوتون آیریدر . بوندن دولاییدرکه نرده اخلاقلیق اك باشلی تمللری تهذیب بدیییه مدیون ایسه زائل اولور ، اوچار کیدر ، عادتا بر نحیه ملعبه سندن عبارت قالیر . مفکره ، مبهم برطاقم باطنی امللرله ، ممتاز خولیارلرله کندیسنی آووتور . حالوکه اخلاقلیق ، شأینتی ادامیه ویا نحویه خادم معین ومؤثر افعال و اعمالدن عبارت اولمق لازم کلیردی . چوجوفر مزدن بعضیلرینك آلدقلى تماماً بدیی برتربیه نك تأثیریه چوق کره میدان اولیه آدملر چیقورکه اونلر نظرند اخلاقی یوکسكلك ، کندیلرینك ایچنده کوزل بر بای افکار ، کوزل بر مفکورلر سیستمی انشا ایتمکدن عبارتدر . ایشه صاریله جقلری ومشترك وظیفه دن حصه لرینی آلاحقلى یرده بو بنایی تنبل تنبل سیر ایتمکدن واوکا حیران قالمقن باشقه برشی یامازلر .

صنعت ایله اخلاق آراسنده کی بومنافرت شو صورتله افاده ایدیلر ییلر : صنعت ، چوق کره او یونه تشبیه ایدیلر . فی الحقیقه ، وایکی نوع فعالیت ، عینی بر حنسك ایکی نوعیدرلر . اوینادیغمز وقت ، بر اثر صنعتی تماش ایتدی کمز وقتی کی ، صنعی ، خیالی ر حیات ایله یاشارز . حتی ، اگر بو حیات ، حیات حقیقیه دن هیچ فرقمز بر حاله کلیرسه بوتون لطافتنی غائب ایدر . کاغد ، زار او یونلرینی سویورسه ق بو ، هیچ شبهه سزکه ، بو او یونلرک تصمن ایتدکاری کوچوک محاربه نك ، هر کونکی مبارزده بر ریزه قارشى کیریشدی کمز جدالره بکزمه مکدن خالی قالماسدن ایلری کلیر . فقط ، مشابته پک تام بر حاله کلیرسه ، مثلاً اورته ده کی باره جوق عظیم اولورسه واهمیتی حسیله ، مساعیمزك منتظماً تأمین ایتدیکی احرته پک یاقلا شیرسه ، او یونك ذوق قاچار . جدیله شیرز ؛ جدی حیات آدملغه عودت ایدررز ؛ آرتق او یون اوینا ما یورز دیمکدر . دیمك که ، او یونه علاقه دار اولمازمه سبب نخیله در . هم بو نخیله ده آلدانمش دکلرذر . بو علاقه ، بر ذهاب باطل محصولیدر . فقط اولیه بر ذهاب که پک تام بر حاله کله یه حك صورته کندیسنی بر درجه یه قدر فرق وتقدير ایتمه من لازمدر . ایشه صنعت حقننده بویله در . بر اثر صنعت عالم حقیقی ایله هیچ حائر مناسبت اولماسه شبهه یوق که زى علاقه دار ایدمزر . فقط ، دیگر طرفدن ، بر اثر صنعتده تصویر ایدیلن اشخاص وقایعی برر شأینت دییه تلقی ایدم جک اولورسه ق ، واونلره قارشى حقیقی اشخاص و اشیایه قارشى بسله دیکمزر حس ایله متحسس بولونورسه ق او آرتق بزم ایچون بر اثر صنعت اولمقن جیقار . دیمك که او یون و صنعت بزى عینی وجهله خیال لر عالمنده یاشاتیلر . بونلرک خیال اولدقلى ییلر .

صنعتك ذوقى كې اويونك ذوقى تامين ايدن شى دە بو خياللارك ترتيب و مزجى كيفيتندن عبارتدر . بواعتبار ايله ، صنعت بر اويوندر دينلەبيلير . اخلاق ايسە ، بالعكس ، جدى حياته تعلق ايدر . حتى ، جدى حياتك ايجنده ده اك جدى ومهم اولان برشى وارسە اوده اخلاقدر . فعاليتك بوايىكى شكلى آراسنده كى عظيم مسافه ايشته كوروليور : اويونى مساعيدن آيران مسافه نە ايسە بۇدە اودر . بناء عليه ، خصوصى بر اويون اولان صنايع نفيسه يى اوكرنمك طريقى ايله وظيفه مزى ياپنايى اوكرنمش اولامايز .

مع مافيه ، صنعت ، تربيه اخلايه ده هيچ بر رول ايفا ايتمز دكلدر . بالعكس ، ويرديكمز ايضا حات ، صنعت ترتب ايدن حصه يى واوندن بلكه نەيله جك خدمتى تامين وارا ئايە كفايت ابدەبيلير . صنعت ، بر اويوندر ، ديدك . فقط اويونك دە حياتده بر ىرى واردر . متصل چاليشەمايز . دائمى بر جهد وغيرت صرف ايدەميز . سعى ، معين بر غايە اوزريده قونك تمرکزى تضمن ايدر . بوتمر كزده ايسە غير طبيعى بر حال واردر كه الى نەايە دوام ايدەمز . جهد وغيرتك آرقەسى صبرا بر ديكلمە كلمەسى ، فعاليتك بر اويون شكلى آلماسى لازمدر . فقط دورلو دورلو اويونلر واردر . قابا ومادى بر طاقم اويونلر وا در كه خودكائانه حتى عنيفانه حسلره مراجعت ايدرلر (بعض اسپور اويونلرى كې) . بونلر ، هر كونكى مبارزه لرمزده بى تحريك ايدن حسلره پك يقيندرلر . بالعكس ، باشقه اويونلرده واردر كه حد ذاتلرنده اخلاق اولماقكە برابر ، بعض نقطه لرحه اخلاقى حسلره بکزه بن حسياتە مراجعت ايدرلر . بووصنى اك جوق حائر اولان اويون ، صنعتدر . فى الحقيقه ، صنعتك ناصىل فكر منفعتدن برتباعدى ، نفسدن بر آيريلنى ، اك قانا منافع ماديدەن ابروزا قلاشنايى ، حساسيتك وارادەنك بر نوع معنويت كسب ايتەسنى تضمن ايتديكنى كورمشدك . ايشته بونقطەدن صنعت بى علاقه دار ايدر . بوش وقتلرمز اولوق ووش زمانلر بزم طرفزدن ممكن اولدينى قدر نحيبانه و موافق اخلاق بر صورتده دولدورلوق لازمدر . بونك واسطەلر يى يالگىز صنعت تامين ايدر . صنعت ، اويونك نحيب شەكليدر ؛ بوش زمانلرمزە قدر تاثيرى تشميل ايدن واونلر كندى خصوصى تمغاسى اوران اخلاقدر . ايشته بوندن دولاييدر كه بوتون جوجوقلره بر تهذيب بدبى ويرمك مقتضيدر . حد ذاتده بوش وقت دائما تهلەكلى بر آندر . جدى حياته ، انسان فنا جاذبه واغفاللره قارشى سعى مجبوريتده كنديسەنە بر مظاهر بولور . مفيد مساعيدى

بر کره نهایت بولونجهده ینه اوفنا جاذبه واغفاللره قارشی مقاومت کوسترمه بیله جک و اخلاق بوزولمادن بر شبله مشغول اولایبیله جک بر وضعیتده اولمالیدر . صنایع نفیسه دن برینه آلیشدیریلان بر آدم ایشته بوتهلکدن مصون قالر . فقط ، عینی زمانده ، کوروللیورکه صنعت ، اخلاق تربیه سنده بر رول ایفا ایدیورسه ، بورول تماماً منفیدر . صنعت ، اخلاقی سجه یی تشکیل و تربیه خدمت ایتمز . فعالیت ، حد ذاتنده اخلاقی بر غایه به باغلاماز . صنعت اخلاقلیلغک مثبت بر عاملی دکلدرد . مزاج اخلاقی بر کره وجوده کلدکدن صوکره اونى بعض فنا تأثیرلردن محافظه ایچون بر واسطه در . صنعتدن تالی بر صورتده ، طادتا تصادفی کی بحث ایدیشم ایشته بوندندر . جوجوگک اخلاقی تشکائی وجوده کتیرمه که خادم واسطه لر تحلیل اولوندینی وقت ، چکیلن بول اوزرنده صنعته تصادف اولونماز .

عینی زمانده ، علملرک تدریساتنه عطف ایتدیگمز غایت عظیم اهمیت ده ائی عقل ایردیرمکده قابل اولور . اخلاق ، جدی حیاتدر ، غایه سی شائی اولان شیلردر ، دبدک . اخلاقک بزدن طلب ایتدیکی افعال و اعمال اضرافزده حقیقه موجود اولان اشیا واشخاصه تعلق ایدرنر . بناءً علیه ، بو اشخاص و اشیا یی نه قدر ائی طایرسه ق ، بزه امر ایدیان افعال و اعمالی اوقدر ائی ایفا ایده بیله جک بر حاله کلبرز . شأیت حقنده کی مفهومز نه قدر دوغرو اولورسه ایجاب ایتدیکی وجهه بر خط حرکت تعقیبنه اوقدر صالح اولورز . حقیقه وار اولان شیلری ایسه بزه علم اوکره تیر . بناءً علیه ، کرک اخلاقی کرک سائر دورلو افعال و حرکاته رهبرک ایدن فکترلری علمدن ، یالکیز عامدن طلب ایتمک اقضا ایدر . علمی تدریساتک اهمیت اخلاقیه سی ایشته بوندن ایلری کلبر .

علوم ماده نیک بو غایه یی تأمین نه ناصل خدمت ایده بیله جکلرنی و خدمت ایتمه لری لازم کله جکئی کوردک . بو علملر ، جوجوغه غایت سلیم اعتیادات فکریه اکتساب ایتدیرمه که خادم اولورلر ، جوجوق اخلاقی حرکتلرنده بوندن استفاده ایدر . فقط بر شأیت واردر که بونی طایق و سائرلرندن فضله هر کسه طانتق بزم ایچون حائر اهمیت اولدینی بدیهیدر . چونکه فعالیت اخلاقیه نیک اک باشلی غایه سی اودر . بوده شأیت اجتماعیه در . شبهه سزکه ، عالم اجتماعی ، عالم طبیعیدن بر اوجوروم ایله آیری بولونمادینی ، عالم مادینک اک اساسلی اوصافی کندییسه اراؤه ایتدیکی ایچون طبیعت ماده یه تعلق ایدن علملر

اخلاق ایچون فأندهسی غیر قابل انکار احضاری بر تربیه تشکیل ایدرلر . مع مافیه ، هیئت اجتماعیة نك کندیسنه خاص بر ذوقی ، بر تشکلات خصوصیه سی واردلر . بناء علیه ، هیئت اجتماعیة بی حد ذاتنده اولدیغی کبی طائیتق ، چوجو نك مفکره سنی دوغروندن دوغرویه هیئت اجتماعیة ایله تماسده بولوندیرق بهمه حال الزمدر . واقعا ، اصل اجتماعی وقعه لرله عائد علم هنوز پك ابتدائی و ناقص بر حالده بولوندیغی ایچون مکتبه تدیس ایدیلهمز . فقط مکتب تدریساتی آراسنده بر دانیه سی واردلر که سوسیولوژی نك یقین اقرباسندندر ؛ چوجو نك هیئت اجتماعیة نك ، فرد ایله مناسباتنك نه اولدیغنه دائر غایت کافی بر فکر ویره بیلیر . بوده تاریخ تدریساتیدر .

چوجو نك ، هیئت اجتماعیة یه ربط نفس ایدیه یلمك ایچون ، اوند حقیقی ، جانی ، قدرتی فرده حاکم برشی بولوندیغی حس ایتملی وعینی زمانده بئلککنده موجود الک ایی اوصافی اوکا مدیون اولدیغی تقدیر ایله ملیدر . ایشته ، ایی آ کلاشلق شرطیله ، تاریخ تدریساتی قدر بوانطباعی ویرمه قابلیتی هیچ برشی یوقدر . شبهه سز که ، اسکی ضلالتلره صادق قالاراق ، چوجو نك ، مثلاً ، عصری حقوقرک ناپولیون طرفندن وجوده کتیریلدیکنی ، ۱۷ نجی عصر ادبیاتنك ۱۴ نجی لوبی نك شخصی تأثیریله تولد ایتدیکنی ، پروتستانی لوتهرک یایدیغی سویله مکده دوام ایدیه جک اولورسوق ، کچن دفعه بحث ایتدیکمز قدیم فکر باطلی ادامه ایتمکدن باشقه برشی یامش اولماز . ظن اولونیوردی که هیئت اجتماعیة فردلره کندیسنی جبر آقبول ایتدیرن برهامت وطبیعت مخصوصیه مالک اولوق سویله دورسون ، بالعکس بعض فردلرک محصول تأثیر ایدر . بوفکر باطل ، سائر شایان اسف نتیجه لرماننده بزی « وطن » ی بر « آدم » ده تشخیص ایتدیرمه ، سوق ایله مک کبی بر نتیجه ده تولید ایدر . فقط ، تاریخی بویه بسیط صورته آ کلامق طرز نك سقامتی بوکون آرتق مناقشه یه حاجت یوقدر . برعصردن بری ، مورخلر جاعتجه مشترک و منفرداً هیچ کیمسه یه قابل عطف اولامایه جق برطاقم قوتلرک تأثیراتی میدان اهمیتیه قویمشلردر . بوقوتلر اقوامی سوق واداره ایدرلر . چونکه اقوامک کندیلیرینت اثریدرلر ؛ چونکه فلان ویا فلاں شخصدن دکل ، هیئت مجموعه سیله هیئت اجتماعیة دن چیقارلر . ایشته ، یالکیز فرانسه نك تاریخی بوغیر شخصی حیاتک شائینی حسنی چوجو نك ویرمه خادم اولاجق بیک دانه مثال عرض ایدر . فقط احتمالکده ده بارز ، ده مثبت بر مثال ، طلبه نك ذهننه احتمالکده ده فضله چارپه جق بروقه ، اولره یالکیز فلان زمانده هر بریمزک بوتون معاصرلرمزک

مشرتک نفوذی آلتنده قالدیغمزی آ کلاتمندن زیاده هر نسلک کچمش نسللره تابع اولدیغنی، هر عصرک، نه اولورسه اولسون، کچمش عصرلرک اثرینه دوام ایتدیکنی، او اسکی عصرلرک چیزمش اولدقلری یولده یورودیکنی، حتی مخالف براستقامت تعقیب ایتدیکنه ذاهب اولسه بیله ینه او اسکی یولدن آیریلادیغنی کوسترمکدر. دائماً، صانکه هیچ دکیشمه دن، متصل کندی استقامتمنده ایلری به دوغرو یورون و بوتکامله برواسطه و آت اولان فردلر لاینقطع تحوّل ایتدیکی حالده، هیچ یولندن شاشانیان بو حیات اجتماعیه منظره سی قدر بویوک بردرس اولایلیری؟ شهه سز که ایلک مکتب طلبه لری اوکنده تکامل اجتماعینک ضروریلکنه دائر مجرد وفلسفی ملاحظات درمیانه قالدیشمق موضوع بحث اولاماز. بونک قدر معناسز بر حرکت زور بولونور. ایجاب ایدن شی ساده جه اونلره انکشاف تاریخنک نه اولدینی حقنده قوتلی برانطباع ویرمکدن عبارتدر. بالخاصه، الآن بک موقع اعتبارده بولونان بعض یا کلش فکرلره میدان ویرمه مک لازمدر. مملکتتمزک تاریخی ایسه بو دیدیکمز یولده تدریساته شایان حیرت بر صورتده اویار. چونکه تاریخنمز، اساساً شایان حیرت بروحدتی حائردر. حکمدارلق اصولنک تقویت بولدیغنی و دره بکلکی کندیسنه تابع قیلدیغنی دقیقه دن، ناحیه لرک ظهور ایتدیکی آدن انقلاب کبیره کانجه به قدر، نارخنمزک تام برتمادی ایله انکشاف ایتمش اولدیغنی کوسترمک قدر قولای بر شی یوقدر. بربرندن اک چوق فرقلی حتی یکدیگرینه ضد ره ژیملر، هیچ فرقنه وارمق سزین، عینی ایشک عمله سی اولمشلردر. چونکه اونلری عینی استقامته - وق ایدن قوت اشیا او قدر شدید ایدی. مطلق حکمدارلق اصولی ایله انقلابی و اختلالچی دهه و قرایی بربرلینه تمام آزد اولدقلری سویلرلر. حالبوکه، ایکنجی به یولی حاضر لایان برنجیسیدر. انقلاب آدم لرینک نهایته ایردیردکلری وحدت معنویه نک اسکی ره ژیم طرفندن ماصل حاضر لانش اولدیغنی کوسترمک وسیله سی یوقاریده ظهور ایتمشدی. ناحیه لر تشکیلی حرکتی ایله انقلاب حرکتی آراسنده کی رابطه بوکون هر کجه معلومدر. حالبوکه ناحیه لرک نائل حقوق و آرادکی اولماسنه قراللرک ده ماصل مساعد داوراندقلری مجهول دکلدرد. بناءً علیه، ناکهانی فیصللر وقوعه کلدیکنه ذاهب اولمقدن کندیمری منع ایدلم. مشهور برسوزه کوره، تاریخک هیچ برطرفده ناشلانغی و صوکی اولمادیغنی انطباعی ویرمه جهک اولورسه تدریسات تاریخنه دن تعقیب ایدیلن غایه الله ایدیش صایلاماز. صوک عصرک نهایتلرنده دستور حالنه کان فکرلری سودیرمک ایچون اونلری همان همان عقل ایرمز برنوع اثر ارتجال کی ارا نه ایتمه

حاجت یوقدر . بوفکرلرک ، حقیقت حالده . بوتون اولکی انکشافاتک بر محصول طبیعیسی اولدقلری کوستریلهجک اولورسه حکم ونفوذلری دهازیادهلشمزمی؟ حتی انقلاب آدملرینف شان وشرفی بیله بوندن دولایی آزالماز . چونکه اوزاتلرک اصل مزیتلری ، وضعیت تاریخیدن ، منطقی صورته تضمن ایتدیکی نتیجهلری استخراج ایتش اولمقدر . ایشته بوصورته ، چوجوق وصوکره بویوک آدم ، بوکون کندیسند . موجودتی تسلیم ایدیلن حقوقک ، نائل اولدینی حریتک ، حس ایتدیکی حیثیت معنویهک ، بوتون بونلرک فلان ویا فلان فردلرک ، فلان ویا فلان نسللرک محصولی دکل فرانسه نامی ویریلن اوهم شخصی هم غیر شخصی وارلرک ، تعبیر دیکرله ، اک اوزاقمنشألرندن اعتبارآبوتون هیئت اجتماعیهک اثری اولدیفنی ، کندیسنک حریتنی هیئت اجتماعیهک حاضرلادیفنی آکلار .

فقط ، چوجوغی منسوب اولدینی اجتماعی زمربه ربط ایچون یالکز اوزمرهک شأیتی حس ایتدیرمک کافی کلز . بنامدنک بوتون یالیفله حقیقه اوزمرهیه مربوطیت حس ایتیهسی لازمدر . بونک ایچوند یالکز برمؤثر اصول وارددر . اوده هیئت اجتماعیهک چوجوغک ایچنده یاشاماسنی ، اونک برجزه لاینفکی اولماسنی ، آرق کندی نفسندن آریلادن هیئت اجتماعیهدن آریلابیلمهسی غیر قابل برحاله کلهسنی تأمین ایتمکدن عبارتدر هیئت اجتماعیه ، تاریحک فلان یاخود فلان صفحهسنده احتوا ایتدیکی فردلرک اثری دکدر . اشغال ایتدیکی طوبراقلرده دکدر . هرشیدن اول ، فکرلردن وحسلردن ، بعض تلقی وحس طرزألرندن ، بوتون زمربهک وصف ممیزی اولان فکری واخلای بر سیای مخصوصدن عبارتدر . هیئت اجتماعیه هر شیدن اول ، بر شعورددر : جاعتک شعوریدر . دیمک که چوجوغه انتقال ایتدیرمک لازم کلن شی بو جاعتجه مشترک اولان شعورددر . شهسزکه بو نفوذ کیفیتی ، حیاتک سوبله انسانلر آراسندهکی مناسباتک بر ماکنه کی تأثیریه قسماً کندیلکندن وقوعه کلر . بو فکرلر ، بوحسلر هر طرفده موجوددرلر . چوجوق ، حیاته بولونمقله اولرله مشغول اولور . فقط بویک مهم برعملیه اولدینی جهنله تصادفه ترک ایدیلهسی قابل دکدر . بونی منتظم بر اصول دائرمنده تشکیلات آلتنه آلمق مکتبه ترتب ایدر . بر شعور اجتماعییه داخل اولان ، چوق کره متضاد ، بودورلو دورلو قاریشیق حالتلرک هیئت عمومیهسی آراسندن منور بر مفکرهک ضروری راصطفا اجرا ایتهسنه لزوم وارددر . اومنور مفکره تأثیرینی اک اساسلی ، حیاتی اولان شیه توجیه ایتدیر . ایکنجی درجهده اولان شیرلی ایه اهل ایتک ، قصورلری قارا کلقد طومتق ، مزیتلری

بارز بر موقعه چیقارمق لازمدر . بو ، معامك رولیدر . بوغایه وصول واسطه سنی ده تاریخ تدریساتی تأمین ایده جکدر .

فی الحقیقه ، چو جوقلره جماعتجه مشترک حیات روحی تلقین ایچون اونک یالکزر مجرد برتحلیلی بایق هیچ برایشه یاراماز . چو جوقلری بوروح ایله تماسه کتیرمک اقتضا ایدر . برقومک تاریخی ایسه اوقومک زمان ایچنده انکشاف ایدن قابلیت ودهاسندن عبارت دکلدده ندر ؟ طابهلرک کوزی اوکندده مملکتلرینک تاریخی یاشاتمقله طلبهلرده عینی زمانده جماعتجه مشترک شعورک صمیمیتده ادخال ایدیلور واوراده یاشاتیلور دیمکدر . ر آدمی آنجق بوتون حیاتجه کندیسيله مناسبتده بولونق صورتيله طایفه موفق اولمایورمی یز ؟ بو نقطه نظرندن ، بر تاریخ درسی بر علم اشیا درسیدر . یالکزر ، ملی سحیه مزک اوصافی تاریخی وقعه لرده مکنوز اولدقلری جهته ، معلم اونلری وبالخاصه ، میدان بدهاته چیقارلغه لایق اولانلری استخراجه جالیشمایه جق اولورسه چو جوق بو اوصافی کوره مز ، حس ایده مز . برکده ده سویلورم ، فرانسیز روح ومفکره سی حقنده بردرس سلسله سی ویرمه که حاجت یوقدر ، ساده جه بونک نهدن عبارت اولدیغنی بیلیمک و بوروح ، وقعه لرک انسجندن کندیسینی بللی ایده جک صورتده ، تدریساتی اداره ایله مک کافیدر .

بویله بر تدریسات ، بالطبع ، مملک راستکله یورومه مسنی ، فرانسیز روح ومفکره سی حقنده کندنجه تقرر اینمش معین فکترلره مالک بولونماسنی تضمن وایجاب ایدر . فی الحقیقه آنجق بو شرط ایله درکه یابدینی تأثیر شورایه ورایه داغیلماهرق بالعکس کوزلجه معین برقاج نقطه اوزرنده طوبلانیر . ملی سحیه مزک باشلیجه اوصافی بویله بردرس صوکنده تعیین ایده بیلیمک غیرقابلدر . فقط بومیانده هیچ دکلسه بردانه سی واردرکه اونک اوزرنده اصرار ایتمک ایسترم . چونکه فکرجه ، لوحه نک مرکز نقطه سنی بوتشکیل ایدر . دیکرلری طبیعی صورتده کلوب اونک اطرافنده اخذ موقع ایده جکدر . بوده بوتون تلقیاتمزدده ، مفهوملرمزدده ، بوتون محصولات فکریه مزدده برجهان شمولجلیق universaliste و بناء علیه بر قوزومو پولیتلاک تمایلی در . فی الحقیقه ، صوگ درسده بحث ایتدیکم وفرانسیز مفکره سنک کوکنده موجود اولدیغنی سویله دیکم اوده قارتجی وهندسی فکر وروحک اوصاف ممیزه سندن بری بودر . بزم بسیط پرستلکمز عقلجیلغه قارشو صوسزلغمز اشیاپی ، مالک اولدقلری پک فردی ومشخص شیلردن تجرید ایتمکه واونلری الک عمومی و الک مجرد شکلری آلتنده

ذهنم زده تصور ایله مکه بزی سوق ایدر . حالبوکه ، بو قبیل مفهوم لر ، عمومی اولدقلری ، کندیلرینه خصوصیت ویرن شیرک کافه سندن عاری بولوندقلری ایچوندرکه بوتون انسان ذکالری کلوب اولنرده یکدیگرینه اشتراک ایدیلیرلر . بوندن دولاییدرکه بزم ، بوتون بشریت حسابنه دوشوندیکمز سویلنمشدر . بر تشکیلات اساسیه یامیه قالدیغمز وقت ، ونی صرف کندمز ایچون وجوده کتیرمکه چالیشوبده یالکیز مملکتیمزک بولوندیغی شرائط خصوصیه توفیق ایتیه باقاز . بوتون بشریتک ایشنه یاراماسنی ایسترز . ایشته ، بوتون نوع بنی بشر ایچون معتبر برطام حقوقه دائر بیاسنامه لر ترتیبی بوندن ایلری کلیر . بوحرکتیمز کویا تاریخی دنیلن بر اصول نامه ، پک چوق مؤاخذه ایدیلشدر . بویده بزم سجه مزه پک صبقی صورته کیرمش اولیه برطرز تلقی واردرکه لسانمز بیله اونک ایزلری طاشیر . لسانمز اساس اعتباریه تحلیلی اولدیغی ایچون بوطرز افاده لری افاده غایت قابلیتیدر . انکشاف قوتی اوزون مدت بو خاصه سندن آلمشدر . شبهه سزکه ، کوستردیکم وجهه ، پک فضله برمدت صاپلانوب قالمش اولدیغمز بوهندسی بسیط پرستک صفحه سنی آتلاماز شایان تمیدر ، الزم و ضروریدر . یالکیز ، اشیایی غیرشخصی شکلری آلتنده دوشونمک میلانی محافظه ایله برابر بونی یایمق قابلدیر . ذاتاً فکر علمینک اساسی ده بودر . عمومی و قابل ادراک مفهوم لر آرامقده دوام ایله برار آرتق صوگ درجه ده بسیط مفهوم لرله اکتفا ایتمه مک یولنی اوکرده ییلیرز . علمی صورته دوشونمک ، دائماً معین و تعریف ایدیلش مفهوم لر امانه سیله دوشونمک دیمکدر . شبهه سزکه ، کوستردیکم وجهه ، الابدائی مفهوم لریک ال اویره کتیف مفهوم لر اولمادقلری حس ایدیه جک حاله کله مز لازمدر . شأنیته ، بالعکس ، نامتناهی درجه ده مرک و کرفتدر . بناء علیه ، شأنیته آنجق آغیر آغیر ، زحمتی ، آیری آیری مفهوم لردن مرک برسیستم امانه سیله افاده ایتمه مک موفق اولاییلیرز . حق نه یاپسه ق ، هیچ بر زمان ، شأنیته ناتمام بر صورتده افاده ایتمکدن قورتولامیه جفعمز . فقط فکر لر آراسنده کی فرقی تأسیس ایتمکدن ، فکر لری تعییندن وازچکمک ، عقلمزی استعمالدن صرف نظر ایتمک ، تصوفه کنندیمزی قایدیرمق اولور . بویه برشی هیچ موضوع بحث اولاماز . برکره دها سویلبورم ، بزم قصورمز واضح فکر لر پیدا ایتمه کنی اشیایی عقلیشد برمکه چالیشمقده دکدر . عقلجیلک پک ابتدائی ، پک فضله بسیط برشکننه ، پک قولای بر عقلجیلغه اوزون مدت صاپلانوب قالمش اولمازده در . بناء علیه ، اشیاده بولونان مشخصلق و کرفتک حقنده بر آزدها جانی برحس پیدا ایتمه محتاجز . عینی زمانده ، ملی مزاحمک پک اساسی برتمایلنده کی ایی جهتی ده هیچ غائب ایتمه کلز .

جماعتجه مشترك بوصفحهسى حقنده اصرار ايديشم ، شعور مليمىزك شعور بشرى ايله برلشديكى نقطه بوراسى اولديغندندر . وطنپرورلك ايله قوزموپوليتلك ايشته بونقطهده يكدىكرله قاريشيورلر . اك بويوك شرف مليمىز ، هرشيدن زياته عطف اهميت ايتمهز ايجاب ايدن شان وشرف ، بوتون دنياه نشر ايتديكمىز اوانسانى فكرلردن متولد دكليدر ؟ مع مافيه ، قوزموپوليتلكى فرانسه فكر وروحنك بروصفى عد ايتمكه بوتون اقوام آراسنده بونك بزم ايجون برانحصار وامتياز تشكىل ايتديكى اداسنه قيام ايتمه بورم . حه نكه ، بزم قوزموپوليتلكىمىزكده خصوصى ، وعادتا مى اوصافى واردر ، سائرلرينه آچيق ميدان براقفدهدر . اونى تميز ايدن شى فكرجيلكيدر . بز ، افعال واعمالدن زياته فكر جهتنده جهان شمولجى يز . بشريت اوغورنده حر كاتده بولونمقدن زياته بشريت ايجون دوشونورز . فى الحقيقه ، اومفرط وطنپرورلكىمىزدن ، شووينستلىكمىزدن دولايى چوق كره بزى حقى اولارق مؤاخذه ايتمشلردر . ايضاحى پك قابل اولان بوضد وصف دولاييسيله ، اخلاقى ، سياسى تلقياتمزده هر دورلو مى فرقلىرى برطرف ايتديكمىز حالده عبنى زمانده صوك درجهده موسوس برجماعت عزت نفسى كوستريز ، اجنبى فكرلره وبالذات اجنبيلره قارشى كندىمىزى قاپارز ، حيات داخليله مزه اونلر پك مشكلانله نفوذ ايدرلر . خارجك حياتنه قاريشمق لزومى هر حالده صوك زمانلره كلنجيه قدر پك آاز حس ايتمشلردر . بوفكرى قوزموپوليتلكك ياخود منورلرك قوزموپوليتلكىنك يانى صيرا ديمك ، كه اونى اتمام ايدىمك باشقه قوزموپوليتلكىمىزده بولوناييلير . مثلا ، بر اقتصادى قوزموپوليتلك قابلدلر . دها آاز شخصى ، دها آاز علمى ، ممالك اجنبيه انسانلرينه وشيلرينه قارشى دها حسن قبول اثرى كوستريز بر قوزموپوليتلكده واردر . حاصلى ، هر ملت ، بشرى مفكوره يى كنديسنه كوره تصور ايدر . بومفكوره لر ايجنده ديكرلرينه تفوق و قلمالى ايدىمىزده جك برى يوقدر . هر برى برهيئت اجتماعيه نك مزاجنه تقابل وتوافق ايلر . بناء عليه ، بزم مفكوره مزى سوديرمك ايجون اوندن باشقه ايسى يوقش كې مدح ايتمكه قاقمق بى لزومدر . منور بر آدم ابوينك وجو قو قلىنك ، ذكا و اخلاق خصوصنده سائر هر كسك فوقنده اولدقلىر نه احتمال ويرمه دنده حائله سنى سوه بيبير . آكلاتماسى لازم كلن شى ، بشريتك خير عموميسنه بزم حصه اشتراكىز بوندن عبارت اولدينى كيفيتيدر . ايجاب ايدرسه بونده بالضروره نا تمام اولان جهتلرى ده كوسترمكدن قورقما ليدر .

چوروم — كانون ثانى ، ۱۹۲۶

فهرس

صيفه

۱ اخطار

مدرسل

۱ برنجی درس . لایک اخلاق

برنجی قسم

امروقليلفك عنصری

- ۱۷ ایکنجی درس . اخلاقليفلک ايلك عنصری : انضباط فکری
- ۳۳ اوچنجی درس . انضباط فکری (مابعد)
- ۴۷ دردنجی درس . انضباط فکری (صوك) - اخلاقليفلک ایکنجی عنصری : اجتماعی زمره له مربوطیت
- ۶۲ بشنجی درس . اخلاقليفلک ایکنجی عنصری (مابعد)
- ۷۶ آلتنجی درس . اخلاقليفلک ایکنجی عنصری (صوك)
- ۹۰ یدنجی درس . اخلاقليفلک ايلك ایکی عنصری حقیقه واصل اولدیغوز نتیجه لر - اوچنجی عنصر : اراده نك مختاری
- ۱۰۵ سکزنجی درس . اخلاقليفلک اوچنجی عنصری (صوك)

ایکنجی قسم

میرمورقه امروقليلفك عنصرلرینی ناصل وهرده کتیرمدی

۱ - انضباط فکری

- ۱۲۱ دو قوزنجی درس : انضباط و چوجو غك پسیقولوژیسی
- ۱۳۷ اونجی درس . مکتب انضباطی
- ۱۵۱ اون برنجی درس . مکتب جزالری
- ۱۶۷ اون ایکنجی درس . مکتب حزالری (مابعد)
- ۱۸۳ اون اوچنجی درس . مکتب حزالری (صوك) مکاتفر

۲ - اجتماعی زمره له مربوطیت

- ۱۹۹ اون دردنجی درس . چوجو قده حب غیر
- ۲۱۵ اون بشنجی درس . مکتب محیطانك نفوذ و تأثیری
- ۲۲۹ اون آلتنجی درس . مکتب محیطی (صوك) علملرک تدریسی
- ۲۴۳ اون یدنجی درس . علملرک تدریسانی (صوك)
- ۲۵۷ اون سکزنجی درس . بدیی تهذیب - تاریخی تدریسات